

ЎЗБЕКИСТОН ССР ОЛИЙ ВА ЎРТА МАХСУС
ТАЪЛИМ МИНИСТРЛИГИ

АЛИШЕР НАВОЙ НОМИДАГИ САМАРҚАНД
ДАВЛАТ УНИВЕРСИТЕТИ

Р. ҚҮНФУРОВ

ЎЗБЕК ТИЛИДА
ТАСВИРИЙ СЎЗЛАР

ЎЗБЕКИСТОН ССР „ФАН“ НАҶРИЁТИ
ТОШКЕНТ - 1966

Ушбу монография ўзбек тилшунослигининг кам ўрганилган масалаларидан бири—тасвирий сўзларга бағишиланган. Ишда тасвирий сўзларнинг маъноси ва грамматик хусусиятлари, тасвирий сўзларнинг вужудга келиши йўллари, улардан бошқа сўз ясалиши каби масалалар бой фактик материалда атрофлича тасвиrlаб берилади.

Проблеманинг илмий асосда ижодий ёритилиши, кўпгина масалаларда янги, оригинал фикрлар берилиши ишнинг қимматини оширади.

Монография тилшуносларга, олий ва ўрта мактаб ўқитувчиларига, ўзбек тили масалалари билан қизиқувчи барча кишиларга мўлжалланган.

Масъул муҳаррир филология
фанлари доктори А. Ф. ФУЛОМОВ.

СЎЗ БОШИ

Совет Иттифоқи Коммунистик партиясининг раҳбарлигига илғор совет фани кун сайн гуллаб-яшнамоқда. КПСС XXIII съездиде совет олимлари олдига фан ва техниканинг барча асосий тармоқлари бўйича дунёда олдинги позицияларни әгаллашни асосий вазифа қилиб қўйди.

Кейинги йилларда тилшунос олимлар ҳам фаннинг бу соҳа сида катта-катта ютуқларни қўлга киритдилар. Лекин шунга қарамасдан, тилшуносликнинг турли соҳалари бўйича ҳал қилиниши зарур бўлган проблемалар ҳали ҳам оз эмас.

Совет тилшунослигининг ажралмас таркибий қисми бўлган ўзбек тилшунослигига тасвирий сўзларни ўрганиш проблемаси ҳам олимлар диққат-эътиборидан четда қолиб келди.

Бундан ташқари, умумтилшуносликда бўлгани каби, ўзбек тилшунослигига ҳам тасвирий сўзлар тўғрисида чалкашликлар, ҳар хилликлар давом этиб келмоқда. Бу ҳол эса, ўзбек тилининг илмий грамматикасини яратишга маълум даражада тўсиқ бўлиб қолмоқда.

Биз бу ишимизда ҳозирги замон тилшунослигининг ютуқларига асосланган ҳолда тасвирий сўзларнинг лексик, семантический, фонетик ва грамматик хусусиятларини, иложи борича, тўлароқ ёритишга ҳаракат қиласиз.

Ишнинг қўллөзмасини ўқиб, ўзларининг қимматли маслаҳатлари билан ёрдам берган проф. У. Т. Турсуновга, Тошкент Давлат университети ўзбек тилшунослиги кафедрасининг мудири проф. А. Ф. Гуломовга, шу кафедра доценти Ш. У. Раҳматуллаевга, Ўзбекистон Фанлар академияси ҳозирги замон ўзбек тили сектори илмий ҳодимларига автор ўзининг самимий миннатдорчилигини билдиради.

ШАРТЛИ ҚИСҚАРТМАЛАР

- Қ. қон — „Қутлуғ қон“.
Қ. қораймас — „Қуёш қораймас“.
О. в. ш. — „Олтин водийдан шабадалар“.
Н. қ. — „Нур қидириб“.
Ф. т. о. — „Фарғона тонг отгунча“.
О. ш. — „Оқсой шалолалари“.
Қ. ч. — „Қўшчинор чироқлари“.
Т. а. — Танланган асарлар.
М. и. — „Майсараппинг иши“.
Я. и. — „Яллачилар иши“.
И. б. — „Ишчи бобо“.
Б. и. х. — „Бой ила хизматчи“.
Ҳ. ҳ. о. — „Хой-хой отамиз“.
Ч. м. — „Чин муҳаббат“.
И. м. — „Икки муҳаббат“.
И. т. — „Инсон тақдири“.
Ш. ва э. — „Шеър ва эртаклар“.
Ў. я. — „Ўрмондаги ялангликлар“.
Б. к. — „Бўрондан кучли“.
К. қ. — „Кашмир қўшиқлари“.
А. т. к., а. д. — „Айтсам тилим куяди, айтмасам—дилим“.
У. и. — „Уч илдиз“.
О. с. — „Опа-сингиллар“.
Қ. и. — „Қаҳрамон изидан“.
Ю. я. к. — „Юрагимга яқин кишилар“.
Ш. и. — „Шинеллийиллар“.
Б. п. в. у. х. б. ҳ. э. — „Вир поп ва унинг хизматкори балда ҳақида
эртак“.
Қ. ва ш. — „Қишиш ва шоирлар“.
Т. т. — „Тугасин тақъя“.
Т. й. — „Турксигб йўлларида“.
А. ё. б. э. а. — „Аҳмад ёмон бола әмаску, аммо . . .“.
Ҳ. а. р. — „Ҳажви аҳли раста“.
З. к. — „Замона кимники“.
Д. қ. — „Дадиг қадам“.
Ў. г. — „Ўрик гуллаганд“.
Ў. т. — „Ўрдак ва Турғун“.
Е. м. р. а. — „Етар май, рубоний ва анекдот“.
И. ә. „Икки эртак“.
Ҳ. м. — „Ҳаёт мактаби“.
Я. қ. — „Янги қадам“.

ТАСВИРИЙ СҮЗЛАРНИНГ ЎРГАНИЛИШ ТАРИХИДАН

XX асрнинг йигирманчи йилларига қадар туркологияда тасвирий сўзларни ўрганишга бағишиланган маҳсус ишлар майдонга келмади дейиш мумкин. Турк тиллари бўйича А. Казембек¹, П. М. Мелиоранский², М. Терентьев³, В. А. Гордлевский ларнинг⁴ грамматикаларида тасвирий сўзлар тилга ҳам олинмайди. Бошқа баъзи грамматикаларда эса тасвирий сўзлар ундовларнинг бир тури әканлигини эслатиш билан чегараланилади⁵.

Туркий тиллар бўйича ёзилган грамматикаларнинг (биз асосан, Совет Иттифоқи территориясида яшовчи туркий халқларнинг тилларини назарда тутамиз) авторларидан С. В. Ястребский⁶ тасвирий сўзларга биринчи бўлиб аҳамият берди. Бундан ташқари, таниқли турколог олимларнинг лексикографик⁷ ҳамда турк тилларнинг уёки бу масаласига бағишилан-

¹ А. Казембек. Общая грамматика турецко-татарского языка, Казань, 1846.

² П. М. Мелиоранский. Краткая грамматика казак-киргизского языка, ч. I, СПб., 1894.

³ М. Терентьев. Грамматика турецкая, персидская, киргизская и узбекская, СПб., 1875.

⁴ В. А. Гордлевский. Грамматика турецкого языка, М., 1928.

⁵ „Грамматика алтайского языка“, составленная членами алтайской миссии, Казань, 1869; „Грамматика киргизского языка“, Изд-во Православного миссионерского общества, Оренбург, 1896; Г. Архангельский. Грамматика казахского языка, Ташкент, 1928. И. А. Батманов. Грамматика киргизского языка, вып. II, Фрунзе, 1940.

⁶ С. В. Ястребский. Грамматика якутского языка, изд. 1-е, Иркутск, 1900; изд. 2-е, Якутск, 1938.

⁷ Л. Будагов. Сравнительный словарь турецко-татарских наречий, СПб., 1869; В. В. Радлов. Опыт словаря тюркских наречий, том I—IV, 1893—1911; Э. К. Пекарский. Словарь якутского языка, СПб., том I—VII, 1907—1930; Т. Е. Сосин. Словарь образных, звукоподражательных и парных слов, 1937 (қўллэзма, СССР Фанлар академиясининг ёқут қўллэзмалар фондидаги сақланади); К. К. Юдахин. Узбекско-русский словарь, Ташкент, 1927; Киргизско-русский словарь, М., 1940.

ган асарларида ҳам баъзан тасвирий сўзлар тўғрисида йўл-йўлакай, лекин жуда қимматли фикрлар баён қилинган⁸. А. Н. Кононов таъбири билан айтганда, Н. И. Ашмарин тасвирий сўзларни ўрганувчиларнинг пионеридир⁹.

Н. И. Ашмарин туркологиянинг бу соҳасида кузатиш ишларини бошлаб берди ва бу масалага багишлаб қатор илмий асарлар яратди¹⁰.

Н. И. Ашмарин Волга бўйи туркий халқлар тилларидағи тасвирий сўзларни беш катта семантик группага ажратади: товушга тақлид, ҳаракат ва ёруғлик ҳодисаларига тақлид, киши организмида пайдо бўладиган товуш характеристига эга бўлмаган ҳодисаларга тақлид, болалар сўзларига тақлид каби.

Унинг асарларида тасвирий сўзлар генетикаси, бир товшуга турли тилда, ҳатто, бир тилнинг турли диалектларида турли формада тақлид қилиш ва унинг сабаблари кўп ҳолларда тўғри талқин қилинади. Н. И. Ашмариннинг „Чуваш тилида тақлиднинг морфологик категориялари ҳақида“ („О морфологических категориях подражаний в чувашском языке“) асари унинг тасвирий сўзлар устида кўп йиллик кузатиш ишларининг натижаси сифатида майдонга келди. Автор бу асарида биргина чуваш тилидаги тасвирий сўзларнинг анализини бериш билан чегараланмайди. У чуваш тилидаги тасвирий сўзларнинг 115 морфологик группасини анализ қиласр экан, уларни бошқа туркий тиллар материаллари билан чоғишириб, у тиллардаги тасвирий сўзларнинг ўхшащ формаларини кўрсатади. Шу билан бирга, тасвирий сўзларнинг структураси, уларнинг баъзи фонетик хусусиятлари, структура элементлари ҳамда тасвирий сўзлар системаидаги метафора ҳодисалари ҳақида ҳам гапиради. Бу асар чуваш тилидаги тасвирий сўзлар бўйича тўплланган катта, қимматли материал сифатида баҳоланичи мумкин.

Н. И. Ашмариннинг тасвирий сўзларга доир асарларида тилнинг келиб чиқишини тақлидий сўзларга олиб бориб боғ-

⁸ Г. И. Рамstedt. Введение в алтайское языкознание, М., Изд-во иностранной литературы, 1957; Р. А. Аганин. Повторы и однородные парные сочетания в современном турецком языке, М., 1959; С. Е. Малов. Уйгурский язык, Изд-во АН СССР, 1954; П. М. Мелиоранский. Араб филолог о турецком языке, СПб., 1900; Е. И. Убрятова. Парные слова в якутском языке, „Язык и мышление“, XI, М.—Л., Изд-во АН СССР, 1948, стр. 297—328.

⁹ А. Н. Кононов. Грамматика современного турецкого литературного языка, М.—Л., 1956, стр. 371.

¹⁰ Н. И. Ашмарин. Основы чувашской мимологии, Казань, 1918, стр. 1; Подражания в языках Среднего Поволжья, Изв. Азерб. госуниверситета им. В. И. Ленина, том 1, 2, 3, 4, Баку, 1925; О морфологических категориях подражаний в чувашском языке, Казань, 1928.

лаш тенденцияси кўзга ташланади. Масалан, авторнинг чуваш тилида тасвирий сўзларнинг морфологиясига бағишиланган асарининг алифбесида (агар шундай дейиш мумкин бўлса) қўйидагиларни ўқиймиз: „Проявляя живейший интерес к делу научного исследования наречий тюркского корня, дали мне возможность опубликовать... эту работу, которая по моему мнению, может представить ученому миру некоторый новый подготовительный материал для разрешения вопроса о первобытном состоянии тюркской речи”¹¹.

Унинг фикрича, тил бошлигич даврларда фақат мимемалардан ташкил топган бўлиб, кейинги даврлардагина ундан нутқнинг артикуляциялашгани товушлари келиб чиқсан. Мимемалардан нутқ товушлари пайдо бўлгунча тил нутқ товушларини ва бошлигич сўзларни танлаш ва тўплаш даврини бошидан кечирган эмиш.

Н. И. Ашмарин ҳозирги кўпгина нарсаларнинг номи тақлид билан боғлиқ эканлигини аниқлай олмаслигимизнинг сабаби биз ўша нарсаларнинг доимий номига айланиб кетган мимемаларнинг чиқиб келиши учун ўша нарсанинг қайси хусусияти сабаб бўлганлигини билмаслигимиздир, деб кўрсатади. Шунинг учун у тирик ва жонсиз табиатнинг тақлидий сўзларда аксини топа оладиган ҳодисаларини қунт билан ўрганишни таъкидлаш билан бирга, тилнинг келиб чиқишини, унинг праобразларини топиш учун мимикаларни, жестларни, тана-гавда ҳаракатларини ва улар билан боғланган табиий товушларни, қушлар ҳамда ҳайвонлар тилини ўрганиш ва уларни ҳозирги тил билан чоғишириш кераклиги ҳақида гапиради¹². Худди шундай фикрлар Н. И. Ашмариннинг туркололгар биринчи Бўтуниттифоқ съездидаги сўзлаган нутқида¹³ ва бошқа асарларида ҳам илгари сурилади.¹⁴ Лекин автор юқоридаги асарларнинг ҳаммасида тасвирий сўзларни ундовлар категориясига киритади.

¹¹ Н. И. Ашмарин. О морфологических категориях подражаний в чuvашском языке, Казань, 1928, стр. 1.

¹² Ўша асар, 140-бет.

¹³ Первый турколологический съезд, стенографический отчет, Баку, 1926, стр 146. (Н. И. Ашмарин нутқи, 146-бет).

¹⁴ Н. И. Ашмарин. Немецкое „Schlange“ в свете урало-алтайских подражательных слов, Восточный педагогический институт в Казани, научно-педагогический сборник, IV, Казань, 1928; К вопросу о происхождении названия свинца, ВПИ в Казани, научно-педагогический сборник, V, Казань, 1930. (Унинг фикрича, немис тилидаги „Schlange“ (илон) ва латин тилидаги „Plumbum“ (кўрошин) каби сўзларнинг ўзаги тақлидга боғланади).

Хуллас, Н. И. Ашмариннинг тилнинг келиб чиқиши түғрисидаги назарияси уни товушга тақлид назариячиларига яқинлаштириб қўяди.

Мъалумки, товушга тақлид назариясига қарши чиқувчилар (масалан, Есперсен) ўз даврларидаёқ у назарияни кулгили равишда „вау-вау“ назарияси деб атаган эдилар. Ф. Ф. Фортунатов тилнинг келиб чиқиши түғрисидаги товушга тақлид назариясининг нотўғрилиги түғрисида: „... точно так же и по отношению к эпохе первого образования человеческого языка мы не имеем никакого основания думать, будто первые слова в языке были именно слова звукоподражательные“¹⁵ деб ёзган эди.

Н. И. Ашмариннинг замондоши, туркологияда энг кўзга кўринган олимлардан бири бўлган Н. К. Дмитриев ҳам туркий тиллардаги тасвирий сўзларни ўрганишга бағищлаб бир неча асарлар яратди. Унинг „Beitrage ...“ ва „Skizze ...“¹⁶ асарлари усмонли турк ва жанубий туркий халқлар тилларидаги тасвирий сўзларни ўрганишга бағищланади. Бу асарларида Н. К. Дмитриев турк тилларидаги тасвирий сўзлардинг фонетик, морфологик хусусиятлари түғрисида гапириш билан бирга, Н. И. Ашмариннинг тасвирий сўзлар түғрисидаги баъзи бир фикрларини танқид ҳам қиласди. „Кўмиқ тилининг грамматикаси“ („Грамматика кумыкского языка“)¹⁷ асарида Н. К. Дмитриев ҳам тасвирий сўзларни ўндовларнинг бир тури сифатида талқин қиласди. У „Бошқирд тилидаги жуфт сўз бирикмалари“ („О парных словосочетаниях в башкирском языке“)¹⁸ асарида тасвирий сўзларнинг жуфтланиши ва такрорланишидаги баъзи хусусиятлар түғрисида гапирса“ *لُفْرَدِي* сўзининг этимологияси“ („Этимология слова“¹⁹ *لُفْرَدِي*“ номли мақоласида баъзи бир сўзларнинг этимологияси ҳақида гапириб, уларнинг тақлид билан алоқаси борлигини изоҳлайди. *Лайлак* сўзини—этимологик „лақирмоқ“ товушга тақлидий сўзидан келиб чиққанлигини таъкидлайди.

¹⁵ Ф. Ф. Фортунатов. Сравнительное языкознание, „Хрестоматия по истории языкознания XIX—XX веков“, М., 1956, стр. 204.

¹⁶ Н. К. Дмитриев. (N. K. Dmitriev) Beitrage zur Osmanischen Mimologie, Wiener Zeitschrift, f. d. Kunde des Morgenlandes, Bd. XXXIV, 1927, Heft 1—2, 105—123-bet, Heft 3—4, 271—285. b) Skizze der südtürkischen Mimologie, Wiener Zeitschrift, f. d. Kunde des Morgenlandes, Bd. XXXVI, 1929, Heft 1—2, 18—47-betlar.

¹⁷ Н. К. Дмитриев. Грамматика кумыкского языка, М.—Л; Изд-во АН СССР, 1940, стр. 48—50.

¹⁸ Н. К. Дмитриев. О парных словосочетаниях в башкирском языке, изв. АН СССР, отд. гуманитарных наук, Л., 1930, стр. 501—522.

¹⁹ Н. К. Дмитриев. Этимология слова „лақирди“ „Доклады АН СССР сентябрь—октябрь, Л., 1926.

Н. А. Басқаков²⁰ тасвирий сўзлар ва ундовларни, уларнинг баъзи бир фарқларига қарамасдан, ҳам семантик, ҳам форма жиҳатдан бир категорияга бирлаштириш керак, деб ҳисоблайди. У тасвирий сўзларни семантик томондан товушга тақлид сўзлар ва образга тақлид сўзлар деб иккига бўлади ҳамда уларга хос хусусиятларни алоҳида-алоҳида кўрсатади. Н. А. Басқаков тасвирий сўзларнинг ясалиши ҳамда уларнинг грамматик-функционал хусусиятларига кўпроқ аҳамият беради.

Л. Н. Харитонов ёқут тилидаги ҳамма сўзларни грамматик нуқтаи назардан, уч группага (отлар, феъллар, ўзгармайдиган сўзлар) ажратади²¹. Тасвирий сўзлар ана шу учинчи—ўзгармайдиган сўзлар группаси ичida ўрганилади.

Л. Н. Харитонов „Ёқут тилидаги ўзгармайдиган сўзлар“ („Неизменяемые слова в якутском языке“)²² асарида тасвирий сўзларни товушга тақлид сўзлар ва образли сўзлар деб иккига ажратгач, уларни ундовлардан алоҳида группа сифатида қаралишини кўрсатади. Бу асарда ёқут тили тасвирий сўзларининг маъноси, қурилиши, қўлланиши, уларнинг стилистик аҳамияти ҳақида ҳам фикр юритилади. „Хозирги ёқут тили“ („Современный якутский язык“) асарида эса у туркологияда биринчи бўлиб тасвирий сўзларни алоҳида сўз туркуми сифатида ажратади. Бу асарда автор тасвирий сўзлар бошлангич ҳолатда ҳеч қандай аффикс қабул қиласлигини, аммо айрим фарқловчи элементлар (отличители) қўшилиши билан уларнинг структурасида ўзгариш юз бериши ҳақида гапиради.

Ёқут тилидаги тасвирий сўзларни ўрганишда, айниқса, Л. Н. Харитоновнинг „Ёқут тилидаги феъл ўзагининг типлари“ („Типы глагольной основы в якутском языке“)²³ асари диккатга сазовордир. Бу асарда у ёқут тилидаги феълларни ҳаракат-ҳолат, товушга тақлид ва образли феъллар деб учга бўлади. У тасвирий сўзлардан ясалган феъллар тўғрисида ҳам кенг маълумот беради. Профессор Л. Н. Харитоновнинг 1956 йил Олмаетада туркий тиллардаги феълнинг вид категорияси ва эргаш гапли қўшма гаплар проблемаларига бағишланган координацион кенгашда сўз-

²⁰ Н. А. Басқаков. Каракалпакский язык, II, фонетика и морфология, часть первая, М., Изд-во АН СССР, 1954, стр. 239—259.

²¹ Л. Н. Харитонов. Современный якутский язык, Якутск, 1947, стр. 43.

²² Л. Н. Харитонов. Неизменяемые слова в якутском языке, Изд-во ЯАССР, Якутск, 1943, стр. 56—69.

²³ Л. Н. Харитонов. Типы глагольной основы в якутском языке, М.—Л., Изд-во АН СССР, 1954.

лаган нутқида тақлид ва образли феълларнинг вид маъносини англатишдаги хусусиятлари кўрсатилади²⁴.

А. Н. Кононов „Ўзбек тили грамматикаси“ („Грамматика узбекского языка“)²⁵ асарида тасвирий сўзларни ундовларнинг бир кўриниши деб кўрсатса, 1956 йил нашр қилинган „Ҳозирги турк адабий тилининг грамматикаси“ („Грамматика современного турецкого литературного языка“)²⁶ асарида уларни алоҳида сўз туркуми қилиб ажратади.

Демак, А. Н. Кононов олдинги асарларида тасвирий сўзларни ундовларнинг бир тури сифатида кўрсатса ҳам, 1956 йили уларни мустақил сўз туркуми қилиб ажратиш керак, деган хуносага келди. Шунинг учун С. Кудайбергановнинг ундовлар ва тасвирий сўзлар, Кононовча, сўз туркуми ҳисобланмайди²⁷ деган фикрига қўшилиб бўлмайди.

А. Н. Кононов ўзбек тилида тақлид сўзларнинг тарсилтарсил, вовул-вовул, пўнгул-пўнгул²⁸ каби формалари ҳақида ҳам гапирадики, бу албатта, шубҳадан холи эмас. Автор вовул, пўнгул, тарсил каби тақлид сўз формалари вов, пўнг, тарс ўзакларига -ил элементининг қўшилиши асосида пайдо бўлганлигини түғри кўрсатади. Лекин бу негизлар ўзбек тилида мустақил қўлланмайди. Улар ёки вов-вов, тарс-тарс, пўнг каби бошланғич ҳолатда ёки вовулла, тарсилла, пўнгир-пўнғир, пўнфилла каби формаларда ишлатилади.

А. Исҳоқов „Қозоқ тилидаги тақлидий сўзлар“ („Подражательные слова в казахском языке“)²⁹ номли мақоласида тасвирий сўзларнинг лексик ва грамматик хусусиятларини ҳисобга олиб, уларни алоҳида сўз туркуми қилиб ажратиш керак деган фикрни илгари суради. У қозоқ тилида сўз туркумларини классификация қилишга бағишлиланган асарида ҳам шу фикрни таъкидлайди³⁰. Аммо А. Исҳоқов товушга тақлид сўзлар „обозначают названия слуховых впечатлений, . . . образные слова обозначают названия (разрядка

²⁴ Л. Н. Харитонов. Выступление на коорд. совещании по проблемам глагольного вида, 24—27 сентября, Алма-Ата, 1956.

²⁵ А. Н. Кононов. Грамматика узбекского языка, Ташкент, 1948.

²⁶ А. Н. Кононов. Грамматика современного турецкого литературного языка, М.—Л., Изд-во АН СССР, 1956.

²⁷ С. Кудайберганов. Подражательные слова в киргизском языке, Фрунзе, Киргизчупедзи, 1957, стр. 6.

²⁸ А. Н. Кононов. Грамматика узбекского языка, Ташкент, 1948, стр. 136.

²⁹ А. Искаков. Подражательные слова в казахском языке, Туркологический сборник, М.—Л., 1951, I, стр. 103—111.

³⁰ А. Искаков. О классификации частей речи в казахском языке, сб. „Вопросы изучения языков народов Средней Азии и Казахстана . . .“, Ташкент, 1952, стр. 123—130.

баён қиласы. Аммо унинг бу асаридаги баъзи ўринларга қўшилиб бўлмайди.

Масалан, С. Кудайберганов фикрича, образли сўзлар составида фақат ёруглик образини кўрсатувчи сўзларгина ўзак ва структура элементига бўлина олади³⁶. Унинг ўзи шу асарининг бошқа ўринларида эса ёруглик эмас, балки ҳаратка ва ҳолатни кўрсатувчи тасвирий сўзларнинг ҳам структура элементи ва туб элементларга бўлинишини тасдиқлайди.

Ишнинг 31-бетида тасвирий сўзларнинг жуфт ва такрорий формалари гапда фақат равиш ҳоли бўлиб кела олади дейилади. Аммо фактлар эса бу сўзлар гапнинг бошқа бўлаклари вазифасида ҳам кела олишини тасдиқлайди.

Кўп ўринларда тақлидий ўзакдан ясалган бошқа сўзлар (масалан, феъллар) ҳеч қандай изоҳ берилмасдан тақлид сўзлар каби талқин қилинади³⁷.

Ишнинг 46-бетида **қый-гак, сур-гу** (рубанка) каби отларнинг ўзаклари тақлид сўз деб кўрсатилади. Бизнингча, С. Кудайберганов бу сўзларнинг этимологияси масаласида Н. И. Ашмаринга анча яқинлашиб қолади. Тўғри, қирғиз тилида тақлид ўзак қий қўлланади. Аммо худди шу ўринда бу ўзак омонимик қиймоқ, кесмоқ маъносини англатувчи феъл бўлса керак. Сургу эса сурмоқ феълидан ясалган отdir. Шунингдек, у тақлид сўзларнинг ясалиши бобида сўз ясалиши билан сўз ўзгариши масаласини аралаشتриб юборган³⁸.

Б. М. Юнусалиев қирғиз тилида ўзак сўзларининг тарақ-қиётига бағишланган асарида³⁹ тасвирий сўзларга кўпроқ тарихий аспектда ёндашади. Б. М. Юнусалиевни тасвирий сўзларнинг келиб чиқиши, ўзгариши, негизнинг тараққиёти, маънолари, шу каби уларнинг морфологик ва семантик хусусиятлари кўпроқ қизиқтиради. Автор текширишлар натижасида тасвирий сўзлар ҳам от ва феъллар каби тилнинг қадимги элементларидандир, деган хуносага келади⁴⁰.

Б. М. Юнусалиевнинг фикрича, образли сўзлар товушга тақлид сўзларга нисбатан от ва феълларга яқин туради, товушга тақлид сўзлардан эса кескин фарқ қиласы. У образли сўзларни алоҳида категория сифатида қаралиши керак деб ҳисоблайди.

³⁶ Ўша асар, 27, 89, 93-бетлар.

³⁷ Ўша асар, 11, 33, 34, 35, 41, 42-бетлар.

³⁸ С. Кудайберганов, Юқорида кўрсатилган асар, 59-бет.

³⁹ Б. М. Юнусалиев. Киргизская лексикология, часть 1; (Развитие корневых слов), Фрунзе, Киргизучпедгиз, 1959, стр. 152—187.

⁴⁰ Ўша асар, 157-бет.

Туркман тилидаги тасвирий сўзларни ўрганиш ва кенг масштабда илмий ёритиш ёш олим М. Худойқулиев қала-мига мансубdir. Унинг бу масалага бағищлаб ёзган асарла-рида туркман тилидаги тасвирий сўзларнинг грамматик ху-сусиятлари ҳар томонлама ва тўла ёритилди дейиш мумкин⁴¹.

Усмонли турк (Н. К. Дмитриевнинг юқорида кўрсатилган иккни ишини мустасно қилганда), уйғур ва бошқа туркий тиллардаги тасвирий сўзлар тўғрисида маҳсус кузатиш ишлари олиб борилмаган. Улар ҳақидаги айrim фикрларни ўша тиллардаги жуфт ва такорий сўзлар тўғрисида ёзилган ай-рим ишлардагина кўрамиз⁴².

Туркий тиллар оиласига мансуб бўлмаган бошқа тилларда ҳам тасвирий сўзларни ўрганишга бағишиланган баъзи ишлар мавжуд. Лекин буларнинг ҳаммаси ҳам кейинги йиларнинг маҳсулидир.

Рус тилшунослигига Л. В. Шчерба товушга тақлид сўзларни ундовлар категориясига киритиш нотўғрилигини 1928 йилдаёқ айтган бўлса ҳам⁴³, бугунги кунгача кўрининг лингвистлар⁴⁴ ўзларининг асарларида А. Х. Востоковдан буён давом этиб келаётган традицияни қувватламоқдалар⁴⁵.

А. И. Германович ишлари рус тилшунослигига тасвирий сўзларни маҳсус ўрганишга бағишиланган илк ишлар сифатида майдонга келди.

⁴¹ М. Худайкулиев. Подражательные слова в туркменском языке, автореферат, Л., 1959; Подражательные слова в системе словопроизводства туркменского языка, „Труды ин-та Языка и литературы АН Туркменской ССР“, вып. II, Ашхабад, 1957, стр. 82—102; Семантические группы подражательных слов в туркменском языке, „Изв. АН Туркменской ССР“, Ашхабад, 1958, № 14; Синтаксические функции подражательных слов в предложении (на материале туркменского языка), „Изв. АН Туркменской ССР“, Ашхабад, 1958, № 6; Структурные типы подражательных слов и особенности этих типов, „Труды ИЯЛ АН Туркменской ССР“, вып. III, 1959, стр. 43—53; Подражательные слова в туркменском языке, Ашхабад, 1962.

⁴² А. Кайдаров. Парные слова в современном уйгурском языке, Алма-Ата, Изд-во АН КазССР, 1958, стр. 57—61.

⁴³ Л. В. Шчебра. Избранные работы по русскому языку, М., Учпедгиз, 1957, стр. 67.

⁴⁴ В. В. Виноградов. Современный русский язык, вып. II, М., Учпедгиз, 1938, стр. 580; В. А. Трофимов. Современный русский литературный язык, морфология, Изд-во ЛГУ, 1957; А. Н. Гоздев. Современный русский литературный язык, 1, М., Учпедгиз, 1958.

⁴⁵ А. Х. Востоков ундовларни уч турга бўлади: экспрессив ёки эмоционал, буюриш ёки хоҳиш, тасвирий ёки тақлидий ундовлар. Цитата В. Касаткиннинг „Смысл междуметий“ мақоласи бўйича олинди. „Ученые записки Томского господинститута“, том XI, Томск, 1954, стр. 139.

⁴⁶ А. И. Германович. Звукоподражание и звукоподражательные слова русского языка, „Изв. Крымского пединститута им. М. В. Фрунзе“, том XII, Симферополь, 1947.

П. Г. Стрелковнинг „А. П. Чехов тилида товушга тақлидий ундовлар („Звукоподражательные междометия в языке А. П. Чехова“) номли мақоласида тасвирий сўзларнинг бадий адабиётдаги стилистик роли изоҳланади⁴⁷.

Стрелков ҳам тасвирий сўзларни ундовларнинг бир тури деб қарайди.

Кейинги йилларда тилшуносликда ҳинд-европа,⁴⁸ монгол⁴⁹, угрофин⁵⁰ оиласига кирувчи тиллардаги тасвирий сўзларни ўрганишга доир махсус ишлар юзага келди.

Г. А. Пак⁵¹ корейс тилидаги, Т. И. Петрова эса нанай тилидаги тасвирий сўзларни текширилар⁵².

Юқорида тилга олинган тилшунослар турли тиллардаги тасвирий сўзларга у тилларнинг ҳар бирининг ўзига хос хусусиятларини ҳисобга олган ҳолда ёндашилар. Аммо авторлар фикридаги умумийлик уларни бир-бирларига яқинлаштиради.

Кейинги йилларда тасвирий сўзлар бўйича кузатиш ишлари олиб борган олимлар фикридаги умумийликни, бизнингча, қўйидагида кўрсатиш мумкин. Биринчидан, улар тасвирий сўзларни икки семантик группага бўладилар. Бу олимларнинг баъзилари тасвирий сўзларни товушга тақлид ва образли сўзлар деб иккига бўлсалар, баъзилари эса уларни образга тақлид ва товушга тақлид сўзлар сифатида классификация қиласидар.

Иккинчидан, кўпчилик олимлар тасвирий сўзларни ундовлардан ажратиб, алоҳида сўз туркуми деб қарайдилар.

⁴⁷ П. Г. Стрелков. Юқорида кўрсатилган мақола, сб. „Творчество А. П. Чехова“, М., Учпедгиз, 1956, стр. 240—299.

⁴⁸ А. И. Баранников. Синонимические повторы в новоиндийских языках, „Записки коллегии востоковедов при Азиатском музее АН СССР“, том III, вып. II, Л., 1928, стр. 249—266; В. И. Абасов. Мимео-изобразительные слова в осетинском языке, „Труды ин-та языкоznания АН СССР“, М., том VI, 1956; М. Ф. Фазылов. Изобразительные слова в современном таджикском языке (резюме диссертации), „Изв. АН ТаджССР“, отд. общественных наук, I, Душанбе, 1952.

⁴⁹ Л. Шагдаров. Изобразительные слова в современном бурят-монгольском языке (кандидатлик диссертацияси нинг қўллэзмаси), Л., 1956; Ц. Б. Цыдендамбаев. Изобразительные слова в монгольских языках (шарқшуносларнинг XXV ҳалқаро конгрессида қиласидар докладининг тезиси), М., Изд-во восточной литературы, 1960.

⁵⁰ В. И. Алатырев. Междометно-наречевые повторы в удмуртском языке. „Ученые записки ЛГУ“, серия востоковедческих наук, вып. II, Советское финно-угроведение, 1948.

⁵¹ Г. А. Пак. Изобразительные слова в корейском языке, автореферат, Л., 1958; Морфологические особенности изобразительных слов в корейском языке, „Вопросы корейского и китайского языкоznания“, Изд-во ЛГУ, 1958, стр. 117.

⁵² Т. И. Петрова. Образные слова в нанайском языке, „Изв. АН СССР“, отд. литературы и языка, 1948, том VII, вып. 6, стр. 527—536.

Юқорида айтганимиздек, тасвирий сўзлар категорияси туркӣ тилларнинг кўпчилигида у ёки бу даражада ишланган. Ўзбек тилшунослигида эса бу масала ҳали ҳам олимлар диққатидан четда қолиб кетмоқда. Ўзбек тили бўйича ёзилган грамматикаларда ва қўлланмаларда тасвирий сўзларга жуда кам ўрин берилади ва улар ундов сўзларниг ажралмас қисми сифатида кўрсатилади.

А. Н. Кононов⁵³, У. Т. Турсунов ва Ж. Мухторов⁵⁴, С. Муталлибовлар⁵⁵ ўз асарларида тасвирий сўзларни ундовлардан ажратиб, алоҳида сўз туркуми сифатида қарайдилар.

А. Фуломов ўзининг мактаблар учун ёзган дарсликларида, „Ўзбек тили морфологиясига кириш“ асарида тасвирий сўзларни ундовларнинг бир тури сифатида кўрсатса-да, 1957 йил августида мактабларда ўзбек тилини ўқитишни яхшилаш масалалари бўйича ўтказилган республика конференциясида қилган докладида тасвирий сўзларни айрим тур қилиб ажратиш лозимлигини алоҳида қайд қилди⁵⁶.

Тасвирий сўзларни ундовлар билан бир ҳодиса сифатида қарашнинг нотўғри эканлиги ҳақида С. Усмонов ҳам ўз фикрини баён қилган эди⁵⁷.

С. Муталлибов 1956 йили „Ўқитувчилар газетаси“да тақлид сўзлар тўғрисида ўзининг мақоласини әълон қилди⁵⁸. Бу мақолада товушга тақлид сўзлар ҳам, образли сўзлар ҳам товушга тақлид сўзлар термини билан аталади. Ишда анча чалкаш фикрлар ҳам айтилган. Аммо С. Муталлибов кейинроқ нашр қилинган очеркларида⁵⁹ бу масалага анчагина аниқликлар киритди. Лекин ҳар иккала ишида ҳам тасвирий сўзларга оид айрим мисолларни изоҳлашда англашилмовчиликларга йўл қўйилган. Масалан, кўпроқ товушга тақлид сўзларни ҳаракат ва ҳолат тасвирини билдирувчи сўзлар билан аралаштириб юбориш ҳоллари учрайди. Унинг „Товушга тақлидий сўзлар“ида ялтироқ, ялт-юлт, лим-

⁵³ А. Н. Кононов. Грамматика современного узбекского языка, М.—Л., 1960.

⁵⁴ У. Турсунов, Ж. Мухторов. Ҳозирги замон ўзбек тили, морфология, Самарқанд, 1960.

⁵⁵ С. Муталлибов. Морфология ва лексика тарихидан қисқача очерк, Тошкент, 1959.

⁵⁶ А. Фуломов. Ўзбек тилшунослигининг ҳозирги аҳволи ва мактабда тил ўқитишнинг вазифалари, „Ўзбекистон маданияти“, 1957 йил 28 август.

⁵⁷ С. Усмонов. Междометия в современном узбекском языке, Ташкент, 1952, стр. 5.

⁵⁸ С. Муталлибов. Ўзбек тилида товушга тақлидий сўзлар, „Ўқитувчилар газетаси“, 1956 йил 10 июнь.

⁵⁹ С. Муталлибов. Морфология ва лексика тарихидан қисқача очерк, Тошкент, 1959.

лим, ғимир-ғимир сўзларини, очеркларида эса *дикилламоқ*⁶⁰ каби сўзларни товушга тақлид деб аташи фикримизнинг исботи бўла олади. Бизнингча, келтирилган сўзларни товушга тақлид эмас, балки образли сўзлар деб ҳисоблаш керак.

С. Муталибов образли ва товушга тақлид сўзларни бирлаштириб, уларга қуидагича таъриф беради: „Ҳайвонлар, жониворлар, қуш-қуртлар ва одамлар, нарсалар ҳаракатидан пайдо бўлган **товушларга** (тагини биз чиздик — Р. Қ.) шартлича тақлид қилиб ясалган сўзлар товушга тақлидий сўзлар деб аталади“⁶¹.

Бу таъриф тасвирий сўзларнинг барча хусусиятларини ўзида мужассамлаштира олмайди. Чунки агар биз бу таърифни фақат товушга тақлид сўзларгагина берилган десак, образли сўзлар қандай таърифланади деган савол ишдан жавоб топа олмайди. Йўқ, бу умуман, тасвирий сўзларга берилган таъриф бўлса, у бир ёклама бўлиб, образли сўзлар тўғрисидаги фикр тушиб қолганга ўхшайди. Тасвирий сўзларга, бизнингча: „Кишилар ва бошқа жонли ҳамда жонсиз предметлар чиқарган товушлар тақлидини ва уларнинг турли хил кўриниши, ҳолат, ҳаракатлари тасаввурини билдирувчи сўзлар тасвирий сўзлар ҳисобланади“ деб таъриф берилса, бир қадар яхшироқ бўлар эди.

Авторнинг тасвирий сўзлар ясалиши тўғрисидаги фикри ҳам эътироездан холи эмас. Бизнинг фикримизча, энг аввало тасвирий сўзларнинг ясалиши билан улардан бошқа сўз туркумларининг ясалишларини фарқлаш керак, яъни уларга бир ҳодиса сифатида қараш ярамайди.

Автор товушга тақлид сўзлар морфологик ясалиш хусусиятига эга деб таъкидлайди-ю, лекин кўпроқ ишда тасвирий сўзлардан феъл, от, сифат каби бошқа сўз туркумларининг ясалиши тўғрисида гапиради. С. Муталибов ўзининг биринчи мақоласида тасвирий сўзларнинг икки хил (морфологик ва синтактик) усул билан ясалиши ҳақида гапиради. Очеркларда ҳам худди шу принцип асосида иш тутади ва кўпинча чалкашликларга йўл қўяди.

Тасвирий сўзлардан бошқа сўз туркуми ясовчи-*лоқ* (-ла + қ, -да + қ) аффиксининг кўпроқ сифат ясовчилик хусусиятига аҳамият берилади. Аммо шу ўринда унинг от ясаш функцияси ҳам кўрсатилиши лозим эди. (Масалан: *тегирмоннинг шақилдоғи ҳамон тинмаган*). Бу мисолдаги шақилдоқ сўзи-доқ аффикси орқали тасвирий сўздан

⁶⁰ Ўша асар, 212-бет.

⁶¹ Ўша асар, 210-бет.

ясалган отдирип. Шунингдек, „Очерклар“нинг 213-бетида-мака аффикси ҳақида тұхталиб, бу фикрни мисоллар билан исботлайды. Бизнингча, С. Муталлибов бу аффиксни -ма ва -ка элементларига ажратиб, уларга бошқа-бошқа ясовчи аффикслар сифатида қараши лозим эди.

С. Муталлибов тасвирий сўзларнинг турлари ҳақида гапириб шундай ёзади: „Товушга тақлидий сўзлар (сўнгги фикрларни ҳисобга олганда, бу тасвирий сўзлар ёки фақат товушга тақлид сўзлар дейишлиши керак эди — Р. Қ.) тузилиш асосига кўра ҳам иккига айрилади:

а) эшитилган товушга шартлича тақлид қилиб ясалган сўзлар: *пишиши* ухламоқ, *тақ-тақ* юрмоқ.

б) нарсалар ва ҳодисалар кўринишига шартлича тақлид (?) қилиб ясалган сўзлар: *ялт-юлт*, *лим-лим*⁶².

Классификациядан образли сўзлар товушга тақлид сўзларнинг бир тури, унинг бир кўриниши экан, деган хуносага келиш мумкин. Термин қўллашдаги бу янгилишлик товушга тақлид ва тасвирий сўз деган терминларни ўрни билан қўллашдаги салгина изчиллик билан кузатилиши мумкин.

Сўнгра автор тасвирий сўзларнинг семантик труппаларини нима учундир тузилишига кўра деб ҳисоблайди. Туркологлардан А. Н. Кононов, Н. А. Баскаков, Л. Н. Харитоновлар тасвирий сўзларни англатган маъноларига қарабина юқоридаги каби икки группага ажратадилар.

С. Муталлибов тасвирий сўзларнинг эски ўзбек тилида қўлланадиган баъзи формаларини жуда ўринли кўрсатади. Лекин баъзи бир сўзлар этимологик тўғри анализ қилинса ҳам грамматик категория сифатида тўғри изоҳланмайди. Масалан, автор М. Кошгарийнинг „Девону луготит турк“ асаридан келтирилган ҳач-ҳач сўзини тақлид сўз сифатида изоҳлайди. Бизнингча эса, у тақлид сўз эмас, балки ундовдир.

„Ҳозирги замон ўзбек тили“⁶³ асарида тасвирий сўзлар „мимемалар“ термини остида, қисқа бўлса-да, алоҳида категория сўзлар сифатида ажратилиб кўрсатилади. Аммо асарнинг баъзи бобларида у ундовлар сифатида қарай берилган.

⁶² С. Муталлибов. Юқорида кўрсатилган асар, 214-бет.

⁶³ „Ҳозирги замон ўзбек тили“, Тошкент, ЎЭФА нашриёти, 1957.

ТАСВИРИЙ СЎЗЛАРНИНГ УМУМИЙ ХАРАКТЕРИСТИКАСИ

Товушга тақлид масаласи бизнинг эрамиздан илгариёқ тилшунос олимларнинг диққатини ўзига жалб этган: биз товушга тақлид ҳақидаги илк фикрларни ўша даврларда айтилганлигини кўрамиз.

Маълумки, табиатдаги жонли ва жонсиз предметлар турили хил товушлар чиқаради. Кишилар ўз турмуш тажрибалирида баъзан ана шундай товушларга тақлид қиласдилар. Товушни қабул қилувчи органимиз — қулоқ табиатдаги товушларни асосан тўғри акс эттиради.

Владимир Ильич Ленин „символлар“ (ёки иероглифлар) назариясини танқид қилиб, ўзининг „Материализм ва эмпириокритицизм“ асарида „Сурат ҳеч қачон модел билан тўла-тўқис тенглаша олмаслиги шубҳасиздир“⁶⁴ деб ёзган эди.

В. И. Лениннинг бу назарияси тилшуносликдаги товушга тақлид назариясига татбиқ қилинса, тилдаги тақлид сўзларни ҳам табиатдаги товушлар билан тенглаштириш, унинг худди ўзи деб қарааш нотўғри эканлигини англаш жуда осондир. Масалан:

*Гулдур этиб, булут тарқаб,
Ялт-юлт этиб, чақмоқ чақдй.
Ишчи бобо, сессансангчи,
Шарққа қуёш чинлаб чиқди.

шир-шир этиб...
Ишчи бобо, тез очсангчи
Пиндиқ очсин ёш навдалар!*

(Х. Х. Ниёзиј, Ишчи бобо)

Бу мисолдаги гулдур, шир-шир каби тақлид сўзлар булат тарқалишида, манфий ва мусбат зарядларнинг тўқнаши-

⁶⁴ В. И. Ленин. Материализм ва эмпириокритицизм, Тошкент, Ўздавнашр, 1950, 255-бет.

шидан келиб чиққан товушнинг ёки шамол ҳаракати натижасида пайдо бўлган табиатдаги товушнинг ўзгинаси эмас, балки ундан фарқ қиласди. Аммо биз талаффуз қилган товуш ўша товушларга анча яқинлашиб боради ва у шартли равиша тақлид деб олинади. Ёзма нутқда эса тақлидин бериш яна ҳам қийинроқ, чунки „ҳар қандай энг яхши алфавит, ҳатто, лингвистлар томонидан яратилган транскрипциялар ҳам киши нутқини“⁶⁶, айниқса, ундаги тақлид сўзларни тўлиқ акс эттира олмайди.

Тақлид сўзларни имитациядан⁶⁶ фарқлаш керак, албатта. Тилдаги тақлид сўзларнинг табиатдаги товушларга тўла мос келмаслиги, бу товушлар комплексининг табиатдаги товушларнинг ўзгинаси эмаслигини табиатдаги бир нарсанинг товушига турли тилда, ўша тилнинг ўзига хос бўлган товуш комплекслари орқали ҳар хил тақлид қилиниши фактлари яна бир марта тасдиқлади. Бир нарсанинг товушига ҳар хил — турли хил товуш комплекслари орқали тақлид қилиши ҳодисаси турли тилларгагина хос бўлмасдан, бир оиласа кирадиган тилларда ҳам, ҳатто, бир тилнинг турли диалектларида ҳам кўзга ташланади.

Имитацияда эса товуш қандай эшитилса, шундай такрорлашга ҳаракат қилинади. Тилларнинг ҳар хил бўлишидан қатъий назар, имитация уларнинг ҳаммасида асосан бир хил бўлади. Улар табиатдаги товушларнинг копияси сифатида майдонга келиб, отлашиш ва феъллашиш хусусиятига эга эмас.

Шунинг учун уларни алоҳида ёки маълум бир сўз туркуми составида қараш асло мумкин эмас. Улар синтактик томондан — гапнинг бирор бўлаги вазифасида кела олмаслиги жиҳатидан ҳам бошқа сўзлардан фарқланади. Агар биз шу типдаги товушга тақлидга эга бўлганимизда бизда тақлидий сўз проблемаси бўлмас эди, дейди А. И. Германович⁶⁷.

Товушга тақлид сўз ҳам тил ихтиёрига, унинг грамматикаси ихтиёрига ўтгач, социал қиммат касб этади. Шундан сўнг у лингвистиканинг текшириш обьекти бўла олди. Шундай бўлгач, тақлид сўзларни сўз деб аташ мумкини ёки йўқми, деган савол туғилади.

⁶⁶ Қаранг: П. М. Мелиоранский. Араб филолог о турецком языке, СПб., 1900, II—III.

⁶⁶ И м и т а ц и я — латинча бўлиб, *Imitatio* — тақлид, ясамалик де-макдир:

⁶⁷ А. И. Германович. Звукоподражание и звукоподражательные слова русского языка, *Изв. Крымского педагогического института им. М. В. Фрунзе*, т. XII, Симферополь, 1947, стр. 192.

Агар у сўз бўлмаганда эди, лингвистиканинг ўрганиш обьекти ҳам бўла олмас эди. Аммо бу масалага бир томонлама ёндашиш жуда катта чалкашликларга олиб келиши мумкин. Умуман, сўз, тушунча, сўз билан тушунча ўртасидаги муносабат масаласида олимларнинг фикри ҳали бир нуқтага бирлашганча йўқ.

Товушга тақлид сўзлар тушунча англатадими, уларни сўз деб аташ мумкинми деган масала ҳам ишланмаган, чалкаш масалалардан саналади. Биз қўйида бу ҳақда айрим мулоҳазаларни баён қиласиз.

Тилда ҳар қандай сўз *умумлаштиргани*⁶⁸ каби тақлид сўзлар ҳам, тўла-тўқис бўлмаса-да, умумлаштириш хусусиятига эгадир. Тасвирий сўзларнинг бу хусусияти улар субстантивлашганда, бошқа сўзлар групласига ўтганда, бошқа сўз туркумлари вазифасида қўлланганда, уларда конкретликдан абстрактликка силжиш пайдо бўлганида яна ҳам очиқ кўринади. Масалан: дакадангбозлик, чақчақлик каби. *Чақчақлик авжига минди* (М. Исмоилий, Ф. т. о).

Ёки: *битбилдиқ*—*битбилдиқ* деган овоз эшишилди, қуқу, вов-вов деган товуш ҳамон тақрорланади деган гапларни биз қор ёғаяпти, одам гапиряпти деб тушунмаганимиз каби, ёғоч қарс этиб синди, олдин ҳаво гумбур-гумбур этди, кейин ёмғир қўйди каби гаплардан қуш сайради, иш ҳурди деган тущунчани англамаймиз. Демак, *битбилдиқ*, қу-қу-қу, вов-вов, қарс-қарс, гумбур каби сўзларни ўзбек тилида сўзлашувчиларнинг ҳаммаси ҳам бир хилда тушунадилар. Лекин баъзи олимлар товушга тақлид сўзларни сўз деб ҳисобламайди. Масалан, С. А. Абакумов: „Звуко-подражания лежат вне системы средства языкового общения”⁶⁹ деб ёзади ва рус тилидаги *бац-бац*, *мяу-мяу* каби товушга тақлид сўзларни сўз деб ҳисобламайди. В. И. Алатырев эса бунга бутунлай қарама-қарши фикрни баён қиласиди. Унингча, *бац-бац*, *мяу-мяу* кабилар маъносиз, куруқ товушлар йигинидиси бўлмасдан, маълум мақсадлар учун ишлатилади. „Шунинг учун уларни сўз деб ҳисоблаш мумкин”⁷⁰. С. А. Абакумовнинг фикрини А. Г. Спиркин ҳам инкор қиласиди. У ўзининг „Тилнинг келиб чиқиши ва тафаккурниш шаклланишида узинг роли” („О происхождении

⁶⁸ В. И. Ленин. К вопросу о диалектике, Ленинский сборник, XII, 1931, стр. 233.

⁶⁹ С. А. Абакумов. Современный русский литературный язык, Изд-во „Советская наука”, 1942, стр. 115.

⁷⁰ В. И. Алатырев. Проблема междометий, „Уч. записки Карело-финского университета”, т. III, 1948, вып. 1, историко-филологические науки, Петрозаводск, Госиздат, Карело-финская ССР, 1949, стр. 100.

языка и его роль в формировании мышления⁷¹) деган мақоласида тилда товушга тақлид характеридаги сўзлар кўпчиликни ташкил қиласди, шу билан бирга, улар халқ ўртасида кенг тарқалган бўлиб, ҳаётий тушунчаларни (тагини биз чиздик — Р. К.) англатади⁷², деб ёзганида ҳақ эди. Бу жиҳатдан қараганда, А. М. Пешковскийнинг колокольчик дин-дин, кирикуку каби товушга тақлид сўзларни сўз деб ҳисоблаш мумкин эмас⁷³, деган фикрига ҳам қўшилиш қийин.

Товушга тақлид сўзлар ташки тоддий дунёning товуш томонидан кўриниши ҳақидаги тушунчаларни англатади.

Тушунчани англашиб жиҳатидан сўзлар бир-бирларидан фарқ қиласдилар. Бир хил сўзлар борки, улар номинативлик функциясини бажариб, предметлик маъноси билан кўринади, иккинчи бир хил сўзлар эса умумий функционал ва рельятив маънода кўринади⁷⁴. Тақлид сўзларни ана шу иккинчи группа ичидаги қараш мумкин.

Лингвистика қушларнинг сайрашидан, итларнинг ҳуришидан, мушукнинг миёвлашидан пайдо бўлган товушларни ҳам, жонсиз нарсаларнинг синиши, бир-бирларига урилиши ва бошқа ҳолатларда пайдо бўлган товушларни ҳам, имитацияларни ҳам ўрганишни ўз олдига мақсад қилиб қўймайди. Ана шу нарса ва жониворларнинг товушларига кишиларнинг тақлид қилишлари натижасида тилда социал қимматиа эга бўлган товушлар комплексларидан ташкил топган сўзлар пайдо бўлади. Бу товуш комплекслари тил ихтиёрига ўтгач, тил уни силлиқлаштиради, фонетик ва структурал форма, маъно беради. Натижада, улар гапнинг бирор бўлаги вазифасини бажара олади ва тушунча англатиш даражасигача кўтарила олади.

Хуллас, тақлид сўзлар:

- а) ўзларининг лексик маъноларига эга;
- б) кишида умумий таассурот ҳосил қилиш даражасига кўтарила олади. Бир тилда гапиравчи ҳамма коллектив асосан уларни бир хилда тушунади;
- в) ўзларига хос қурилишга, формага эга;
- г) содда ҳолда асосан ёрдамчи феъллар билан бирга келади;
- д) гапда маълум бўлак вазифасини бажариб, бошқа гап бўлаклари билан муносабатга кириша олади. Мана бу хусусиятга эга бўлган тақлидни сўз деб ҳисоблаш мумкин.

⁷¹ Сб. „Мышление и язык“, М., 1957, стр. 31.

⁷² А. М. Пешковский. Русский синтаксис в научном освещении, М., 1926, стр. 168.

⁷³ Қаранг: Е. Ф. Кротевич. Слово, части речи, член предложения, Изд-во Львовского университета, 1960, стр. 5.

Тақлидни ифода этувчи товуш комплексининг сўз эканлигини эътироф қиласидаги фикрлар чет эл тилшунослигига ҳам учрайди⁷⁴.

Товушга тақлид сўзлар ўзлари ифодалайтган товушнинг номи бўлмасдан, уларнинг бевосита ифодаланишидир деган эдик. Демак, тақлид сўзлар билан улар ифодалайтган ҳодисалар ўртасида бевосита алоқа мавжуддир. Бу ўринда нарса ва унинг номи ўртасидаги муносабат масаласига бир оз тўхташга тўғри келади. Бу проблема жуда қадимги даврларда олимлар диққатини ўзига тортганлиги маълум. Қадимги грек олимлари тил проблемаларига асосан фалсафий нуқтаи назардан ёндашиб, нарса ва унинг номи ўртасидаги муносабат масаласида катта икки лагерга бўлиндилар. Бу масала бўйича бўлган мунозараларда Гераклит, Демокрит, Протогор, Эпикур каби философлар турии позицияда туриб иштирок этдилар. Платон эса бу ҳақдаги фикрларини ўзининг „Кратил“ диалогида баён қилди. Платон назарияси бўйича, моддий нарсалар ўткинчи характерга эта бўлиб, сўзлар унга боғлиқ бўлмаган ҳолда доимий яшовчи ҳодиса эмиш.

Унингча, идеялар объектив ва абстрактлик хусусиятига эга. Стол, от, нон каби реал предметларнинг объективлиги уларни ифодаловчи идеяларга нисбатан камроқдир (Масалан, умуман стол, умуман от, умуман нон каби). Кўпгина олимлар кейинги йилларгача ҳам стол, от йўқолади, улар ҳақидаги идея, яъни умуман стол, умуман от тушунчаси сақланиб қола беради деган фикрда эдилар. Бу эса идеализмга томон оғишdir.

В. И. Ленин „Ҳаракатни материядан ажратиш тафаккурни объектив реаликдан ажратиш билан, яъни идеализмга ўтиши билан баравардир“⁷⁵ деганида Платоннинг юқорида биз кўрсатган хатосини такрорлаган идеалистик махистларни қаттиқ танқид қиласиган эди. Антик дунё мутафаккирларидан бир группаси нарсаларнинг номи улар билан ажралмасдир, ном нарса ва ҳодисалар учун табийидир десалар, баъзилари предметларга одамлар ўзаро келишиб ном қўйганлар деган фикри айтдилар.

Мунозарада стоиклар ҳам қатнашдилар. Улар тил ҳақидаги фан билан шуғулланувчилар олдига сўзларнинг ҳақиқий моҳиятини очиб бериш вазифасини қўйдилар. Стоиклар асосан, „аномалия“ (ноўхашлик, мос келмаслик) назарияси тарафдори эдилар.

⁷⁴ Каранг: А. Расетти, Заметки об употреблении ономатопеи. „Вопросы языкоznания“, 1962, № 3, стр. 91—92.

⁷⁵ В. И. Ленин. Материализм ва эмпириокритицизм, Тошкент, 1950, 293-бет.

Эрамизгача III – II асрларда Александрия мактабининг грамматистлари аномалия назарияси ўрнига аналогия (ўхшашлик, мослик) назариясини кўтариб чиқдилар.

Москва ва Козон лингвистик мактаби вакилларининг асарларида ҳам нарса билан унинг номи ўртасидаги муносабат ҳақида баъзи фикрлар мавжуд. Масалан, у мактабнинг кўзга кўринган намояндаси Ф. Ф. Фортунатов бу тўғрида гапириб, ҳар қандай тилда ҳам сўзларнинг товуш комплекслари билан улар англатган нарса ўртасида алоқа йўқлигини кўрсатган эди⁷⁶.

Маълумки, сўз бирор нарсанинг номинианглатиш учун тилда у сўзнинг ўзаги шу нарсани айнан кўрсатиши ёки унинг морфологик қурилиши ҳам маълум даража шунга мос бўлиши керак, дёган талабни қўйиб бўлмайди. У сўзнинг фақат шу маълум маънода қўлланиши талаб қилинади, холос. Бу маънода сўз нарсани кўрсатувчи белгиги-надир дейиш мумкин⁷⁷.

XX асрнинг бошларида лингвистик фан оламида “Сўз ва нарса” мактаби майдонга келди. „Сўз фақат нарсага боғлиқ ҳолдагина мавжудлир“ деган тезис бу мактабнинг асосий шиори эди.

Фалсафа оламида эса нарса сўзнинг натижасидир деевчи идеалистлар вужудга келди. Материалист И. Дицген уларни жуда оддий сўзлар билан фош қилиб ташлади:

„Материалист философларнинг характерли томони шуки, улар жисмоний оламни бирламчи, асосий нарса қилиб қўядилар. Идея ёки руҳни натижага деб қарайдилар. Ҳолбуки мўхолифлар динга тақлид қилиб, нарсаларни сўзнинг натижаси деб қарайдилар“⁷⁸.

Сўз нарса ва ҳодисаларни ифодалайди, нарса ва ҳодисалар эса унга боғлиқ бўлмаган ҳолда яшайверади. Шундай қилиб, қадимги олимлар нарса билан унинг номи ўртасида қандай муносабат, боғлиқлик бор деган саволга турлича жавоб бердилар.Faқат марксизм қлассикларигина бу ҳақда изчил, тўғри, материалистик назария яратди. К. Маркс товар билан пул муносабати тўғрисида гапириб, шундай ёзган эди:

„Бирон нарсанинг номи унинг табиати билан ҳеч қандай алоқадор эмасдир. Агар мен бирон кишининг номи Яков

⁷⁶ Ф. Ф. Фортунатов. Сравнительное языкознание, „Хрестоматия по истории языкоznания XIX—XX веков“, М., Учпедгиз, 1956, стр. 256.

⁷⁷ Н. В. Крушевский. Очерки науки о языке, „Хрестоматия по истории языкоznания“, стр. 248.

⁷⁸ В. И. Ленин. Материализм ва эмпироокритицизм, Тошкент, 1950, 266-бет.

эканлигини билсам ҳам, бу билан мен у киши түғрисида мутлақо ҳеч нарсаны билмайман”⁷⁹.

Демак, баъзи олимларнинг Құдрат, Темурланг, Холдор, Менгли, Нишон типидаги киши номлари уларнинг табиатини очиб бера олади деган фикрларини илмий характерга әга бўлган мулоҳазалар дейиш мумкин эмас. Құдрат, ланг, хол, нишон каби элемент ўша одамнинг унга хос ҳамма табиатини эмас, балки биттагина хусусиятини (белгисини) кўрсатади, холос.

Сўз билан нарса ўртасида боғлиқлик борлиги ҳеч кимни шубҳалантирилди. Лекин фақат ўз тилинигина биладиган айрим кишиларгина нарса билан унинг номини кўрсатувчи сўз ўртасидаги муносабат масаласини бир-бирларига тенг қилиб қўя оладилар. Ҳатто ундай кишилар маълум шахснинг номи, унинг бутун характеристи, хусусияти, хуллас, бизда ўша одамнинг қон-қонигача тасаввур ҳосил қила олади, деб ҳисоблайдилар.

Шундай қилиб, сўз билан нарса ўртасидаги алоқани ҳаддан ошириб юборадилар ва бузиб кўрсатадилар. Бир оиласа га кирувчи тиллардангина хабардор киши сўз билан нарсанни тенг ҳодиса сифатида қараши мумкин. Ҳақиқатда ҳам сўзнинг товуш томонини у кўреатган нарса билан чоғиширганимизда булар ўртасида қандайдир сингиб кетган табиий ажралмаслик, айнан мослиқ ҳолатини кўрмаймиз⁸⁰. Бундай ҳолларда тилда на синонимлар, на омонимлар ва на полисемия — кўп маънолилик ҳодисалари бўлмас эди.

Ҳатто товуш комплекси билан тушунча ўртасида ҳам бир хиллилик бор дейиш анча қийин. Чунки товуш комплекси физиологик ҳодиса бўлса, тушунча логик ҳодисадир. Лекин сўз билан тушунча ўртасидаги узвийликни диққатдан четда қолдириш ярамайди. Булардан ташқари, бир хил товуш комплексининг ўзи бир неча хил нарсанинг номини кўрсатиши ва бир неча хил тушунчани англатиши мумкин. Масалан, одамнинг боши, сўз боши, ишнинг боши каби бирикмаларда бир „бош“ сўзи уч хил тушунчани кўрсатишга хизмат қилган. Албатта, бош сўзи учала ҳолатда уч хил маънода қўлланган бўлса ҳам бу ҳодисаларнинг бир-бирларига қайдаражада бўлса ҳам, яқинлиги, ўхашлиги, улар ўртасида умумийлик борлигини инкор этмайди. Сўзларнинг бундай ху-

⁷⁹ К. Маркс. Капитал, 1 том, 1-китоб, Тошкент, Ўздавнашр, 1955, 117-бет.

⁸⁰ Р. О. Шор. Кризис современной лингвистики, „Яфетический сборник“, том 5, Л., 1927, стр. 67.

сусиятлари тилда полисемия ҳодисасини келтириб чиқарган⁸¹.

Конкрет тилдаги маълум сўзлар нима учун бошқа нарсаларни эмас, албатта маълум нарсаларни (масалан, нон, чой, тупроқ, қуёш, тил кабилар) кўрсатади деган масала ҳам юқорида гапирганимиз сингари тилшуносликнинг қизиқарли проблемаларидан ҳисобланади. А. А. Потебня тилни яратишида узбошимчалик йўқ, шунинг учун қандай асосга мувофиқ маълум сўз бошқа маънони эмас, айни маънони англатади деган савол бериш ўринлидир, деган эди⁸². Шу сабабли нарса билан уни кўрсатувчи сўз (ном) ўртасида ҳеч қандай боғлиқлик йўқ деган масалани сўз ва у англатган маъно ўртасидаги узвий боғлиқлик масаласи билан ҳам аралаштирумаслик керак.

Объектив ташқи олам, табиат, масалан, жонли ва жонсиз нарсалар, тош, сув, шамол, темир кабилар турли ҳолатда, турли хил товуш чиқаради. Бу эса сезги органимизга таъсир қилиб, бизда сезги уйғотади. Киши ташқи оламдан олган сезгисини, таассуротини ўз тилининг фонетик ва лексик имкониятидан фойдаланган ҳолда маълум товуш комплекслари орқали ифодалайди. Тилда бошқа ҳамма групладаги сўзларга нисбатан ҳам товушга тақлид сўзлар билан улар англатадиган маъно ўртасидаги алоқа бир-бирига яқинроқдир. Улар англатган маънолари билан яна ассоциация томонидан ҳам анча ўхшашибликка эгадир. Ф. Ф. Фортунатов бундай ёзади: „В действительности же лишь очень немногие слова в языке, и при том не играющие в нём значительной роли, имеют непосредственную по происхождению связи их звуков с обозначаемыми предметами мысли или, иначе говоря, с ощущениями или представлениями предметов мысли. Таковы именно те слова, которые называются звукоподражательными и которые в произносимых звуках речи обозначают звуки сходные с ними“⁸³.

Бундай сўзларни жаҳондаги ҳамма тилларда ҳам учратиш мумкин. Аммо ҳар бир тилдаги тақлид сўз ўша тилнинг фонетик хусусияти, у тилда гапиравчи халқнинг географик муҳити ва шу каби турли хил факторларга боғлиқ равища

⁸¹ А. А. Потебня. Эса сўзда кўп маънолиликка қарши чиқади. У сўз маъносида ҳатто кичкинагина ўзгариш юз берса, у илгариги сўз бўлмасдан бошқа сўзга айланади деб ёзади. Қаранг: Хрестоматия XIX—XX веков, стр. 124.

⁸² А. А. Потебня. Мысль и язык, издание II, Харьков, 1892, стр. 104.

⁸³ Ф. Ф. Фортунатов. Сравнительное языкознание, в кн. „Хрестоматия по истории языкознания XIX—XX веков“, М., 1956, стр. 204.

ўзига хос хусусиятга эга бўлади. Ўзбек тилидаги вот-вут, воғ-воғ, пиқ-пиқ, пўк-пўк, чақ-чақ, дук-дук, фир-фир, фув-фув, фат-фат, ват-ват, тақ-тақ, гарч-гарч, чарс-чурс, миёв-миёв, чуғур-чуғур, жаранг-журунг, қаҳ-қаҳ, шип-шип, ширт-ширт, данг-данг, гумбур-гумбур, ҳўнг-ҳўнг, шилт-шилт, фижир-фижир, шоп-шоп, фирт-фирт, висир-висир типидаги товушга тақлид сўзлар маълум бир нарса ёки ҳодиса ҳақида-ти тушуңчанигина эмас, ўша нарса ёки жонивор чиқарган товушнинг ўзини ҳам кўрсатади.

Ҳозир тилда от ёки феъл сифатида қаралувчи баъзи бир сўзлар борки, улар ҳам келиб чиқиш жиҳатидан товушга тақлид сўз кишиларнинг маълум хусусиятини кўрсатувчи лақабларга айланиб кетган. Масалан: *Мұхаммад гулдор*, *Хожи там-там*, *Қамбар чий-чий* каби. Кўпчилик қушларнинг номи ҳам уларнинг сайрашда чиқарган овозлари билан боғлиқ. Какку, тра-тра, читтак (бу доим чит-чит деб юришидан бўлса керак), фуррак, тор-тор каби.

Лекин тилдаги шу каби ҳодисаларга асосланиб, тилнинг келиб чиқишини тақлид сўзларга олиб бориб боғлаш, шунинг учун тилшунослар олдига қушларнинг тилини ўрганиш вазифасини қўйиш ҳақиқий мақсадни амалга оширишга оз даражада бўлса ҳам ёрдам бера олмайди⁸⁴.

Ҳақиқатда ҳам қушлар ва ҳайвонлар гапирадими?

Фан бундай саволга тўғридан-тўғри йўқ, қушлар ва ҳайвонлар гапириш қобилиятига эга эмас, деб жавоб беради.

Жониворларнинг ихтиёрий ва ихтиёрсиз чиқарган товушлари ҳеч қандай маъно англатмайди. Жуда қадим замонларда ота-боболаримизнинг қушлар чиқарган овозларига турли хил маъно берганликлари фольклордан, оғзаки нутқдан маълум. Улар ҳатто қушлар ва ҳайвонлар кишиларнинг гапларига тушунади деб ҳам қараганлар. Масалан, ўзбек халқ қаҳрамонлик эпосларида Бойчибар, Фиркўкларнинг ўз хўжалари оғир аҳволга тушганда қайғуришлари, хафа бўлишлари; тўти, семурғ, турна каби қушлар гапга тушунувчи махлуқ сифатида тасвирланганлигини кўрамиз. (Буларнинг ҳаммаси адабий асарнинг, тасвирнинг спецификаси билан боғлиқ).

Халқимиз орасида бедананинг сайрашига: „Битбилдиқ, кулчатойни кўп қилдиқ“, попишакнинг овозига: „ҳу-кукук тут пиш“ каби маъно бериш ҳолларини учратамиз. Бунга

⁸⁴ Н. И. Ашмарин тилнинг келиб чиқишини аниқлаш учун қуш ва ҳайвонлар тилини ўрганишга даъват қилган эди (Ишимиzinнинг 7—8-бетларига қаранг).,

ўхшаш ҳолатларни ўзбек тилидан бошқа тилларда ҳам учратиш мумкин. Масалан, рус тилида бедананинг сайрашига: Тўйғанман, аёллар, тикиш керак, ўташ керак (досыт бабы, шить-надо полоть... под полот, шить полот... ва-ва) каби маъно берилса, француз тилида унинг сайрашига — Паул, қарзингни тўла (Pay! tes dettes! Pay! tes dettes) каби маъно берадилар. Ёки Н. И. Ашмарин шундай фактларни келтиради: „Рус халқи мушукнинг хириллашига: санчқи, хаскаш, санчқи хаскаши типида маъно берадилар. Қозон татарларининг ҳикоя қилишича, Қизгиш (чибис) овчини кўрганда „тазит“ (қўтирип ит) деб ҳақорат қиласди. Чувашларда эса, бир қушнинг сайрашига „Ишласанг сайдайсан“ каби маъно берадилар“.

Ҳақиқатда қушлар ёки ҳайвонлар юқоридаги каби маъноли сўзлар чиқармайди. Унга кишилар маъно беради, холос. Мисолларимиздаги бир бедана сайрашига уч тилда уч хил маъно берилиши ҳам фикримизнинг далилидир.

Америкалик Бланш Лирнет ўзининг кўп йиллик кузатишлари натижасида Шимпанзе маймунининг турли ҳолатда бир неча хил бир-биридан фарқ қилувчи товушларини ёзиб олган. У:

1. Гак, гакх, гах, кха, икак деб овқатланиш вақтида овоз чиқаради.

2. Ко-ко, ку-ку деб ҳаяжонланган вақтида шивирлайди.

3. М-м-м деб мева ёётган вақтда овоз чиқаради.

4. Хо-ох деб ташвишга тушганини, қўрқанлигини билдиради.

5. Хух деб уясига кириб кетаётганда товуш чиқаради.

Лекин биз маймунинг бу хил товушларини у онгли равишда чиқаради дея олмаймиз. Маймун бу товушларни стихияли равишда ҳеч нарсани тушунимасдан чиқаради.

Кўлга ўргатилган ҳайвонлар ҳақида бир оз бошқача гапириш керак. Уй ҳайвонлари одам каби гапира олмаса ҳам, кишилар билан муносабатга киришишлари натижасида уларнинг эшитиш органи тараққий қиласди, ҳатто, баъзан уларга нисбатан айтилган сўзларнинг кўпчилигини тушунадиган инстинкт ҳосил қиласдилар. Бу кўпроқ ит, от, эшак, сигир, мушук каби ҳайвонларга хос. Уй ҳайвонлари баъзи бир товуш комплекслари орқали оч қолганлик, танасидаги оғриқ, қувонч, қўрқинч, хоҳиш каби ҳолатларни билдиришга ҳарарат қиласди. Лекин булар социал қимматга эга бўлган нутқ товушлари эмас.

Бу ўринда машҳур олим Чарльз Дарвиннинг қўйидаги сўзларини келтириш ўринлидир: „Итлар одамга ўрганиб, уй ҳайвони бўлгандан бери тўрт ёки беш хил оҳангда вовил-

лайдиган бўлиб қолди. Уй итлари, масалан, ов қилиш вақтида сабрсизлик билан вовиллайди ёки ғингшийди ва ингичка овоз билан улийди. Эгаси билан кўчага чиқиб кетаётган бўлса, севинчидан вовиллайди. Итнинг эшик ёки деразани очиб беришни сўраб вовиллаши ҳам жуда қизиқарлидир⁸⁵.

Булардан ташқари, уй ҳайвонларида илгари ўзларига хос бўлмаган — кишиларга боғлиқлик, миннатдорчилик ҳиссиятлари ҳам пайдо бўлади. Аммо уларнинг товуш органлари фақат бир томонга қараб тараққий этган бўлиб, гапира олмайдилар. Уларнинг бу ҳолатини ўзгартириш жуда ҳам қийин-дир.

Бошқа ҳайвонларнинг оғиз тузилишига нисбатан қушларнинг оғиз тузилиши одамнинг оғиз тузилишидан жуда катта фарқ қиласди. Лекин бўйининг жойлашиши жиҳатидан қушлар бизга яқин турадилар. Шунинг учун бўлса керакки, тўти, майна, олақарға, қизилиштон кабиларнинг оҳангдор товушлари кишиларнинг товушларига кўпинча ўхшаб кетади. Ҳатто уларнинг баъзилари одамнинг сўзларини ўрганиш натижасида қайта тақрорлай олади ҳам.

„... Кушлар ҳайвонлар ичида гапириши ўргана оладиган ягона жонивордир“, — деган эди Ф. Энгельс⁸⁶.

Аммо гапиришини ўргангандай қуш (масалан, тўти) нима гапирайтганини ўзи тушунмайди. У эртадан кечгача ўз фондидаги бир неча сўзни қайтариб ўтиради, холос. Масалан, кишининг гапини жуда яхши тақрорлай оладиган ана шу тўти қушга қараб, синаш учун: „Тўти аҳмоқ“ дейилса у ҳам „тўти аҳмоқ“ деб сизнинг гапингизни тақрорлайди. Бу эса унинг ўзи айтиётган товушга („сўзга“) тушунмаслигининг оқибатидир.

Бизнинг қўлимизда қуш ва ҳайвонларнинг қичқириқлари илгари фалондай эди, ҳозир бу аҳволга келди деб исботлайдиган бирор материал йўқ. Шу сабабли баъзи тилшунослар ўйлагандек, тилнинг келиб чиқиши ва кишилар гапиришни қандай ўрганди дёган масалани, кишилар тили билан жониворлар тилини чоғиштириш орқали тўғри ҳал қилиш мумкин эмас⁸⁷. Қушлар, ҳайвонлар гапириш қобилиятига эга эмас. Бизнинг эрамизгача ёқ грек олимлари бу масалада ўзларининг тўғри фикрларини берган эдилар. Масалан, Аристотель:

⁸⁵ Ч. Дарвин. Одамнинг келиб чиқиши ва жинсий танлаш, 1-том 1873, 37—38-бетлар.

⁸⁶ Ф. Энгельс. Диалектика природы, М., Госполитиздат, 1952, стр. 134—136.

⁸⁷ Қаранг: „Одам гапиришни қандай ўрганди? „Фан ва турмуш“ журнали, 1961, 8-сон.

ҳамма жонли нарсалар ичидага фақат одамгина гапириш қобилиятига эгадир, деган эди.

Хуллас, тилнинг келиб чиқиши тўғрисидаги меҳнат [идеалистлар тушунчасидаги меҳнат] назарияси. Чунки идеалистлар кишиларнинг меҳнати процессида беихтиёр равишда чиқарган айрим товушлари тилнинг келиб чиқишига асос бўлган дейдилар. Тилнинг келиб чиқишида меҳнатнинг ҳал қиувчи роль йўнаши ҳақида Энгельс назарияси билан бу идеалистик назарияни аралаштирмаслик керак — Р. К.], беихтиёр қичқириқлар назариялари қанчалик нотўғри бўлса, уни қушлар ва ҳайвонларнинг тилига тақлид қилиш йўли билан пайдо бўлган деб қараш ҳам шунчалик идеалистик, нотўғри назариядир.

Марксизм классиклари К. Маркс, Ф. Энгельс бундан бир аср илгари тилнинг эҳтиёжи натижасида, меҳнат процессида пайдо бўлганлигини ўз асарларида дохиёна исбот қилиб берган эдилар.

Булардан ташқари, тилшуносликда тасвирий сўзларнинг баъзи грамматик хусусиятлари: образли сўзларнинг товушга тақлид сўзларга, тасвирий сўзларнинг ундовларга муносабатлари ва шунга ўхшаш масалаларда ҳам олимларимиз ўртасида ҳар хил фикрлар давом этиб келмоқда.

Туркологияда айрим олимлар образли сўзларни товушга тақлид сўзлар билан бир қаторга қўйиб, уларга „образга тақлид сўзлар“⁸⁸ сифатида қарайдилар. Бошқа бирлари эса уларни бир группага бирлаштирмасдан, алоҳида-алоҳида текширадилар⁸⁹.

Образли сўзлар билан товушга тақлид сўзлар фонетик, морфологик ва синтактик томондан грамматик категория сифатида бир-бирларига жуда яқин туради. Аммо образли сўзларнинг тақлид сўзлар деб қараш қийин бўлган кўпгина ўзига хос хусусиятлари ҳам бор:

1: Семантический томондан товушга тақлид сўзлар кишилар, қушлар ва ҳайвонлар, бошқа турли жониворлар ҳамда жонсиз предметларнинг чиқарган товушларига тақлид қилиш натижасида майдонга келади. Улар асосан эшитиш билан бօғланган. Образли сўзлар эса кўриш натижасида майдонга келиб, кишилар ва бошқа жонли-жонсиз нарсаларнинг ҳолати, ҳаракати ва ташқи кўринишининг тасаввур образларини билдиради. Чоғиштиринг: а) образли сўзлар: *Ҳаёт ичидан оти-*

⁸⁸ А. Н. Кононов. Грамматика современного узбекского литературного языка, М.—Л., 1960; Н. А. Басаков. Каракалпакский язык, II, М., 1952, стр. 239.

⁸⁹ Б. М. Юсуалиев. Киргизская лексикология, Фрунзе, 1959, стр. 152.

либ чакқан хўрликка чидай олмай ийғидан, мўлт-мўлт тўклилаётган кўз ёшлиридан ўзини тута олмай фіғон қилди (М. Исмоилий, Ф. т. о.). Очик эшикдан Нигора ҳалатининг этаги **лип** этиб, муюлиша кўздан гойиб бўлди (С. Анорбоев, О. ш.).

б) товушга тақлид сўзлар:

Шашқалоқлаб fat-fat қилар, vat-vat қилар ваздабоз (Муштум). У кишининг мўътабар оғизлари истаган вақтида, истаган катталикда очилиши қобилиятига эга бўлса керак, шафтоли **лўқ** этиб ўтиб кетди (М. Исмоилий, Ф. т. о.).

Келтирилган мисоллардаги **fat-fat**, **vat-vat**, **лўқ** кабилар товушга тақлидни билдирса, мўлт-мўлт, **лип** кабилар предметнинг образли ҳаракатини кўрсатади.

Товушга тақлид сўзлар кўпроқ тезлик, бир лаҳзалиликни билдирса, образли сўзлар бир лаҳзалиликни, моменталликни кўрсатиш билан бирга, тасавурнинг тўла бир комплексини ҳам акс эттира олади.

2. Генетик томондан образли сўзлар кўпроқ мустақил сўзларга яқин туради. Образли сўзлардаги товуш комплекслари билан улар тасвириётган ҳодисалар ўртасида алоҳа йўқ даражада. Товушга тақлид сўзларда эса товуш комплекслари табиатдаги товушларнинг шартлича копияси сифатида майдонга келади. Улар ўзи англатган ҳодисалар билан бевосита боғлангандир.

Яъни лапанг-лапанг, талтанг-талтанг, **лип-лип**, **филт-филт** каби образли сўзларнинг товуш комплекси билан англатган маъноси ўртасидаги яқинлик **шарт-шурт**, **ғирч-ғирч**, **чиқ-чиқ**, **тиқ-тиқ** каби товушга тақлид сўзлар билан улар англатган маъноси ўртасидаги яқинликдан тубдан фарқ қиласди.

3. Товушга тақлид сўзлар **этмоқ**, **демоқ** каби ёрдамчи феълларнинг ҳар иккалasi билан ҳам бирика олади (ўринга қараб). Образли сўзлар эса фақат **этмоқ** ёрдамчи феъли билан бирикади⁹⁰.

Юқорида кўрсатилган фарқлар образли сўзлар билан товушга тақлид сўзларни бир грамматик категориянинг икки хил — бирини иккинчисига сингдириш мумкин бўлмаган турлари сифатида ажратишга имкон беради. Чунки товушга тақлид сўзлар билан образли сўзларнинг бу фарқларидан ташқари, уларни бир категорияга бирлаштириш ҳуқуқини бера оладиган фонетик, лексико-стилистик хусусиятлари ҳамда гапдаги функциялари жиҳатидан яқинликлари ҳам мавжуд:

⁹⁰ Бу ўринда биз **этмоқ** ва **демоқ** феълларини ўлчов сифатида қабул қиласмиз. Шунинг учун қилмоқ ва бошқа феъллар билан тасвирий сўзларнинг алоқаси ҳақида гапирмаймиз.

1. Ҳар икки группа составидаги унли ёки ундош товушнинг ўзгариши уларнинг семантикасига ҳам таъсир қиласи: *қарс-қурс*, *ғовур-ғувур*, *лўк-лўк* // *лик-лик*, *лоп-лоп* каби сўзларнинг иккинчи компонентлари биринчи компонентларига нисбатан товуш ва образ жиҳатидан кучсиэроқ ҳодисаларни билдиради.

2. Бу категория сўзларнинг бошланишида (*ув*, *ак-ак*, *апил-тапил* каби бир нечтагина сўзларни ҳисобга олмагандада) унли товушлар кам ишлатилади.

3. Ҳар иккала группа ҳам формал жиҳатдан ўзгармасдир: улар турланмайди ва тусланмайди.

4. Образли сўзлар билан товушга тақлид сўзлар бир-бirlари билан жуда ўхшаш формага эгадир. Булар ўзбек тилида асосан бир ва икки бўғинли бўлади: *тарс*, *тақ*, *тиқ*, *ялт*, *лик*, *тақир*, *ғичир*, *йилтир*, *лапанг* каби.

5. Товушга тақлид сўзлар ҳам, образли сўзлар ҳам якка ҳолда товуш ёки ҳаракатнинг бир марта бўлганлигини билдиrsa, такрорланганда уларнинг бирдан ортиқ, давомли бўлганлигини билдиради⁹¹.

Масалан: *тарс* — предметнинг бирор нарсага ёки ўзаро бир марта урилишидан ҳосил бўлган товушни билдиrsa, *тарс-тарс* унинг бирдан ортиқ такрорланганлигини билдириш учун хизмат қиласи; *ялт* — ёруғлик образининг тез ва бир марта юз берганлигини кўрсатади, *ялт-юлт* эса унинг бирдан ортиқ такрорланганлигини билдириш учун хизмат қиласи ва бошқалар.

6. Образли сўзларда ҳам, товушга тақлид сўзларда ҳам -ир структура элементи ва-илла ясовчи аффикси кенг қўлланади: *ғирч-ғирч* // *ғич+ир—ғич+ир* // *ғирч+илла*; мўлт—мўлт // *мўлт+ир—мўлт+ир* // *мўлт + илла* каби.

7. Синтактик томондан товушга тақлид сўзлар ҳам, образли сўзлар ҳам кўпроқ равиш ҳоли функциясида келади: *Вакил жиқ-жиқ терлаб, қизариб-пишиб, гоҳи кўтарилиди*, *гоҳи босилди* (Муштум). *Нигора денг, ҳазилниям кифтини келтирасиз-а, раис ака, — Акрам ўрнидан дик этиб турди* (С. Анорбоев, О. ш.). *Одамлар пик-пик кулиб Навоийга қарашибди* (Ойбек, Навоий).

8. Уларнинг ҳар иккалasi ҳам тилда нутққа бадийӣ бўёқ, ифодалилик бериш учун стилистик мақсадда ишлатилади.

Ана шу кўрсатилган ўхшашлик хусусиятларига асосланган ҳолда, уларнинг баъзи бир фарқлари, хусусан, образли сўзларнинг „эшитиш билан боғлиқ бўлмасдан, балки бошқа

⁹¹ Такрор маъноси тасвирий сўзлардан аффикслар ёрдамида ясалган феъллар орқали ҳам берилиши мумкин.

хил таассуротлар (яъни, киши, нарса ва жониворларнинг ҳаракат, ҳолат тасаввурини — Р. К.) билдиришидан қатъий назар, уларни биргаликда олиб қараш⁹² ва бир сўз туркуми сифатида ўрганиш мақсадга мувофиқдир.

Ундовлар билан тасвирий сўзлар ўртасидаги алоқа бошқача характерга эга.

М. Мирзаев „дўнг-дўнг“, „ду-уу-уд“, тик-тик, тра-тра-та, анг-анг типидаги тақлид сўзларни ундовлар деб ҳисоблайди.

А. А. Азизов⁹³, В. В. Решетовларнинг⁹⁴ кейинги асарларида ҳам тасвирий сўзлар ундовлар қаторида қаралади.

Ўзбекистон Маориф министрилиги Педагогика Фанлар илмий текшириш институти томонидан чиқарилган „Она тили ва адабиёт программалари“ да ундов сўзлар маъно жиҳатидан „Ҳис-ҳаяжон ундовлари, ҳайдаш-чақириш ундовлари, шарпа-товуш ундовлари“ деб учга бўлинган. Бу эса 1963 йилги нашр қилинган етти йиллик мактаблар учун „Ўзбек тили дарслиги“⁹⁵ да ҳам ўз аксини топган. Яъни унда **би-қир-би-қир, билқ-билқ, шилдир-шилдир, шилдир-шуллур, тақ-туқ, фув-фув** каби товушга тақлид сўзлар ундовлар деб кўрсатилади (158-бет).

Ундовлар билан тасвирий сўзларнинг бир-бирига яқин, ўхшаш хусусиятлари бор. Масалан, уларни ўзбек тили материаллари асосида шундай кўрсатиш мумкин.

1. Тасвирий сўзлар ва ундовлар ҳаракат образи, товуш ва эмоциянинг номини кўрсатмайди, балки уларнинг бевосита ифодаланиши ҳисобланади.

2. Ўндов ва тасвирий сўзлар (ясовчи аффиксларсиз — ўзаги) исм сифатида қабул қилинади⁹⁶. Масалан, **оҳ! уҳ!** шарт, гурс, милт, ялт-юлт, жилдир-жилдир ва бошқалар.

3. Ҳар икки категорияда ҳам номинативлик характерининг йўқлиги уларни бошқа категориялардан, туркумлардан ажратиб туради.

4. Ўхшаш аффектив бўёғқа, экспрессивликка эга ва бошқалар.

Бу ўхшашликлар асосидагина уларни бир сўз туркумiga бирлаштириш мумкин эмасдек кўринади. Чунки тасвирий

⁹² Е. Д. Поливанов. По поводу „Звуковых жестов“ японского языка, Сб. по теории поэтического языка, Петроград, 1916, стр. 36.

⁹³ А. А. Азизов. Сопоставительная грамматика русского и узбекского языков, Ташкент, Учпедгиз, 1960, стр. 194—195.

⁹⁴ Основы фонетики и грамматики узбекского языка, Ташкент, 1961, стр. 210.

⁹⁵ А. А. Боровков, З. Мазъруфов, Ш. Абдуллаев, Т. Шермуҳаммадов, Ўзбек тили дарслиги, фонетика, морфология, Тошкент, 1963.

⁹⁶ Н. А. Баскаков. Каракалпакский язык, М., 1952, стр. 256.

сўзлар билан ундовларнинг фақат ўзига хос, бир-биридан принципиал равишда ажратиб турувчи хусусиятлари ҳам мавжуд:

1. Семантик томондан ундовлар сўзловчининг кўпроқ ички кечинмасини, ҳис-жаяжонини, буйруқ, хитоб ва илтимосини билдиради. „Уларнинг айрим группаси ўринга, вақтга муносабатни ҳам ифодалайди, аммо бу маъно ҳам эмоционал рангда бўлади“ (С. Усмонов). Тасвирий сўзлар эса кишилар ва бошқа предметларнинг товушлари ва ҳаракатларини копия қилгандек товуш ёки ҳаракат образи сифатида ифодалайди. Эмоционаллик, буйруқ, илтимос тасвирий сўзлар учун хос эмас. **Ундовлар: Уҳ-уҳ-уҳ!** Чучвараку. Ҳай-ҳай, оғизда эриб кетади-я! (А. Қаҳҳор). **Ҳўп-хўп**, — деди бошлиқ ва уни ўтиришга таклиф қилди („Қизил Ўзбекистон“).

Тасвирий сўзлар:

Майсара. Ўгридан қочириб қўйдим, дейман. Лекин келиб бундай қўйругингиздан ўшиласа „моо“ деб қўясизда, шатталайсиз (Ҳ. Ҳ. Ниёзий, М. и). Энди бўлса биттагина қора йўрга **курт-курт** беда чайнаб турити (Ҳ. Ғулом, Машъал).

*Минг йилларни қийнаган жумбоқ
Унинг ақли билан ечилди.
Чирик, қонхўр тузумнинг шу чоқ
Эшиклари тақ-тақ ёнилди* (Ҳ. Олимжон).

2. Ундовлар нутқда модал маъно ифодалаб, бу хусусияти билан юкламалар ҳамда модал сўзларга яқин туради.

Тасвирий сўзлар предметнинг ҳаракатини ва товушга тақлидини билдириб, равиш ва сифатларга яқин туради, улар учун модаллик хос эмас.

3. Тасвирий сўвларда субстантивлашиш кучли, ундовларда эса бу хусусият тараққий ётмаган.

4. Тасвирий сўвларда такрорий форма товуш ёки ҳаракатни кучайтиришдан ташқари, ҳаракатнинг бирдан ортиқ бўлганлигини, давомлилигини ҳам билдиради. Ундовларда эса такрор кўпроқ эмоционалликни оширади, ҳис-жаяжонни кучли қилиб беради:

Жўрабой отани суяб турган Гани отанинг кўзларидан дув-дув ёш тўқилар, тупугини қулт-қулт ютарди (Ҳ. Ғулом, Машъал). *Онаси квонганде онасининг кўзларига мўлт-мўлт қарарди, Ҳаёти ҳақида бир нима деярмикин деб* (М. Исмоилий, Ф. т. о). **-Воҳ-воҳ, пешонам!** *Қизил гулдай.. — Охун пешонасига шартта уриб давом этди* (Ой бек, Қ. қон).

5. Тасвирий сўзлар сўз ясаш системасида жуда актив қатнашади. Ундовларда, пиш-пиш // пишт-пишт, вой-вой // вой-

войла типидаги бир неча ҳолатдан ташқари, сўз ясалиши ҳодисаси йўқ даражада.

6. Узбек тилида ундовлар фақат *демоқ* ёрдамчи феъли билан бирика олади. Тасвирий сўзлар эса, *этмоқ*, *демоқ* баъзан *қилмоқ* ҳамда бошқа мустақил феъллар билан ҳам бирика олади.

7. Тасвирий сўзлар гапнинг мустақил бўлаклари (эга, кесим, аниқловчи, тўлдирувчи, ҳол) вазифасида кела олади. Ундовлар эса одатда гапнинг бошқа бўлаклари билан боғланмай, „мустақил гап“, препозитив юклама (С. Усмонов) вазифасида келади, холос.

8. Тасвирий сўзларни маълум бир формулага солиш мумкин (ундош+унли+ундош ёки ундош+унли+ундош+ундош). Бу хусусият ҳам тасвирий сўзларни ундовлардан ажратиб турувчи принципиал белгилардан биридир.

Ш. Ш. Сарибоев ва М. Худойқулиевлар ундов ва тасвирий сўзларнинг бир-бирларидан фарқлари ҳақида гапирганларида Сарибоев тасвирий сўзлар лугат фондининг, Худойқулиев ундовлар лугат фондининг ўсмаганини таъкидлаб ўтдилар. Аммо бу фикрларни тўғри дейиш мумкин эмас. Чунки ундовлар учун ҳам, тасвирий сўзлар учун ҳам тараққиёт диалектикаси хосдир.

Демак, тасвирий сўзлар билан ундовлар орасидаги фарқлар уларнинг бир сўз туркуми сифатида эмас, балки алоҳида-алоҳида сўз туркumlари сифатида ўрганилишини тақозо қиласди.

ТАСВИРИЙ СҮЗЛАРНИНГ БАЪЗИ БИР ЛЕКСИК ВА ФОНЕТИК ХУСУСИЯТЛАРИ

Ўзбек тилида тасвирий сўзлар катта бир лексик группани ташкил қиласи. Бундан ташқари, ҳозирги ўзбек тилидаги кўпгина от, сифат, феъллар тасвирий ўзаклардан ясалган-дир.

Тасвирий сўзлар бадиий адабиётда, оғзаки нутқда, фольклорда жуда кўп ишлатилиб, улар нутққа бадиий бўёқ, экспрессивлик беради. Шу билан бирга, умуман, объектив борлиқни акс эттирувчи ва „фикр олишув қуроли“ (В. И. Ленин), тилда қурилиш материали сифатида улар катта аҳамиятга эгадир.

В. И. Ленин ҳар бир нарсага илмий ёндашиш учун асосий тарихий боғлиқликни унумаслик кераклигини кўрсатиб, „Маълум ҳодиса қандай қилиб майдонга келди, бу ҳодиса ўз тараққиётида қандай асосий этапларни босиб ўтди ва у нарса қай даражага етиб келди“⁹⁷ деган нуқтаи назардан қараш керак деб ўргатган эди.

Тасвирий сўзларнинг тараққиёти ва ҳозирги ўзбек тилида тутган ўрни масаласига ҳам худди шу нуқтаи назардан қараш керак.

Тасвирий сўзлар тарихий категориядир. Унинг пайдо бўла бошлини жамиятнинг одамлар ўз нутқ органларини анча яхши бошқара олиш қобилиятига эга бўлган даврларига тўғри келади. Қадим ибтидоий даврларда тасвирий сўзлар жуда кам, ҳатто, йўқ даражада эди. Бу тўғрида Б. М. Юнусалиевнинг „Ўрхун-Енисей ёдгорликлари лексикасида товушга тақлид сўзлар ҳеч қандай ифодасини топмаган“⁹⁸ деган фикрига қўшилиш мумкин.

Б. М. Юнусалиев фикрини бизнинг ўзбек тили тарихи бўйича олиб борган кузатишларимиз ҳам тасдиқлади.

⁹⁷ В. И. Ленин. Асарлар, 29-том, 491-бет.

⁹⁸ Б. М. Юнусалиев. Киргизская лексикология, часть I, Фрунзе, Киргизчупедгиз, 1959, стр. 156.

Ҳақиқатда ҳам тасвирий сўзлар эски ўзбек тили луға составида жуда камдир. Фольклор ёзма бадиий адабиётнинг тараққийси натижасида, ёзувчиларнинг бадиийликка интилишлари, табиат тасвирини иложи борича конкрет қилиб тасвирлашга интилишлари натижасида тасвирий сўзларнинг сони оша борган. Лекин бундан тасвирий сўзлар аста-секин жуда кўпайиб кетиб, бошқа сўзлар ўрнини ҳам олар экан, деган хулоса келиб чиқмаслиги керак. Чунки кишилар ҳар йил маълум ҳодиса товушини ёки образини тасвирлашда унинг учун янги тақлид ёки образли сўз ўйлаб топишга ҳаракат қилмайди, балки, кўпинча, тилда мавжуд имкониятлардан фойдаланишга ҳаракат қиласди. Масалан, ҳозирги ўзбек тилида турли хил механизмлар, мотор, транспорт кабиларнинг ҳаракатидан пайдо бўлган товушларни кўрсатиш учун дид-дид, жиринг-жиринг, ғув-ғув, тир-тир, варанг-варанг, визз, гур-гур, вағир, гулдур-гулдур, пат-пат каби ўнлаб тақлид сўзлар ишлатилади. Бу механизмлар, қуролларнинг пайдо бўлиши билан юқоридаги тақлид сўзлар уларга нисбатан ҳам қўллана бошлаган. Яъни кишилар ўзларининг лугат составидаги тақлид сўзлардан янги предметлар товушини акс эттиришда ҳам фойдалана бошлагандар. Демак, бу тақлид сўзлар илгари бошқа нарса ва ҳодисаларнинг товушларини тасвирлаш учун қўллалиб келган бўлиб, ҳозир уларнинг маъно ва қўлланишлари кенгайган-дир.

Ўзбек ёзма адабиёти тили даврий стадиал равишида текшириб қаралганда, қўйидаги ҳолат намоён бўлади:

М. Кошфарийнинг лугатида⁹⁹ қирқقا яқин тасвирий сўзнинг изоҳи берилган: улиғу (увламоқ билан боғлиқ), ўхи (укки), асурмоқ (акса урмоқ), урпарди (ҳурпайди), афрашди (ўқра-ишиди), ангиллади (ҳангради), чаб-чаб (шап-шап маъносида), заб-заб (юришда оёқдан чиққан товушга тақлид), чат, журчур-чур, шар-шар, қар-қур, тос-тос (тўс-тўс), жиф, тақ-тақ, чақ-чақ, дук, дик, чирт, сарт-сурт, ҳалф-хулф, қарт-қурт, курт-курт, қарч-қурч, чарс-чарс, қарс-қарс, гулф, чалқ-чулқ, бадар-бадар, тақир-тақир, жикир-жикир, чигил-чигил, булдур-булдур, чалдир-чалдир, жур-жур, қур-қур кабилар.

Алишер Навоий ва унинг замондошлари тилида тасвирий сўзларнинг кўпроқ ишлатилганини кўрамиз.

Муқимий, Завқий асарларида эса уларга янада кўпроқ мурожаат қилинган, Айниқса, Ҳ. Ҳ. Ниёзий тасвирий сўзлардан ўз мақсадларини янада бўрттириб бериш учун фойдаланишга ҳаракат қилган. Унинг 1958 йили нашр қилинган

⁹⁹ М. Кошфарий, Девону луготит турк, Тошкент, I том, 1960.

танланган асарларида: гулдур, ялт-юлт, шатир-шутур, шир-шир, дупур-дупур, ғирич-ғирич, жайгир-жунгир, ғар-ғар, щув, тарақа-туруқ, дириңг-дириңг каби юзга яқин тасвирий сўз ишлатилган.

Лекин тасвирий сўзларнинг ўзбек тили тарихида тутган ўрнини ўрганишда бир қанча қийинчиликларга дуч келиш мумкин. Чунки эски ўзбек тилидаги ёзма ёдгорликларнинг асосий қисми формал томондан ҳеч қандай ўзгаришсиз бир неча хил ўқиш мумкин бўлган араб алифбесида ёзилган эдик, бу биргина тасвирий сўзларни эмас, умуман, тил фактларини текширишда катта қийинчиликлардан ҳисобланади. Бу ҳақда П. М. Мелиоранский бундай деб ёзган эди:

„Как бы ни было теперь стало уже общим местом, чтобы арабский алфавит весьма мало пригоден для изображения звуков турецкого языка и это обстоятельство всегда было и будет большой помехой для лингвистического исследования дошедших до нас памятников турецкого языка, особенно со стороны фонетики и этимологии“¹⁰⁰.

Масалан, М. Кошфарийнинг лугатида араб алифбеси билан берилган: چب-چب (чаб-чаб) сўзининг зер-забарлари бўлмаса, (одатда илгари бу алифбеда зер-забарлари қўйилмасдан ёзилган) чиб-чиб ёки чуб-чуб деб ўқиш ҳам мумкин. Шу каби ضب-ضب (заб-заб) сўзини зиб-зиб ёки зуб-зуб, شر-شر (шар-шар) сўзини шир-шир ёки шур-шур, چرس-چرس (чарс-чарс) сўзини чирс-чирс каби ўқиш мумкин.

Бундан ташқари, эски ўзбек тилидаги тасвирий сўзларнинг кўплари форма ва маънолари томонидан ўзгарган. Масалан, „Девону луготит турк“ асарининг 347-бетида بَدَر - بَدَر (бадар-бадар) сўзи чопишдан чиқсан товушга тақлид сўз сифатида кўрсатилади. Ҳозирги ўзбек тилида эса 'у сўз кўпроқ тўхтовсиз тез ва қаттиқ гапиришга тақлидда қўлланади.

Таш қудуққа тушти, булдур-булдур этти (374-бет) мисолидаги бу товушга тақлид сўз сифатида қўлланган бўлса, ҳозир бирор нарсанинг узоқдан қийинчилик билан кўринишини тасвирловчи образли сўз сифатида ишлатилади. (Узоқдан бир нарсанинг булдураган¹⁰¹ қораси кўринди). Булар—семантик томондан. Тасвирий сўзларда фонетик ҳар

¹⁰⁰ П. М. Мелиоранский. Араб филолог о турецком языке, СП 1900, стр. 2-3.

¹⁰¹* (юлдузча) қўйилган сўзлар тасвирий сўзлардан ясалган сўзлајдир. Бундай пайтларда биз асосан ўзакни назарда тутамиз.

хилликлар ҳам учрайди, уларда фонетик ўзгаришлар ҳам юз берган: М. Кошгарида *cifirchiq* (1 том, 460-бет) бўлса, ҳозирги ўзбек адабий тилида у *чугурчиқ*; М. Кошгарида *урпарди* (1 том, 190-бет), ҳозирги ўзбек адабий тилида хурпайди; М. Кошгарида *ograishi* (1 том, 237-бет) ҳозирги ўзбек адабий тилида *ўқрайишди* кабилар.

Шунингдек, ҳозирги ўзбек тилида тасвирий сўзларнинг салмоғи янада ошганлиги, уларнинг мўл-кўл ишлатилаётганлигини кўриш учун луғатларга мурожаат қиласил: ҳозирги ўзбек адабий тилининг имло луғатида¹⁰² ўртacha 13718 сўзнинг 600 таси тасвирий сўз бўлиб, умумий соннинг 4,3 процентини ташкил қиласиди. Ёки ўзбекча-русча луғатдаги¹⁰³ 40000 сўзнинг 1500 дан ошиқроғини тасвирий сўзлар ва ундан ясалган сўзлар ташкил қиласиди.

Тасвирий сўзлардан ёзувчилар стилистик мақсадда фойдаланганларни кўзга яққол ташланиб туради. Ҳатто шундай ҳолатлар ҳам бўладики, тасвирий сўз олиб ташланса, гапнинг маъноси тўлиқ англашилмай қолади. Тасвирий сўзнинг ўринли ишлатилиши билан гапга ҳам ифодалилик киритилади, ҳам бадиийлик берилади ва, шу билан бирга, маъно конкретлашади, ойдинлашади. Масалан: эски ўзбек тилидан:

*Махташиб отларини дерки, бу дулдор-дулдор,
Байталим баркаши зўрки, филдор-филдор,
Киладир лоф уришиб, кўзлари мўлдор-мўлдор,
Оқжар одамларининг тўнлари жулдор-жулдор,
Билмадим туркму, тожик тиллари ғулдор-ғулдор,*

Чиқсан эшикка қилур тўргайи ҷулдор-ҷулдор,

(Муқимий, Дар мардуми Оқжар ба тариқи мухаммас).

Ҳозирги замон ўзбек адабий тилидан: „...Аммо „*par-par*“ уча бошлиған қирғовуллар ўйини бўлди. У *шарпага** ортиқ парво қилмай қушлар галасини завқ билан томоша қила бошлиди... Ботирали бугунги овидан мамнун бўлсада, шу манзарани кўрганда ўзини босиб туролмадида, қирғовуллар галасига яна потирлатиб* ўқ уза бошлиди.

¹⁰² С. Иброҳимов. М. Раҳмонов. Ўзбек адабий тилининг имло луғати, Тошкент, ЎзФА нашриёти, 1959.

¹⁰³ „Узбекско-русский словарь,” М., Госиздат иностранных и национальных словарей, М., 1959.

Құшлар қамишлар орасыға тап-тап үйқилди... Ботирали иккі қадамча нарига тушган қирғовулни олиш үчүн әзилгап эди орқасида милтиқ варанглаб* отилди. У қаддина ростолмай, „иҳ!“ деб ерга мүккаси билан тушди, үйқилган ерида жисимб қолди... Аммо Лочин қамишлар орасидан югурғиб чиқиб, үзини шарпа* күринган томонға отди ва жон-жсаҳди билан вовиллай* бошлади* (Х. Ғулом).

Хамза, Танланган асарлар, 100 үринде; Ш. Рашибов, „Бүрөндөн кучли“, 50 үринде, „Кашмир құышылары“, 40 үринде; А. Қаххор, „Сароб“, 47 үринде, „Күшчинор чироқлари“, 213 үринде, Ойбек, „Навой“, 192 үринде; Ш. Саъдулла, „Шеър ва әртаклар“, 106; С. Анербоев, „Оқсой шалолалари“, 213; К. Мұхаммадий, Танланган асарлар, 118; М. В. Шолохов, „Инсон тақдирі“, 50 үринде; Х. Ғулом, „Машъал“, 1-китоб, 338; М. Исломий, „Фарғона тонг от-гунча“, 410 үринде тасвирий сүздан фойдаланилган.

Тасвирий сүзлар поэтик нутқда ҳам құлланади. Аммо болалар адабиётини ҳисобға олмаганды, поэзияда тасвирий сүзлар прозага нисбатан камроқ ишлатиласы.

Масалан, талантли шоир F. Ғулом асарларининг I томини олиб күрсак, унда 50 га яқын тасвирий сүздан фойдаланилганини күрамиз.

Тасвирий сүзларға фольклорда ҳам тез-тез мурожаат қилинади: Масалан, „Алпомиши“ достонининг 69 үрнида, „Маликаи айёр“ достонининг 41 үрнида тасвирий сүзлардан фойдаланилган. Мисоллар:

Дубилға бошида дүңгиллаб*,
Карк қубба қалқон қарқиллаб*,
Тилла поянак урилган,
Узангилар шарқиллаб*,
Бедов отлар диркиллаб*.
Олғир қүшдайин чарқиллаб*,
Құлда наизаси сұлқиллаб*,
Юрмоқчи қалмоқ йұлиға

(„Алпомиши“ достонидан).

Белда беллик булкиллаб*,
Мухторда сув ширқиллаб*,
Йұлға тушди бек Равшан,
Жийронқуш от диркиллаб*.

(„Равшан“ достонидан)

Тасвирий сүзлар нарса ва ҳодисаларнинг табиати, катта-
кичилгиги, миқдори, қаттиқ-юмшоқлығи, чиқарған товуш-

ларнинг кучли-кучсизлиги билан чамбарчас боғлангандир. Масалан: *Ботирали ўзини тап* этиб ерга ташлади (Х. Гулом). *Бирин-кетин тўрт* кишининг отдан *тап-тап* тушгани эшиштилди (Х. Гулом). *Так-тақ* садо берид турган деворнинг бир еридан „дўнг“ этган товуши чиқди (Х. Гулом).

Биринчи икки мисолдаги тасвирий сўзлар предметнинг сон жиҳатдан фарқини кўрсатса, сўнгги мисолдаги тасвирий сўзлар эса предметнинг физик хусусиятидаги фарқини кўрсатади.

Маълум тасвирий сўз бир неча хил маънони ифодалай олади. Лекин унинг формасини ўзгартганда ёки кенгайтирганда баъзан бир неча тушунчани англатиш учун қўллаш имкони бўлса ҳам, баъзан у тушунчанинг иккинчиси учун қўллаш стиль ғализлигига олиб келади. Масалан, *ниқ-ниқ* кулди дея олганимиз каби *ниқ-ниқ* йиғлади дейиш ҳам мумкин. Аммо *ниқир-ниқир* кулди дейиш мумкин бўлса ҳам, *ниқир-ниқир* йиғлади дейиш анча қийин.

Тасвирий сўзларнинг стилистик роли, айниқса, уларни бир тилдан иккинчи тилга таржима қилганда очик кўринади. Бир тилдаги тасвирий сўзнинг иккинчи тилдан вариантини топиш ҳам қийинчилик орқали бўлади. Улар асосан изоҳ йўли билан таржима қилинади: *Кроватга шилқ* этиб тушган раис, икки қўли билан бошини ушлаб, ўзини йўқотгудек саросимага тушди¹⁰⁴. Кадыров опустился на кровать, сжал руками голову...¹⁰⁵.

2. У кенг далаларни, *кўм-кўк* гўзаларни, *хур-хур* шабадада яйраб ишилаётган одамларни жуда-жуда соғнингган эди (70-бет). Он соскучился по работе, по этим вот раздельным участкам, переливающимся зеленым бархатом первых всходов, по людям, работающим на полях (61-бет).

3. У Ойқиз билан бўлган учрашувни олдинига ғамгинлик билан ҳикоя қилди-да, охирига етганда *хўнграб** йиғлади (14-бет). Рассказывая старому другу о своей встрече с Айкиз, Гафур смочил своё повествование обильной слёзой... (12-бет).

Демак, В. И. Лениннинг гениал равища: „... асл нусхани (оригинални) таржимадан фарқ қилмоқ ке-

¹⁰⁴ Ш. Рашидов. Бўрондан кучли, Тошкент, Ўздавнашр, 1958, 254-бет. Бундан кейинги мисоғлар шу асардан олиниб, бетлари қавс ичидагурасатилади.

¹⁰⁵ Ш. Рашидов. Сильнее бури. Ташкент, Гослитиздат УзССР, 1958. (Бундан кейинги мисоллар шу нашрдан олиниб, бетларий қавс ичидагурасатилади.)

рак"¹⁰⁶ деган фикрини тасвирий сўзлар таржимаси масаласига ҳам татбиқ қилиш мумкин. Чунки бадий асар бир тилдан иккинчи тилга таржима қилинганда озми-кўпми аслидаги королитини йўқотади.

Ёзувчининг тасвирий сўзларга ҳаддан ташқари ортиқча мурожаат қила беришини (айниқса ноўрин қўллашни) ижобий ҳодиса деб ҳисоблаш мумкин эмас.

Тасвирий сўзларнинг кўпчилиги полисемантик характерга эга бўлади.

Масалан, **пирпиратмоқ** (пир-пир) сўзининг асосий бош маъноси маълум предметнинг енгил, титроқ ҳаракатини кўрсатишдан иборатdir. Лекин қоғознинг пириллаши, байроқнинг пириллаши ва кишининг ҳаяжонланган вақтидаги лабининг ҳаракатини (лаби пирпиради) ҳамда бирон нарсадан қўрққанда, сесканганда киприк ҳаракатини кўрсатиш учун хизмат қиласди.

Пирқирамоқ: *Фиркўк от пирқиради**; бурнидан қон пирқиради*; *пирқ-пирқ* йиглади ва ҳоказо.

Лим: (обр) Шиша шаробга тўла, лим (Э. Раҳим, Янги қадам). **Юраклари баҳт нашъаси билан лим тўла** (Ойбек, О. в. ш.).

Хир-хир: *Негадир хир-хир кулади* (А. Каҳҳор, Т. а. I). Радио карнайи *хир-хир этиб қўйди* („Муштум“).

Ақилламоқ: *ит ақиллади** (Ойбек, Н. қ.); *роса ақиллабди** олчоқ (Ойбек, Н. қ.).

Жимири-жимири: Гавҳар кўлнинг *жимири-жимири тўлкинларига тикилиб бир лаҳза жим қолди* (П. Қодиров, У. и.). Пастда станок, машина ўрнатилган плиталарга бетон ётқизилмоқда. Одамлар *жимири-жимири* (А. Мухтор, О. с.). Яшиннинг кўкимтири ёргутида рўпаратаги уйлар ва ёмғирдан *жимири-жимири* бўлиб ётган ҳовли бир кўринди-ю, кўздан йўқолди (П. Қодиров, У. и.).

Полисемантик тасвирий сўзлар аста-секин бир-биридан узоқлашиб, улар бир-бирига алоқаси бўлмаган маъноларни англатувчи омонимик тасвирий сўзларга айланиб кетиши мумкин.

Бундай ҳолатларга, бизнингча, янги лексемаларнинг пайдо бўлиши деб қараш керак. Масалан, тарақа-туруқ товушга тақлид сўзининг маъноси аста-секин силжиши натижасида ҳозир товуш билан боғдиқ бўлмаган—ортиқча нарсалар, ортиқча шовқун-сурон каби тушунчаларни ҳам билдира

¹⁰⁶ В. И. Ленин. Материализм ва эмпириокритицизм, Тошкент, Ўздавнашр, 1950, 160-бет,

олади. Ялт сўзи ёруғлик образини кўрсатади. Вошқа ўринда бирдан, тезлик билан қарашни (ёруғлик билан алоқаси йўқ) ҳам билдириши мумкин: **ялт этиб қаради**. Чарс этказиб тиззасига урди гапидаги тақлид сўз чарс бошқа ўринда бирор предметнинг сифатини кўрсатувчи сўз сифатида қўлланиши мумкин: **қиз жуда чарс экан** (Н. Сафаров; Т. а.). **Пешонасидан дув-дув тер тўқилди** (оғзаки нутқдан).

Ғув-ғув учар болари,

Дув-дув учар болари (Қ. Мұхаммадий, Т. а.).

Пешинга яқин „Самандарқўроши үлдирилди“ деган дув-дув гап кўтарилиди (А. Қаҳҳор, Сароб).

Бу гаплардаги тасвирий сўзларнинг маънолари орасидаги муносабат жуда узоқлашган. Ҳатто, биринчи гапдаги тасвирий сўз образлиликни билдирса, кейинги икки гапдаги тасвирий сўз товушга тақлид сўз сифатида намоён бўлган.

Жиқ-жиқ: *Фақат „жик! жик“ деган овоз чиқади* („Қизил Ўзбекистон“); *Иккови жиқ-жиқ муштлашиши* (Ўзбекско-русский словарь, 156-бет) *Ичи жиқ-жиқ мой* (Қ. Мұхаммадий, Т. а.); *Қулогим жиқ-жиқ санчаётир* (Ўзбекско-русский словарь“, 156-бет); **Жиқ-жиқ терлаб...** („Муштум“). **Унинг кўзи жиқ-жиқ ёшга тўлди** (Ўзбекско-русский словарь).

Ванг: *Курилишни тезда тамомлашга қасам ичганмиз, ишимиз ванг* („Муштум“). *Каламовнинг кўнгли таскин топди шекилли, беихтиёр ашулани ванг* (ванг) қилиб юборди („Муштум“). **Мен шундай оғзим очилиб, ванг буб қолдим** (М. Исмоилий, Ф. т. о.).

Биринчи гапдаги тасвирий сўз жиқ-жиқ товушга тақлидни билдиради, иккинчи, тўртинчи, бешинчи гапларда у образлиликни ифодаласа, учинчи гапда тасвирий сўз маънисида метафора ҳодисасини кўрамиз. Ванг (ванг) сўзи эса биринчи гапда ишимиз жуда яхши, иккинчи гапда баланд овоз билан маънени, учинчи гапда ҳолатни ифодалаш учун хизмат қилган.

Тасвирий сўзларнинг полисемиялик ва омонимиялик хусусиятларини баъзи тилшунослар тасвирий сўзларнинг тилимиз лугат составида жуда кам бўлганлигидан деб изоҳлайдилар. Масалан, Н. И. Ашмарин бу тўғрида ўзининг асарларидан бирида ёзади:

„Все многообразие окружающей природы первоначально выражалось у человека лишь в немногочисленных мимемах, вот почему одно и тоже подражание часто имеет различные значения и отражает в себе целых ряд явлений иногда

имеющих между собою лишь довольно отдельное сходство”¹⁰⁷.

Бундай хулосага келишнинг нотўғри эканлигини тасвирий сўзлар системасидаги синонимия ҳодисасининг кенг тариқий этганлиги ҳам очиқ исбот қиласди.

Тилда, кўпинча, бирор нарса товушини ёки ҳаракат-ҳолат образини ифодалаш учун бир неча хил тасвирий сўзлар ишлатилади. Тасвирий сўзлар системасида синонимларнинг пайдо бўлишига, биринчидан, бирор ҳодисага турли кишининг турлича тақлид қилиши сабаб бўлса, иккинчидан, бир кишининг ҳам ўша ҳодисага турлича географик шароитда турлича тақлид қилиши сабаб бўлади. Ўзбек бадиий адабиёти бўйича олиб борган кузатишларимизда ва шахсий тажрибамиизда тасвирий сўзларнинг бир қанча синонимик формаларини учратдик. Бу ўринда уларнинг ҳаммасини келтириш мумкин эмас, албатта, унга эҳтиёж ҳам йўқ. Шунинг учун айрим тушунчаларга нисбатан қўлланган баъзи бир синонимик тасвирий сўзларни келтириш билан чегараланамиз. Масалан, эшик очилганда чиқадиган товушни кўрсатиш учун „**ФИТ**“ (А. Қаҳҳор, М. Исмоилий), **ғарч-ғурч** (Ойбек), **ғирч** (Ойбек), **ғийт** (А. Қаҳҳор, С. Анорбоев), **ғижир** (Ойбек) каби тасвирий сўзлардан; ўтириш ҳолатини кўрсатиш учун: **чўнқаймоқ*** (Ҳ. Гулом), **чўққаймоқ*** (Ҳ. Гулом) ва шу каби **мункайиб*** ўтироқ, **хурпайиб*** ўтироқ, **серрайиб*** ўтироқ каби бир неча хил формалардан фойдаланилади. Аммо бундай ҳолатни кўрсатувчи тасвирий сўзларнинг асосий қисми юқоридагилар каби феъл формасида қўлланади, холос.

Доира чалинган вақтда чиққан товушни тасвирлаш учун **даранглатмоқ***, **ғиж-банг**, **така-тум-так** (А. Қаҳҳор), **вадангламоқ*** („Қизил Ўзбекистон“), **так** („Муштум“), **ғижбада-банг**, **гижданг-гижданг**, **бақа-банг**, **қарс-бадабанг** каби тасвирий сўзлар қўлланади.

Хозирги ўзбек адабий тилида **қарамоқ**, **ийгламоқ**, **кулмoқ** каби тушунчаларни англатишда бир қанча синонимик тасвирий сўзлардан фойдаланганлигини кўрамиз. Масалан, қарамоқ тушунчасини турли хил оттенкаси билан беришда қўйидаги тасвирий сўзлар ишлатилади: аланг-жаланг, жовдир-довдир қарамоқ, ола-кула, довдир-жовдир..., мўлт-мўлт. **ғилт-ғилт** ва ҳоказо. Булардан ташқари, қараш тушунчасини билдиришда кўпгина тасвирий феъллар ҳам қўлланади: жов-

¹⁰⁷ Н. И. Ашмарин. Подражания в языках Среднего Поволжья, „Известия Азерб. Госуниверситета“, т. 2—3, Баку, стр. 154.

дираб*..., аланглаб*..., бақрайиб*..., анграйиб*..., ҳўмрайиб*, ишшайиб*..., тикрайиб*..., адрайиб* қарамоқ ва ҳоказо.

Ҳозирги ўзбек адабий тилида „ув тортиб йиғламоқ, уввос тортиб йиғламоқ, ув-в..., пиқ-пиқ..., ҳўнг-ҳўнг.., ҳўнгир-ҳўнгир.., ўқраб*, инга-инга.., бағ-бағ, пих-пих, чир-чир йиғламоқ каби бир неча синонимик тасвирий сўзлар қўлланади.

Кулишнинг турли хил оттенкаларини бериш учун ҳам синоним тасвирий сўзлардан фойдаланилади. Мисоллар:

Ҳаётда учрайди ҳар хил кулгилар:

Илжаймоқ, тиржаймоқ*, қаҳқаҳа** урмоқ
(„Муштум“).

...Миркомилбойвачча... дам хотинларининг оғизларига вино тутади, уларга нималарнидир шивирлаб, „ҳиринг-ҳиринг“ кулади (Ойбек, Қ. қон). Ашир мастиликдан юмилаёзган кўзини йилтиратиб, ҳингир-ҳингир кула бошлади (С. Анорбоев, О. ш.).

Мулойим ҳавас билан кўйлагимга тикилдинг,
„Муборак“—деб оҳиста жилмайиб“, „пиқ-пиқ“
кулдинг.

(Ҳ. Салоҳ, Чашма).

Атрофда *пиқир-пиқир* бошланди (А. Қаҳҳор, Сароб). Одамлар *ғир-ғир* кулмоқда (А. Қаҳҳор, Қ. ч.). -*Қиҳ-қиҳ-қиҳ...*—кулди Мажидиддин қора қуюқ соқолини сер-киллатиб (Ойбек, Навоий).

-*Ха-ха-ха-хо...* -*Ва-ха-ха-хо...* жон кетгандан кейин мол нега керак, бек афанди? Омон бўлинг-е... (Ҳ. Гулом, Машъал). Ҳам ўзи дилкаш йигит. Ишни пухта қиласди. Бир айби шуки, чўлоқ. *Хах-хах-ха* (Ойбек, Қ. қон). Йўғон киши худдиғозга ўхшаб „*ғат-ғат-ғат*“ қилиб кулди (А. Қаҳҳор, Қ. ч.).

Булардан ташқари кулиш пайтидаги товушга тақлид на-тижасида пайдо бўлган тасвирий сўзларнинг кўплаб сино-нимик формаларини келтириш мумкин: *шарақлаб** кулмоқ, *ирвайиб** кулмоқ (Ҳамза), *қийқириб-қийқириб** кулмоқ (Ҳ. Гулом), *қиқиқлаб** кулмоқ (А. Қаҳҳор), гуркираб* кул-моқ (М. Исмоилий), *қиқирлаб** кулмоқ (М. Исмоилий), *хи-хи-ҳиқ, ҳо-ҳо-ҳо* (М. Исмоилий), *ха-ха-ха* (Ҳ. Гулом) ва ҳоказо.

Мисоллардаги тасвирий сўзларнинг барчаси кулиш монентини характерлаб кўрсатиш учун ишлатилган. Аммо бу тасвирий сўзларнинг ифодалаган ҳодисаларини тамоман бир хил деб қараб бўлмайди.

Улуг инглиз олими Ч. Дарвин „Оқ товуқнинг ҳамма патлари оқ бўлса-да, бу оқ патлар бир-бирларидан фарқ қиласди“ деганидек, умуман, бир неча синонимик сўзлар бир ҳодисани кўрсатиш учун хизмат қиласа ҳам, ҳар бир синонимик тасвирий сўз англатган маъно—ўзининг маълум маъно оттенкаси билан иккинчисидан фарқ қиласди. Яъни қаҳ-қаҳ уриб кулиш пайтидаги товуш билан **пиқ-пиқ** этиб кулди гапидаги тасвирий сўз (**пиқ-пиқ**) ифодалаган товушни тенглаштириш мумкин эмас.

Шундай қилиб, тасвирий сўзлар ўзбек тили лексикасида катта ўрин тутади; улар тарихий категория бўлиб, уларнинг пайдо бўла бошлиши жамиятнинг анчагина тараққий этган даврига тўғри келади.

Бу эса тасвирий сўзларнинг маъносидаги силжишлар, синонимик тасвирий сўзларнинг пайдо бўлиши ҳамда ўзбек тилига бошқа тиллардан кирган неологик тасвирий сўзлар ҳисобига бўлади.

Тасвирий сўзлар турли хил лексик маъноларга эгадир. Улар полисемиялик, омонимия ва синонимия хусусиятларига ҳам эга бўлиб, бадиий адабиётда, асосан, стилистик роль ўйнайди.

Тасвирий сўзларнинг фонетик хусусиятлари. Тасвирий сўзлар предмет ва ҳодиса товушларининг, ҳаракат ва ҳолатларининг шартли равишдаги копияси сифатида майдонга келади.

Ўзбек тилида тасвирий сўзлар фонетик шаклланиш жиҳатидан жуда бой ва ранг-баранг хусусиятга эга. Тасвирий сўзлар товуш системасининг табиатдаги тақлид қилинаётган товуш билан ўхашлиги борлигини инкор қилиш мумкин эмас. Шунинг учун ҳам улар составидаги ҳар бир унли ёки ундош товуш ўзига хос хусусият касб этади. Бу жиҳатдан тасвирий сўзларнинг фонетик табиатини ўрганиш алоҳида қимматга эга. Тасвирий сўзлар составида ишлатиладиган товушларни, уларнинг системасини қўйидагича характерлаш мумкин:

1. Унли товушлар. Тасвирий сўзлар составидаги унли товушлар товушнинг асосан тембр жиҳатидан **кучли-кучсизлигини** англатиш учун хизмат қиласди.

Товушга тақлид сўзларда **а, о, и, у, ў** унлилари кўпроқ ишлатилади. Уларда **ә** унлиси ва **е, я, ю** каби товушлар учрамайди. Унли товушлар, кўпинча, сўзининг ўртасида келиб, маъно ҳар хиллигини ҳосил қиласди: сўз ўзагида кёнг унлилар **а, о** ва ўрта кенг унли ў келса, тақлид қилинаётган товушнинг нисбатан анча кучлилигини ёки предметнинг ҳажм жиҳатидан ҳам каттароқ ёки кўпроқ өканлигини бил-

диради; тор унлилар **у**, и тақлид сўзларнинг унга нисбатан кучсизроқ, кичикроқ ва ҳажм жиҳатидан камроқ нарсанинг товушига тақлиддан пайдо бўлганлигини билдиради:

Кенг унлилар:	Тор унлилар
вағ-вағ	виф-виф
бақир-бақир	биқир-биқир
чақ-чақ	чиқ-чиқ
тўқ-тўқ	тиқ-тиқ
пўк-пўк	пук-пук
жўр-жўр	жир-жир
шақ-шақ	шиқ-шиқ
тарақ	туроқ
топир	тупур

Масалан: *Бектемир совуқдан безгакдай титрар, озган, қотган баданини панжаси билан шақ-шақ уради* (Ойбек). *Нарироқда бирдан ўт шитирлади, атрофга нимадир шиқ-шиқ қилиб туша бошлади* (Ойбек, Қ. қораймас).

Унлиларнинг алмашиб, янги сўз ҳосил қилиш ҳодисасини янги лексема-сионимларнинг пайдо бўлиш йўлларидан бири деб ҳам қараш мумкин¹⁰⁸⁻¹⁰⁹.

Баъзан товушга тақлид сўзлардаги унлиларнинг қаттиқлик ёки юмшоқлик хусусияти ёнма-ён турган ундошнинг характеристери билан белгиланади. Масалан, **и**, **у**, **ў** унли товушлари қ, ф, х ундошларидан сўнг ёки аввал келганида ў, å, ы тарзида эштилади; г, к, ҳ ундошлари билан ёндош келганида эса улар ў, ў, å каби талаффуз қилинади¹¹⁰. *Ташқариди қутурган шамол гувуллаб*, дарчани штарар, унинг тирқишиларидан қор учқунларини иргитади* (М. Исмоилий, Ф. т. о).—Эски қишлоқ гузаридаги *ийгин эсингиздами?*—мурожсаат этди *Уктам Ҳадиҷа холага,— оломон гув-гув қайнади* (Ойбек, О. в. ш). **Тиқир-тиқир** (Узбекско-русский словарь, 1959, 438-бет). *Қаердадир, узоқда, шовқин соглан зениткалар, пулемётлар гўё тарнавдан тик-тик томиб, кеча сукутини чуқурлаштирган томчилардек туялди* (Ойбек, Қ. қораймас).

Бундай ҳодисалар ҳақида баъзи тилшунослар ҳам бошқа туркий тиллар фактлари асосида гапирган эдилар. Чуваш тилидаги тасвирий сўзлар устида кўп кузатишлар олиб бор-

¹⁰⁸⁻¹⁰⁹ М. Худайкулиев. Подражательные слова в туркменском языке, Автореферат кандидатской диссертации, Л., 1958, стр. II.

¹¹⁰ Товушларнинг бу хил ўзгаришига аккомадация ҳодисаси дейилади. Қаранг: В. В. Решетов. Узбекский язык, Ташкент, 1960, стр. 294.

ган проф. Н. И. Ашмарин чuvаш тилидаги тасвирий сўзларнинг фонетик хусусиятлари ҳақида шундай дейди: „Чувашские междометия **шарр** означает сильное вытекание жидкости, а **шарр** её слабое стекание (напр. со стола). **Шалтарт** — подражание краткому и сильному стучанию, а **шалтарт** — краткому, но более слабому“¹¹¹.

Ўзбек тилида тақлид сўзларнинг бошланиши (анлаут) ва охирида (ауслаут) унли товушларнинг келиш ҳоллари жуда кам учрайди. Икки товушдангина ташкил топган жуда ҳам оз бир бўғинли тақлид сўзларнинг гоҳ бошланишида, гоҳ охирида унли товушлар кела олади: **Ҳу-ғу, қу-қу, ку-ку, ув, ак-ак** кабилар.

Қайси бир кавакда чумчук болалари чирқиллайди, томдан кантарларнинг ўксиз „**ҳу-ғу, ҳу-ғу**“лари эшистилиб қолади (Ойбек, Қораймас). Яна кўзлар батарроқ ув тортган, хунук, очофат, вахший даҳшатнинг ҳўмрайган уфқларида айланади (Ойбек, О. в. ш.).

Тақлид қилинаётган товуш давомли эканлигини билдириш учун тасвирий сўз составидаги унли товуш чўзиброқ талаффуз қилинади. Бу эса кўпроқ инлаут ва ауслаутда учрайди: гаақ-гаақ, мо-о-о, ба-а-а каби. Лекин бу ўриндаги унлиларнинг талаффуз этилишини бошқа турк тиллардан ва баъзи ўзбек диалектларидағи та:а (тоғ) типидаги чўзиқ унлилар билан тенглаштириш ярамайди. Ҳатто, буларни чўзиқ унлилар дейиш мумкин ҳам эмас.

Тақлид қилинаётган ҳолатнинг интенсивлигини бўрттириб кўрсатиш ва унга экспрессив тус бериш мақсадида бир унли орттирилади. Масалан: **шарақа-шурӯқ, тақа-тақ, гурса-гурс** кабилар. Мисоллардан маълум бўладики, кучайтирувчи элемент асосан инлаут ва ауслаутда орттирилади.

2. **Ундош товушлар.** Товушга тақлид сўзлар составидаги ундош товушларнинг хусусиятлари яна ҳам хилма-хилдир. Тасвирий сўзларнинг маъноларини белгилашда ундош товушлар кўп жиҳатдан етакчи роль ўйнайди. Агар товушга тақлид сўзлар портловчи ундошлар билан тугаса (**шарқ, шарт, гуп, тап, чирқ** каби), товуш кескинлигини ёки уни қисқа-қисқа бўлинib такрорланишини билдиради. Аммо улар **р, в, з, ф, ж, м** каби сирғалувчи ундошлар билан тугаганда эса юқоридаги кескинлик маълум даражада бўшашади: **чир, чиф, ғув, виж, виз, шарр** каби: *Мачитдаги кекса бақа терак орқасидан кўтарилган қизғич ўт кўкда оловлй из қолдириб, жуда юқорилади ва гўё осмонга урилгандай*

¹¹¹ Н. И. Ашмарин. Основы чuvашской мимологии, Казань, 1918, стр. 8.

чил-парчин бўлаб пўп этди (А. Қаҳҳор, Йиллар). *Тўғонбек дарича орқали ташқарига „чирт“ этиб тупурди-да, сояга разм солиб, Дилдордан хабар олиш учун қўзгалди* (Ойбек, Навоий).

*Ўт зўр экан билмабман,
Назаримга илмабман.
Пақ! этди,
Шақ! этди—
Тухум ёрилди — кетди....* (Ш. Саъдулла,
Ш. ва э.).

*Бек сўз давомида негадир хир-хир кулади, отини ас-
кия ва ҳазил қўйиб, аёлни калака қилиш мақсадида луқ-
малар ташлайди* (А. Қаҳҳор, Т. а., I). *Хотин ҳарам
дарвозаси ёнига етиб, остонаяга қадам босган чогида бў-
сағадаги йигит „вишш“ эттириб қиличини қинидан су-
гурди* (А. Қодирий, М. ч.).

Мисоллардаги пўп, чирт, пақ, шақ каби тасвирий сўз-
ларнинг охирги товушини хоҳлаганча чўзиб талаффуз қи-
лиш мумкин эмас. Чунки бу тасвирий сўзлар охиридаги
қ, т, п каби товушларни талаффуз қилишда иштирок этувчи
шутқ органларининг ҳолати, артикуляцион хусусият овозни
яна давом эттиришга йўл бермайди: портлаш ҳосил бўлиб,
овоз кесилади. Шунинг учун ҳам товушга тақлид сўзлар
маъносидаги чўзиқликни кўрсатишда кўпинча р, з, в, ф, ш
каби ундошларнинг қаватлашишидан фойдаланилади.
Чунки уларни хоҳлаганча чўзиб талаффуз қилиш мумкин:
*Бектемир орқада ниманингдир „ҳўмм... деганини
эшитди* (Ойбек, Қораймас). *Ҳозирги бораламини тама-
кидан олгандек, худайчи келтирган чилимга ёпишди-да,
шиф...ғ...эттириб сархонани синдириш даражасига етки-
риб тортиди* (А. Қодирий, Ў. к.).

Шундай ундош товушлар ҳам борки (р, в, з, л, ж), улар
ҳозирги ўзбек тилида соф ўзбек сўзлари бошида келмайди.
Тасвирий сўзларнинг бошида эса, р товушидан бошқа, улар-
нинг ҳаммаси тез-тез учраб туради: вақ-вақ, валдир-валдир,
ванг-ванг, виз-виз, жангир-жунгур, жараган-журунг, жа-
рақ-жарақ, жир-жур, жағ-жағ, жимир-жимир, жиқ-жиқ,
жовдир-жовдир, зир-зир, зирқ-зирқ, зув-зув, лақ-лақ,
лов-лов, лоп-лоп, лўқ-лўқ, лип-лип ва б.

Тасвирий сўзларнинг фонетик шаклланиши бошқа кате-
гория сўзлардан фарқланади. Буларга қўшимча равиша
тасвирий сўзларда ишлатиладиган ундош товушларнинг қат-
тиқ, юмшоқлиги ва бу ҳодисанинг маънога муносабати ма-
саласини ҳам кўрсатиш мумкин. Умуман, ўзбек тилида

п, б, ф, т, с, д, н, м, р, л каби ундошлар олдинги қатор унлилари билан ёндош келгандаридан юмшоқлашади. Тасвирий сўзларда эса бу ундошларнинг юмшоқлашиши кўпинча и унлиси ёндош келганда юз беради. Чунки тасвирий сўзлар составида э, е унлилари учрамайди ҳисоб:

пар	пир
лоп-лоп	лип-лип
шалдир-шалдир	шилдир-шилдир
жаз-жаз	жиз-жиз
варақ-варақ	виш-виш
тарс-тарс	тирс-тирс ва ҳоказо.

Лекин дабдаба билан бошланган иш лоп этиб ёнди-ю, сув сепилгандай ўчиб қолди („Муштум“).

Лим-лим сувдан узолмайман кўз,
Тўлқинларда тирик ҳаяжон.
Кўёш, миллион ва милион юлдуз,
Бўлиб унга сочилган маржон

(Зулфия, Ю. я. к.).

Эшик ёнидаги сув тўла тунука бокнинг қулогига занжир билан боғланган қўпол кружка қўлдан қўлга ўтиб жсангир-жунгур қиласи (А. Мухтор, О. с.). Қуёш тик келиб ҳамма ёқни куйдиради. Тошлиар оёқларни жизэ-жиз узиб олади (Ойбек, Қ. қон). Сув бўлса варақ-варақ қайнаб турибди (Узбекско-русский словарь, 101-бет). Ҳавода кетма-кет отилиб турган ракеталарнинг виш-виш овози ҳукмрон эди (М. Мұхамедов, Қ. и.).

Мисолларда келтирилган лоп, жангир, варақ каби тасвирий сўзлар составидаги л, ж, в каби товушларни лим, жиз, виш сўзлари бошида келган л, ж, в каби товушлар билан тенглаштириш мумкин әмас. Уларнинг фарқини талафузда яна ҳам очикроқ сезамиз.

Ўзбек тилида қ-қ, п-б, т-т каби ундошлар унли билан ёндош келишидан қатъий назар, қаттиқ, юмшоқлик жиҳатидан бир-биридан фарқи сезилиб туради. Ҳатто улар ўртасидаги фарқ рус тилидаги л-ль, к-къ, п-пъ, т-тъ каби товшулар ўртасидаги қаттиқ-юмшоқликларига нисбатан ҳал анча сезиларлидир:

қарс	карс
қулт	килт
пилч-пилч	бильч-бильч
жиқ-жиқ	жик-жик
туқ-туқ	дук-дук ва ҳоказо

*Ана ўрдак билан гоз,
Ана маймун шўх дарвоз.
Хўрот қичқирап: қу-қу!
Бунда йўлбарс, шер йўгу... (Қ. Мұхаммадий,
Т. а).
Тонг отди, тур тезроқ, ўртоқжон, ётма,
Ку-ку-ку, гулзорга боққин! дегандай
(Ш. Саъдулла, Ш. ва ә).*

Аёлларнинг кўзларига жик-жик ёш келди (Ойбек, О. в. ш.). Жик-жик (Т. Зоҳидов, Зоология энциклопедияси, 1957). Йўлакда у ёқдан бу ёққа ўтиб қолса, қадамнинг дуқ-дуки худди жонимни суғуриб оладигандек бўлади (С. Анорбоев, О. ш.).

*Колонизаторларни тутганда безгак.
Жағлари қаришиб, этарди тақ-тақ
(„Муштум“).*

Ҳозирги ўзбек адабий тилида товушга тақлид сўзларнинг бошланиши учун асосан **в, д, ж, п, т, қ, ф** ундошлари характерлеридир. Товушга тақлид сўзларнинг охири учун эса кўпроқ **с, ш, з, к, р, қ, п, т**, в каби ундошларнинг келиши характерлеридир: пақ, пар, ват-ват, фув-фув, вис-вис, тап-тап, чақ-чақ, виқ-виқ каби.

Образли сўзларнинг ҳам фонетик шаклланиши товушга тақлид сўзларга ўхшайди. Ундош билан бошланиб (орада унли бор) ундош билан тугаш образли сўзларнинг ҳам специфик хусусиятларидан биридир: лоп-лоп, лик-лик, лапанг-лапанг, селк-селк, милт-милт, филт-филт ва ҳоказо: *Баҳор куни одам қалин. Ҳамма кўзини лўқ қилиб қарайди* (Ойбек). *Уй... кўринг-кўрманг лов-лов ёнади; Учта ҳай-ҳотдай хонанинг деворлари уч хил трафарет қилинди* („Муштум“).

*Гули... Газал ҳам шунчалар ширин бўлурмур?
Вафо нури билан лим-лим тўлурмур?*
(Уйғунва И. Султон, Навоий пьесаси).

1944—1945 йиллар бўлса керак, Фоғиржон лоп этиб Фарғона облости молия бўлимига мудир бўлиб кўтарилиб қолди („Муштум“).

Унли ва ундош товушларнинг алмаштирилиши ёки қаттиқ-юмшоқлиги товушга тақлид сўзлардаги каби образли сўзлар ифодалаган маънога ҳам таъсир қиласди.

Образли сўзларнинг бошида **б, д, ж, п, с, ч, ш, ф** ундошлари, охирида **т, н, р, қ** ундошлари келади. **Л, п, к** то-

вушлари эса ҳар учала ҳолатда ҳам кела беради: мильт-милт, пилдир-пилдир, дик-дик, ял-ял, жилпонг-жилпонг каби.

Образли сўзларнинг унлилар системасида товушга тақлид сўзларда ишлатилмайдиган я, ю графемалари ҳам мавжуд.

Бу эса образли сўзларнинг товушга тақлид сўзлардан фарқини кўрсатувчи яна бир ўзига хос хусусияти ҳисобланади.

Бундা�н ташқари, образли сўзлар анлаутида товушга тақлид сўзлар анлаутида учрамайдиган л, с товушларининг кўлланишини ҳам кўрамиз: ялт-юлт, ярқ-юрқ, лик-лик, лўк-лўк, саланг-саланг, селк-селк каби.

Бошқа туркий тилларда ва шу каби рус тилида ҳам тасвирий сўзларнинг бошида икки ёки ундан ортиқ ундошларнинг қатор келиши нормал ҳодиса ҳисобланади: шварк, хлоп, трах, тра-та-та (рус тилида)¹¹²:броз, трон, крап, звирк ва б. (коми тилида)¹¹³.

Ўзбек тили учун эса бундай ҳолатни типик ҳодиса деб бўлмайди. Ҳатто умуман, ҳозирги ўзбек адабий тилида сўз асосида икки ундошнинг қўшалоқланиб келиши учрамайди¹¹⁴. Ҳозиргача биз фольклор ва оғзаки нутқда иккитагина сўзнинг бирдан ортиқ ундош билан бошланганлигини учратдик, холос: драк-драк: („Алномиш“ достони, 1958, 64-бет, трақ-трақ (оғзаки нутқдан).

Тасвирий сўзларнинг охирида икки ёки ундан ортиқ ундош товушнинг келиши ўзбек тилида тез-тез кўзга ташланаб туради: пирт-пирт, шарт-шарт, тарс-турс, қарс-қурс ва б. Тасвирий сўзлар охиридаги қўш ундошлар кўпинча р, л каби сирғалувчилар билан с, т, қ, к, ч, п каби ундош товушларнинг бирикиши натижасида ҳосил бўлади:
пир + т - пир + т, тар + с - тур + с, шил + т - шил + т,
чир + қ-чир+қ, гур + с - гур + с, пил + ч-пил + ч, чўл + п-чўл + п, гур + к - гур + к каби.

Хуллас, тасвирий сўзлар составида в, д, ж, п, т, з, ф, ш, қ, р каби ундошлар кўп учраса, н, м, б, с каби товушлар камроқ учрайди. (Мисоллар учун ишимизнинг охирида берилган тасвирий сўзлар лугатига мурожаат қилинсин).

Тасвирий сўзлар бўғин тузилишига кўра ҳам ўзларига хос хусусиятга әга. Яъни улар асосан биргина ёпиқ бўғин-

¹¹² „Грамматика русского языка“, I, М., Изд-во АН СССР, 1953, стр. 679.

¹¹³ Д. В. Бурых. К проблеме изобразительной речи, „Уч. записки Карело-финского университета“, т. III, вып. 1, 1948, стр. 85—94.

¹¹⁴ А. Н. Кононов, Грамматика современного узбекского литературного языка, М.—Л., 1960, стр. 47.

дан ташкил топади. Очиқ бўғинли тасвирий сўзлар бармоқ билан санаарлидир.

„Ҳозирги замон ўзбек тили“ китобида ўзбек адабий тилида учрайдиган сўз ўзакларининг қўйидаги турлари кўрсатилади: 1) V, 2) от, 3) де, 4) бош, 5) ост-уст, 6) тўрт, 7) брак, 8) пункт, 9) фронт кабилар. „Буларнинг энг кўп учрайдигани, — деб ёзилади китобда, — иккинчи ва тўртинчи турлари бўлиб, улар ўзбек тилидаги бир бўғинли ўзакларнинг асосий типидир“¹¹⁵.

Тасвирий сўзларда бўғин сифатида юқоридаги ўзак типларининг тўртинчи ва олтинчи хиллари кўп учрайди; иккичи, учинчи, бешинчи, еттинчи турлари озчиликни ташкил қиласиди. Ҳозирги замон ўзбек тилида бир унлидан ташкил топган биттагина тасвирий сўзни учратдик: ў — ў — ў; (Ҳамза).

Еттинчи, саккизинчи ва тўққизинчи турлар тасвирий сўзлар учун характерли эмас.

Тасвирий сўзлар, умуман, бир ва икки бўғинли бўлади. Уч (икки-уч сўзни ҳисобга олмагандан) ёки ундан ортиқ бўғинли тасвирий сўзлар ҳозирги ўзбек адабий тилида учрамайди.

Ҳозирги ўзбек тилидаги тасвирий сўзларнинг бўғин ту зилишини қўйидагича кўрсатиш мумкин:

1. V = бир унли: ў — ў — ў — эчки товушига тақлид.

2. V + С = унли + ундош: **ув** тортиб йиғламоқ, **юм-юм** йиғламоқ, ак-ак ҳурди кабилар. Мисоллар: **Қуёш ял - ял ёнар** („Муштум“). **Қорни тўқ, эгни бутун бўлса бас, „инг“** ўйқ, „гинг“ ўйқ ишлай беради (Ойбек, Қ. қон).

Чирқиллайди байбайлаб,

Чидомлай юм-юм йиғлаб

(Қ. Мұхаммадий, Т. а.).

3. С + V = ундош + унли:

Навбат қўй-экиларга келди. Ҳаммаёқни ба-бу босиб кетди („Муштум“)

Бир дон топса қаердан,

Қу-қу-қулаб бирдан,

Товуқ-жўясин севган,

Ота бобоқ хўрозим (Қ. Мұхаммадий, Т. а.).

4. V + С + С = унли + ундош + ундош: *Навоий ялт этиб қаради* (Ойбек, Навоий).

5. С + V + С = ундош + унли + ундош:

Қайнатар зарданг, эшитсанг қанча серзардоб гап,

Мақтаниб, ёғин еганларни кўринг вис-вис этиар.

(„Муштум“).

¹¹⁵ „Ҳозирги замон ўзбек тили“, Тошкент, 1957, 289-бет.

Қалдиригочнинг расми ўйилган,

Шишалар шаробларга лим (Ә. Раҳим, Я. қ.).

Ҳар Турғунжон деганларида оғизларидан чак-чак мой томади (Н. Сафаров. Ҳ. м.)

Кўкда, менинг бошимда туриб,

Гўё юрагимдай қалқди у,

Кўзимдаги ёшимни кўриб,

У ҳам тўқди ёшини дув-дув (Зулфия, Ю. я. к.)

6. $C + V + C + C$ = ундош + унли + ундош + ундош: *Сал бўшадими, икки қўлим қайси бир очиқ мазордаги худонинг ғазабига учраган қарздорнинг ёқасидаю, шилқ-шилқ кўча чангитганим-чангитган* (Хамза Т. а.). уктам... қўлларини *чарс-чарс* товуш билан ёнган печкага узатди. (Ойбек, О. в. ш.). Этикчи бошини эгиб, бу ҳаммани *рад қилди, бўлмаса тарс* ёрилар эди (С. Айний, Қуллар.). Синган эшикдан уч яроғли киши ҳам бостириб кирди. Буларнинг бириси қўлида *йилт* этиб шам ёқилди (Айний. Қуллар).

7. Икки бўғинли тасвирий сўзлар:

а) CVCC+VC = ундош + унли + ундош + ундош + ундош: *милт + ир, шалп + анг - шалп + анг, мўлт + ир - мўлт + ир каби.*

б) СУС + УС = ундош + унли + ундош + унли + ундош: *ғиж + ир - ғиж + ир, дуп + ур - дуп + ур; ғим + ир - ғим - ир каби:*

Кўплари пиёда чарчаб,

Оёқлари ликанг-ликанг („Муштум“).

Адолат аризасини тўрт буклаб, Нинага узатаетган эди, югуриб квлаётган кишининг дупур-дупур оёқ товушлари эшитилди (И. Раҳим, Ч. м.)

Дастлаб уларга ҳар хил қушларнинг вижир-вижир қилиб, ёқимли сайраши эшитилди (Ҳ. Назир, С. ч.).

в) $V + C + C + V$ = унли + ундош + ундош + унли:

Гоҳо бирдан гапни қовушитирмас,

Чакалоқнинг инга-ингаси (Мирмуҳсин, Уста Фиёс).

г) $C + V + V$ = ундош + унли + унли: *Ховли юзида айлануб юрган оқсоқ мушук тўкилган жўхорини исқаб кўрди, маъқул бўлмади шекилли, Гуробжонга қараб шикоятомуз „may“ деди* (А. Қаҳҳор Т. а.).

Бир бўғинли тасвирий сўзлардан энг кўп учрайдигани бешинчи ($C + V + C$) ва олтинчи ($C + V + C + C$) типлариидир.

Бир бўғинли тасвирий сўзлар ($C + V + C$) ҳаракат ёки товушнинг қисқалигини билдириш учун хизмат қиласди: тик, вағ, виш, вит, гуп, пир, шўп, лоп, лик, тик, виз, гир, тўп ва ҳоказо.

Албатта, бундай ўринларда интонация ҳам катта роль уйнайди. Яъни „**виш**“ тақлид сўзини „виш“ деб қисқа айтиш мумкин ёки уни „вишшиш...“ каби чўзиб талаффуз қилиш ҳам мумкин.

CVC типидаги тасвирий сўзларга т, п, қ, с каби структура элементларини ортириш билан ўнгни типдаги бир бўғинли тасвирий сўзлар ҳосил бўлади: гурс-гурс, қарт-қарт, пирқ, пирт, чирт, чарс, чирқ, шали, ширқ, милт кабилар.

Лекин бир бўғинли тасвирий сўзлар-хоҳ ясовчи элемент олмасин, хоҳ у структура элементи¹¹⁶ билан бирликда CVC + C типида келсин, бари бир товуш қисқалигини, ҳаракат кескинлигини билдиради.

Бир бўғинли тасвирий сўзларга -ир, -ур, -(а) нг, -(у) нг каби структура элеменлари қўшилганда, бошқача ҳолат юз беради. Ундан вақтларда икки бўғинли тасвирий сўзлар ҳосил бўлади. -ир, -(а) нг каби структура элеменлари тасвирий сўзларнинг бошлангич маъносига қўшимча маъно оттенкасини беради. Бундай икки бўғинли тасвирий сўзлар товуш ёки ҳаракатнинг (ҳаракат образининг) давомли бўлганлигини, предметнинг бирдан ортиқлигини билдиради. Лекин асосий маъно ундан тасвирий сўзларнинг биринчи бўғиндалигича қола беради. Чоғиширинг:

тақ = бир марта	/ /	тақир = бирдан ортиқ
дук = бир марта	/ /	дук + ур = бирдан ортиқ
тўп = бир марта	/ /	тўп + ир = бирдан ортиқ,
чиқ = бир марта	/ /	чиқ + ир = бирдан ортиқ
лап = бир марта	/ /	лап + анг = бирдан ортиқ
лик = бир марта	/ /	лик + анг = бирдан ортиқ
милт = бир марта	/ /	милт + ир = бирдан ортиқ

-ир структура элементининг англатган маъноси, функцияси чоп, теп, қashi каби феъллардан чопқила, тепкила, қашила типида яна феъл ясовчи-ла аффиксининг функцияси-га тўғри келади.

Тасвирий сўзлар такрорланганларида улар составида турли хил товуш ўзгаришлари юз бериши мумкин (товуш ўзгариши асосан иккинчи компонентда бўлади). Бу ўзгаришлар, юкорида айтганимиздек, тасвирий сўзларнинг маъноларига ҳам таъсир қиласди.

¹¹⁶ Структура элементи термини Л. Н. Харитоновдан олинди.

Ҳозирги ўзбек тилида тасвирий сўзлар составида а то-
вушининг ү га ўтиши жуда кўп учрайди. Бу ҳолат бутун
туркий тиллар учун ҳам қонунийдир (1-жадвалга қаралсин):

Жуфт тасвирий сўзларда бундан бошқа унлиларнинг ал-
машинишини ҳам кўриш мумкин": и→у (қий-чув), о→у (шов-
шув), я→ю (ялт-юлт) ва ҳоказо.

1-жадвал

Т и л л а р			
Ўзбек	Қозоқ	Қирғиз	Туркман
тарс-турс	тарс-турс	тарс-турс	ваззы-вуззы
аланг-буланг	аланг-буланг	бачыр-бучур	габир-губыр
гарч-фурч	баж-буж	жарк-журк	галк-гулк
дангир-дунгур	дан-дун	жалт-жулт	лак-лук
тақири-туқур	тақыр-туқыр	кажды-кужу	шакыр-шукур
тақ-туқ	тақ-туқ	так-тук	шалдыр-шуллур
шарқ-шурқ	бал-бул		
парт-пурт	жалт-жулт		

Т и л л а р		
Монгол	Яқут	Усмонли турк
гангар-гунгар	дар-дур	ters-türs
тамтр-тумтр	пас-пус	çati-çüti
аахил-уухил	сар-сур	сак-сик
	тап-туп	cart-curit
	ар-бур	garç-gurç
		fart-furt

Икки бўғинли тасвирий сўзлар такрорланганида иккин-
чи компонентнинг структура элементидаги унли ҳам лабиа-
лизация қонунига бўйсуниб, ўзакдаги унлига мослашади.
Ўзакдаги унли қандай бўлса, структура элементидаги унли
ҳам шундай бўлади: валдир-вулдур (а, и→у, у), жаранг-
журунг (а, а→у, у), шалоп-шулуп (а, о→у, у) каби.

Тасвирий сўзлар составида ундошлар алмашиниши ҳам
маълум қонун асосида бўлади.

Биринчидан, тасвирий сўз иккинчи компонентининг би-
ринчи товуши алмашади (қий-чув даги охирги ундошлар-
нинг (й→в) алмashiш ҳолати жуда кам).

Иккинчидан, жуфт тасвирий сўз биринчи компоненти
портловчи ёки сирғалувчи ундош билан бошланган бўлса, у
товуш иккинчий компонентда ҳам портловчи ёки сирғалувчи

товуш билан алмашади: **ғивир-шивир** ($f \rightarrow \dot{sh}$), чирс-пирс ($\chi \rightarrow p$), **ҳу-ғу** ($\chi \rightarrow f$), **қий-чув** ($\dot{q} \rightarrow \dot{ch}$) кабилар.

Ҳозирги ўзбек адабий тилида жуфт тасвирий сўзлар компонентларидағи унли ва ундош товушларнинг алмашини мисоллар асосида шундай кўрсатиш мумкин: **A→У Нари-бери** бўз салласини бошига чулғаб, сарпойчан кафшини **шап-шуп** босиб, дарвозадан ичкарига кириб бормоқда бўлган **Сафар** бўзчини **Маҳмуд тўхтатди** (А. Қодирий, М. ч.); **A→У: Лекин шу вақт қўра ҳовлисида эркакларнинг гап-сўзлари, этик дақирилари*** эшилди (Х. Гулом, Машъал); **O→У: Бироқ автоматчилар** у ёққа ўтиб бўлмайди деб **ҳой-ҳуй** кўтаришиди (М. Шолохов, И. т.). Картинанинг биринчи қисмидәк лента **тўрт марта узилди, томошибинлар шов-шув** кўтаришиди ("Муштум"); **И→У: Шу вақт ичкаридан хотинларнинг фавқулодда қий-чув** товушлари эшистилиб, иккисининг ҳам қулоқлари диккайди ва қўрқа-писа бир-бирларига қарашдилар (А. Қодирий ў. к.); **Я→Ю: Тарс-тарс, чуқ-чуқ,** этган товушлар чиқиб, юқори кўтарилган кетмонларнинг ийлтироқ сиртига тўқинган қуёш ялт-юлт чақнаб туради (А. Қодирий).

A, A→У, У: Қоронги тушишга яқинлашганликдан қиё ёпилиб турган дарвозани кимдир биттаси ичкаридан зичлаб ёпди-да, куч сарф қилиб, дарвозанинг зўр занжирини шарақ-шурук этиб боғлади (А. Қодирий, ў. к.). Кўчириб олиш билан иш битса, бу **тарақа-турук** кимга керак, факультетни ёпиб қўяқолишин бўлмаса (П. Қодиров ў. и.); **A, И→У, У: Бир қоп ёнтоқдай шалдир-шулдор,** қувноқ қиз экан десалар-да, лекин Нуринисони таниганлар ҳар вақт у билан эҳтиёт билан муомала қиласар эди (Ойбек, Қ. қ.); **A, О→У, У: Липасини кўтариб жиндек лойқа сув келган анҳорга тушиб югорди,** унинг орқасидан бош яланг қизчалар **шалоп-шулуп** этиб, тўпиқдан сув кечиб чопқиллашдилар. (А. Мухтор, О. с.).

Тап-чип сўзидағи **а** товушининг и га ўтиши, пурсу-пос сўзидағи у товушининг **о** га ўтиши ва гуриллаб-вариллаб сўзидағи у товушининг **а** га ўтиши каби ҳодисалар ҳозирги ўзбек адабий тилида жуда кам учрайди. Аммо ўзбек тилида **а** товушининг и га ўтиши эмас, балки алмашиниб қўлланиши деб қарашиб керак бўлган шар-шар // шир-шир типидаги тасвирий сўзларни кўплаб учратиш мумкин¹¹⁷.

¹¹⁷ Қаранг: Э. В. Севортян. Материалы к сравнительной фонетике турецкого, азербайджанского и узбекского литературного языков, Исследования по сравнительной грамматике тюркских языков, фонетика, М., Изд-во АН СССР, 1955, стр. 45.

Ундош товушларнинг алманиниши:

Б→Ч: Улар гулларни писанд қилмай, бақириб-чақириб, уувуллаб-чуувуллаб кела бошладилар (Ш. Рашидов, К. қ.).

Қ→Ч: Бу қий-чув орқасидан меҳмонларга қуюқ-суюқ берилди (А. Қодирий, Ў. қ.).

Қ→Б: Ҳатто хушнавозларга жўр бўлиб, баралла ялла қилгим, катта давраларда қарс-бадабанга ўйнагим келади („Муштум“).

В→Ш: *Вағир-шағир* („Алпомиши“ достонидан).

Г→В: Тракторлар гуриллаб-вариллаб ёввойи жийда, туронғу, тол, дўланан... ни таг томири билан кўтариб ташлади (А. Қаҳҳор, К. қ.).

П→Ғ: Жимликни унинг *пиқ-тиқ* ийғиси бузарди („Қизил Ўзбекистон“).

Т→Ч. Т товушининг Ч га ўтиши онда-сондагина учрайди: Баҳром елкасини қашиб, кафшилик оёғи билан кафшиз оёғини „*тап-чиқ*, *тап-чиқ*“ ерга босиб ичкарига кириб кетди (А. Қодирий, М. қ.).

Ч→П: Баъзилар ёлғиз ўзини билимдон ҳис этар,

Жинс билиб ўзни илмга, ўзгани ножинс этар,

Гердайишда ўзини нур тарқатувчи ГЭС этар,

Билмаган одамга осмондан келиб, чирс-пирс этар,

Қалбини очсанг агарда, дам чиқиб *пис-пис* этар.

(„Муштум“.)

Чиртинг-пиртинг („Хозирги замон ўзбек тили“, 1957, 302-бет).

F→Б: *Фиж-бадабанг* („Муштум“).

F→Ш: Қанча ғовур-шувур, бир тала тўп бўлиб ётган девлар ўтди, ҳаммаси йўқ бўлиб кетди („Маликан айёр“ достонидан).

F→П: Оппозициянинг умидсизлик ва ожиззлик қилиб айтган *ғириң-пирингларига* парво қилмади (ВКП (б) тарихи).

Ғириң-пиринг (Узбекско-русский словарь).

Қодирқул. Мен у билан сайловдан кейин гаплашаман. Агар шу тонда *ғинг-пинг* десам, ўзим зарар кўраман (Ҳамза, Б. и. х.).

П→Ш: Холмат... Пичоқни шу Ҳасан аканг урадими?! Чумчуқ *пир* этса, юраги *шир* этади-ю, бунинг (Ҳамза, Б. и. х.).

Ҳ→М: Бамбур тепадан учиб ўтди-ю, ҳанг-манг бўлиб қолди (Ш. Рашидов, К. қ.)

B→C: *Валаки-саланг* (Узбекско-русский словарь).

T → P: Нури онасини ёлғиз учратиб, уни ийдериши учун эркаланиб, секингина мақсадини айтди. Онанинг кўзи така-пука бўлди (Ойбек).

K → F: Икки унли ўртасида ёки Sandhi (сандҳи) юз берганда қ товуши жаранглашади ва f га ўтади (яъни спирантизация ҳодисаси юз беради): бағбақа (Узбекско-русский словарь).

Тасвирий сўзларда товуш алманиниши кўпинча эшитиш ва кўриш билан боғланган. Баъзан эса бунга лексик-фонетик процесслар ҳам ёрдам беради.

Тасвирий сўзлар составида товуш алманинишидан ташқари товуш ортирилиши, тушириб қолдирилиши ёки уларнинг ўринларини ўзгартириш каби ҳолатлар билан боғлиқ бўлган яна бир қанча фонетик процесслар ҳақида гапириш ҳам мумкин.

1. **Жаранглиланиш.** Тасвирий сўзлардан бошқа сўз туркумлари ясалганида баъзан тасвирий сўзлар составидаги жарангисиз ундош товушлар жаранглиланиши мумкин: Момақалдироқ // момагулдирак.

2. Тасвирий сўзлар ўртасида ёки охирида бир унли ортирилишини **анаптаксис** (товуш қўшиш) ҳодисаси дейилади.

а) Тасвирий сўз ўртасида:

Ҳай, бой!

Ичиғирич-ғирич мой!

Бети довул, бурни сурнай,

Букун сендан қимматлироқ бир замбар лой.

(Ҳамза, Букун 8 март!)

Бр сотганларнинг кўпини кўрдик, охири гадой бўлади. Тўғри, ерни пулга сотадилар, нақд пулни жарак-жарак санаб оладилар (Ойбек, К. қон.). Ойсулув тол тагида турриб, Сувонжондан олаётганда ҳалиги балиқ думи билан шолоп-шолоп уриб, қўлидан сирғаниб чиқиб кетуводи (Анорбоеv. O. Ш.).

б) Тасвирий сўз охирида:

Шиппа-шип қамчи тортти (биринчи компонентда)

Кор-ёмғирдай тўқилиб („Равшан“ достонидан).

3. Бир хил ўзакдан иборат бўлган тасвирий сўз составида ундош товушлар ўрнининг алманиниб келиши **метатеза** ҳодисаси дейилади: шарпа // шапра (рҶп), қирс-қирс // қиср-қиср (рҶс) ва ҳоказо: Ўша вақтларда Европада коммунизм *шарпаси** юрибди, деб айтишар эди („Қизил Ўзбекистон“): Айвонда салла ўраб овора бўлган маҳдум йўлакдан „зайфа“ *шапрасини** олиб, танчада санама тикиб ўтирувчи Раънога.., қаради (А. Қоди-

рий, М. ч.). Тун совуғи билан қотган лойсиңиң шиша парчаси каби қирс-қирс ушалади (Ойбек, Қ. қораймас). Биламан бизнинг сүякларимизни қиср-қиср босиб, янич, революция тўйини бошлайсиз (Ойбек, Н. қ.).

4. Кўпинча, тасвирий сўзлардан -ра аффикси орқали феъллар ясалганда, тасвирий сўз охиридаги и унлиси тушиб қолади. Бунга тишлиносликда элизия ҳодисаси деб қаралади: ҳўнгир-ҳўнгир // ҳўнгра, ингир-ингир // ингра ба.

Эски ўзбек тилида бундай ҳодиса учрамайди:

*Неча муддат йўқ эди, ул қайданам ҳозир бўлди.
Ош орусада ҳангираб, кўп қилди гавғо баччагар.*

(Мукимий, Ҳажви халифа Мингтепа).

5. Сўз ўртасида ундош товушларнинг тушиб қолишини синкопа ҳодисаси дейилади. гарчча // Гачча: Яrim очиқ иринлари ичидаги оқ тишлари билан тилини **ғарича** тишлаганда гўё у турмушда, шу замонда туғилганлиги учун атманг ўқийдир (А. Қодирий, Ў. қ.). Санҷиб ажратиш учун Муталнинг биринчи ҳаракати бўшга кетди-да, чап биқинига ўткир ханжар **ғачча** ботирилди (А. Қодирий, Ў. қ.).

6. Эпентеза. Кўпинча, талаффузни осонлаштириш мақсадида тасвирий сўзларнинг бошланиши ёки ўртасида бир ундош ортирилади: инг // ғинг, апил-тапил уввос-чуввос кабилар.

7. Геминация. Бу ҳодиса асосан, тасвирий сўзлардан бошқа сўз туркумлари ясалганида юз беради. Тасвирий сўзларга -к,-ак,-ир,-а,-о,-с каби аффикслар қўшилганда бу тасвирий сўз ўзагининг охирги товуши қабатланади:

*СХМ ташлайди забардаст одим,
Лўппи пахталарни қамрашга шошар
(Ғайратий, Т. а.).*

*Тўқайда уввос тортган,
Шерми ё шер боласи?
ХВС тилин билган,
Назиртош эр боласи*

(„Қизил Ўзбекистон“).

У уйкуга кетар экан, юраги боларини учирib кетган **каррукнинг** уясидек, бўб-бўш эди... (А. Қодирий, Ў. қ.). Далаларда **лўппа-лўппа** очилган ёки эндигина чаногини ёрган оппоқ пахта эрталабки қуёшнинг олтин нуридан қордай чақнар... чиройли товланар эди (Ойбек, О. в. ш.).

Р товуши билан тугаган икки бўғинли тасвирий сўзлардан -ла аффикси орқали буйруқ феъли ясалганда геминация ҳо-

дисаси айниқса кўзга яққол ташланади: Тақир // тақирла // тақилла, чиқир // чиқилла, гумбўр-гумбур // гумбулла, ғижир-ғижир // ғижилла кабилар.

Тасвирий сўзлар составидаги ҳар бир унли ёки ундош товушнинг ўзгариши уларнинг маъносига кучли таъсир қиласи.

Ўзбек тилида тасвирий сўзлар асосан туб ҳолатда бир бўғиндан ташкил топади. Икки бўғинли тасвирий сўзлар эса, уларга структура элементлари қўшилиши натижасида вужудга келади.

Фонетик ҳодисаларнинг асосан барчаси кишиларнинг талаффуздаги осонликка интилишларидан келиб чиқади. Кишилар кўпинча талаффузи қийин товушни талаффузи осонроқ товуш билан ёки чуқур тил орқа товушларни тил олди товушлари билан алмаштирадилар. Лекин тил олди товушларининг тил орқа товушлари билан алмаштирилиши ўзбек тилида учрамайди.

Бундан ташқари, баъзан талаффузда ортиқчадек кўринган товуш туширилиб қолдирилса (ҳангир-ҳангир, ҳангра, ўкир // ўкра каби), баъзан эса ноқулайликдан қутулиш учун тасвирий сўзларга бир ундош ортирилади: **гум** тасвирий сўзига -ир структура элементини ортириш учун унга **б** ундош товуши қўшилиб **гум + б + ур // гумбур** тарзида қўлланади.

Б. Делбрюк фонетик ўзгаришларнинг сабаблари тўғрисида қўйидагича ёзган әди:

„Кулайлик ҳамма ҳолатларда ҳам фонетик ўзгаришларнинг сабаби ҳисобланади ва шундай бўлиб қолади ҳам“¹¹⁸.

ТАСВИРИЙ СЎЗЛАРНИНГ СЕМАНТИК КЛАССИФИКАЦИЯСИ

Тасвирий сўзларнинг семантикаси жуда ҳам хилма-хилдир. Уларнинг баъзилари предметларнинг чиқарган товушларини ифодаласа, баъзилари предметларнинг ҳолат, ҳарарат ва ташқи кўрининишини ифодалайди. Яна бир хиллари эса киши организмида пайдо бўлган сезгиларни ва бошқа хиллари абстракт маъноларни ифодалаш учун хизмат қиласи: *Шоир аста юриб минбарга чиқди. Ҳамма бирдан гув этиб ўрнидан турди. Тиқ этиган товуш йўқ* (Ойбек, Навоий). Онда-сонда беданаларнинг **битбилдиги*** эшитилиб қолди (И. Раҳим, Ч. м). Учиб юрган пашалар Шер-

¹¹⁸ B. Delbrück. Einleitung in das Studium der inde-germanischen Sprachen, 6, Auf Leipzig. „Хрестоматия по истории языкоznания XIX—XX веков“, стр. 181.

бекнинг афтига тошдек қаттиқ тегар, йўл чети¹¹⁸ги буталар лип-лип ўтиб турарди (С. Анербоев, О. ш.). Искандаров бирдан бошини кўтарди, ялт этиб Абдулла Ҳусайнга қаради (Ойбек, Н. қ.). Қишлоқ тинчлигини бузган бу якка от туёқларининг тарақ-туруғи, тақаларнинг тошларга урилишидан чиқкан ялт-юлт чақмоқ дам ўтмай узоқлашди (С. Анербоев, О. ш.). Шарофатнинг юраги шув этиб кетди (А. Қаҳдор, Қ. ч.).

Тасвирий сўзларнинг маъносидаги бу ҳар хиллиликни ҳисобга олиб, уларни маълум семантик группаларга ажратиши талаб қилинади.

Н. И. Ашмарин туркологида биринчи марта тасвирий сўзларни семантик ва физиологик хусусиятларига кўра класификация қилиб, уларни беш группага ажратади:

1. Товушга тақлид (Звукоподражания).
2. Ҳаракат ва ёруғлик ҳодисаларига тақлид (Подражания явлениям движения и световым явлениям).
3. Кишининг сўзлаш аппарати манбаида пайдо бўлган товуш ҳодисаларига тақлид (Подражание звуковым явлениям, источником которых являются части говорильного аппарата или отпечаточные слова).
4. Киши организмидаги товуш характеристига эга бўлмаган ҳодисаларга тақлид (Подражание явлениям незвукового порядка, имеющих место в человеческом организме).
5. Болалар сўзларига тақлид (Детские слова отпечаточного типа).¹¹⁹

Н. И. Ашмарин бу классификацияга ўзининг бошқа ишларида ҳам амал қиласди. „Ўрта Волга бўйи тилларида тақлид“ („Подражание в языках Среднего Поволжья“) асарида тасвирий сўзларнинг семантик хусусиятларини анча кенг ёритади. Айниқса, у нутқ аппаратларида пайдо бўлган тасвирий сўзларни кўпроқ ёритиб беришга ҳаракат қилган. Бу семантик группа ишда яна бир нечта кичик-кичик группаларга бўлинади¹²⁰.

Н. К. Дмитриев ўз асарларида тасвирий сўзларнинг семантик классификациясига доир айrim қимматли фикрлар айтган. Аммо у Н. И. Ашмариннинг классификациясига унча катта ўзгаришлар киритмаган. Авторнинг ўзи ҳам „Мен

¹¹⁸ Н. И. Ашмарин. Основы чувашской мимологии, Казань, 1918, стр. 1.

¹²⁰ Қаранг: Н. И. Ашмарин. Подражание в языках Среднего Поволжья, „Изв. Азербайджанского госуниверситета“, т. 4–5, Баку, 1925, стр. 80–85.

Н. И. Ашмарин классификациясини қабул қилдим¹²¹ дейди ва тасвирий сўзларни қуийдагича классификация қиласди:

1. Товушга тақлид (Звукоподражания).
2. Ҳаракат ва ёруғлик ҳодисаларига тақлид (Подражание световым и двигательным проявлениям).
3. Тирик организмда ҳосил бўлган ҳодисаларга тақлид (Подражание явлениям живого организма).
4. Болаларга, уларнинг нутқи формаларига тақлид¹²¹ (Подражание детям или формам детской речи).

Кейинги йилларда турколог олимлар ўз асарларида тасвирий сўзларни семантик томондан икки групгага ажратмоқда: товушга тақлид сўзлар, образли сўзлар.

Биз ҳам ўз ишимиизда мана шу кейинги классификацияга амал қилиб, ўзбек тилидаги тасвирий сўзларни иккига бўлишни лозим топамиз.

I. Товушга тақлид сўзлар. Бу тасвирий сўзларнинг бир кўриниши бўлиб, кишилар, жониворлар, нарса ва ҳодисаларнинг чиқарган товушларига шартли равишда тақлид қилиш натижасида пайдо бўлади: қарс, қарс-қурс, тарс-тарс, тиқ, тиқ-тиқ, тук-тук, дук-дук, қирс, карс-курс, кирт-кирт, шилп-шилп каби.

Товушга тақлид сўзларнинг асосий қисми бир ёки икки ёпиқ бўғиндан ташкил топади. Такрорланганда асосан шу тақлид сўз гоҳ ҳеч ўзгармайди, гоҳ маълум фонетик ўзгаришга учрайди. Бу хил фонетик ўзгаришлар тақлид сўзининг семантиkasига таъсир қиласди. Якка ҳолда қўлланган тақлид сўз маълум ҳодисанинг бир марта бўлганлигини, бир лаҳзалиликни англатса, улар такрорланиб келганларида ҳаракатнинг динамикасини, бир неча марта такрорланганлигини, давомлилигини билдиради (тасвирий сўзларнинг формалари ҳақидаги қисмимизда бу масалаларга алоҳида ва кенгроқ тўхталамиз).

Товушга тақлид сўзларни қай ҳолатда, ниманинг товушига ёки тақлид қилинаётган бир жинсдаги нарса ва жониворларнинг ўзаро фарқларига қараб бир неча турларга бўлиш мумкин. Аммо биз уларни энг аввало жонли предметлар товушларига, жонсиз предметлар товушларига тақлид деб иккига ажратамиз.

1. Жонли предметлар товушига тақлид. Жонли предметлар товушига тақлид билдирадиган сўзлар бир неча группаларга бўлинади: Кишиларнинг турлича ҳаракатлари билан боғлиқ бўлган тақлид сўзлар товуш ва бошқа орган-

¹²¹ N. K. Dmitriev. Beitrage zur Osmanischen Mimologie, Wiener Zeitschrift f. d. Kunde des Morgenlandes, Bd. XXXIV, 1927, Heft 1–2, 105–bet.

ларининг бир-бирларига яқинлашиши билан туғиладиган тақлид сўзлар, бундан бошқа ҳолатларда юзага келган товушга тақлид сўзлар ва бошқалар:

1) *кишиларнинг ҳаракатларидан пайдо бўлган то-вушларга тақлид сўзлар.* а) — Вой ўлай! — деб юборби онаси ўнг қўли билан ўз бетига шоп эткизиб уриб (М. Исмоилий, Ф. т. о.). Қобил ноилож бурчакка қайтиб, скамейканинг бир чеккасига шилқ этиб ўтириди (Х. Фулом, Машъал). Қамчи унинг чап қўлидан кўтармоқчи бўлганда, у қўл шилқ этиб ерга тушди ва ҷарм пальтосининг енгидан қон силқиб чиқди (Х. Фулом, Машъал). Сунгра асфальт кўчада туфлисининг дук-дук этган овози эши-тилди (О. Ёкубов, И. м.). Лекин шу вақт қўра ҳовлисида эркакларнинг гап-сўзлари, этик дақири-дўқирилари эшишилди (Х. Фулом, Машъал). Ясовул яна бир кур „слу-шаюсь вскорь“ деб часть берди-ю, шпорларини жаранг-журунг қилиб кескин орқага бурилди ва обекларини тап-туп эткизиб бир неча қадам босгач, бўғиқ, хирқи товуш билан бақири (М. Исмоилий, Ф. т. о.). Ҳусайн Бойқаро товоқни кўтариб, қатиқни чинакам иштаҳа, тўғриси, самимий ният билан „хўр-хўр“ ишар экан, дарвеш гор оғизига чўққайиб жаврай бошлиди (Ойбек, Навоий).

б) Мунча соғинтириб қўйдинг мени гўзалим? — деди у, — Қорабайирнинг манглайидан, кўзларидан чап-чап ўпаркан (Х. Фулом, Машъал). Онаси ҳам пиш-пиши ухлар эди (М. Исмоилий, Ф. т. о.). — Мунчакурт-курт қилиб чай-найисиз? — Турп шунақа бўлади-да, жонидан (А. Қаҳҳор, Йиллар). Шербек тишлари орасидан чиқариб, чирт эткизиб тупурди (С. Анорбоев, О. ш.). Тўғонбек индамади, даст-рўмоли билан кенг, сертуқ кўкрагини елпид, атрофга „чирт-чирт“ тупук отиб ўтириди-да, ниҳоят ҳўмрайиб кампирга қаради (Ойбек, Навоий). Ойижон, мен ҳам бувамни, сизни шундай соғиндимки.... Нигора қилқ-қилқ ютинди (С. Анорбоев, О. ш.), Ҳабибуллин унга: қарзинг бўлса ол қасдинг бўлса тен, лекин зинҳор ароқ кўтараётганимда менга халал берма! деб ғулт-ғулт қилиб ишиб юборди („Кизил Ўзбекистон“) Ҳайдар ота буни „қилт“ этиб ютинганидан билди (А. Қаҳҳор, Йиллар). Чол сочиқ билан ўраб қўйилган чойнакдан хотини қуйиб узатган бир пиёла илиқ-милиқ чойни қулт-қулт ютди (Х. Фулом, Машъал).

в) Кимдир пиқ этиб кулиб қўйди. (А. Қаҳҳор). Шўх жувони экан шекилли, ҷолни масхара қилиб, пиқ-пиқ кулибди (Х. Фулом, Машъал). Ҳамма вах-xo-xo! деб кулиб юборди (М. Исмоилий, Ф. т. о.). Ҳоким қаҳ-қаҳ уриб кулди (М. Исмоилий, Ф. т. о.). Бек сўз давомида негадир,

хир-хир кулади, отини асқия ва ҳазил қўйиб, аёлни қалака қилиш мақсадиди луқмалар ташлайди (А. Қаҳҳор, Т. а.).

г) Камина ҳўнг-ҳўнг йиглаб, кўп таъсирланиб, худога ялиндики... шарафли ишлар қилиб, жамайки мақсадингизга еткайсиз (Ойбек, Н. қ.). Учқун ойисининг қўлтиғида эзилди шекилли: „*инга-инга*“ деб йиглаб юборди, Тўлқин ҳам унга қўшилиб йиглади (Х. Фулом, Машъал). Қўғирчоқдай ўғил бола туғилиб тонг чоригда „*инга-инга!*“ — деб ўзининг ҳаётга кириб келаётганини эълон қилганида Тозагул азбарои севинчидан, юраги қинидан чиқиб кетай деди. Қўшичи югуриб келиб унинг бўйнидан қутоқлаб олди, ўз ҳолига ўзи ачиниб, хўрлиги келиб, ҳўнг-ҳўнг йиглади (М. И smoилий, Ф. т. о.). Эвоҳ, Ҳаёт *пик-пик* йиглар, елкалари дир-дир титрар эди. Ҳадича хола *биг-биг* йиглаб ўтириб, ҳамма гапни айтиб берди (М. И smoилий, Ф. т. о.). Устол устида дафтар, қалам, китобларни тартибга солиб туриб, қўрадан ўз болаларининг бағ-бағ йигисини ёшилди (Х. Фулом, Машъал). Вой адаси, бизни етим қилиб кетган адаси!... деб дод солар, фарёд чекар, қишлоқ жувонлари, кампирлар унга қўшилиб ув тортишарди (Х. Фулом, Машъал).

2. Турли хил ҳайвон ва жониворлар товушига тақлид Ҳозирги ўзбек адабий тилида ҳайвонлар ва бошқа жониворларнинг товушларига тақлид натижасида пайдо бўлган сўзлар ҳам кенг қўлланади.

Бу хил товушга тақлид сўзлар ранг-бараңг бўлиб, улар қўйидагича:

а) Ҳайвонлар товушига тақлид: *Мо-о-о!* Бехосдан Кураштепа томондан сигир маъради (С. А норбоев, О.ш.). Үқрайб кўзи: — „*му-му*“ дейди, „*му-му*“си билмайман ни-ма? (Ш. Саъдулла, Ш. ва э).

Кўзин оқу қораси.
Инқилларди ҳансираਬ,
Тешажонни кўраркан,

„*Бу*“ деди мадад сўраб (Қ. Мухаммадий, Т. а.)
Майсара. Мабода бу ерга кирса ҳамон самон еб турасиз, қўйруғинеизни ушласа, шатта солинг, мен йўталсалам, „*моо*“ денг. қаттиқ йўталсалам қаттиқ, юмишоқ йўталсалам юмишоқ, тузукми?! (Х. Х. Ниёзий, М. и). У ерда отлар *касир-кусур* беда чайнар эди (М. И smoилий, Ф. т. о.). Энди бўлса биттагина қора йўрга *курт-курт* беда чайнаб турибди (Х. Фулом, Машъал). Майсара. Лекин мен секин йўталсалам секин, қаттиқ йўталсалам қаттиқ эчкига ўхшаб „*ӯ, ӯ, ӯ*“ дейсиз, чунки индамай турсангиз эҳтимол сезиб қолар (Ҳамза, М. и).

Отарлардан: *ба-ма-а, ум-ба,*
Яйлов бўйлаб таратар (Ш. Саъдулла, Ш. ва э).

Жуда яқин келиб қолған тапир-тупурдан, бир-бирига асло ўхшамайдыган „ба-ба“, „ма-а“ лардан бутун атроф ларзага келарди (С. Анорбоев, О. ш.).

Мош билан Бароқ икков,

Ўйнашиб миёв-миёв (Қ. Мұхаммадий, Т. а.).

Сидиқжон шундай қаттиқ күлдікі, бурчакда күлча бўлиб ётган мушук шошиб ўрнидан турди ва Сидиқжонга қараб миёв деди (А. Қаҳҳор, Қ. ч.).

б) Паррандалар товушига тақлид:

Ана ўрдак, ана гоз

Хўроздимиз хуш овоз.

Чақиради: „ку-ку-ку“!

Келинг, бунда доң кўпку (Қ. Мұхаммадий, Т. а.).

...Ташқарида, дарчанинг қоқ рўпарасида аллаким ёнларига папиллатиб урди-да, хўрозга ўхшаб: „Ку-ку-ку-кув!“ деб қичқирди (М. Исмоилий, Ф. т. о.). Арчанинг орасида яна қаклик сайради: **какри-какри-какри** – жинсдошларини чақиради мастак (С. Анорбоев, О. ш.). Гулжан: Жой то-пилмай қолармиди. Бизники қайда бўлса **бит-билдиқ** эмас-ма (Ҳамза, Я. и). Кимсасиз кечада хавфдан, хатардан холи деб ўйлашган қоронги кечада **вағ-вағ** ва битбидоғлари биланкиши ҳүшини олғувчи беданалар, балки келин туширардилар (М. Исмоилий, Ф. т. о.). Бедананинг **бит** дегани қочгани (мақол).

Мусича **ку-ку-кулаб**,*

Сўзга киришиди қаранг (Қ. Мұхаммадий, Т. а.).

Ҳолингизга бойқушлар кулаби: **ку-ку!**

Чунки русларга хос қадрдан бу қуш (Ғ. Ғулом, Қишиш).

...Эгилган ўрик шохида яқиндагина бир-бири билан ўйнаша- ётган ғурракларнинг **ғув-ғуви*** ҳам эшишилмай қолди (С. Анорбоев, О. ш.). Ботирали теракларга ин қураётган қалдирғочларнинг **вижир-вижир** ҳикоясига очиқ деразадан қулоқ солиб ўтириб. Эъзазхонга қараб жилмайди (Ҳ. Ғулом, Машъял). Бир қарқуноқ „**қиғ**“, этиб учиб келиб, Эркинжоннинг кифтига қўнди-ю, — бу ерда нима қилиб юрибсан, Эркинжон деб сўради («Фунча»). Шақиллаб мақтанини билан алаҳисиган олаҳакка сигирнинг дўуми текканда „**ғақ**“ этди-ю, ура қочди (С. Анорбоев, О. ш.). **Чақ-чақ** сайраб турган булбулларни эшигинг, шарқираб оқаётган каналларни кўринг («Қизил Ўзбекистон»).

Паррандалар товушига тақлид билдирадиган бундай сўзлар уларнинг юқорида кўрсатилганлардан бошқа ҳаракат-

лари натижасида вужудга келган бўлиши ҳам мумкин: *Турна тарелкани „тўқ-тўқ“ этиб чўқипти* (К. Ушинский).

Юқорида эслатганимиздек, бир қатор қушларнинг номлари уларнинг товушларига истиора қилинган: тоқ-тоқ (бу қизил иштон ҳам деб юритилади), биёв-биёв, жир, тра-тра каби. Бундай ҳодисалар бошқа тилларда ҳам учрайди. Масалан, рус тилида қукушка, белорус тилида турлишка, корейс тилида поккук¹²².

в) *Бошқа хил жониворлар товушлари билан боғланган тақлид сўзлар:*

*Ғув-ғув учар болари,
Дув-дув учар болари,
Болари, ҳой болари,
Ғув-ғув нағманг ҷал, ари!* (К. Мұхаммадий, Т. а.).
*Виш-виш этиб аланглаб,
Баргни ейди яланглаб,
Семиради йилтиллаб,
Пилла ўрар селкиллаб* (К. Мұхаммадий, Т. а.)

... Йўғон, кучли, ҳайбатли илон „виж“ этиб бошини ўйнатади, дам иккинчи ҳалтадан кичкина югурек мангусли ўртага солади (Ойбек, Н. қ.). Сандиқнинг тагида қитир-қитир қилаётган січқон ҳам жисимб қолди (С. Анорбоеv, О. ш.). Ана, иккى ҳатлашда еткундай жойда юрмонқозиқ қитир-қитир қилиб ер кавлаяпти (С. Анорбоеv, О. ш.).

2. Жонсиз предметлар товушига тақлид сўзлар. Кишилар табиатдаги жисмларнинг синиши, эгилиши, узилиши, бир-бирига урилиши каби ҳаракатлар натижасида чиқарган товушларини, механизмларнинг ишлашидан, қуроллардан ўқ узишда пайдо бўлган товушларни ва шунингдек суюқ жисмларнинг оқишидан, бир нарсадан иккинчи нарсага қўйилишидан, қайнashiдан ҳамда предметларнинг узилишидан чиққан товушларни эшитадилар. Одамлар предметларнинг синиш, узилиш, эгилиш, отилиш процессларини тасвирлашда уларнинг чиқарган товушларини ҳам характерлаб берадилар. Натижада кўплаб тақлид сўзлар пайдо бўлади.

Жонсиз предметлар товушига тақлид қилинган сўзлар ўзига хос хусусиятларга эга: биринчидан, жонли предметлар товушига тақлид қилиш натижасида пайдо бўлган сўз-

¹²² В. Н. Доброзвольский. Звукоподражание в народном языке и в народной поэзии, Этнографическое обозрение, изд. этнограф. отд. императорского общ. любителей естествознания, антропологии и этнографии, М., 1894, стр. 81—92.

лар орасида кишилар, ҳайвонлар ва бошқаларнинг товуш чиқариши органлари билан боғланган сўзлар бор, жонсиз предметлар товуши стихияли равишда пайдо бўлади. Иккичидан, жонли предметлар товушига тақлид сўзлар ҳам этмоқ, ҳам демоқ ёрдамчи феъллари билан бирика олса, жонсиз предметлар товушига тақлид сўзлар, асосан, этмоқ ёрдамчи феъли билангина бирика олади.

Этмоқ ва демоқ феъллари товушга тақлид сўзларнинг бу икки семантик группасини бир-биридан қатъий ажратиб турадиган белгилардан биридир.

Ўзбек тилидаги жонсиз предметлар товушига тақлид қилинган сўзларни ҳам предметларнинг физик ва химик хусусиятларига қараб бир неча группаларга бўлиш мумкин.

а) Каттиқ предметлар товушига тақлид сўзлар: Занжир шак этиб тушиб, дарвозанинг бир тавақаси очилди (Х. Фулом, Машъал). Эшикка катта ўт ёқди, ўт атрофида гир айланаб, қўлидаги мис товани данг-данг қилди (М. Исмоилий, Ф. т.о.). Ёнингда жиринг этса «лаббай, менга гапирдингизми?» деб туради (М. Исмоилий, Ф. т. о.). Баҳри дарвоза эшигини ширқ этиб туширди-да, ўзини четга олди (Х. Фулом, Машъал). Бу товушнинг эгасидан илгари „тўқ“ этиб ҳасса кирди (А. Қаҳор, Сароб). Қўйни хонанинг тўрдаги эшиги „ғирҷ“ билан очилғач, шуурсиз равишда қаламини курсига қўйди-да, хира, мулоим кўзларига эски маъмурлик, вазифашунослигини тўплаб, бошлиққатикилди (Ойбек, Навоий). Шамол ўймакор даричанинг тавақаларини бир-бигрига уриб, тарақа турук билан ёпди (Ойбек, Навоий). Қўра орқасидан арава гилдиракларнинг ғижир-ғижири эшитилди (Х. Фулом, Машъал). Ўтган қўрадан чиқаётганда шу томонга келаётган арава гилдиракларнинг ғиқ-ғиқи, чақалоқ йиғиси эшитилди (Х. Фулом, Машъал). Шу он арава бирдан чайқалиб, тарақа-турук бўлиб кетди (М. Исмоилий, Ф. т. о.). Чексизликда музазам оҳанг билан оққан юлдузларнинг нафаси, боғчадаги дараҳтларнинг шитирлаши, ярим кечада ип йигирган жафокаш кампир чархининг ғув-ғуви...—барчаси шоирнинг кўнглига бир хилда яқин, таниш ва маънодор туюлар, барчасини у чуқур севар эди (Ойбек, Навоий). Юзига ёпилган дарвозанинг шилдиршалдир қилиб боғланган занжирининг садоси ҳам бу ҳақиқатни таъкидлар эди. Яна қаердадир бирор жоди босар, „ғирт-ғирт“ этиб бедами, поясни қирқар эди. (А. Қаҳор, Сароб).

б) Ҳар хил механизмлар, моторлар, транспорт кабиларнинг ҳаракатидан ва қуроллардан ўқ узиш пайтида пайдо бўлган товушларга тақлид сўзлар: Машина ҳадемай тўлди,

гулдиради қарс-қарс қилди-ю, орқасидан одамларга кўк ту-
тун пулаб жўнади (А. Қаҳҳор, К. ч.). Бир оздан кейин
автомобиль гувуллаганича* қайтиб келди ва аста бурилди-
ди, **ғим** этиб тўхтади (А. Қаҳҳор, К. ч.). Бир маҳал ит
товушӣ билан мотоциклнинг **тир-тири** қулогумга кирди-ю,
юрагим шув этиб кетди (М. Шолохов, И. т.). Сал сўнг
мотоцикл худди дераза тагидан ўтгандек кучли **пат-пат** би-
лан кечди (Ойбек, К. қораймас).

Станок ишилайди,
Гур-гур тинмайин.
Темирлар ғўласин,

Йўнар Мадраим (К. Мұхаммадий, Т. а.).
Трубкадан факат **диid-диid** деган сигнални эшитавериб ху-
ноб бўлласиз («Муштум»).

3. Бошқа предметларнинг товушига тақлид натижасида
хосил бўлган сўзлар: Ерлар эриб ҳамма ёқ **шилт-шилт** лой
кўргон кунгираларидаги қировлар буғга айланиб, кўкка қў-
тарилмоқда эдилар (А. Қодирий, Ў. к.). Бунда қатқалоқ
бўлган кўча қуёшда эриб, **пилч-пили** лой бўлган эди (Ой-
бек, Навоий).

4. Газсимон предметлар ва суюқликлар ҳаракатидан
пайдо бўлган товушларга тақлид сўзлар:

Саҳар келган **шир-шир** этиб,
Бекор кетмай шабадалар
Ишчи бобо, тез очсангчи,
Пиндиқ очсин ёш навдалар (Ҳамза, И. б.).
Шамол юзга **ғир-ғир** урад (Ш. Саъдулла,
Ш. ва э.).

Гув-гув шамол деразага, эшикка урлади, эшик **тиркиши-**
дан уйга кириб, чироғ **пилигининг** новот ранг алангасини **ло-**
пиллатади (Ҳ. Фулом, Машъал).

Юқоридаги бир-бирига бирлашиб турган **қўши** ҳарсанг
тагидан **виқир-виқир** қайнаб сув чиқмоқда (С. Аноробо-
ев, О. ш.).

Шу ернинг ўзида, гулханнинг бир чеккасида қумғони-
нгиз **виқ-виқ** қайнайди. (Ҳ. Фулом, Машъал)

Кишилоқ томондан бир қатра сув бўлмагандек, **ғир**
этиб қўйган шабада ҳам йўқ эди (М. Исмоилий, Ф. т. о.).

Осмон **гулдур-гулдур** қилур,
Кора булат келгандা (Ҳ. Ҳ. Ниёзий, Мактублар).

Бираам яхши, бираам қизиқки. Тўртта кўзи бор **денг**.
Шундай қулогини бураб, шундоқ гугурт чоқсанг олов
пов этиб ёниб кетади (Ҳ. Назир, Яхши исм).

Товушга тақлид сўзларнинг бу классификацияси улар-
нинг ҳамма семантик группаларини ва хусусиятларини ўз

иичига беками-кўст қамраб олади деб айтиш қийин, албатта. Чунки табиатдаги жонли ва жонсиз предметларнинг чиқаридиган товушлари ҳисобсиздир. (Бу ўринда уларнинг хилма-хил диалектал формаларга эга бўлишини ҳам эслатиб ўтиш зарур), Шу сабабли ҳам уларни биргина ишда тўлиғича қамраб олиш қийин. Биз эса ўз ишимизда товушга тақлид сўзларнинг кишилар ҳаётида тез-тез учраб турадиган асосий қисмларини группалашга ҳаракат қилдик. Масалан, ҳозирги ўзбек тилидаги бадиий асарлар тилини синчиклаб қарасак, биз классификация қилган группалардан ташқарида қоладиган айрим тақлид сўзларни ҳам учратиш мумкин. Мисолларни чоғиштиринг:

1. *Икки-уч қамчидан сўнг толга боғланган таъзигин шарт* этиб узиллаб кетгач, боя юраб кетган отини ўтканичилардан биттасининг боғлаб турганини эслади (А. Қодирий, Ў. к.).

2. *Фирч, фарж-ғурж.* Эзилувчи нарсанинг товушига тақлид:

*Ҳатто дарпардаси ёнйдан қалан қорни фирчиллатиб** ўтган дупурни ҳам эшиштмади (М. Исмоилий, Ф. т. о.). ... амиркон кавушларини *фарж-ғурж* босишда ва узум доналарини тишлари орасида чарс-чурс эзишида қандайдир бир тажсанглик, бетоқатлик бор эди (М. Исмоилий, Ф. т. о.).

3. *Чип-чиш.* Баргларнинг тушишидан чиққан товушга тақлид:

.... *Кўзларини оғиргина ҳаракатлантириб, кетма-кет чип-чиш* этиб тўқилмоқда бўлган ҳазонларга қаради ва ҳар бир япроқни юқоридан кузатиб ерга қўяйборди (А. Қодирий, Ў. к.).

4. *Жиз-биз, пис-пис, парр, читир, чирт-чирт, вижир-вижир* каби. Бу тақлид сўзлар бирор нарсанинг ёнишида, куйишида ёки ўчиши вақтида чиқарган товушларни ифодалайди: *Ўғилларни жиз-биз ва димоқларни қитиқлаган ёқимли ҳид қучоқ очиб қарши олди* (М. Исмоилий, Ф. т. о.). *Чирт-чирт ёнаётган пилигини сал кўтариб қўйиб...* *Ўтапни ҳам, Орловни ҳам жонсарак назар билан кўздан кечирди* (Ҳ. Ғулом, Машъал).

5. *Ваҳат-ваҳо, ваҳу-ваҳа, ғат-ғат, ват-вут* кабилар. Карнай товушига тақлид: *Карнайчининг „ваҳат-ваҳо, ваҳу-ваҳа“ деган товуши эшишилди* (А. Қаҳҳор, Сароб).

*Fat-fat этган карнайчи,
Балога қолган сурнайчи (мақол).*

Иккинчидан, бир нарсанинг чиқарған товушини турли ҳолатда түрли хил тақлид сүзлар акс эттира, баъзан бир неча хил предметларнинг товуши битта ёки бир хил тақлид сүз билан ифода қилинади. Бу нарса предметларнинг ҳажм жиҳатидан күп-озлиги, нарсаларнинг физик хоссалари, улар орасидаги масофа, географик муҳит, ландшафт ҳамда кишиларнинг қабул қилиш қобилиятлари каби күпгина ҳодисалар билан боғлиқдир. Бу түғрида тасвирий сүзларнинг лексик хусусиятлари бобида түлароқ гапирғанмиз.

II Образли сүзлар. Образли сүзлар ҳам тасвирий сүзларнинг ажралмас таркиби қисмидир. Улар күргина томондан (грамматик, стилистик, шакл) товушга тақлид сүзларга яқин туради. Аммо образли сүзларнинг товушга тақлид сүзларга аралаштириб юбориш мумкин бўлмаган ўзига хос семантик хусусиятлари ҳам мавжуд¹²³.

Предметларнинг ҳолат, ҳаракат, ташқи кўринишининг образли ифодаси сифатида майдонга келиб, асосан, стилистик мақсадлар учун қўлланувчи лип-лип, ялт-юлт, пидир-пидир, ҳанг-манг типидаги сүзлар образли сүзлар ҳисобланади.

Образли сүзлар киши, нарса ва ҳодисаларнинг ҳаракат, ҳолат образини бизнинг кўз ўнгимизда тўлароқ, конкретроқ акс эттиради. Товушга тақлид сүзлар эшитиш билан боғланган ҳодисаларни ифодаласа, образли сүзлар кўпроқ кўриш билан боғланган ҳодисаларни ифодалайди. Лекин А. И. Исҳоқовнинг қозоқ тилидан келтирган „Қарға қарқ этти, ірімшік аузынан салп этти“¹²⁴ мисолидаги салп сүзини образли сүзлар қаторига киритиши уччалик түғри бўлмаса керак. Чунки, бизнингча, „салп“ сўзи иримшикнинг (иргимчик) ерга урилишидан чиқкан товушни ифодалаш учун ишлатилган бўлса керак.

Турмушда ҳаракат ва ҳолат формалари қанчалик кўп бўлса, тил уларни ифодаловчи сүзларга ҳам шунча бой бўлади. Масалан: **аланг-жаланг**—кишининг бирон нарсадан хавфсираб ёки ҳайрон бўлиб турли томонга қарашини ифодаловчи образли сўз; **жилпонг-жилпонг** (образли равишда) баъзи кишиларнинг ўзини бошқа шахсга яхши кўрсатиш учун ноўрин ҳаракатлари образини ифодалайди; **лапанг-лапанг** — одатда гавдали, тўла кишининг ёки бошқа бирор жониворнинг бесёнақай юришининг образи; **жимир-жимир** —

¹²³ Образли сүзларнинг товушга тақлид сүзлар билан ўхшашликлари ва фарқлари тўғрисида ишимизнинг II бобига қаралсан.

¹²⁴ А. И ск а к о в . Подражательные слова в казахском языке, Тюркологический сборник, I, M., 1951, стр. 108.

сувниң маълум ҳолатда кўриниши, лим-лим — суюқлик-нинг жуда ҳам тўлалик ҳолатини ифодаловчи образли сўз; қылт-қылт — бирор касал киши ёки жонсиз, ингичка нарсанинг зўрға ҳаракат қилишини, секин-секин қимирлашини тасвирловчи образли сўз; ялт-юлт, милт-милт, лип-лип кабилар ёруғликнинг турли хил образини, мўлт-мўлт — маълум ҳолатдаги (зорланиб, мадад сўраб) қарашни ифодаловчи образли сўз.

Тарваймоқ, хўрпаймоқ, чўққаймоқ, анграймоқ типидаги образли сўзлар эса кишиларнинг ва бошқа предметларнинг ҳар хил ҳолатларини кўрсатади.

Образли сўзларнинг шу семантик ҳар хилларини ҳисобга олиб, уларни бир неча катта группага ажратамиз.

Ҳаракатни, унинг характеристикасини билдирувчи образли сўзлар. Бу сўзлар кўпроқ кишиларнинг, нарса ва жониворларнинг юриши ва бошқа хил ҳаракатларидағи турли ҳолатларни образли ифодаланиши сифатида майдонга келади. Бу сўзларнинг асосий қисми одамнинг юриши ва бошқа организмларининг ҳаракатини ифодаловчи феълларга қўшимча маъно оттенкасини беради. Масалан, лип-лип, лоп, ликанг-ликанг, шилт, шип, қилпонг-қилпонг, саланг-саланг, пилдир-пилдир, тайтанг-тайтанг, лапанг-лапанг, ғивир-ғивир, дик-дик, лик-лик, ҳилп-ҳилп кабилар одамнинг юришини ифодаловчи образли сўзларdir: а) *Саидий лип этиб каттакон бутанинг тагига кириб кетди* (А. Каҳҳор, Сароб). *Магазиндан шилт этиб чиқиб кетишнинг сабаби ҳам шунда эди* („Муштум“). Катак-катак бўз кўйлак кийган тўрт яшар Ойниса айвондан *пилдираб* тушиб, отасининг орқасидан югурди* (Ойбек, Навоий). ... *Ўйлаб бораётуб эди, олдидан, бир газадан, лоп этиб бир одам чиқиб қолди* („Малиқаи айёр“ достонидан).

Келтирилган мисоллардаги образли сўзларнинг бир группаси (лапанг-лапанг, пилдираб) тўлиқ бир тасаввурни, давомлиликни ифодаласа, иккинчи бир хиллари (лип, лоп, шилт) бир зумда бўлганликни, бир лаҳзалик ҳаракатни билдиради. Буларнинг маълум белги билан характерланадиган ҳаракатни англатишлиари ўша образли сўзларнинг маҳсус феъл ясовчи аффикс олиши, қил, эт ёрдамчи феъллардан бири билан бирикиши орқалидир: лапангла, ликлик қилиб, лип этиб. Мисоллар: *Хадичабегимнинг ҳар бир сўзини бош лиқиллатиш** билан тинглаган Камолиддин Хусайн, Амидилмулк иккиси бирдан „иҳтиёр сизда“ дейшиди (Ойбек, Навоий). *Онажоним; — Нигоранинг лаблари учди, киприклари пирпираиди**, кўзларидан дув-дув ёши тўқилди (С. Анорбоев, О. ш.).

в) *Саттихоннинг сочиға,*
Толпӯак ҳўп кетипти,
*Кирқ кокилдек силкиллаб**,
Товонига етипи.

(М. Исмоилий, Ф. т. о.).

Билмадик турки шеърнинг истиқболи не бўлур экан деди у энди оқ туша бошлаган соқолини *серкиллатиб** кулиб, — ҳар ҳолда баъзи шуаронинг бу борадаги ҳараматларида кам маъно кўрурмен (Ойбек, Навоий). Буни кўрган трест бошлиғи Репин дик этиб ўрнидан туриб кетди („Муштум“).

Образли сўзларнинг бир тури феълга боғланниб, ундан англашилган ҳаракатнинг равиш ҳолатини билдиради: *Айиқ лапанг-лапанг қилиб юради* (Узбекско-русский словарь, 238-бет). Шербекнинг бутун ҳаракатини зимдан кузатиб турган Бобоқул ота қўлдан чиқа солиб, *дикир-дикир қочиб кетаётган қўзига қараб жилмаяр...* (С. А норбое в, О. ш.). Ўрур билан дарвозадан миниб кириб, майдонда *гижинглатиб** юраркан, дарвоза томонга аста келаётган Навоийни кўрди (Ойбек, Навоий). Умурзоқ ота сузда *лопиллаб** турган қайиқнинг толга боғланган арқонини ечиш учун энгашиши билан, йўловчи унинг елкасидан ушлади (Х. Гулом, Машъал). Учид юрган пашшалар Шербекнинг афтига тошдек қаттиқ тегар, йўл четидаги буталар *лип-лип* ўтиб турарди (С. А норбое в, О. ш.).

Ҳамто митти камалак,
Кўнғиз деса пирпирак,
*Гирра-гирра** келаркан,
Учид-қўниб еларкан (Қ. Мұхаммадий. Т. а.).

Киши ва бошқа предметларнинг ҳолатини, ташқи қўришинининг тасвирини ифодаловчи образли сўзлар.

Ўзбек тилидаги бундай образли сўзлар асосан статик характерга эга бўлади. Яъни улар кўпроқ динамикани— ҳаракат процессини эмас, балки нарсаларнинг тинчлик мувозанат ҳолатини тасвирлайди: *Қудрат қанотлари ланг очилган каттакон темир давоза олдида тўхтадию, бирдан Гуломжонцинг икки билагидан ушлаб, юзига тикилиб туриб сўради* (М. Исмоилий, Ф. т. о.). Унинг қофозида чизилган боғларда мевалар *ҳил-ҳил* пишар эди (М. Исмоилий, Ф. т. о.). Бу эртак, афсоналардан баъзи бирлари бора-бора турмушга сингиб, урф-одатга айланниб кетадики, уларнинг афсоналигини ҳам, чинлигини ҳам фарқлай олмай ҳанг-манг қоласиз (Х. Гулом, Машъал).

Қандай ярамас қабоҳат! Шу маҳалгача сезмаганимга ҳайронман!—деб ўйлади Гуломжон. Ўйлади-ю, шу бўйи данг қотиб қолди (М. И smoилий, Ф. т. о.). Вакил жиқжисқ терлаб, қизарип-пишиб, гоҳо кўтарилиди, гоҳо бо-силди („Муштум“). Бамбур тепадан учиб ўтди-ю ҳангманг бўлиб қолди (Ш. Рашидов, К. қ.).

Ёруғлик тасвирини ифодаловчи образли сўзлар. Бундай образли сўзлар ҳам кўриш билан боғланганлиги жиҳатидан образли сўзларнинг бошқа группаларига яқин туради. Лекин шу билан бирга, улар ўзларига хос хусусиятларига ҳам эга.

Биринчидан, образли сўзларнинг юқоридаги группалари киши ва бошқа нарсаларнинг ҳаракат ва ҳолатини ифодаласа, бу группа асосан ёруғлик образини ифодаловчи сўзлар сифатида майдонга келади.

Иккинчидан, илгари ҳам таъкидлаганимиздек, ҳаракатни тасвирловчи образли сўзларнинг кўпчилиги тўла бир кўринишни, мураккаб сезгини акс эттира олса, бу группа образли сўзларнинг асосий қисми тўсатдан бўлганликни, кескинликни, бир лаҳзаликни билдиради. Ёруғлик тасвирини билдирувчи образли сўзлар структура элементларини олиши билан ҳам, сўз ясаш бобида ҳам товушга тақлид сўзларга яқин туради.

Ёруғлик образини кўрсатувчи сўзларни икки семантик группага бўлиш мумкин:

1. Табиий ёруғлик, яъни планеталар, чироқ, электр, олов, чақмоқ ва бошқа хил ёруғлик тасвирини ифодаловчи образли сўзлар: **милт-милт, йилт-йилт, лип-лип, лоп-лоп, пор-пор, ярқ, ялт-юлт, живир-живир** каби: У тиниқ кўкда сузаётган тўлин ойга, живир-живир нуқра юлдузларга, қор босиб ётган чўққига, пастга—сой бўйидаги қоронги олчазорларга тикилди (Ҳ. Гулом, Машъал). Букун қуёш ҳатто бирон минут ҳам „йилт“ этмади (Ойбек, Қ. қораймас). Пастда кўксой алвидо деб қичқирад, осмондаги якка-дукка юлдузлар унга ачингандек **милт-милт** қиласди (С. Анорбоев, О. ш.). Уртадаги катта текис тош лампа **пил-пил** ёнмоқда (С. Анорбоев, О. ш.). Қоғозни қаттиқ ғижимлаб печкага отди. Аланга **лоп** этиб қоғозни қоллади (Ойбек, Қ. қораймас).

2. Том маънодаги ёруғлик бўлмасдан, балки шу ёруғликнинг маълум нарсаларда акс этиш ҳолатини тасвирловчи образли сўзлар: **мўлт-мўлт, филт-филт, жовдир-жовдир, милт, ялт, жимир-жимир** кабилар: Аммо ўша куни саратон қуёши олов селини тўкиб туришига қарамай на сиздан ва на Парниевдан, Мерко, Азимов ўртоқлардан **милт** этган тер чиқмаган эди („Муштум“). „Турсуной юзини

юмдаламоқчи бўлгандаи, тирноқларини бетидан сидириб туширди-да, кўзларидаги тўлган ёшлини мўлт-мўлт оқизиб туриб фифон қилди (М. Исмоилий, Ф. т. о.). *Ўзим.—Нигоранинг юзига қон тенди, кўзига гулт-гулт ёш тўлди* (С. А норбоев, О. ш.). *Қия тушиб турган офтобода чақир тошларнинг акси сувга урилиб жамиржимири товланар эди* (С. А норбоев, О. ш.).

Тасвирий сўзларнинг семантикасини аниқлашда кўп ўринларда контекст ҳал қилувчи роль ўйнайди. Бир товуш комплексининг ўзи турли ўринда турли маъно англатиши мумкин. Яъни бир тасвирий сўз маълум ўринда товушга тақлидни билдирса, бошқа ўринда нарса ва ҳодисаларнинг ҳаракат, ҳолат образини ифодалайди. Бу маъно эса контекстда ойдинлашади.

Мисолларни чоғиштиринг:

Гуп: девор гуп этиб қулади (товушга тақлид сўз)

Гуп-гуп қор ёғмоқда (образли сўз).

Дув-дув: дув-дув гап (товушга тақлид сўз)

Дув-дув ёш тўкилди (образли сўз)

Шилқ-шилқ: шилқ этиб йиқилди (товушга тақлид сўз)

Шилқ этиб бўйнига тушди (образли сўз).

Бурқ-бурқ: ош бурқ-бурқ қайнамоқда (товушга тақлид сўз).

Бурқ-бурқ тутун тарқалди (образли сўз).

Шарт: ёғоч шарт этиб синди (товушга тақлид сўз)

У шарт бурилди (образли сўз) ва б.

Мисоллардаги гуп, дув-дув, шилқ, бурқ-бурқ, шарт каби тасвирий сўзларнинг пайдо бўлишини аниқлашда анча қийинчиликлар туғилади. Аммо келтирилган мисоллардаги каби икки ёки ундан ортиқ маънодаги тасвирий сўзларнинг қўлланиш даражаси ҳамда семантик анализларига асосланиб, улар аввал товушга тақлид сўзлар сифатида майдонга келиб, кейинча уларнинг маънолари кенгайиб, образлиликтомон силжиган бўлса керак, деган холосага келиш мумкин.

Бундай сўзлар қаторига қалт-қалт, дир-дир, даг-даг каби тасвирий сўзларни ҳам киритиш мумкин. Чунки бу тасвирий сўзларда ҳам товушга тақлид ёки образлилик хусусияти очиқ сезилмайди, балки уларда ҳар икки хусусият ҳам борга ўхшаб кўринади: *Ўзи-чи, худоди шамолда қолган нозик ниҳолдай дир-дир титрайди* (М. Шолохов, И. т.). *Ўшандан бери оғизларига чўп теккани йўқ. Очлик ва совуқдан қалт-қалт қиласар эди* (С. А норбоев, О. ш.) *Ўрта дехқон эшикдан кириши билан дир-дир титради* (А. Қаҳҳор, Сароб).

Тасвирий сўзлар маъносида метафора. Н. И. Ашмарин метафора (мажоз) терминини тасвирий сўзларнинг умуман бошқа функцияда, яъни от, сифат, равиш каби бошқа сўзлар ўрнида қўлланишига нисбатан ишлатади¹²⁵.

Кишиларнинг турли хил психо-физиологик ҳолатларини, организмда пайдо бўлган ҳар хил сезгиларни ифодалашда ҳам баъзан тасвирий сўзлардан фойдаланилади.

Бундай тасвирий сўзлар аслда товушга тақлид ёки образли сўз сифатида пайдо бўлган бўлса ҳам ҳозир уларнинг маъносида абстрактликка томон силжиш сезилади.

Образли сўзлар ифодалаган ҳодисаларга товуш орқали тақлид қилиш мүмкин бўлмаса ҳам, кишида у ифодалаган ҳодиса ҳақида маълум таассурот пайдо бўлади. Метафорик характердаги тасвирий сўзлар субъект билан боғлангандир. Шунинг учун булар ифодалаган ҳодисани асосан сўзловчнинг (субъектнинг) ўзи сезади. Тингловчида эса у конкрет тасаввур ҳосил қила олмайди.

Товушга тақлид сўзлар эшитиш билан боғланган ҳодисаларни ифодалайди. Метафорик тасвирий сўзлар ифодалаган ҳодисаларни кўролмаймиз ҳам, эшита олмаймиз ҳам: *Сидиқжоннинг юраги жиз этди* (А. Қаҳҳор, Қ. ч.). *Юрагим тарс ёрилиб кетай деб турипти* (М. Шолохов, И. т.). *Соҳиб Доро Ҳайдардаги бу оний қарор унинг кўксида лов этиб ёниб, яна сўнувчи орзулардан деб ўйладида, елкасини қисиб сукут қилда* (Ойбек, Навоий).

Тасвирий сўзлардаги метафоризация кўпроқ икки ҳолат билан боғлиқ:

1) Тасвирий сўзлар киши организмида пайдо бўлган физиологик сезгиларни, ички кечинмаларни ифодалаш учун фойдаланилганда, улар маъносида метафоризация ҳодисаси юз беради: „Дўнг“ этган товуш чиққанда юраги *шув* этган Ойшабону бекнинг ... бурилганини кўриб, кўкрагига туфлаб қўйди (Ҳ. Фулом, Машъал). *Тиқ этса юраги шув этиб, милиция босдими деб юрди* („Муштум“). *Шунда кўзлари тўқнашди, Фуломжоннинг юраги жисф этиб кетди* (М. Исмоилий, Ф. т. о.).

Баъзи тасвирий сўзлар (дир, шув, жаз, жисф) маълум дарражада ҳиссиётни ҳам билдиради. Бу хусусиятлари билан улар ундовларга яқинлашади.

2) Бошқа хил метафорик маънодаги тасвирий сўзлар. Бу ерда ҳам асосан кўчма маънодаги тасвирий сўзлар тўғрисида галириш мумкин: *Текис чиқиб, гуриллаб** ўсаёт-

¹²⁵ Қаранг: Н. И. Ашмарин. О морфологических категориях подражаний в чувашском языке, Казань, 1928, стр. 129.

ган ям-яшил ғўзаларни кўрганимда юрагим қувончга тўлар, пахтазордан кетгим келмас эди (О. Ёкубов, И. м.).

*Бақувват бўлса улар,
Колхозимиз гуркурап*.
Давлатимиз мўл бўлар,
Омборлар донга тўлар*

(Қ. Муҳаммадий, Т. а.).

У „**бир лов** этиб ёнади-ю, учади, хотинларнинг жамий-киси шунаقا бўлади“ деб ўйларди („Муштум“). Шербекнинг юзига қўлининг орқасини қўйиб боқса, хойнахой гуп-гуп иссиқ чиқаётгандир (С. Анорбоев, О. ш.).

Ҳозирги ўзбек адабий тилида учрайдиган тасвирий сўзларнинг семантик классификациясини шу билан тугатамиз. Аммо юқорида ҳам эслатганимиздек, бизнинг классификациямиз ўзбек тилидаги тасвирий сўзларнинг ҳаммасини қамраб олган, тугалланган классификация деб айтиш қиинроқ.

Умуман, „тақлид (тасвирий—Р. К.) сўзларнинг семасиологик томони жуда қийин масала“¹²⁶ эканлигини марҳум профессор Н. И. Ашмарин ҳам бир неча бор уқтирган эди.

¹²⁶ Н. И. Ашмарин. О морфологических категориях подражаний в чувашском языке, Казань, 1928, стр. 8.

ТАСВИРИЙ СЎЗЛАРНИНГ СТРУКТУРАСИ

Ўзбек тилшунослигига тасвирий сўзларнинг формаларини ўрганишга доир маҳсус ишлар қилинган эмас. Туркологияда эса бошқа туркий тиллардаги тасвирий сўзларнинг формаларини ўрганишга бағишиланган айрим ишларгина мавжуд¹²⁷.

Н. К. Дмитриев, Е. И. Убрятова, Н. А. Баскаков, Л. Н. Харитонов, А. Ф. Гуломов, А. П. Баранников, Р. А. Аганинларнинг айрим ишларида бу масалага йўл-йўлакай тўхтаб ўтилган. Бу олимлар ўз олдиларига тасвирий сўзларнинг формаларини маҳсус изоҳлашни мақсад қилиб қўймаганлар. Аммо улар бошқирд, яқут, қорақалпоқ, ҳинд, ўзбек ва бошқа тиллардаги жуфт ва такорорий сўзлар тўғрисида фикр юритганларида жуфт сўзларнинг бир кўриниши сифатида тасвирий сўзларнинг такрорланиши, жуфтлашиши ва уларнинг хусусиятлари ҳақида ҳам айрим фикрлар берганлар.

Табиатдаги товуш, ҳаракат ва ҳолат формалари қанча кўп бўлса, уларни ифодаловчи тасвирий сўзлар ҳам шунчалик кўпdir. Тасвирий сўзларнинг шакллари ҳам шунчалик хилма-хил бўлади. Бу тасвирий сўзларнинг бир группаси ёрдамчи ёки реал феъллар билан бирликда ҳаракатдаги тезликни, уларнинг бир мартагина юз берганлигини кўрсатса, иккинчи группаси товуш, ҳаракат ва ҳолатнинг ёки ёруғлик образининг бирдан ортиқ бўлганлигини, такрорланганлигини, давомлилигини билдиради.

Ана шу хусусиятларига қараб тасвирий сўзларни бир неча структурал типларга бўлиш мумкин:

¹²⁷ М. Худайкулиев. Структурные типы подражательных слов и особенности этих типов, „Труды института Языка и литературы АН ТССР“, вып. III, 1959, стр. 43—53; С. Кудайберганов. Подражательные слова в киргизском языке, Фрунзе, Киргизпедгиз, 1957, стр. 35—43; А. Кайдаров. Парные слова в современном уйгурском языке, Алма-Ата, 1958, стр. 57—61; Туна Осман Недим, Türkcede tekraflar, İstanbul Üniversitesi Edebiyat Dergisi, İstanbul, cilt III, № 3—4, 1949, cilt IV, № 1—2, 1950.

1. Содда тасвирий сўзлар. Бу сўзлар асосан **этмоқ, демоқ** ёрдамчи феъллари билан бирикиб келади. Баъзан эса **қилмоқ** ёрдамчи феъли билан ҳам бирикади (тасвирий сўзларнинг мустақил феъллар билан бирикиши ўзбек тилида кам учрайди).

Тасвирий сўзлар ёрдамчи феъллар билан бирликда қўшма феълларни ташкил қиласди ва кескинлик, бир лаҳзаликни ифодалайди. Сўз охиридаги геминация ҳодисаси ёки интонациянинг характеристи билан содда тасвирий сўзларнинг маъносига ҳам давомлийликни кўрсатиш хусусияти пайдо бўлиши мумкин: Масалан: таррррр, фиррррр, иммм, шиффф, тизз (геминация): *Шундан кейин атрофдан ҳам „чирчирр“ деган товушлар эшитилаверади* („Гунча“). Қани кетдик бўлмаса дедим. Гур-р-р туришиб (С. А норбоев, О. ш.). **Интонация характеристи:** мо-о-о, ку-у-үх, му ду-уу-уд қаби. Мисоллар: *Юқоридан дўнг-дўнг қилаётган садо келади. Пастда, тоғ тагида эса „ду-уу-уд“ қилаётган қичқирив эшитилади* (М. Мирзаев, Ҳозирги замон ўзбек тили). *Оғзини карнай қилиб, „ку-у-үх“ деди, худди оч қолгандай оғзига тузланган бодринг, қази, сомсани буклаб тиқди* (С. А норбоев, О. ш.).

Аммо сигир тушмагур,
Ўтни ҳеч емас эмиш.
Қанча мажбур қилмасин,
„Мў ... ў“ демас эмиш („Гунча“).

Бир нима тарроқ этиб полга тушди (С. А норбоев, О. ш.).

Тасвирий сўзлар маъносидаги давомлийлик асосан уларнинг такрорланиши ёки уларга феъл ясовчи аффикслар қўшилиши натижасига юз беради. Масалан, тақ бир марта эшитилган товушни ифодаласа, тақ-тақ унинг бирдан ортиқ бўлганини билдиради.

Содда тасвирий сўзлар ҳам бир неча хил формада қўлланади:

а) Туб ҳолда қўлланувчи тасвирий сўзлар. Бундай тасвирий сўзларга асосан бир бўғинли (**CV, VC, CVC, VCC** типидаги) образли ва товушга тақлид сўзлар киради. Туб ҳолда қўлланган тасвирий сўзлар содда тасвирий сўзларнинг **CVCC** (ундош+унли+ундош+ундош) типига нисбатан маълум даражада кучсиз; **-ир, -(а)нг** элементларини олган (шилдир, тақир, шалпанг-шалпанг қаби) тасвирий сўзларга нисбатан эса кескинроқ, тезроқ бўлган ҳодисани билдиради. Бу хусусиятлари уларни структура жиҳатдан содда тасвирий сўзлар ичida алоҳида группага

ажратиб қарашга имкон беради: *Воў адаси, бизни етим қилиб кетган адаси! ... деб дод солар, фарёд чекар, қишлоқ жувонлари, кампирлар унга қўшилиб ув тортишар эди* (Х. Фулом, Машъал). Фермага яқинлашганда *ба*, бу деган товуш эши билди (оғзаки нутқдан). Лекин орадан уч-тўрт кун ўтгач, ичидаги нарса *пақ* этди-ю, ишилай қолди („Муштум“).

*Балда минмиш от устига лип этиб,
Чопмиси икки чақиримча чангитиб* (А. С. Пушкин, Б. п. в. у. х. б. ҳ. э.).

*Табарруқдир суратингиз,
Ялт этди уй—бирдан ёруқ* (Ойбек, Бобом).

Боланинг эси нимаю, ёзги чақмоқ нима: *ярқ* этади-ю, ҳамма ёқни бир ёритиб яна учади (М. Шолохов, И. т.). Чунки осмондан *шир* этиб ёмғир ёғди дегунча югар-югор, ёзлик клубларда давом этиб турган севикли кружок машгуломларини тўхтатиш лозим („Муштум“).

Мисолларимиздаги тасвирий сўзлар форма жиҳатидан бошқа типдаги тасвирий сўзлардан фарқ қиласди. Яъни бу группа тасвирий сўзларга кўпинча структура элементлари ортириш мумкин эмас.

б) Қўшимча структура элементига эга бўлган бир бўғинли содда тасвирий сўзлар. Бу группа тасвирий сўзлар, бизнинг фикримизча, юқоридаги группадан икки томонлама фарқ қиласди. Биринчидан, маънодаги фарқ (масалан, бунда кескинлик уларга нисбатан кучлироқ). Йиккинчидан, бу хил тасвирий сўзлар CVCC формасида бўлиб, уларни CVC-С қисмларга бўлиш мумкин.

CVCC типидаги тасвирий сўзларда CVC қисми асосий маънони билдиrsa, С унга қўшимча оттенка (масалан, кескинлик) беради. Бу группа икки бўғинли тасвирий сўзлардан ҳам фарқ қиласди. CVCC типидаги тасвирий сўзлар составидаги структура элементлари янги бўғин ҳосил қилмайди. Маъно томондан эса, бу группадаги тасвирий сўзлар составидаги структурал элемент ифодалаған семантик оттенка **-ир**, **-(а)** ниг каби структура элементлари ортирган семантик оттенкадан фарқ қиласди.

Қўшимча оттенка олган бир бўғинли тасвирий сўзлар қўлланиш жиҳатидан ҳам бир неча хил бўлади. Уларнинг баъзилари ўзлари туб ҳолда якка қўлланмайди.

Аммо уларнинг иккичи бир хиллари туб ҳолда якка қўлланмасалар ҳам бошқа хил структура элементлари би-

лан биринч олиши мумкин. Бундай тасвирий сўзлар ҳозирги ўзбек адабий тилида кенг қўлланади: Унга „Нигора келмаган бўлсачи“ деган шубҳа ҳам ёпишган эдики, касалхона эшиги **ғийт** этиб очилди (С. Анорбоев, О. Ш.).

Поп қулт этиб тупугини ютибди,

Чертика га ўз пеъонасин тутибди (А. С. Пушкин, Б. П. В. У. Х. Б. Ҳ. Э.).

Бирор киши ёса мени, аё Муштум,

Биласанки, ўшакуни мен пўрт учдим („Муштум“).

Гийт, қулт, пўрт каби тасвирий сўзларни гий, қил, пўр каби алоҳида тасвирий сўз сифатида ишлатиш мумкин эмас. Улар охиридаги т товушини қ, с каби товушга алмаштириб, фийк, пўрс, қулқ каби формаларда қўллаш мумкин. Уларга, тарихий нуқтаи назардан бўлса ҳам, туб ва структура әлементлари деб қараш мумкин.

Бир бўғинли тасвирий сўзларнинг баъзиларига фақат бир хилгина структура әлементлари қўшила олади. Шунинг учун бундай тасвирий сўзларга туб әлементни ташкил қилувчи тасвирий сўзлар деб қарашга тўғри келади.

Хозирги ўзбек адабий тилидаги тасвирий сўзларнинг учинчи бир хиллари борки, улар структура әлементларисиз – туб ҳолда ҳам қўллана олади: *Тўлаган ака ўзини гурс этиб, диванга ташлади. Тўлаган ака „чурқ“ этмай хийла вақт ерга қараб ўтиргандан сўнг бошини кўтариб ...* (А. Қаҳҳор, Қ. Ч.).

Бир бўғинли тасвирий сўзларга -ир, -(а) нг каби қўшимча маънно оттенкалари берувчи структура әлементларининг қўшилиши билан икки бўғинли тасвирий сўзлар ҳосил бўлади. А. Ф. Гуломов бундай ҳолатларга тасвирий сўзларнинг формал томондан кенгайиши деб қарайди¹²⁸.

Икки бўғинли тасвирий сўзлар ана шу хусусиятлари билан юқоридаги группалардан формал томондан ҳам, товуш томондан ҳам, шунингдек, семантик томондан ҳам фарқ қиласи (товуш ёки ҳаракатнинг давомли бўлганлигини билдириши билан).

Чоғиштирамиз.

тақ //	тақ+ир	милт //	милт+ир
чиқ //	чиқ+ир	дик //	дик+ир
гуп //	гуп+ур	тиқ //	тиқ+ир
тўп //	тўп+ир	чит //	чит+ир
пат //	пат+ир	пиқ //	пиқ+ир
ғир //	ғир+инг	ялт //	ялт+ир
лап //	лап+анг	лик //	лик+анг ва б.

¹²⁸ Бу ҳақда ясалиш бобида тўлароқ маълумот берилган.

Иккинчи қатордаги тасвирий сўзларнинг баъзилари ҳозирги ўзбек адабий тилида кўпинча такрорий ва жуфт ҳолда қўлланади. Структура элементлари воситасида кенгайган тасвирий сўзларга қўйидаги мисолларни келтириш мумкин:

Ҳаммаси жим, *шитир* этмас гугурт қутича,
Ҳаттоқи кашандалар тутун бурқутмас (F. F у-
лом, Стадион оқшоми).

Корнингизни ушлаган вақтимда қулдир этиб кетишига қараганда ё шамоллагансиз ёки бўлмаса бир ботмайдиган овқат еб қўйгансиз („Мұштум“). Жўравойнинг „бирор иғвогарнинг қўли бор“ дейиши ноўрин-у, бироқ унинг „шитир“ этган товушдан ҳам ҳадиксираб безовталаниши бежиз эмас („Муштум“).

Содда тасвирий сўзлар ифодалаган маънени кучайтириш учун ортирилган унли (-а, -и) воситасида ҳам икки бўғинли содда тасвирий сўзлар пайдо бўлиши мумкин. Бундай содда тасвирий сўзларга кўпинча равишлар сифатида қаралади:

Ойим сизни чақирияпти,—
Борармисиз деган сўзни,
„Ойимлар чақ ...“ дега айтар
Уйи сари ғизза қайтар (Фунча“).

... Орқасига гуресса қўйиб, „ердан темиртак топган қулдай“ бўлиб чопиб, баланддаги кўшкна етди („Маликаи айёр“ достонидан). Кўйлагимнинг елкаси билан кўкраги Иринанинг тун бўйи тўйкан кўз ёшидан жиёнка ҳўл бўлган эди (М. Шолохов, И. т.). *Шириқ* этган овоз билан бирга тўйпонча ичиди кичкина ўт ёнди (М. Исмоилий, Ф. т. о.). Мингбоши ерда гужанак бўлиб ётган Матқовулнинг орқасига қамчимишилип этказиб тушириди (М. Исмоилий, Ф. т. о.). *Боягидек дукур бор,* лекин қаёқдан келаётгани маълум эмас (М. Исмоилий, Ф. т. о.).

2. Редупликациялашган тасвирий сўзлар¹²⁹. Редупликация ҳозирги ўзбек тилида жуда кенг тарқалган тил ҳодисаларидан биридир.

Ўзбек тилида асосан ҳамма туркумдаги сўзлар ҳам редупликациялаша олади. Содда сўз редупликациялашганда

¹²⁹ С. Муталибов тасвирий сўзларнинг такрорланишини, жуфтлашган формаларини „кўшма тақлидий сўзлар“ сифатида талқин қиласиди. Такрор, жуфт сўзлар билан кўшма сўзлар обрасидаги фарқлар булатни бир терминга бирлаштиришга имкон бермайди. Каранг: С. Муталибов, Морфология ва лексика тарихидан қисқача очерк, Тошкент, 1959, 213-бет.

яиги маъно англатувчи бошқа сўз пайдо бўлиши ҳам мумкин. Шунинг учун тилшунослар бу ҳодисага сўз ясашнинг бир тури (жуда қадимги тури) деб қарайдилар¹⁸⁰.

Отлар редупликациялашганда предметларнинг сон жиҳатидан кўплигини билдиrsa, редупликациялашган феъллар иши-ҳаракатнинг „бирдан ортиқ“ бўлганлигини, давомлиликни билдиради. Тасвирий сўзлар ҳам феъллар каби тақрорланганида ҳаракат образини, товушнинг бир неча марта **бир хилда, бир текисда** тақрорланганлигини, давомлиликни кўрсатиш учун хизмат қилади. Бундан ташқари, редупликациялашган тасвирий сўзлар миқдор, кучайтириш каби ҳодисаларни кўрсатиши ҳам мумкин. Бу хусусиятлари билан улар содда тасвирий сўзлардан фарқ қилади.

Содда тасвирий сўзлар билан тақрорланган тасвирий сўзлар ифодалаган маъноларига кўра бир-биридан фарқ қилади: *Шу пайтда Петя амаки қўш оғиз милтиғидан пақ-пақ эттириб, ўқитувчи эса бир оғиз милтиғидан пақ! эттириб ўқ узишиби* (В. Бианки, Лайка). Бадиузвазмон отдан *тапна** тушиб, Навоийга таъзим қилди ва адаб билан кўришиби (Ойбек, Навоий).

Бирин-кетин тўрт кишининг тап-тап тушгани эшигилди (Х. Фулом, Машъал).

Редупликациялашган тасвирий сўзлар асосан идентик характерда бўлади. Идентик тақрор ҳам формал томондан икки хил кўринишга эга:

Оддий тақрор. Бунда маълум ҳодисанинг бир текисда тақрорланганлиги ифодаланади: миёв-миёв, чўп-чўп, қиртқирт, инга-инга, тўп-тўп, тиқ-тиқ, лип-лип, лов-лов, гув-гув, зир-зир, чип-чип каби.

*Жин боласи сувдан чиқиб келибди,
Оч мушукдай миёв-миёв қилибди* (А. О. Пушкин).

Бирдан бўйнимга осилди, бетларимдан, лабларимдан, пешоналаримдан чўп-чўп ўна бошлиди (М. Шолохов, И. т.). Рунарадан уриб турган қор юзини жиз-жиз ҷақади (С. Анорбоев, О. ш.). Кўзлари яна лип-лип учиб, лаблари титраб кетди („Муштум“).

*Пешин вақти деркан озод,
Барча бола дув-дув қалқар* (Ойбек, Навоий).

¹⁸⁰ А. Фуломов, Ўзбек тилида сўз ясаш йўллари ҳақида, „Тил ва адабиёт институти асарлари“, Тошкент, 1949, 47-бет; Б. Орузбаева. Некоторые заметки о парных словах. „Труды института Языка и литературы АН КирССР“, вып. VIII, Фрунзе, 1957, стр. 81.

Кучайтирувчи элемент олган такрор. Бир хил товуш ёки ҳаракат образини кучайтириб кўрсатиш, ундаги тезликни таъкидлаш учун такрорнинг компонентларидан бирига (асосан биринчисига) бир унли товуш орттирилади: тақатак, гурса-гурс ва б.

Бундай ҳолатларда баъзан тасвирий сўзлар ўзларининг тўғри маъносидан бошқа—метафорик маъноларни англатиши ҳам мумкин: Қарасам бўлмайдиган, аввал райкомга кейин райисполкомга бордим, эшиклар **тақа-тақ** қулф („Муштум“). Бир цех иккинчи цехга материал етказиб бера олмай, ишлар **тақа-тақ** тўхтаб қолади („Муштум“). Ёшгина дир йигит кўлини карнай қилиб, дикторга тақлид қилди: тарақа-туруқ ҳиқ... Шунинг билан концертилизм ташом („Муштум“). Бизга наеват яқинлашиб қолганда **тасира-тусур*** бошланди (И. Раҳим, Ч. м.). Бироқ гарфара, машмаша, қаҳқаҳа, шаршара, ғишиша каби мисоллардаги **а** элементи ясовчи аффиксdir.

Товуш ёки ҳаракат давомлигини янада кучайтириб кўрсатиш учун ҳар иккала компонентга ҳам кучайтирувчи элемент а орттирилади:

*Хатто миттий капалак,
Қўнғиз деса пир-пирак.
Гирра-гирра келаркан,
Учib қўниб еларкан (Қ. Муҳаммадий, Т. а.).
Узоқдаги қўр ёнида,
Бир колхознинг майдонида,
Музлаб ётар бир трактор,
Гуппа-гуппа ёғмоқда қор („Муштум“).
Минсам сакрайди кўкка,
Иргишлаб дирка-дирка,
Чуҳ десам тоғдан тикика,
Учаб ўтар чақмогим (Қ. Муҳаммадий, Т. а.).*

Ҳар икки компоненти кучайтирувчи элемент олган такрорий тасвирий сўзларнинг компонентларидан биттаси одатда якка ҳолда ишлатилмайди.

Такрорнинг оддий формаси энг қадимги бўлиб, бошқалари шундан келиб чиққандир. Демак, улар кейинги замоннинг маҳсулидир. Ўрни келганда, жуфт тасвирий сўзларнинг ҳам содда тасвирий сўзларга нисбатан кейин пайдо бўлганигина айтиб ўтиш керак.

Идентик такрорланган тасвирий сўзлар компонентлари нинг бир-бирига бўлган муносабатига қараб икки группага ажралади. Идентик такрорланган тасвирий сўзларнинг баъзи бирларининг компонентларини одатда алоҳида-алоҳида қўл-

лаб бўлмайди. Улар маълум тақорорий ҳолдагина маъно англатади (биж-биж, виж-виж, дағ-дағ, жав-жав, ға-ғу ва б.).

Шу қобилда беш минутча турдим, ўғилчам бўлса кучининг борича менга ёпишиди, индамаса ҳам дағ-дағ титрар эди (М. Шолохов, И. т.) Қарга ва зағчалар айни уйқу замонида тинчизланган учун елга қарши намойиш қилгандек ға-ғу билан чакалак устидан айланга бошладилар (А. Қодир ий, Ў. к.).

Калонизаторни тутгандা безгак,

Жағлари қаришиб этарди тақ-так („Муштум“).

Вакил жиқ-жиқ терлаб, қизарип пишиб, гоҳ кўтарилди, гоҳ босилди („Муштум“). Бир кун отам чақ-чақ уриб кириб келди (М. Исмоилий, Ф. т. о.). Йигитлардан бири ўргилай деб юборди, бошқалар қаҳ-қаҳ уриб кулишиди (С. А норбоеv. О. ш.).

Юқоридаги соғ тақорорланган тасвирий сўзларнинг компонентларидан бирига ясовчи аффикс қўшилиб, бошқа сўзлар, одатда, феъллар ясалганда дағиллади, такиллади, қатиллади каби мустақил қўлланиши мумкин. Бу группа тасвирий сўзларнинг маъноси компонентларининг синтези сифатида майдонга келади. Уларни қўйидаги математик формула орқали ифодаласа бўлар $a + a_1 = c$ ёки $\frac{a + a_1}{c}$ (яъни компонентларининг англатган маъноси уларнинг умумий маҳражига ўхшайди). Бу типдаги тасвирий сўзларнинг баъзилари гапда аниқловчи вазифасида келиб, сўз биримасини ташкил қиласди: *ғул-ғул товуқ, шиқ-шиқ тугма*. Компонентлари бир-бирига идентик бўлган тасвирий сўзлар биргаликда бир сўз ҳосил қилганда, лексикализациялашганда одатда уларнинг маъносида ўзгариш бўлиб, улар мустақил сўзларга (асосан отларга) айланади. Мустақил сўзлар каби агглютивизация қонун-қоидаларига бўйсунади ҳам. Масалан: *лак-лак>лайлак* (парранданинг номи), *лўк-лўк* (болалар ўйинининг бир тури) ва б.

Компонентлари бир-бирига идентик бўлган тасвирий сўзларнинг иккинчи бир хили борки, уларнинг компонентларини алоҳида қўллаш ҳам мумкин. Улар якка ҳолда қўлланганларида гоҳ ёрдамчи феъл, гоҳ мустақил феъл билан бирликда ишлатила беради, Масалан: миёв-миёв, дув-дув, фир-фир, инга-инга, қулт-қулт, лип-лип, чиқ-чиқ, шип-шип, тиқ-тиқ, тақ-тақ, ғақ-ғақ, пўк-пўк, жиз-жиз, шолоп-шолоп, шарт-шарт, гур-гур, чўп-чўп, ялт-ялт, милт-милт, ғин-ғинг, ва бошқалар: Кейин ўғлимнинг жуда очкўзлик билан ичаётганини кўриб, хотин боёқушнинг кўзларидан дув-дув ёш тўкила бошлади (М. Шолохов, И. т.). Чайла

ёнидаги ўчоқда *милт-милт* ўт ёнади (С. Анербоев, О. ш.). *Ха, ана! Ўша ёқда лип-лип* этган ўт кўринди (С. Анербоев, О. ш.).

Мисоллардаги такрорий тасвирий сўзларнинг компонентларини дув этди, милт этди, лип ёнди, қулт этди каби ёрдамчи ёки мустақил феъллар билан якка ҳамда ҳам қўллаш мумкин: *Одамлар қаттиқ, узоқ алқишилаб, дув ташқариға чиқдилар* (Ойбек, Н. қ.). Аммо ўша куни саратор қуёши олов селини тўкиб туршиига қарамай на сиздан ва на Парниев, Марко, Азимов ўртоқлардан *милт* этган төв чиқмаган эди („Муштум“). Мойи тугаган жин чироқ сингари *лип* ёниб, *лип* ўчиб турган умр чирогини биратўла ўчирди-қўйди (М. Исмоилов, Ф. т. о.). Тупланганлар гур этиб, автокачкалар турган саройга қараб югуришиди (С. Анербоев, О. ш.).

Бу группа тасвирий сўзларни англатган маъноларига кўра $a + a_1 = c$ формуласи билан ифодалаш мумкин. Бу группадаги такрорий тасвирий сўз компонентининг ҳар бири (a ёки a_1) ўзи бошқа ўринда c га тенглашиши мумкин. Биринчи группада эса a ёки a_1 c га тенглашша олмайди. Аммо соф ҳолда такрорланган тасвирий сўзларнинг бу икки группаси формал томондан ўзгармаслиги ҳамда компонентларининг бирикишидан умумий маъно келиб чиқиши томонидан бирбирига жуда ўхшайди. Шунинг учун ҳам қўлланишдаги баъзи хусусиятларига қараб, улар орасига бир-биридан қатъий ажратувчи чегара қўйиш керак әмас.

Биз ҳозиргача соф такрорнинг туб элемент ҳолида — ҳеч қандай ўзгаришсиз (асосан бир бўғин тарзида) қўлланиши ҳақида гапирдик ва бундай тасвирий сўзлар такрорланганида қандай маъно англатишини таҳлил қилдик. Аммо тасвирий сўзларнинг структура элементлари олиб, икки бўғиндан тузилган ҳолда ҳам такрорланиб келиш ҳоллари учрайди. Бундай вақтларда улар қандай маъно англатади? Соф равишда такрорланган тасвирий сўзлар ҳаракат ёки товушнинг такрорланганигини кўрсатса, структура элементлари (-ир, - (а) нг) олган тасвирий сўзлар такрорланмасдан ҳам ҳаракат ёки товушнинг туридаги бошқаликни кўрсатади. Масалан тақ — бир марта эшитилган товушни, аниқроғи бирор нарсанинг иккинчи нарсага фақат бир марта урилишидан пайдо бўлган товушни ифодалайди; тақир формаси билдирган товуш эса бундан фарқлидир. Шундай экан, бундай тасвирий сўзлар такрорланганларида қандай маъно ифодалайди?

Тақ-тақ деганимизда, биринчидан, якка нарса товушнинг такрорланганилиги англашилади; иккинчидан, у товушнинг маълум ўринда бир оҳангда пайдо бўлиши тушунила-

ди. Тақир формаси эса предметнинг бир неча ерга урилишидан, ишқаланишидан ва шунга ўхшаш бошқа ҳолатларда пайдо бўлган товушни кўрсатиши мумкин. Демак, тақрорий тасвирий сўз товушнинг бир текисда эшитилганлигини, икки хил зарбнинг бир хил кўринишини билдиради, икки бўғинли **тақир** типидаги тасвирий сўзлар, аксинча, бир текисда эмас, балки ўзгарувчан товушни кўрсатади. Улар тақрорланганда эса ана шундай ҳолатларнинг бирдан ортиқ бўлганлигини билдиради: *Бошимни кўтарсан,—хўжайиним. Тиши-тишига тегмай тақир-тақир қиласди* (С. А норбоев, О. ш.). Ботирили теракларга ин кураётган қалдирғочларнинг **вижир-вижир** ҳикоясига очиқ деразадан қулоқ солиб ўтириб, Эъзозхонга қараб жилмайди (Х. Ф улом, Машъал).

*Пўлат парма тоғ тешар,
Кўмиш учун дорини.*

Гумбур-гумбур портлатар,

Ўпираб тоғ бағрини (Қ. Мұхаммадий, Т. а.).

У тиниқ кўкда сузаётган тўлин ойга, **живир-живир** нуқра юлдузларга, қор босиб ётган чўққига, пастига—сой бўйидаги қоронги олчазорга тикилди (Х. Ф улом, Машъал)

Үйнинг ичи қоронги бўб қолади,

Жами қизлар шувур-шувур қиласди

(„Алпомиш“ достонидан).

Вадиний адабиётда тасвирий сўзларнинг баъзан уч, тўрт, беш, олти ва ҳатто ундан ҳам ортиқ тақрорланиш ҳолатларига дуч келамиз:

*Қўшиғимиз тақ-тақ-тақ,
Томга тунка қоқилар.*

Шўхлигимиз тақ-тақ-тақ,

Уста уйга пол қилас („Ғунча“).

Ғижжак ғиж-ғиж-ғиж этар,

Болалар қувнаб кетар („Ғунча“).

Қу-қу-қу-қу хўрозим,

Үйимда хуш овозим,

Пақ-пақ қанот парвозим,

Қу-қу-қу-қу хўрозим (Қ. Мұхаммадий, Т. а.).

... Атрофда булбуллар, саввалар, заргалдоқлар сайдрай кетди.—**Чир-р-р, чақ-чақ-чақ, Чак-чак-чак-чак-чак** (С. А норбоев, О. ш.).

Жинг-жинг-жинг

Жинг-жинг-жинг

Жинг-жинг-жинг-жиринг!

Гоҳо тюленъ, гоҳ кийик чақирад, келинг!

(Ш. Саъдула, Ш. ва э.).

3. Жуфт тасвирий сўзлар. Бадий адабиётда, оғзаки нутқда табиатдаги предметларнинг ҳаракат-ҳолат образидаги ва улар товушидаги ҳар хиллиликни кўрсатиш мақсадида кўпинча жуфт тасвирий сўзларга мурожаат қилинади. Тасвирий сўзларнинг ана шу хусусиятларига асосланиб, Е. И. Убрятова уларнинг оҳангдош бўлиш йўли билан такрорланишини кўпроқ бадий ифодалилик мақсадларига бўйсундирилганлигини кўрсатади¹⁸¹. Ҳақиқатда ҳам жуфт тасвирий сўзлар бадий характеристика нуқтаи назаридан ишлатилган бўлса, улар стилистик қиймат касб этади. Аммо шу билан бирга, тасвирий сўзлар такрорланганида ёки жуфтлашганида улардан тамоман янги маъно англатувчи сўз пайдо бўлса, у лексик, грамматик аҳамиятга эга бўлади.

Е. И. Убрятова ёқут тилидаги жуфт сўзларни англатган маъноларига қараб беш асосий группага бўлади:

Умумий маъноси компонентлари маънолари йифиндисидан келиб чиқадиган жуфт сўзлар (Парные слова, общее значение которых составляет сумму значений из компонентов).

Жамлаш маъносидаги жуфт сўзлар (Парные слова сорбирательного значения).

Сўз—сионимлардан ташкил топган жуфт сўзлар (Парные слова, составившиеся из слов—сионимов).

Қарама-қарши маъноли сўзлардан тузилган жуфт сўзлар (Парные слова, составившиеся из слов противоположным значением).

Умумий маъноси уларни ҳосил қилган компонентларнинг ҳозирги замондаги маъноси билан боғлиқ бўлган — жуфт сўзлар¹⁸² (Парные слова, общее значение которых связано с современным значением составивших их слов).

Бу классификациянинг фақат тўртинчисигина тасвирий сўзларда бошқачароқ тус олади, чунки тасвирий сўзлар жуфтлашганида ҳам асосан бир ҳодисани, биргина ҳодисани турли хил оттёнкаси билан ифодалайди. Масалан, *тош шакир-шуқир ағдарилди* ёки *киши аланг-жаланг қаради* десак, уларнинг ҳар икки компоненти ҳам тошнинг ағдарилганлигини, қарамоқнинг баъзи бир фарқли оттенкалари билангина ифодалайди, холос. Бундай хусусияти билан улар борди-келди, эрта-кеч, тун-кун, катта-кичик типидаги антоним характеристидаги жуфт сўзлардан тубдан фарқ қиласди.

Б. М. Юнусалиев эса „Наиболее активными в речи оказываются контрастные (тагини биз чиздик—Р. К) варианты:

¹⁸¹ Е. И. Убрятова, Парные слова в якутском языке, „Язык и мышление“, XI, М.—Л., Изд-во АН СССР, 1948, стр 822.

¹⁸² Уша асар, 909-бет.

даң—для самого сильного звука, дын.—для слабого по тону звука и дун—для подражания сильному, приглушенному¹³³ дёб ёзади.

Юқорида келтирилган товушга тақлид сўзларнинг англатган маъноларида фарқлар мавжуд. Аммо бу тақлид сўзларда контрастлик, маъни жиҳатдан қарама-қаршилик бор дейиш ўзбек тили, ҳатто қирғиз тилининг материалларига ҳам тўғри келмайди.

Хозирги ўзбек адабий тилида жуфт тасвирий сўзлар ўзларининг формалари ва ифодалаган маъноларига қараб такрорий тасвирий сўзлардан фарқ қиласди. Жуфт тасвирий сўзлар бир ҳодисанинг турли хил ўзгариб туришини, биргина товуш ёки образли ҳаракатнинг гоҳ кучайиб, гоҳ пайсайиши, баъзан эса гоҳ яқинлашиш, гоҳ узоқлашиш қаби ҳолатларни ифодалайди. Бу ҳолат эса, жуфт тасвирий сўзлар компонентларидан бирининг составидаги унли ёки ундош товушнинг ўзгариши, баъзан иккинчи компонентга бир ундош ортирилиши орқали юз беради¹³⁴.

Жуфт тасвирий сўзларнинг бундай хусусиятларини бошقا туркий тилларда ҳам учратиш мумкин¹³⁵ (2-жадвалга қаранг).

2- жадвал

ТИЛЛАР

Ўзбек	Қозоқ	Қирғиз
У	Н	Л И
Шалдур-шулдур	ар-ур	жарқ-журқ
қалдир-қулдур	баж-буж	жалт-жулт
тарақ-турук	жалаң-жулаң	қалдыр-гуллур
ғарч-ғурч	жалт-жулт	шанқ-шунқ
чақ-чуқ		
ялт-юлт		

¹³³ В. М. Юсуалиев. Киргизская лексикология, часть I (развитие корневых слов), Фрунзе, Киргизчпедгиз, 1959, стр. 166.

¹³⁴ А. П. Баарников ҳинд тили фактлари асосида иккинчи компонентга бир ундош ортирилмайди, балки биринчи компонент бир ундош йўқотади, дейди. Бу ҳинд тилларига тўғри келмаса, туркий тиллар фактларига тўғри келмайди.

¹³⁵ Тасвирий сўзлар составида товуш ўзгаришлари ҳақида тўлароқ маълумот фонетика бобида берилган.

ТИЛЛАР

Туркман		Монгол	Усмонли турк
И	Л	A	r
Баззы-буззы		дэгэн-догон	Çatır-Çütür
габыр-губур		тэнтэр-тунтар	haldır-huldur
лак-лук		йыхил-вугил	patır-kütür
		гангар-гунгар	
		дар-дер	
		тамтр-тумтр	
У		Н Д	О Ш
ханг-манг		былқ-сылқ	былқ-сылқ
вагир-шагир		быт-шыт	кубур-шыбыр
жиз-биз		кәкір-шүкір	курс-тарс
ғинг-пинг		қылтың-сылтың	
чирт-пирт			
Л		A	r
вагыр-шагыр		тас-няс	şangır-mangır
жыз-пыз			tlkır-mikır
ғык-бак			

Хозирги ўзбек адабий тилидаги жуфт тасвирий сўзлар тўрт хил йўл билан майдонга келган:

Унилиар ўзгариши билан: гарч-фурч, тақ-туқ, тарс-турс, вагир-вуғур, шолоп-шулуп ва ҳоказо.

Ундошлар ўзгариши билан: гивир-шивир, чирт-пирт, ғинг-пинг каби.

Иккинчи компонентининг бошланишидан олдин бир ундош ортирилиши билан: аланг-жаланг, апил-тапил, апир-шапир.

Аралаш йўл билан: қий-чув, ғиж-бадабанг, ғовур-шувур каби.

Жуфт тасвирий сўзларда асосий маънони кўпинча биринчи компонент англатади. Иккинчи компонент эса биринчи компонентнинг сал ўзгариши билан такорланади. Лекин жуфт тасвирий сўзларнинг баъзи бирларининг компонентларини алоҳида-алоҳида олиб мустақил тасвирий сўз сифа-

тида қўллаш ҳам мумкин: шов-шув, ғивир-шивир каби. Уларнинг учинчи группасида ҳар иккала компонент ҳам мустақил қўлланмайди: ҳанг-манг, апил-тапил каби.

Шундай қилиб, жуфт тасвирий сўзларнинг қўлланиши ва бир-бирига муносабати, Н. К. Дмитриев кўрсатганидек, бошқа категория сўзларнииг жуфтлашиш қоидаларига тўғри келади¹³⁶.

Тасвирий сўзлар компонентларининг бир-бирига муносабати ва қўлланишига кўра учга бўлинади:

1. Ҳар икки компоненти ҳам мустақил қўллана оладиган жуфт тасвирий сўзлар.

Тасвирий сўзларнинг мустақил қўлланиши икки маънода тушунилиши керак. Биринчидан, улар айрим сўз — туб сўз холида мустақил қўлланади. Иккинчидан, унинг компонентларидан янги сўз, унинг формаси, масалан, феъл формалари ясалганда мустақил қўлланади (бундай вақтда уларга феъл сифатида қаралади).

Ўзбек тилида жуфт тасвирий сўзларнинг компонентлари анча турғун ҳолатда бўлади. Баъзи жуфт сўзларнинг компонентлари худди шу компонетлар билан бирекиб синонимик характерда бўлади: ғовур-ғувур, шов-шув, аланг-жаланг, чарс-чурс, тарақ-туроқ ва б.

Бозорнинг ғовур-ғувури, турли-туман оломон билан тўла Чорсууга яқинлашгач, Тўғонбек бирдан тўхтади (Ойбек). *Бу етмагандек, тўппанчадан ўқ узиб, шов-шув кўтаргандар* („Қизил Ўзбекистон“). *Бироқ атрофига аланг-жаланг қараб, ўлжасини тишлаганича омбордан чиқиб кетди* („Ғунча“).

Мисоллардаги жуфт сўзларнинг компонентларидан бирини бошқа бирор тасвирий сўз билан бирлаштириш мумкин эмас. Чунки бундай жуфт тасвирий сўзларнинг компонентлари биргина ҳодисанинг турли хусусиятларини билдиради, холос: тарс-турс товушга тақлид сўзининг маъносига диққат қиласайлик. Тарс қаттиқ предметнинг иккинчи қаттиқ предметга урилишидан, тўқнашишидан пайдо бўлган товуш, иккинчи компонент турс эса, худди шу нарсанинг астароқ, секинроқ урилишидан ҳосил бўлган, оҳанг жиҳатидан пастроқ бўлган товушни кўрсатади. *Башорат эсиз одамгарчилик дегандек*, унга бир ўқрайиб қаради-ю, *тарс-турс* юриб ҳовлидан чиқиб кетди („Муштум“).

Баъзи тилларда образли сўзлар билан товушга тақлид сўзлар бирлашиб, бир жуфт сўз ҳосил қила олиши мумкин.

¹³⁶ Қаранг: Н. К. Дмитриев. О парных словосочетаниях в башкирском языке. „Изв. АН СССР“, отд. гуманитарных наук, № 7, Л., 1960, стр. 501—502.

Масалан, есигын-пэлэк¹³⁷. Корейс тилидаги бу жуфт тасвирий сўзниң биринчи компоненти товушга тақлидни билдиrsa, иккинчи компоненти образли сўздир.

Агар жуфт тасвирий сўзлар ундош товушларнинг ўзгариши билан тузилган бўлса, баъзан уларнинг ҳар бир компонентидан ҳам бошқа жуфт сўзлар ҳосил қилиш мумкин: *Қоқ ярим кечада уй орқасида гивир-шивир бўлиб қолди* („Муштум“). *Ҳаммаси Бойсун-Қўнғирот злини ташлавб, қалмоқ юртига жўнаб кетмоқчи бўлиб довирлашиб, ҳаммаси бирдан катта-кичик, ёш-қари бир-бирига хабар бериб, кўча бер деб вағир-шагир қилиб, уйларини бузиб тяуяларга ортиб, аёллар ҳам ўз юкбогини бўғиб...* шовқун-ғалогул бўлиб қолди („Алпомиш“ достонидан).

Бу мисоллардаги гивир-шивир, вағир-шуғир жуфт тасвирий сўзларнинг ҳар бир компонентидан вағир-вугур, шагир-шуғур каби бир неча жуфт тасвирий сўз ясаш мумкин. Аммо бу ҳодиса доимий эмас. Хусусан, бу методни унлилар ўзгариши билан тузилган жуфт сўзларга тадбиқ қилиш анча қийин.

Одатда жуфт ва такрорий сўзларнинг компонентлари бўғин тузилиши (бўғиннинг сони) жиҳатидан бир хил бўлади. Аммо тилдаги баъзи тасвирий сўзларнинг компонентлари бўғин жиҳатидан ҳам бир-биридан фарқ қиласи. Кўпинча, бундай жуфт тасвирий сўзларнинг иккинчи компоненти ўз ҳолича ҳам такрорланган ҳодисани ифодалайди: *Ҳатто хушнавоз бўлиб, баралла ялла қилиш, катта давраларда қарс-бадабанга ўйнагим келади* („Муштум“).

*Беш-үн чин ўртоқ,
Тўйга келмай, дейди: — э, аттанд!*
Ғиж-бадабанг авжига минган чоқ („Муштум“).

Баъзан жуфт тасвирий сўзларнинг биринчи компонентлари бир бўғиндан ташкил топган бўлса, иккинчи компонентлари уч бўғиндан ташкил бўлиши мумкин. Баъзан бунинг акси бўлиши ҳам мумкин. *Қарс-бадабанг* („Муштум“, 1960, 1-сон). *Пахталар қийгос очилиб, терим машиналари „қани қаердан иш бошлайлик“ дегандек гуриллаб келганда юқоридаги керилмаочқакамлар пилдир-пис бўлиб, дамлари ичига тушиб кетди* („Муштум“).

Хозирги ўзбек адабий тилида компонентлари мустақил қўллана оладиган жуфт тасвирий сўзларнинг баъзилари тасвирий сўздан бошқа туркумдаги сўзларнинг товушга тақлид ёки образли сўз билан жуфтлашиши натижасида вужудга

¹³⁷ Қаранг: Г. А. Пак. Изобразительные слова в корейском языке, Л., 1958, стр. 11.

келади: *Аммо Ботирали кириши биланоқ нотиқ гапдан тўхтади, ола-ғовур ҳам тинди* (Х. Гулом).

Бундай тасвирий сўзларнинг компонентлари ўзаро синоним бўла олмайди.

2. Компонентларидан фақат биттаси мустақил қўллана оладиган жуфт тасвирий сўзлар.

Бу группадаги тасвирий сўзларнинг фақат битта компоненти мустақил маъно англатади. Иккинчи компонент эса маъно англатувчи компонентнинг резонанси сифатида майдонга келади ва мустақил тасвирий сўз сифатида қўлланмайди. Бундай тасвирий сўзлар тўғрисида Е. И Убрайтова шундай дейди: „... Второе слово самостоятельного значения не имеет, это слово — рифма, придающая особый оттенок собирательности (или иногда иронии)“¹³⁸. *Тунда изғиб ивир-шивир иш битирувчи, сирни очувчи соғдил „номинги ер юзидан учирив юбораман“ деб дагдага қилувчи хўжайинларнинг кечаси сирли соясини кўринмайдиган қилиб қуювчи азамат Фаргона районида топилмади („Муштум“). Улар ҳаракатни тезлатди. Ҳамма ёқни темирнинг шақир-шукур садоси қоплади (Ойбек, К. қораймас). Карнайчилар ҳам чиқишиб, ват-вутлари билан халқ шодлигини кўкларга кўтарди (М. Исмоилий, Ф. т. о.).*

Компонентларидан биттаси мустақил қўллана оладиган тасвирий сўзларнинг қайси компоненти мустақил маъно англатади деган масалага тиљшунослар ҳар хил қарайдилар. С. Қудайбергенов, М. Худойқулиевлар тасвирий сўзларнинг иккинчи компоненти ҳам баъзан мустақил қўллана олишини кўрсатсалар ҳам асосий маънони биринчи компонент ифодалайди, дейдилар¹³⁹.

С. Қудайбергенов бир ўринда биринчи компонент асосий маънони билдиради, иккинчиси эса — тақлид — эхо деб, ёсса, иккинчи ўринда (при фонетическом изменении второго компонента изменяется значение) иккинчи компонентда фонетик ўзгариш юз бериши билан унинг маъносида ўзгариш содир бўлади, деб ёзади. Бизнингча, бу ерда фикр қарама-қаршилиги борга ўхшайди. Чунки С. Қудайбергеновча, маъно биринчи компонентда бўлади, иккинчи компонент — эхо, у маъно англатмайди. Шундай экан, маъно англатмайдиган иккинчи компонентда фонетик ўзгариш юз бериши билан қандай семантик ўзгариш бўлар экан?

¹³⁸ Е. И. Убрайтова. Юқорида кўрсатилган асар, 305-бет.

¹³⁹ С. Кудайбергенов. Подражательные слова в киргизском языке, Фрунзе, Киргизучпедгиз, 1957, стр. 38; М. Худайкулиев. Подражательные слова в туркменском языке, Л., 1958, стр. 9.

А. П. Баранников эса асосий маънони иккинчи компонент англатади дейди. Бу фикрга ҳам қўшилиш бир оз қийинроқ.

Ана шунга ўхашаш мулоҳазалардан сўнг ўзбек тилидаги тасвирий сўзларни компонентларининг маъно англатиш хусусиятларига қараб икки группага ажратиш мумкин: а) асосий маъно биринчи компонентда бўлган тасвирий сўзлар: *Орамизда ҳали ишни орқага сурувчи вазъабозлар*, бел оғримасдан нон ёючи, *шалдир-шулдор пул сановчи текинхўр шахслар ҳам бор* („Қизил Ўзбекистон“). Акрам вататга ўхшаган чақонлар *Фосиҳ афандининг у ён-бу ёнидан шилт-пилт ўтиб қочиворди* (М. Исмоилий, Ф. т. о.). Шамол ўймакор даричанинг тавоқларини бир-бирига уриб, *тарақ-туруқ билан ёпди* (Ойбек, Навоий). Мен қўлларимни ёнимга олдим, пошналаримни бир-бирига *шақашук уриб* баланд овоз билан *рапорт бердим* (М. Шолов).

б) Асосий маъно иккинчи компонентда: *Аҳмад Ҳусайн ҳақгўй китоблар ҳақида Шариф Сулаймон билан баҳслашаркан, ногаҳон қий-чув кўтариб, бир гала бола эшикдан келиб кирди* (Ойбек, И. к.). *Гала-ғовур ичиди аллакиминг баланд овози янгради* (М. Исмоилий, Ф. т. о.).

З. Ҳар икки компоненти ҳам мустақил қўлланмайдиган жуфт тасвирий сўзлар.

Бу хил жуфт тасвирий сўзларнинг ҳар икки компонентлари ҳам мустақил лексик бирлик сифатида қўллана олиши билан бошқа группа жуфт тасвирий сўзлардан фарқ қиласди. Бундай тасвирий сўзлар асосан бир умумий тушунчани билдира-да, компонентлари орасидаги мўносабат илгариги груп-паларга нисбатан анча узоқлашган бўлади.

Жуфт тасвирий сўзларнинг бу группасида компонентларининг бирортаси ҳам мустақил қўлланмайди (баъзан улардан ясалган феълларнинг мустақил қўлланиши бундан мус-тасно). Уларнинг компонентларини бир-биридан ажратиш ва бошқа тасвирий сўзлар билан жуфтлаштириш мумкин эмас. Улар фақат маълум компонентлар билан жуфтлашиб келади ва ана шу компонентларнинг бирикиши натижасида маълум умумий маъно англатади: чиртинг-пиртинг, апил-тапил, ғалдир-ғулдуру, гангир-гунгир, ғиди-биди, апир-шапир кабилар. Бу тип жуфт тасвирий сўзларнинг компонентлари асосан морфологизациялашади: *Эъзозхон тўшакни апил-тапил йигиб, тахмонга олиб бориб ташлади-да, ерга кўрпача ёзди* (Ҳ. Ғулом, Машъал). *Сотувчи узатган попиростни қўлига олиб, ҳанг-манг бўлиб қолди* („Муштум“).

Бурдаланар зағора нон,

Апир-шапир ошар қизлар (Ойбек, Бобом).

Яқинда худди шу ерда мана шундай диққи нафас пайтида шоферлар ўртасида ҳшиғина **ғиди-биди** бўлиб ўтди. („Муштум“). Султонмурод мажлисдагиларнинг гапидан, Алишернинг ҳам саройда эканлигини англади **гангир-гунгир** сұхбатга қулоқ солиб ўтириди (Ойбек, Навоий).

Оппоқ соқолларин аста пийнаслар,
Ғилдир-ғулдир ўқийдир алланарса (F. Фулом, И. в.).

Жуфт тасвирий сўзларнинг компонентлари бир неча марта тақрорланганда турли хил товуш ёки ҳаракатнинг яна ҳам кўпроқ тақрорланганлигини, баъзан товуш чиқарувчи нарсанинг кўплигини кўрсатади: пу-пу-пуп-пиш, ваҳат-ваҳа, ваҳу-ваҳа, така-тум-так, така-тум-так, плук-қум-пирр..., плук-қум-пирр...

Қаердадир қизилиштон қариллади, попишак „**пу-пу-пуп-пиш**“ деб қўйди (А. Қаҳҳор). **Карнайчининг ваҳат-ваҳа, ваҳу-ваҳа** деган овози эшистилди (Ўзбек тилининг Фориш шевасидан). Тўғоннинг икки томонида тўрттадан саккизта чилдирма **така-тум-так, така-тум-так** деб мақом бошлиди (А. Қаҳҳор, Қ. ч.). Ҳаял ўтмай уйқуга кетиб, хуррак отди. Унинг хурраги ҳам нечук адабийроқ эди: „**Плук-қум-пирр..., плук-қум пирр...** (А. Қаҳҳор, Санъаткор).

Ўзбек тилида тасвирий сўзлар асосан асиндетик (боғлов-чисиз) йўл билан бир-бирларига бирлашади. Аммо уларнинг копулятив йўл билан жуфтлаши ҳам учрайди. Яъни тасвирий сўзларнинг жуфтлашишида боғловчилар ҳам иштирок этиши мумкин. Бундай боғловчилар жуфт тасвирий сўзнинг биринчи компоненти охирига қўшилади. Бу эса кўпинча семантик томондан маънони кучайтирганга ўхшаб туюлади:

Тери тайёр, ким бичар?
Усталар керак талай,
Ғарчу-ғурчинг* сабаби,
Меҳнат эканми, қалай? (Қ. Муҳаммадий, Т. а.).

Бундай сўзлар эски ўзбек тилида ҳам учрайди.

Рафқон ажойиб жой экан,
Бир кўча кетган сой экан,
Салқин супа ҳай-ҳай экан,
Ким кўрса ҳангуманг экан (Муқимий, Саё-ҳатнома).

Минг сизу — биздан, бир жисзу — биз (мақол).

Ясовчи ва турловчи аффикслар эса иккинчи компонентга қўшилади. Бу эса тақрорий ва жуфт тасвирий сўзларнинг

ҳар икки компоненти ҳам бир сўз сифатида қаралишини тақозо қиласди: бабалаб, ғиқ-ғиқи, қаҳ-қаҳла, гув-ғуви, ду-қир-дуқирлар каби.

Одатда жуфт тасвирий сўзлар ёзувда дефис орқали берилади, лекин ўзбек тили фактлари баъзан бу тартибининг ўзгаришини, яъни уларни вергуллар орқали ажратилиб, тавтологик тақорор формасида бериш ҳам мумкинлигини кўрсатади. Аммо тасвирий сўзлар бундай формада кўп ишлатилмайди: Мисоллар: *Бам, бум, бам...* Унумта бу сирли ногорамнинг овози, тайинлабди Пудим („Муштум“).

Зерикдиму, нега „қорр, қорр“, демайди қарға, қаранг,

Буқун бутун шуаро қарға жойида шекиллик (F. Гулом, К. ва ш.).

Чирқ... чирқ... чирқ... чирқ,

Холага раҳмат этар,

Пириллаб учиб кетар (Қ. Мұхаммадий, Т. а.).

Бошқа ҳолларда дефис билан ёзила беради:

Дупур-дупур оёқ бос,

Ерлар титратиб,

Душман сари йўлга бос,

Отлар ўйнатиб (Ҳ. Ниёзий, Б. э. қ.).

Хой ҳой отамиз!

Тошни кесар болтамиз.

Бизга кимлар қарши турса,

Шартта-шартта отамиз (Ҳ. Ниёзий,

Х. ҳ. о.).

Демак, орада дефиснинг бўлиши ё вергул ишлатилиши оддий тақорор билан жуфтлашишни фарқлаш масаласига бориб тақалади.

Жуфт ва тақорорий тасвирий сўзлар компонентларининг жойлашиш тартиби ҳам ўзига хос хусусиятга эга. Бу, албатта, кузатувчининг дикқатини ўзига тортмай қўймайди.

Ҳозирги ўзбек тилида жуфт сўз компонентларининг маъноси бир хил ёки шунга яқинроқ бўлганда — яқин (кенг маънода) предметларнинг отлари бўлганда, инверсия билан ҳам қўлланна беради: Хас-чўп, чўп-хас; гўшт-ёғ, ёғ-гўшт; қўл-оёқ, оёқ-қўл; қовун-тарвуз, тарвуз-қовун; кўйлак-иштон, иштон-кўйлак; сиз-биз, биз-сиз каби.

Тақорорий тасвирий сўзларнинг компонентлари бир-бирига нисбатан эркин муносабатда бўла олади. Оддий тақорорланган тасвирий сўзлар бир-бирига тенг қийматга эга бўлади, улар бирикиш, тенглашиш йўли билан боғланади.

Буларнинг компонентларини $a+a_1=c$ сифатида кўрсатсанак, улар $a+a_1$ бўлганда ҳам, a_1+a бўлганда ҳам қиймати

с га тенг бўла беради. Демак, уларнинг компонентлариний бемалол алмаштириш мумкин.

Тасвирий сўзлар жуфтлашганида компонентларининг тартиби барқарорроқ бўлади. Жуфт тасвирий сўзлар компонентларининг тартибини қўйидагича кўрсатиш мумкин:

1. Асосий маънони англатувчи компонент биринчи ўринда келади: ялт-юлт, валдир-вулдур, тарақ-туруқ, ғинг-пинг, тапир-тупур ва б.: *Айни замонда карнайчилар ват-вутлари билан қишлоқни тўлдириб, тоширди* (М. И smoилий, Ф. т. о.). *Ўғилларини жаз-биз ва димоқларни қитиқлаган ёқимли ҳид қучоқ очиб қарши олди* (М. И smoилий, Ф. т. о.).

2. Унли билан бошланган компонент аввал келади: ивиршивир, аланг-жаланг, апил-тапил, апир-шапир каби: *Улар гулларни писанд қилмай, бақириб-чақириб, увиллаб-чувллаб** кела бошладилар (Ш. Рашидов, К. қ.). Оч чақалоқ соғинган „маммасини“ *апил-тапил* эма бошлади (Х. Ф улом, Машъал).

3. Кам бўғинли, кам товушли компонент аввал келади: ола-кула, ола-чалпок, ола-ғовур, қарс-бадабанг, қу-қув, пуп-пиш, ду-дут, жинг-жиринг каби: *Домла шилпиқ ола-кула бўлиб улфатига қаради* (Х. Ф улом, Машъал). *Ҳаёт ва баҳтнинг, ўсиши ва юксалишининг ашаддий душманлари Бўрон билан Хоруднинг қадами етган чаман ана шундай тап-тақирип ер, кимсасиз бўшлиқ бўлиб қолади* (Ш. Рашидов, К. қ.).

Баъзи ҳолларда бу компонентлар кейин ҳам келиши мумкин: бақа-банг, пилдир-пис, ғўлдир-ғўп каби. *Чилдирма бақа-банг қиблага қараб куёв тўрам ўтирадилар* (Х. Ҳ. Ниёзий, М. и.).

4. Бошқа категория сўзларнинг жуфтланганида „ҳар икки компоненти ҳам ундош билан бошланган бўлса, спирант ёки жарангли портловчи товуш билан бошланган“ компоненти асосан (бармоқ билан санаарли ҳодисаларни мустасно қилганд) биринчи ўринда келади. Аммо ҳар иккаласи ундош билан бошланган жуфт тасвирий сўзларни бунга ўхаш қатъий бир қолипга солиш мумкин эмас: чиртинг-пиртинг, фиринг-пиринг, ғиж-биж, қий-чув, довдир-шовдир, ҳу-ғу, чирс-пирс, ғовур-шувур, шилт-пилт, вағир-вуғур, ҳангманг, ғиди-биди кабилар. Бу тасвирий сўзлар компонентлари қандай товушлар билан бошланганигини мана шундай кўрсатиш мумкин.

Биринчи компонент:

Ч—портловчи, жарангсиз,
Ғ—сирғалувчи, жарангли

Иккинчи компонент:

П—портловчи, жарангсиз
Б—портловчи, жарангли

Қ—портловчи, жарангсиз
Ҕ—портловчи, жарангли
Ҳ—сирғалувчи, жарангсиз
В—сирғалувчи, жарангли

Ч—портловчи, жарангсиз
Ж—портловчи, жарангли
М—бўрун, жарангсиз
Ш—сирғалувчи, жарангсиз.

Демак, бу ерда шундай хulosага келиш мумкин:

а) кўрсатилган типдаги тасвирий сўзлар компонентларининг жойлашишини юқоридагидек, бошланғич товушга қатъий қилиб боғлаб қўйиш мумкин эмас.

б) ўзбек тилида умуман сонор товуш билан бошланган сўзлар кам бўлгани каби (л, м товушлари билан бошланган 10—15 сўзни ҳисобга олмаганда) тасвирий сўзларнинг ҳам сонор товушлар билан бошланишини асосан кўрмаймиз.

ТАСВИРИЙ СЎЗЛАРНИНГ ЎЗБЕК ТИЛИ СЎЗ ЯСАШ СИСТЕМАСИДАГИ РОЛИ

Тасвирий сўзлар ўзбек тилининг сўз ясаш системасида ҳам ўзиға хос хусусияти билан алоҳида ўринни эгаллади. Ўзбек тилида тасвирий сўзлар учун ички ясалиш характеристицидир¹⁴⁰, яъни бир тасвирий сўздан турли хил структура элементлари қўшиш ва уларни жуфтлаштириш асосида бошқа хил тасвирий сўзлар ҳосил қилинади. Лекин ўзбек тилида бошқа сўз туркумларидан тасвирий сўзлар ясалмайди. Шунуктаи назардан қорақалпоқ тилидаги ербе (эримоқ ўзагидан -бе аффикси орқали тасвирий сўз ясалган) ва шу каби салпа, джелпи, тикре, къалта каби сўзларни солмоқ, ел (шамол), тик (тик турмоқ) каби ўзаклардан -бе, -па аффикслари орқали ясалган тасвирий сўзлар деб ҳисоблаб бўлармикан¹⁴¹.

Тасвирий сўзлардан бошқа сўз туркумларининг, хусусан, от, сифат, феъл ва равишнинг ясалиши эса анча тараққий қилган. Демак, тасвирий сўзларнинг янги сўз ҳосил қилиш бобидаги функциясини иккига бўлиб кўрсатиш мумкин:

а) ички ясалиш (тасвирий сўзлардан тасвирий сўз ҳосил қилиш).

Юқорида айтганимиздек, бошқа сўз туркумларидан тасвирий сўзлар ясалмайди. Лекин тасвирий сўзларга структура элементлари қўшилиши натижасида уларнинг янги формалари ҳосил бўлади. Аммо бундай қўшимча маъно англатувчи тасвирий сўзлар бутунлай бошқа сўзлар категорияси система-

¹⁴⁰ А. Г. Гулямов. Проблемы исторического словообразования узбекского языка, Ташкент, 1959, стр. 50.

¹⁴¹ Н. А. Баскаков. Каракалпакский язык, II, часть первая, М., 1952, стр. 245—246.

сига ўтиб кетмайди, балки шу тасвирий сўзлар системасида қола беради.

Тасвирий сўзларга қўшиладиган структура элементларининг асосий қисми фақат шу категориягагина хосдир. Бу хусусияти билан ҳам тасвирий сўзлар бошқа категория сўзлардан ажралиб туради. Структура элементларини маънога таъсири қилиш ва бошқа форма ҳосил қилиш хусусиятига қараб аффикслар ҳисоблаш мумкин, аммо бу элементларни олган сўзларнинг маъноси тамоман ўзгариб кетмаслиги, лексик маънодаги янги оттенка ҳосил қила олиш ёки ҳосил қила олмаслик жиҳатидан уларни тўлиқ маънодаги ясовчи аффикслар дейиш ҳам мумкин эмас. Шунинг учун уларни „фарқловчилар“ (отличители) ёки „структуря элементлари“¹⁴² сифатида қараш мақсадга мувофиқдир. Булар ясовчиларнинг „иккинчи тури“ („қўшимча маъно берувчи“), аниқроғи, форма ясовчи аффикслардир (тор маънода).

Ана шундай тасвирий сўздан тасвирий сўз ҳосил қила-диган структура элементларига алоҳида-алоҳида тўхталамиз:

-ир, (-ур). Бу структура элементи ҳозирги ўзбек адабий тилида асосан -ир формасида қўлланади, -ур эса шу структура элементидаги -и унлисинг ўзакдаги унли таъсирида лабиализация ҳодисасига бўйсуниб, у га ўтишидир. -ир структура элементи бир бўғинли тасвирий сўзлардан уларнинг семантикасида фарқли оттенкалари бўлган, кенгайган формасини ҳосил қиласди: гумбур-гумбур, ғувур-ғувур, вазир-вужур, ялтир-ялтир, ғимир-ғимир, ванғир-вунғур, дукур-дукур, дуқур-дуқур, милтири-милтири, пилдир-пилдир каби.

Бу структура элементи ҳамма туркий тилларда ҳам тасвирий сўзларга қўшилиб, уларнинг кенгайган формасини ҳосил қила олади (3-жадвалга қаранг):

-ил. Бу структура элементини олган тасвирий сўзлар кўпгина туркий тилларда мустақил негиз сифатида қўлланана олади. Аммо ўзбек тилида эса -ил структура элементини олган тасвирий сўзларнинг мустақил негиз сыйфатида қўлланган ҳолини учратмайдик. Тирсилла, ғичилла, тарсилла, тақилла, ялтилла, милтилла, ғилтилла типидаги тасвирий феълларнинг негизлари тарсил, ғичил, тақил, ялтил, милтил, ғилтил каби формада ҳозирги ўзбек адабий тилида якка ҳолда қўлланмайди. Бизнингча, юқорида келтирилган тасвирий сўзларнинг баъзиларидаги -ил формаси -ир структура эле-

¹⁴² Отличители терминини Н. И. Ашмарин қўллаган. Қаранг: О морфологических категориях подражаний в чувашском языке, Казань, 1928, стр. 9. Структура элементлари терминини эса Л. Н. Харитонов қўллаган. Қаранг: Гипы глагольной основы в якутском языке, М.—Л., 1954, стр. 167.

Т и л л а р				
Ўзбек	Қозоқ	Кирғиз	Туркман	Уйғур
шилдир-шилдир	шуллур-шуллур	шылдыр-шылдыр	шилдир-шилдир	шилдир-шилдир
дангир-дунгур	данғыр-дуңыр	дангыр-дуңгур	тапыр-тұптыр	чунгур-мұнгур
топир-тупур	тапыр-тупир	топур-топур	вағыр-вағыр	гулдур-гулдур
гунгур-гунгур	кунгір-кунгір	кунгур-кунгур	кикир-кикир	дукур-дукур
ғижир-ғижир	дабыр-дубыр	бадыр-бадыр	губур-губур	
тақири-туқур	денир-денір	бачыр-бутчур	шокыр-шукур	
ялтири-ялтири	бытыр-бытыр	кубур-шыбыр		
милтири-милтири	дубір-дубір	кычыр-кычыр		
жингир-жангир				
шупур-шупур				

ментининг ўзгинасайдир. Тасвирий сўзга қўшилган феъл ясовчи аффикс -ланинг биринчи товуши л таъсирида структура элементи охиридаги р товуши регрессив ассимиляцияга учрайди ва л га ўтади ($r \rightarrow l$). Шундай қилиб, -ир структура элементи -ил формасини олади. Шунинг учун ўзбек тилида ширил-ширил¹⁴³ каби тасвирий сўзларни мустақил форма сифатида кўрсатишда „виж + ир + ла//вижилла“ каби формалардаги ўзгариш кўзда тутилган бўлса керак.

Ҳақиқатда ҳам ўзбек тилида *ғизил*, *чирқил*, *тирсил*, *чўпил*, *ғилтил* каби тасвирий негизлар борга ўхшаб кўринади, лекин булар асли *ғиз*, *чирқ*, *тирс* каби ўзаклардан (негизлардан) ташкил топган бўлиб, феъл ясовчи соф¹⁴⁴ -илла аффикси қўшилиши билан (этимологияси кўзда тутилмаганда) улардан феълнинг буйруқ формаси ҳосил бўлган.

Шундай қилиб, тасвирий сўзининг -ил структура элементи билан тугайдиган формаси ўзидан сўнг келадиган аффикслар билангина қўлланади.

-*(а)нг*, -*(у)нг*, -*и(нг)*, -*о(нг)*. Бу структура элементи кўпроқ образли сўзларга қўшилиб, ҳолатни, ҳаракат образини ифодалайди: *лапанг*, *лапанг-лапанг*, *диконг-диконг*, *жиллонг-жисиллонг*, *талтанг-талтанг*, *алпанг-алпанг*, *диринг-диринг* кабилар. Аммо -(а)нг структура элементи ўз вари-

¹⁴³ А. Н. Кононов. Грамматика современного узбекского литературного языка, М.—Л., Изд-во АН СССР, 1960, стр. 339.

¹⁴⁴ -илла аффиксини бу ўринда соф дейишимизнинг сабаби, юқорида айтганимиздек, баъзан бу аффикс структура элементи -ир ва ясовчи -ланинг биринчи натижасида пайдо бўлади. Баъзан эса тасвирий сўзга тўридан-тўғри -илла аффикси қўшилиб, феъл ясалади.

антлари билан товушга тақлид сўзларга ҳам қўшила олади: варанг-варанг, жаранг-жаранг, жиринг-жиринг, дўқонг-дўқонг, хиринг-хиринг, ғиринг-ғиринг, чиртинг-пиртинг, даранг-дурунг қабилар.

-к, -қ, -қ структура элементи тасвирий сўзларга қўшилиб, кескинликни билдиради. -к эса унга нисбатан кучсизроқ товушни кўрсатишда қўлланади: зирқ-зирқ, хирқ-хирқ, ширқ-ширқ, чирқ-чирқ, тирқ-тирқ, бурқ-бурқ, дирқ-дирқ, гурқ-гурқ қабилар.

-т. Тасвирий сўзларга қўшилиб, товуш ёки ҳаракатдаги қисқалик, тамомланганлик, узилиб қолганлик қаби маъноларни англатади: шарт-шурт, ялт-юлт, шилт-шилт, пирт-пирт, филт-филт, чирт-чирт, қирт-қирт ва бошқалар. Бу структура элементи тасвирий сўзларга р, л товушларидан кейин қўшилади.

-ч. Тасвирий сўзларга асосан л ва р товушларидан кейин қўшилади: фирч-фирч, фарч-фарч, пилч-пилч ва б.

-п. Бу ҳам -ч, -т структура элементларига ўхшаш тасвирий сўзларга р, л товушларидан кейин қўшилади ва улар англатган маънога яқин маъно англашиб учун хизмат қиласди: чилп-чилп, қилп-қилп, чалп-чулп, гурп-гурп ва б.

-с. Бу фақат р билан тугаган тасвирий сўзларгагина қўшилиб, жуда ҳам қисқа маънени англашиб: гурс-гурс, тарс-турс, пирс-пирс, чарс-чурс, қирс-қирс қабилар. Бу негизлар яна бир структура элементи қўшилганида негиздаги р кучли редукцияга учрайди ва тасир-тусур, қасир-қусур қаби формада қўлланади (фонетик қулайлик):

*Қисир-қисир этган эди, вайдоқ деди,
Синиб квотса менга қанот деди! („Ғунча“).*

Тасвирий сўзлар баъзан шилип (-ип), шолоп (-оп), ярақ (-ақ), тарақ-туруқ (-уқ) қаби структура элементларини олганда кенгайганга ўхшаб кўринади. Бундай вақтларда у сўзлардаги -ақ, -оп, -ип, -уқ қаби товушлар бирликда олиб қаралмаслиги керак. Бу сўзлардаги а, о, у, и товушлари алоҳида тасвирий сўз маъносига қўшимча маъно берувчи, кучайтирувчи элемент деб қаралади:

*Сув келмайди, ахир, қурдум дарёдан,
Шароқ-шароқ оқмоқда ҳар бир ёқдан (F. F улом)*

Мешдай қоппайган қорни юрганида ҳам силкинар, тирсиллаб турган оппоқ елини сонига шалоп-шалоп урилар... (С. Анорбоев).

*Юз маротиб пиёдалик жаннат,
Дейдилар ё сақар-сақар араванг (Муқими, Араванг).*

Структура элементи олган тасвирий сўзларнинг бир қисмини ўзак ва структура элементи деб икки қисмга ажратиш мумкин. Чунки баъзи бир тасвирий сўзлар составидаги структура элементлари ўзакка жуда ҳам сингиб, ўлик ҳолга келиб қолган. Баъзиларининг ўзаклари эса ҳозирги вақтда мустақил тасвирий сўз сифатида қўлланмайди. Лекин уларнинг тасвирий сўзларга хос хусусиятларини ҳисобга олиб, тарихий нуқтаи назардан ўзак ва структура элементлари деб икки қисмга ажратиб қарашга тўғри келади. Тасвирий сўзларнинг форма, маъно ва қўлланишдаги бунга ўхшаш силжувчанлик, ҳаракатчанлиги, биринчидан, уларнинг яна бир ўзига хос хусусиятини ифодалайди. Иккинчи томондан, тасвирий сўзларнинг тузилишини морфологик анализ қилишнинг қай даражада қийин эканлигини ҳам кўрсатади.

Янги тасвирий сўзларнинг пайдо бўлишида иккинчи йўл ҳам бор. Бундай сўзларга такрор ва жуфтлашиш натижасида пайдо бўлган тасвирий сўзларни киритиш мумкин. Такрор йўли билан янги сўз ясаш аффиксацияга нисбатан илгари пайдо бўлган, аммо ҳозирги ўзбек тилида бу усулга нисбатан аффиксация кенг қўлланмоқда: тақ//тақ-тақ; қарс//қарс-қурс; жиқ//жиқ-жиқ; пўк//пўк-пўк; чарс//чарс-чурс; чирқ//чирқ-чирқ кабилар.

Такрорланган ва жуфт тасвирий сўзларнинг турли хил кўринишлари ҳақида „Тасвирий сўзларнинг структураси“ деб аталувчи бўлимда тўлароқ маълумот берганлигимиз учун уларни бу ерда яна такрорлаб ўтиришни ортиқча деб биламиз.

Баъзан аффикслар ёрдамида тасвирий сўзларнинг бир семантик группасидан иккincinnisi ясалади. Масалан: гуп — товушга тақлид, қор гуппа-гуппа* ёғмоқда деганимизда у образли сўздир. Шу каби шарт — товушга тақлид сўз, шартта* бурилди деганимизда эса у образли сўздир. Бу ерда а аффикси орқали тасвирий сўздан равиш ясалган. Шу билан у образли сўзга ҳам айланган.

А. Фуломов ўзбек тилида фонетик йўл билан ҳам бир тасвирий сўздан иккincinnisinинг ясалиши мумкинлигини кўрсатади. Масалан, товушлар ўрнини алмаштириш билан бир тасвирий сўздан қуйидагича иккинчи хил тасвирий сўзлар ҳосил бўлади: чилп-чилп//пилч-пилч, ғуҷ-ғуҷ//чуғ-чуғ, қоф-қоф//ғоқ-ғоқ, типирла//питирла каби¹⁴⁵.

¹⁴⁵ А. Фуломов. Ўзбек тилида сўз ясаш йўллари ҳақида, „ЎзССР ФА Тил ва адабиёт институти асарлари“, Тошкент, 1949, 80-бет.

Ҳозирги ўзбек адабий тилида тасвирий сўзлардан морфологик, синтактик ва лексико-синтактик¹⁴⁶ йўллар билан от, сифат, феъл (ва унинг формалари), равишлар ясалади.

I. Тасвирий сўзлардан ясалган отлар

Ўзбек тили лексикасидаги сўзлар морфологик ва лексико-семантик жиҳатдан текширилса, от категориясига кирувчи кўпгина сўзларнинг ўзаги тасвирий сўзлардан эканлиги маълум бўлади. Бу тасвирий сўзларнинг баъзилари от ясовчи аффикслар олиш билан от категориясига ўтган бўлса, баъзилари ҳеч қандай аффикс қабул қиласдан, маъноларида силжиш натижасида от категориясига ўтган.

Туркологияга оид адабиётларда баъзи бир авторларнинг тасвирий сўздан от ясалиши учун у тасвирий сўздан аввал феъл ясалиши керак, сўнгра феълдан бошқа аффикслар воситаси билан отлар ясалади, деган фикри ҳам мавжуд. Яъни улар тасвирий сўзлардан тўғридан-тўғри, бевосита отлар ясала олишини инкор қиласдилар. Ўзбек тили фактлари отларнинг бевосита тасвирий сўзлардан ҳам ясалиши мумкинлигини кўрсатади: жиз + з + а, шов + в + а ва б. (Тасвирий сўз: жизз, шовв).

Ҳозирги ўзбек адабий тилида тасвирий сўзлардан отлар уч хил йўл билан ясалади: морфологик, синтактик, синтактико-морфологик.

1. Морфологик (аффиксация) йўли билан тасвирий сўзлардан отларнинг ясалиши.

Ҳозирги ўзбек тилида бошқа категориядаги сўзларнинг ясалишида ҳам аффиксация усули устундир. Тасвирий сўзлардан бошқа сўзларнинг ясалишида ҳам аффиксация энг маҳсулдор усул ҳисобланади.

Тасвирий сўзларга қўшилиб от ясовчи аффиксларни икки группага бўлиш мумкин:

а) фақатгина тасвирий сўзларга қўшилиб от ясовчи аффикслар. Ўзбек тилида бундай аффикслар сони нисбатан унча кўп эмас. Улар асосан қўйидагилар:

-ак аффикси. Бу аффикс тасвирий сўзлардан от ясашда шу типдаги бошқа аффиксларга қараганда кўпроқ учрайди. Бу аффикс баъзан конкрет, баъзан абстракт от ясайди: пўнак, куркунак, визвизак, шаршарак, дардарак, ҳуштак, фуррак, варрак, таррак, хуррак, қарсак, фижжак, чапак, физизак, фирғирак, тартарак, каркунак, попишак, шиппак, чит-

¹⁴⁶ Термин А. Н. Кононовники. Қаранг: Грамматика современного узбекского литературного языка, М.—Л., стр. 141.

так, милмилак, пуфак (ўзбек тилининг қипчоқ шевасида: пувак)¹⁴⁷ кабилар:

*Энди турмайман пастда,
Биллас сара қадримни,
Узид олиб бир пасда,
Визвизак қилас менй* (Қ. Мұхаммади, Т. а.).

Балки сиз:

*Шамларга күзойнак,
Китобларга дардараң
Ихтиросин сұзларсиз* (Ғ. Ғулом, Т. т.).

Бу ўринда дардараң сүзи билан варрак сүзини чогишириш мүмкін (баъзи бир маҳаллий шеваларда бадбарақ, базварак,¹⁴⁸ бадбарақ¹⁴⁹ формалари ҳам учрайди (варварак→варрак?). *Бегам эй, тун бўйи хуррак отдим де.—Қаттиқ чарчаган эдим* (Ш. Рашидов, Б. к.). *Фижжак, танбур, най, уд, дав ва ҳоказодан иборат мусиқа араб, форс, турк, ўзбек мақомларини янгратди* (Ойбек, Навоий). Л. Будаговнинг¹⁵⁰ кўрсатишича, бу сўз форс ва чигатой тилида „гачекъ, гәжекъ“ формасида ҳам қўлланган. Вамберида эса бу гиржакдир.

А. Ғуломовнинг кўрсатишича, ўзбек тилининг Хоразм диалектида ҳам бу сўз *ғиржак* формасида қўлланади.

-ак аффикси баъзан тасвирий сўзларга қўшилиб, топонимик отлар ҳам ясади:

*Маллахондан шу кунгача,
Кўкрагида сақланган,
Кир сўлак*

(афв этасиз)

*Ўқчиқланаб буқаб тиз,
Шаршаракка тўплади* (Ғ. Ғуломов, М. қ.).

-ак аффикси билан тасвирий сўздан ясалган отларни эски ўзбек тили материалларида ҳам учратамиш:

*Элликбоши ўғли макиёнбоз,
Устоз бўлибди куркуракка* (Завқий, Ҳ. а. р.).

Тасвирий сўзлардан -ак аффикси орқали ясалган отларга әгалик аффикслари қўшилганда от ясовчи аффиксларни к то-

¹⁴⁷ Ф. А. Абдуллаев, Ўзбек тилининг қипчоқ шеваси, кандидатлик диссертациясининг қўлёзмаси, Тошкент, 1956, 122-бет.

¹⁴⁸ Ўзбек тилининг Фориш шевасида.

¹⁴⁹ Х. Данииров. Бахмальский говор узбекского языка, кандидат. диссертация, М., 1953, стр. 224.

¹⁵⁰ Л. Булагов. Сравнительный словарь турецко-татарских наречий, СПб., т. 1, 1869, стр. 772.

вушки га ўтади ва -ак аффикси -аг формасини олади. Аммо бундай ҳолатларда ҳам уларга -ак аффикси деб қарала беради: *Сидиқжон узун хуррак отди-да, ўзининг хуррагига** ўзи уйғониб, бирдан бошини кўтарди (А. Қаҳхор, Қ. қ.).

-ос//ас аффикси. Бу аффикс ҳам ҳозирги ўзбек адабий тилида тасвирий сўзлардан от ясовчи аффикслардан ҳисобланади: гулдурос,чуввос, дўппос, гуввос, уллас (уллас тортиб йифламоқ) ва б.

*Ўттизанчӣ ииллар баҳори,
Қирқинчи иилларнинг гулдурослари,*

Булоқдай қайнаган лирика („Муштум“).

„Куръон, қуръон“ деб бир неча жоҳиллар, сотқинлар бурчак-бурчакдан туриб чуввос кўтарди (Ойбек, Н. қ.).

(оқ) қ аффикси. Бу аффикс тасвирий сўз ўзак ёки неғизларига тўғридан-тўғри қўшилса, -оқ шаклида қўлланилади (бу эса ўзакдаги унлиниг қаттиқ ёки юмшоқлик характеристери билан изоҳланиши мумкин). Масалан: қалдироқ, карқуноқ, бодроқ, қўнғироқ кабилар. Тасвирий сўзлардан -а, -ра аффикслари орқали ясалган феълларга қўшилганда, у -қ формасида қўлланади. Феъл ясовчи -а аффикси эса чуқур тил орқа товуши қ нинг таъсири остида о га ўтади ($a \rightarrow o$); қўнғироқ, титроқ каби: *Бодроқдай потирлаб кетасан бир гапга киришсанг* (Ойбек, Н. қ.).

*Момақалдироқ кўкда,
Шер бўлиб ўқиради* (Қ. Мұҳаммадий, Т. а.).

... Бўрон ҳайқиракан, гуллар қалтираб, ниҳолларда титроқ пайдо бўлди (Ш. Рашидов, Б. қ.).

*Харсангдек тиш ҳартуми,
Туядек чўлтоқ думи,
Тоғни ортсанг, кўтапар,
Қалдироқдек ўтталар* (Қ. Мұҳаммадий, Т. а.)

Тасвирий сўзлар унли билан тугаганда ҳам бу аффикс фақат -қ формасида қўлланади. Масалан: тира+қ -тира+қ¹⁵¹.

(о) қ аффикси орқали топонимик отлар ҳам ясалади: Шариллок (Сирдарё область, Жиззах районидаги бир қишлоқнинг номи), Чувуллок (Самарқанд область Фаллаорол районидаги бир қишлоқнинг номи).

¹⁵¹ Ш. Ағзалов, Ўзбек тилининг Паркент шеваси, Тошкент, 1958, 188-бет.

(о) к аффикси чиқиб келиши жиҳатидан **-ғоқ**, **-қоқ** аффикслари билан алоқаси бўлса керак:

„Аффикс **-қ**, **-к**. Этот непродуктивный элемент во многих случаях имеет отношение к аффиксу **-ғақ**. Происходит, видимо, от **-ғақ**, **-қақ** в отдельных случаях напоминает аффикс **-чағ**, **- чақ**¹⁵². П. М. Мелиоранский ҳам-**оф**, **-оқ** аффиксларини **-ғоқ**, **-қоқ**¹⁵³ дан келиб чиқсан бўлса керак деган хуносага келган эди¹⁵³.

-илдоқ аффикси. Хирилдоқ, визилдоқ, шақилдоқ, шилпиддоқ, чирилдоқ, ҳиқилдоқ, боқақуриллоқ ва б. Бу баъзан **-илдоқ**, баъзан **-иллоқ** формасида қўлланади:

**Чирилдоқ шаввоз наичи,
Ўйин тушар ниначи (Қ. Мұхаммадий, Т. а.).**

**— Офарин, офарин—деди у, мақолани ўқиб бўлгач, —
ҳиқилдоғидан бўғибсизлар** (Ш. Рашидов, Б. к.).

Бу **-илдоқ** аффиксининг аслда уч морфемадан иборат бўлганлиги (-ир → ил + да + -қ), бундаги **-да** аффиксининг феъл ясовчи **-ла** аффикси билан тарихий—этимологик алоқаси грамматик адабиётларда ёритилган: А. Ф. Гуломовнинг **-ла** аффикси ва **-дош** аффикси ҳақидаги мақолаларига қаранг¹⁵⁴. Бу мақолаларда мазкур аффиксининг функцияси, маънолари, бошқа феъл ясовчи аффиксларга муносабати, қўшма аффикс яратишдаги роли, тарихий ва диалектал формалари анализ қилинган, жумладан, ҳозирги **-ла** ясовчининг эски ўзбек тилидаги **-да** формаси кўрсатилиб, Навоийнинг қуидаги мисралари келтирилган:

**Йўлдаса бу йўлда Низомий йўлум,
Қўлдаса Ҳусрав била Жомий қўлум** („Лисон ут-
тайр“)

Маҳмуд Кошғарийнинг „Девон“ини ўзбек тилига таржима қилган С. М. Муталлибов ўша мақолалардаги фикрларни ва Навоийдан келтирилган ўша мисолни ҳам (худди ўша мақсадда) „Девон“ га берган изоҳларида ва бошқа баъзи асарларида айнан келтирган, лекин буларнинг манбаний —

¹⁵² А. Гулямов. Проблемы исторического словообразования узбекского языка, Ташкент, 1955, стр. 20.

¹⁵³ П. М. Мелиоранский. Араб филолог о турецком языке, СПб., 1900, стр. XXVII.

¹⁵⁴ А. Г. Гулямов. Об аффиксе **-дош** (Бюллетень АН УзССР, 1947, № 1); Об аффиксе **-ла** в узбекском языке („Ученые записки ТашГПИ“, Серия общественных наук, вып. I, Ташкент, 1947).

қаердан олинганилигини, ўзиники эмаслигини — кўрсатишни унугтган¹⁵⁵.

Яна таъвирий сўзларга қўшилиб от ясовчи бир неча каммаҳсул аффиксларни ҳам кўрсатиш мумкин: -уқ. Тупук—Туп-уқ (ёки: туп+ур+уқ → Тупук?).

-ум. Бу аффикс ҳам жуда кам учрайди: қулт+ум.

Булардан ташқари, ўзбек тилида қатор аффикслар борки, улар биргина тасвирий сўзларга қўшилмасдан, балки бошқа туркумдаги сўзлардан ҳам сўз ясай олади. Булар бошқа сўз туркумлари учун ҳам умумий ҳисобланади. Бу аффиксларнинг сўз ясаш дойраси биринчи группа суффиксларига нисбатан анча кенг.

Масалан, -ос аффикси фақат тасвирий сўзларгагина қўшилиб от ясай олади, иккинчи группа учун хос бўлган -аки аффикси эса, тасвирий сўздан от (тарсаки, жиртаки), сифатдан сифат (хомаки) ясай олади. Ёки: -чоқ тасвирий сўздан от (хиқчоқ), отдан от (кўзичоқ), шу каби -ға аффикси тасвирий сўздан от (қарға), феълдан от (исирға) ясай олади. Бундай ясалишларнинг кўпидаги биз омоним аффиксларга дуч келамиз.

Тасвирий сўзлардан от ясовчи ва бошқа сўз туркумлари учун ҳам умумий бўлган аффикслар қўйидагича:

-а аффикси. Бу аффикс ҳам содда, ҳам такорий тасвирий сўзларга қўшила олади. Сиргалувчи товушлар билан тугаган содда тасвирий сўздан -а аффикси орқали от ясалгандаги охиридаги сиргалувчи ундош товуш асосан иккilanади: жизза, шовва, парра ва б. Баъзан бундан бошқа хил ундошлар билан тугаган тасвирий сўзларга -а аффикси қўшилиб от ясалганида ҳам охирги ундош иккilanади: чакка каби. (Бундай ҳолларда аффикс қўшилмасданоқ ундош иккilanгандек туйилади: жизз, чакк, фурр...). Баъзан эса ундош товушлар иккilanmasлиги ҳам мумкин: чақа, бақа, тақа кабилар.

Адабий тилдаги чакка сўзи ўзбек тилининг Бахмал¹⁵⁶, Фаллаорол¹⁵⁷, Фориш ва шу каби „ж“ ловчи шеваларда чакки формасида қўлланади. Бақа сўзи ўзбек тили шеваларида турлича кўринишга эга. Масалан, „ж“ ловчи шеваларнинг асосий қисмида бу сўз қурбақа (қурвақа) каби

¹⁵⁵ Махмуд Кошфарий. Девону луготит турк, II, том Тошкент, 1961, 420-бет. Унинг XI аср ёзма ёдгорликларида феъл категорияси (Тошкент, 1955, 22–25-бетлар), „Морфология ва лексика тарихидан қисқача очерк“ (Тошкент, 1959, 87–89-бетлар) асарларида ҳам шу ҳолни кўрамиз.

¹⁵⁶ Х. Дониёр ов. Юқорида кўрсатилган асар, 224-бет.

¹⁵⁷ В. Эгамов. Ўзбек тилининг Фаллаорол шеваси (қўлёзма), Самарқанд, 1953.

формасида ишлатилса, ўзбек тилининг Шаҳрисабз шевасида баққа¹⁵⁸ сифатида қўлланади. Чоғиширинг: ўзбек тилида бақа, усмоний турк тилида боға, олтой тилида пақа, яқут тилида баға¹⁵⁹, уйғур тилида пақа¹⁶⁰ ва б.

-а аффикси орқали такрорий тасвирий сўзлардан отлар ясалганида ўзакдаги ундош товушнинг иккиланмаслиги очиқ кўринади: қаҳқаҳа, гарфара, шаршара, машмаша, дағдаға ва шу кабилар: *Неча йиллардан мадрасада бирга истикомат қилишиб келган дўстлари гурунгидан қаҳқаҳаси эшитилмайди* (М. И smoилий, Ф. т. о.). *Хури* (чиқаётаб). *Ёлғаз укасига гапи ўтмайди-ю, менга дағдаға қилишини қаранг* (О. Ёқубов, А. т. к., а. д.). Чоғишириш: *дағдағ* титради (*ғ* такрорлангандек сезилади)—дағдаға (бундай ҳол йўқ).

Бундай тасвирий сўзлар эски ўзбек адабий тилида ҳам учраб туради: *Ул ҳам бу сабабтин дағдаға ва таваҳҳул ўзига йўл бериб, ... топшириб* („Бобирнома“).

-3 аффикси. Бу аффикс воситасида тасвирий сўзлардан ясалган отлар унча кўп эмас.

Н. К. Дмитриев бу аффиксни архаиклашган аффикс деб кўрсатади¹⁶¹.

Мисоллар:

Кимиз— „кумыс, қим—звукоподражания в движении“¹⁶².
Ўз боласини қўнғиз „оппоғим“, кирпи юмшогим деган экан
(А. Қаҳҳор, Сароб).

Қўнғиз — қўнг-қўнг тақлидий ўзакдан ясалган отdir¹⁶³.
Юлдуз—бу сўзнинг ўзаги асли йилт бўлиб, тараққиёт натижасида шу формага (йўлдуз формасига) келган бўлиши мумкин. Уни бошқа туркий тиллар фактлари билан чоғиширганимизда фикримиз янада ойдинлашади¹⁶⁴.

-и аффикси. Шаппати, шанғи, чўлпи (ўзбек тилининг Шаҳрисабз шевасида: чўлпе), лаққи¹⁶⁵, таппи, гупли каби-

¹⁵⁸ В. Джурاءв. Шахрисябский говор узбекского языка (рукопись), М., 1958, стр. 101.

¹⁵⁹ Э. К. Пекарский. Словарь якутского языка, том I, 1959, стр. 321.

¹⁶⁰ С. Е. Малов. Уйгурский язык, Изд-во АН СССР, 1954, М., стр. 185.

¹⁶¹ Н. К. Дмитриев. Грамматика башкирского языка, М.—Л., Изд-во АН СССР, 1948, стр. 57.

¹⁶² Қаранг: Н. И. Ашмарин. Подражание в языках Среднего Поволжья, Баку, 1925, стр. 145.

¹⁶³ А. Гуламов. Проблемы исторического словообразования узбекского языка, Ташкент, 1955, стр. 2.

¹⁶⁴ Н. И. Ашмарин, Юқорида кўрсатилган асар, 145-бет.

¹⁶⁵ Лакқи сўзи тақлид билан боғланган бўлиб, маъносиз, валдираб гапира берувчи кишини билдиради. Қаранг: Л. Булагов. Словарь, СПб., 1900, стр. 109.

лар: ... *Фарқ пишганда лазиз ва шифокор мевасининг суви чак-чак томган тайёр турган ҳовли ўртасидаги шотут ҳам, пахса девордаги фуж-фуж таппилар ва чамбараклардаги, товоқлардаги сут-қаймоқлар ҳам кўзла-рига кўриниб кетгандай бўлди* (Ойбек, Қ. қораймас).

Бундай сўзлар фольклорда ҳам кўзга ташланади: *Бир хотин: Бизники ҳам таппи бўлиб юрмасин, — деб очиб кўrsa, бариники таппи* („Алпомиш“ достонидан).

А. Н. Кононовнинг айтишича, бу аффикс тоҷик тилидан ўзлаштирилган¹⁶⁶. Шунингдек, у қишлоқи, бузуқи сўзлари-даги -и аффикси тоҷик тилидаги ғитти, липпи сўзлари-даги -и аффиксига тўғри келиши мумкинлигини кўрсатади. Аммо ўзбек тилида тасвирий сўзларга қўшилиб от ясовчи -и аффикси тўғрисида бундай дейиш мумкин эмас. Чунки тасвирий сўзларга -и аффикси қўшилиб от ясалганида ҳам сўз фуузиясида (қўшимча билан ўзакнинг охирги товуши бирлашадиган жойи) -а аффикси орқали от ясалishiдаги ҳодиса—унлиларнинг қабатланишини кўрамиз.

-л аффикси. Ҷағал, шағал ва б. *Ойқиз шағал ва қум ўюмларини кўздан кечиргач, майингина сўради:*

— Бетончилар ҳам борми? (Ш. Рашидов, Б. к.).

-лоқ аффикси (-ала + қ?). Масалан, шапалоқ: *ўз отим билан муштумман, ҳуда-бехудага иршайиб шапалоққа айланаверишига тобим йўқ* („Муштум“).

-чоқ аффикси. Масалан, ҳиқчиоқ: *Сойб полвон бу гапни шундай бақириб айтдики, кекиртагига нимадир суқулиб, ҳиқчиоқ тутиб қолди* („Муштум“).

-чуқ аффикси. Масалан, чумчуқ (асли „чин-чин“ дан), чуғурчуқ ва б.

Менинг биринчи душманим чуғурчуқ, иккинчиси сен („Ғунча“).

-ма аффикси. Чилдирма (ўзбек шеваларида доира, тева-рак формалари ҳам мавжуд), гулдирама кабилар: *Ҳавони туташ, қандайдир ваҳший, даҳшатли гулдирама қоплади* (Ойбек, Қ. қораймас).

-дак (-да+-к?) аффикси. Чикалдак (ўзбек тилининг Жиззах шевасида чикилдики), кекирдак кабилар:

— *Тўғри, — деди, — гулдиirlади кекирдак,* —

Бу ҳасратдан бизда ҳам етарли бор

(Ф. Гуллом, А. ё. б. э. а...).

Болалар ҳар кундақа ошиқ ўйнашмади, чикалдак уришмади (М. Исмоилий, Ф. т. б.).

¹⁶⁶ А. Н. Кононов. Грамматика современного узбекского литературного языка, М.—Л., 1960, стр. 109.

-қин аффикси. Шовқин, ёлқин (ёл—от?), ёрқин (ёр—к—ин?) кабилар: Ялқин—кишининг исми, ёлқинли тутун каби (Узбекско-русский словарь, 143-бет). Бригадирнинг охирги сўзлари ғовур-ғувур, шовқун-суронга кўмилиб кетди (Ш. Рашидов, Б. к.).

Бу аффикс баъзан -қун формасида ҳам қўлланади. Аммо -қин,-қун аффикслари бир хил маъниони ифодалаш учун хизмат қиласди. Масалан, К. К. Юдахин¹⁶⁷, Ш. Рашидовлар -қун формасида ишлатадилар; „Ўзбек тилининг имло луғати“ да¹⁶⁸ ва проф. А. К. Боровков таҳрири остида 1959 йил нашр қилинган ўзбекча-русча луғатда¹⁶⁹ эса фақат -қин формаси қўлланган.

Бу аффикс қиргиз тилида ва ўзбек тилининг „ж“ ловчи шеваларида-қын (жарқын) формасида қўлланади. Бу форма бошқа кўпгина туркий тиллар (Масалан: жалқын¹⁷⁰) учун ҳам хосдир.

-иқ аффикси. Бу аффикс баъзан (чиғир+иқ, шилп+иқ, балч+иқ) тўғридан-тўғри тасвирий сўз ўзагидан феъл ясаса (бу сўзнинг чалчиқ формаси ҳам бор), баъзан тасвирий сўздан феълнинг бўйруқ формаси ясалиб, ундан сўнг -иқ аффикси воситасида от ясалади (қақир+иқ, қичқир+иқ, ишқир+иқ, чинқир+иқ, ҳайқир+иқ каби): *Онда-сонда аравалар гијисирлаб, „пўшт-пўшт“ деган товушлар, қийқириқлар эшишилди* (Ойбек, Навоий), *Қийқириқ бўлиб кетди* (А. Каҳҳор, К. ч.). *Омбордан олиб чиққан бир сават пахтаси билан чиғиригини кўтариб вайсаганича уйига кириб кетди* (А. Каҳҳор, К. ч.). *Қаттиқ қарсак, ҳайқириқ кўтарилиди* (А. Каҳҳор, К. ч.).

-дон аффикси. Бу аффикс тоҷик тилидан кириб келган. Масалан, туфдон. Бу ўринда туф сўзи от каби қўлланган (тупук, тупурук): -дон аффикси отларга қўшилиб, ўзак-негиздан англайлган предмет учун хос бўлган идишни англатадиган отлар ясади: қаламдон, сиёҳдон, кулдон, ўқдон каби.

-ға(-ғо) аффикси. Бу аффикс воситасида тасвирий сўздан бир нечтагина от ясалади: қарға, ғавғо каби.

¹⁶⁷ К. К. Юдахин. Узбекско-русский словарь, Ташкент. 1927, стр. 401.

¹⁶⁸ С. Иброҳимов ва М. Рахмонов, Ўзбек тилининг имло луғати, Тошкент, ЎзФА нашриёти, 1956, 209-бет.

¹⁶⁹ Узбекско-русский словарь, М., Изд-во иностранных и национальных словарей, 1959, стр. 544.

¹⁷⁰ „Грамматика алтайского языка“, составлена членами Алтайской миссии, Казань, 1869, стр. 146.

В. В. Радлов тавғо сўзини араб тилидан кириб келгани деб кўрсатади¹⁷¹. А. Гуломов эса уни „ўзбекча тақлидий ғовғов ўзагидан ясалган, бу сўзининг арабча тавғо сўзи билан ўхшашлиги эса тасодифайдир“¹⁷², дейди.

Эслатма: аффикслар асосан содда тасвирий сўзларга қўшилиб от ясади. Такрорий тасвирий сўзларга қўшилиб от ясаганида эса, такрорий тасвирий сўзларнинг компонентлари бир-бирига қўшилиб кетади (бундай тасвирий отлар компонентлари орасига дефис қўйилмасдан ёзилади): бизбизак, дардарақ, физизак, милмилак, машмаша, бақбақа, қаҳқаҳа, гарғара ва б.

2. Тасвирий сўзлардан синтактик йўл билан отларнинг ясалиши. Тасвирий сўзлардан композицион усул билан ҳозирги ўзбек адабий тилида икки ҳолатда отлар ясалади:

а) соф тасвирий сўзлар редупликациялашади ва маълум предмет ёки ҳодисанинг номини кўрсатади. Ҳозирги ўзбек адабий тилида бошқа категория сўзларнинг редупликациялашиши натижасида ҳам отлар ясалиши мумкин. Аммо у кам тараққий этган. Тасвирий сўзларда эса бу усул билан отларнинг ясалиши жуда маҳсулдор ҳисобланади.

Р. А. Аганин бу йўлни янги сўз ясаш эмас, балки форма ясашдир. Унинг сўз ясаш билан ҳеч қандай алоқаси йўқ, дейди¹⁷³. Г. И. Рамстедт, А. Гуломов ва бошқа олимлар редупликацияни ҳам сўз ясаш усуllibаридан бири деб қарайдилар. Г. И. Рамстедт бундай ёзади:

„Редупликация принимаются в монгольском и в тюркских языках как средство словообразования“¹⁷⁴.

Мисоллар:

Лўқ-лўқ — болалар ўйинининг бир тури шундай аталади. Пақ-пақ. Бу ҳам болалар ўйинининг бир тури. Зув-зув — болалар ўйинининг бир тури. Чап-чап — ионнинг бир тури. Вов-вов — болалар тилида қучук бальзан шундай аталади. Чучут („Чут-чут“ дан қисқарган бўлса керак: А. Гуломов) беданани алдаб чақирадиган асбоб. Лик-лик — ўсимликнинг бир тури. Қу-қу — болалар тилида товуқ. Шар-шар — Қашқадарё область, Яккабоғ районида бир жойнинг номи. Тақ-тақ — Хоразмда, жонли тилда электр станцияни шу ном билан атайди.

¹⁷¹ В. В. Радлов. Опыт словаря турецких наречий, II, стр. 473.

¹⁷² А. Г. Гуламов. Об аффиксе-қа в узбекском языке („Бюллетень АН УзССР“, № 6, 1946).

¹⁷³ Р. А. Аганин. О принципах подачи подражательных слов в турецких словарях, Сб. статей „Тюрко-монгольское языкознание и фольклористика“, ИВЛ., М., 1960, стр. 164.

¹⁷⁴ Г. И. Рамстедт. Введение в алтайское языкознание. М., Изд-во иностранной лит-ры, 1957, стр. 219.

дилар. **Тақ-тақ, ғар-ғар** — ўзбек тилининг Ҳазорасп шевасида тегирмон шундай аталади. **Пат-пат, ват-ват** — шу шевада ДТ-20 трактори шундай аталади. **Пот-пот** — Тошкентда, жонли тилда мотоцикл шундай аталади. **Шақ-шақ** — худди шундай овоз билан сайровчи қушнинг номи.

Англашиладики, редупликациянинг икки хил функцияси ни бир-биридан қатъий фарқлаш зарур: 1) сўз ясаш функцияси ва 2) форма ясаш функцияси. Бу функциялар ўзбек тилида хилма-хил кўринишларга, хусусиятларга эга¹⁷⁵.

Ўзбек тилида такрорий тасвирий сўзлар кўпинча кишиларнинг маълум хусусиятларини кўрсатиш учун хизмат қиласи ва уларнинг номи билан қўшиб ишлатилади. Бундай вақтларда улар бир от сифатида қаралади (бу ҳодиса ҳакида яна тасвирий сўзларнинг семантик классификацияси бобига қаралсин).

б) тасвирий сўзлар билан бошқа категория сўзларнинг бирикиши, жуфтлашиши натижасида ясалган отлар.

Ҳозирги ўзбек тилида ҳамма туркумдаги сўзлар ҳам тасвирий сўзлар билан бирикиб от ясай бермайди. Кўпроқ от, сифат, феълларгина тасвирий сўзлар билан қўшилиб ёки жуфтлашиб от ясай олади. Бундай отларда, албатта, тасвирий сўзлар маъноси билан боғлиқ маъно ифодаси бўладади. Улар қуидагича:

От+тасвирий сўз—от Чироғ пуф (چراغ بوف)¹⁷⁶: чироқ—от, пуф—тасвирий сўз (чироқ ўчириш учун қўлланадиган асбоб).

Ароқ-шароқ: ароқ—от, шароқ—шунга рифмик равища қўлланган тасвирий сўз (ёки: ароқ-шароб → ароқ-шароқ).

Бу сўзни айтиб аллар ўтириб,

Ароқ-шароқ ичib, ўтириш қилди („Алномиш“ достонидан) **муллаҗиринг:** мулла—от, жиринг—тасвирий сўз (жиринг танга пул чиқарган товушга тақлид).

— Уйланиш вақти-я., лекин **муллаҗиринг** қурғур йўқ.—деди Абдувоҳид пиёлани бўшатиб (Ойбек Н. қ.). **Акрам. Баҳорда идора қуришда левий бўлган муллаҗиринглар эсларидан чиқиптида, отахон!** (О. Ёубов, А. т.к., а. д.). **Гулиқаҳқаҳ:** гул—от, и—форсий аниқловчили конструкцияларда учрайдиган изофа кўрсаткичи, қаҳ-қаҳ — тасвирий сўз. **милтиқ:** мил — ствол¹⁷⁷, тиқ-тасвирий сўз („ж“ ловчи ше-

¹⁷⁵ Қаранг: А. F. Ғуломов, Ўзбек тилида сўз ясаш йўллари ҳакида („А. С. Пушкин номидаги Тил ва адабиёт институти асарлари“, биринчи китоб, Тошкент, 1949); А. Ҳожиев. Ўзбек тилида қўшма, жуфт ва такрорий сўзлар, Тошкент, 1963.

¹⁷⁶ Л. Булагов, Юқорида кўрсатилган луғат, 318-бет.

¹⁷⁷ Персидско-русский словарь, М., 1953, стр. 549; Таджикско-русский словарь, М., 1954, стр. 229.

валарнинг баъзиларида, жумладан, Бахмал шевасида бу сўз мынтық формасида қўлланади).

Қанд-курс; қанд — от, курс — шунга рифмик равиша қўлланган тасвирий сўз бўлса керак (ёки: курс ҳам бир хил ширинликнинг оти):

Сомса, патир, қанд-курс... оҳо,

Паловга ҳам шошадилар (Ойбек, Бобом).

Буларнинг ҳаммасида тасвирий сўз ҳам от каби қўлланган бўлади.

Тасвирий сўз + тасвирий сўздан ясалган от=от. *Курбақа:* қур — товушга тақлид сўз, бақа эса бақ-бақ тақлид сўзидан ясалган от (бақ+а):

Қаердадир қурбақа қуриллайди (С. А норбоев, О. ш.).

Ғулғул товуқ: ғул-ғул тасвирий сўз, товуқ — от. Товуқ сўзининг ҳам товушга тақлидига муносабати борга ўхшайди. Чунки қу-қу сувда юрувчи қушнинг бир тури, туқуқ¹⁷⁸ эса товуқ деган маънони билдиради. Туқуқнинг ҳам қу-қу га алоқаси йўқмикан? Чоғиширинг: уйғур тилида: тақагу — товуқ.

Ғўнгқарға: ғўнг — товушга тақлид сўз, қарға эса қар товушга тақлид сўзидан -ға аффикси орқали ясалган отdir. Уларнинг ҳаммаси бирга яна бошқа отни ясади (ёки: гўнг — қарға: гўнг-навоз).

От + тасвирий сўздан ясалган от=от. Момагулдурак: мона — от, гулдурак — гулдур товушга тақлид сўзидан -ак аффикси воситасида ясалган от: *У ҳайбатли қўлларини кўтариб, хунук ўшқираркан, еру кўк зулматга қолланди, яна чақмоқ чақилиб, момақалдироқ дағдага солди* (Ш. Рашидов, К. қ.).

Сифат + тасвирий сўз=от. Олашақшақ: ола-сифат, шақшақ — товушга тақлид сўз; олағовур: ола — сифат, ғовур — тасвирий сўз, қораشاқшақ: қора — сифат, шақ-шақ — тақлид сўз.

Сифат + тасвирий сўздан ясалган от=от. Олапопишак (баъзи шеваларда сассиқ попишак дейилади): ола — сифат, попишак — тасвирий сўздан -ак аффикси воситасида ясалган от; кўкқарға: кўк — сифат, қарға — тасвирий сўздан -ға аффикси воситасида ясалган от.

Тасвирий сўз + феъл = от. Гурскетти: гурс — тасвирий сўз, кетти — ўтган замон аниқлик феъли (гурскетти-қовуннинг бир тури)

3. Синтактик-морфологик йўл билан тасвирий сўзлардан отларнинг ясалиши. Тасвирий сўзлардан бу йўл билан отларнинг ясалиши асосан субстантивация билан боғлангандир.

¹⁷⁸ П. М. Мелиоранский. Араб филолог о турецком языке, СПб., 1900, стр. XXXVIII.

Ҳозирги ўзбек тилида тасвирий сўзлар бир неча ҳолатларда субстантивациялашади ва от категориясига ўтади. Аммо субстантивлашиш ҳам ҳар хил бўлади: баъзан тасвирий сўз маълум контекстда субстантивлашиб, бошқа ўринда тасвирий сўзлигича қола беради. Баъзан эса субстантивлашга тасвирий сўзлар тамоман от категориясига ўтиб кетади. Бу ҳодисага сўз ясаш усуllibаридан бири сифатида қараймиз.

Ҳозирги ўзбек тилида тасвирий сўзлар уч хил йўл билан субстантивлашади.

1. Синтактик субстантивация¹⁷⁹.

а) баъзан товушга тақлид ёки образли сўз аввало маълум киши ёки нарса ва ҳодисанинг бирор хусусиятини кўрсатувчи сўз сифатида қўлланиб, аста-сеқин унинг маъносида отга томон силжиш юз беради ва у сўз кўпинча ўшга предметнинг номига айланиб кетади. Шундай қилиб, тасвирий сўз отлашиб, от каби қўлланади.

Ҳозирги ўзбек тилида баъзи тасвирий сўзлар борки, уларнинг от ёки тасвирий сўз эканлигини чуқур этиологик кузатишлар натижасидагина аниқлаш мумкин. Синхроник жиҳатдан қараганда эса улар от сифатида кўзга ташланади. Масалан: Занг (қўнғироқ маъносида: ишга занг урилди), лайлак (ёввойи парранда).

В. В. Радлов, Н. К. Дмитриев, Л. Будагов, М. Худойкулиевлар турк тилларида учрайдиган лайлак (лак-лак) сўзини товушга тақлиддан келиб чиққан деб тасдиқлайдилар¹⁸⁰.

Ҳақиқатда ўзбек тилида ҳам лаққи, лақилламоқ сўзларининг ўзагини ҳам товушга тақлид билан алоқаси бор: шу фикрдан келиб чиқиб, лайлак сўзини товушга тақлид сўзлардан лексико-синтактик субстантивлашиш йўли билан отга ўтган дейиш мумкин. Лекин бу тўғрида тилшуносликда бошқа фикрлар ҳам мавжуд.

Масалан, Н. И. Ашмарин лак-лак сўзини образли сўз деб изоҳлайди. Ўзбек тили фактлари асосида ҳам лак-лак сўзини товушга тақлид эмас, балки образли сўз дейиш мумкин: ... *Хотинлар орасидан Бухоро манорасининг лак-лак*

¹⁷⁹ Термин А. Н. Кононовники. Қаранг: А. Н. Кононов. Грамматика современного узбекского литературного языка, М., Изд-во АН СССР, 1961, стр. 141.

¹⁸⁰ В. В. Радлов. Опыт словаря... т. II, стр. 728; -лак-лак—шелканье языком; Н. К. Дмитриев. Этимология слова лакыры (لەردى), Докл. АН СССР, Л., 1926, стр 118; Л. Будагов. Юкорида кўрсатилган лугат, СПб., 1-том, 1868, 190-бет; М. Худайкулиев. Подражательные слова в системе словообразования туркменского языка, «Труды инс. Языка и литературы АН Туркмен ССР», вып. II, 1957, стр. 92.

(лайлак)¹⁸¹ хонасидек қилиб маҳрутай (цилиндр) шакл салла ўраган бир кампир... (С Айний, Қуллар).

Бу мисолларда лайлак сўзининг этиологик жиҳатдан образли сўз эканлиги аниқ сезилиб турмаса ҳам, лак-лак (лайлак) сўзини бесўнақай қушнинг катта-катта қадам ташлаб юришига нисбат бериш билан боғлиқ ҳолда туғилган дейиш мумкин. Чунки, биринчидан, ўзбек тилида катта гавдали кишини лўклўк қилиб юради дейилса (тўяга нисбат); иккинчидан, болаларнинг бир оёқса туриб, сакраб-сакраб тош тепиб ўйнайдиган ўйини ҳам лўк-лўк деб аталади. Учинчидан, бу сўзининг образли сўз эканлигини тасдиқлайдиган яна бир факт ҳам бор: сакраб-сакраб тез юрадиган тия ҳам лўк тия деб юритилади.

Фарч. Оёқ кийими тагига юрганда овоз чиқсан учун майдалаб қирқиб қўйиладиган чарм шундай аталади: *Пошибоим... Нимага десангиз, мана бу хитой товари кўйнак, хинали қўлларда ялтираган билакузуклар, поинаси паст амиркон этикча, фарч қўйилган ошиқдай кавшлар ер юзи-даги бор киннани ўзигачақириб олади, холажон (Ҳамза).*

Апонг, Лапонг: шу ўрмонда Апонг ва Лапонг деган сийқопловонлар турарди. Улар беркиниб бобо билан набирининг ишини томоша қилишои. „Бобомга ёрдам берайлик: қари экан“—деди. *Апонгвоти Лапонгвоти шивирлаб* (“Гунча”). Айиқнинг бесўнақай юришига нисбатан болалар тилида шундай аталган бўлса керак.

Какку. Ёввойи қушнинг номи. У худди шундай овоз чиқариб сайрайди.

Baу-вау. Сут эмизувчи ёввойи ҳайвоннинг номи¹⁸², кучук.

Жаз, жиз (жазза, жизза). Қуйруқ ёки чарви ёғини эритгандан сўнг қоладиган қисми.

Бонг. Бу ҳам қўнфироқ бўлса керак: *радионинг ёмон ишилаши ҳақида республика матбуоти ҳам бонг урди* („Қизил Ўзбекистон“).

Туркий тилларнинг ҳаммасида ҳам қўнфироқ сўзининг ўзаги асосан товушга тақлид билан боғланган бўлиб, улар субстантивлашиб от категориясига ўтган. Масалан, қирғиз тилида у шынг¹⁸³, туркман тилида жанг¹⁸⁴, олтой тилида ҳам қонгро¹⁸⁵ ва б.

¹⁸¹ Изоҳ С. Айнийники.

¹⁸² Т. Зоҳидов, Зоология энциклопедияси, Тошкент, ЎзФА нашриети, 1960, 27-бет.

¹⁸³ Н. И. Ильминский. Материалы к изучению киргизского языка. „Учен. записки Казанского университета“, Казань, 1860, кн. III—IV.

¹⁸⁴ М. Худайкулиев. Годражательные слова в системе словообразования туркменского языка, „Труды инст. Языка и литературы АН ТССР“, вып. II, 1957, стр. 92.

¹⁸⁵ В. В. Радлов. Опыт словаря... т. II, стр. 521.

Чиғир. Эски Хоразмда (баъзан ҳозир ҳам учрайди) ариқдан сув чиқариш учун фойдаланиладиган асбоб. **Дув-дув, хитхиттак, ғарғара, жимжима.** Булар кўпроқ шеваларда учрайди. Масалан, бу тўғрида С. Иброҳимов шундай ёзади: „Тақлидий сўздан тузилган дув-дув, хит-хитаклар асбоб номларини англатади. Бу номга ипакчилик касбидаги ғарғара ва жимжима ҳам киради¹⁸⁶.

Булбул. Хуш овоз сайроқи қушнинг номи.

Бундай сўзлар ўзбек тилида жуда кўпчиликни ташкил қиласди. Чунки ҳалқ қушларнинг анчагинасини уларнинг чиқарган товушларига қараб атаб юборган. Бу ҳодиса фақат туркий тиллар учунгина ҳос бўлмасдан, балки бошқа тилларга ҳам тааллуқлидир. Масалан, рус тилидаги тювик (тююви-тиюю-ви деб сайрайди), сплюшка (сплю-ю, сплю-ю деб сайрайди), стриж (стрии, скри-и, скри-и деб сайрайди)¹⁸⁷ каби қушларнинг номи улар чиқарган товушлари билан боғлиқ эканлиги шубҳасизdir.

Тасвирий сўзларнинг ҳаракат доираси баъзан шундай кенгайганки, улар маълум уруғ ёки ҳалқ ҳомига айланиб кетган. Албатта бундай ҳолда тасвирий сўз ўша уруғ ёки ҳалқнинг бирор белгиси—табиати, хусусияти билан боғлиқ бўлади. Масалан, таниқли турколог олимлардан В. В. Радлов, Н. А. Аристов, В. В. Решетовлар турк ҳалқларидағи Қангли уруғининг номини товушга тақлид сўздан келиб чиққан деган фикрни баён қиласдилар¹⁸⁸. В. В. Радлов „Турк тиллари лугати тажрибаси“ („Опыт словаря тюркских наречий“) асарида қанги сўзини қуидагича изоҳлайди: Қанг فنك (уйг.), قانق (osm)—телега.

Бир қан чопти, қан устинда олук парғуны коіды, қан пашына трік парғуны қоіды. **Ёки:** اینىڭ اوچۇن قانق تىدىلار كەم يورو كەندا قانق — قانق قىلىپ اواز قىلىور

Аннинг учун қанқ тидиларким, юруканда қаниц—даниқ киilib овоз қилур (АБГ. 17, 16¹⁸⁹). Бу сўзларни В. В. Радлов Абулғози Баҳодирхоннинг „Шажараи турк“ асаридан кел-

¹⁸⁶ С. Иброҳимов, Фарғона шеваларининг касб-хунар лексикаси, Тошкент, ЎзФА нашриёти, 1959, 196-бет.

¹⁸⁷ „Птицы СССР“, том 1, М., Госиздат „Советская наука“, 1951, стр. 85, 376, 450, 685.

¹⁸⁸ В. В. Радлов. Опыт словаря... стр. 80; Н. А. Аристов. Заметки об этническом составе тюркских племён и народностей и сведения об их численности, „Живая старина“, отд. этнографии императорского русского общества выпуск III—IV, год шестой, Спб., 1896, 282 ва сўнгги саҳифалар; В. В. Радлов. Узбекский язык, 1, Ташкент, Учпедгиз УзССР, 1959, стр. 31.

¹⁸⁹ В. В. Радлов, Юқорида кўрсатилган лугат, 80-бет.

тиради. Худдй шундай фикрларни уйғурлар ҳақидаги аса-рида ҳам беради. Үнда қанглилар ҳақида Рашидиддин, Абул-ғози Баҳодирхон фикрлари билан бирга баъзи бир афсонавий ҳикояларни ҳам келтиради:

„После боя (чюрчитами) Огуз кагану, его войску, сподвижникам досталось так много сокровищ, что нехватало для нагрузки их лошадей, мулов и быков. Но в войске Огуз кагане находился умный и очень ловкий человек, по имени Бармаклак Чосун-Биллик. Он устроил телегу, уложил на неё добычу и запряг в неё заливченных животных. Те повезли её. Все сподвижники и весь народ, видя это, удивились и также наделали телеги. Когда они ехали на телегах, то последние поскрипывали почему и телегу называли „канг“. Огуз каган увидел телегу, засмеялся и молвил: „При помощи „канг-канг“ ты увозишь живую и мертвую добычу, пусть твоим именем будет канглук, ибо ты изобрёл телегу“¹⁹⁰.

Н. А. Аристов ҳам қангли уруғи ҳақида шундай дейди: „Кангли происходит от тех воинов Огуза, которые завели телеги для возки добычи и запасов, ибо кангли по тюркски „телега“¹⁹¹.

Қанг сўзи ҳозир ҳам хитой, уйғур ҳамда усмонли турк тилларида арава маъносини англатади.

Бундан ташқари, Н. А. Аристов ва В. В. Радловларнинг кўрсатишича ҳамда В. А. Гордлевскийнинг¹⁹² тасдиқлашича, ГАО-ГО деб аталувчи ҳалқ номининг ҳам товушга тақлид билан алоқаси бор:

„Раньше его нам столетие в V веке, записано китайцами сказание о гао-гюцах, по которому это тюркское племя происходит от волка“¹⁹³. В. В. Радлов ҳам шунга яқин фикр беради: „От волка произошёл народ ГАО-ГО. Они любят протяжные песни, похожие на волчий вой“¹⁹⁴.

Бундай сўзларни ҳар бир тилдан ҳам кўплаб келтириш мумкин. Юқоридаги тасвирий сўзлардан ясалган отларни тасвирий сўзларнинг субстантивацияга учраши деб қараш ҳам мумкин. Тасвирий сўзларнинг бу хил отлашишини А.Н. Ко-

¹⁹⁰ В. В. Радлов. К вопросу об уйгурах, „Записки императорской АН“, т. 72, кн. 1—2, СПб., 1893, стр 26 Қангли уруғи ҳақида, шу китобнинг 2, 26, 34, 47-бетларида ҳам маълумот берилган.

¹⁹¹ Н. А. Аристов, Юқорида кўрсатилган асар, 282-бет.

¹⁹² В. А. Гордлевский. Что такое босый волк? „Изв. АН СССР“, отд. языка и литературы, 1947, т. V, вып IV.

¹⁹³ Н. А. Аристов, Юқорида кўрсатилган асар, 281-бет.

¹⁹⁴ В. В. Радлов фикри В. А. Гордлевскийнинг юқоридаги мақоласи асосида берилди.

ионов барқарор ёки турғун субстантивация (устойчивая субстантивация) деб ҳисоблайди¹⁹⁵.

И. И. Мешчанинов сифатлардаги субстантивизация ҳақида гапириб, сифат субстантивлашиши ва бошқа сўз туркумига, отга кўчиши мумкин. Бироқ синтактик муносабатдагина отлашиб, бошқа ўринда сифат ҳолида қола беради. Бу вақтда у ўзи учун типик бўлмаган синтактик ҳолатга—гапнинг мустақил бўлаги ҳолатига кўчган бўлади¹⁹⁶, дейди.

И. И. Мешчаниновнинг юқоридаги фикрларини тасвирий сўзларга ҳам асосан тадбиқ қилиш мумкин. Яъни тасвирий сўзларнинг шундай бир хиллари борки, улар фақат маълум контекстдагина окказионал равишда субстантивлашади. Алоҳида олиб қаралганда эса булар тасвирий сўзлигича қола беради. Демак, бундай тасвирий сўзларнинг субстантивлашишида контекст ҳал қилувчи роль ўйнайди.

Хөтинглар орасида пиҷир-пиҷир бошланди (А. Мухтар, О. с.).

Номус! Номус эр кишини ўлдиради-я!.. Ҳар бурчакдан пиҷир-пиҷир эши билди (Шуҳрат, Ш. Й.).

Тасвирий сўзларнинг окказионал—контекстуал субстантивлашиши кўпроқ оғзаки нутқда, фольклорда учрайди: *Қаландар бу суюкларни аралаб, ҳайрон бўлиб юриб эди, фалакдан бир шобир пайдо бўлди* („Маликаи айёр“ достонидан).

Шапақнинг одати шундай бўлади.

Дупур эши тмаса, кейин қолади („Алпомиш“, достонидан).

Чопарлар йигирма кун ётди... берган аризасидан ҳеч шобир бўлмади („Алпомиш“ достонидан),

Баъзан бундай фактлар эски ўзбек тилида ҳам учраб туради:

... уй ва кўчаларда ва кўйларда бениҳоят ўликларнинг устида убур қиласларлар эди („Бобирнома“).

Тасвирий сўзлар жуфт ҳолатда ҳам от категориясига ўтиши мумкин:

Бироқ автоматчилар у ёққа ўтиб бўлмайди, деб ҳойхуй кўтаришди, қўлларини силташди (М. Шолохов, И. т.). У пальтосига бурканиб, чемоданига бош қўйши билан пастда ивир-шивир бошланди (С. Анорбоев, О. ш.).

¹⁹⁵ А. Н. Конопов. Грамматика современного узбекского литературного языка, М.—Л., 1960. стр. 141.

¹⁹⁶ И. И. Мешчанинов. Члены предложения и части речи, М.—Л., 1945, стр. 394.

Бундай ҳолатларда тасвирий сўзлардан кўпинча жамликини, умумийликни билдирувчи отлар ҳосил бўлади¹⁹⁷. Масалан: **қий-чув**—тўда кишиларнинг тартибсиз равишда чинқирган товушига тақлид; **ивир-шивир**—кишилар орасидаги қандайдир яширин гап; **икир-чикир**—майдада чуйда сўзининг синонимига ўшайди.

Тилшуносликка оид баъзи бир асарларда бу ҳолатга факат лексик йўл билан отлашиш деб қаралади¹⁹⁸.

Тасвирий сўзларнинг субстантивлашишида яна шундай хусусият кўрамиз. Яъни тасвирий сўзлар ўзбек тилида эгалик, келишик ва сон категорияси қўшимчаларини олиш учун отлашади. Бундай отлар семантик томондан товуш ёки образ билан боғлиқ бўлади.

Бошқа туркий тиллардаги каби ўзбек тилидаги тасвирий сўзлар ҳам асосан иккинчи ва учинчи шахс эгалик қўшимчаларини олади. Биринчи шахс эгалик қўшимчаси қўшилиши учун аввал бошқа усул билан тасвирий сўздан от ясалади, сўнгра шу отларга биринчи шахс эгалик қўшимчаси қўшилиши мумкин: қўнгироғим, шақилдоғим, лайлаким каби.

Бу мисоллардаги биринчи икки сўз -қ аффикси орқали ясалган отлар, учинчиси (лайлак) эса синтактик-морфологик йўл билан отга ўтган бўлиб, сўнгра уларга шахс, эгалик қўшимчаси қўшилган.

Менинг тақ-тақим, гурс-гурсим, чиқ-чиқим типидаги отлашиш эса ҳозирги ўзбек адабий тилида учрамас даражадир.

... *Тегирмоннинг тақир-туқири ҳам бир эрмак, ўзи хайрли касб, деб тегирмончи Мирза Аҳмадни чопиққа ўтқазиб, унинг ишини ўз зиммасига олган эди* (Ойбек, К. қ. қ.).

Пиш-пишларинг хуши ёқади,

Ухла, жоним, қил ҳузур (Ш. Саъдула, Ш. ва э).

Отни тепага тўғри қиласди, туёғидан қирқ минг отнинг дупури пайдо бўлади, Алномиш олмаса ҳам, кўнглида ёрини олгандай бўлиб қолди („Алномиш“ достонидан).

Жази ယүқ шўрва, каду ейдиган ошида суюб,

Ажариқ илдизини майдада келиларда туюб.

Қайнатиб кунда ишиб, отини дерлар сумалак

(Муқимий, Т. а.).

¹⁹⁷ К. Дыканов. Имя существительное в киргизском языке, Фрунзе, стр. 68.

¹⁹⁸ „Хозирги замон ўзбек тили“, Тошкент, Ўз ССР ФА нашриёти, 1957, 341-бет.

Машиналарнинг шов-шуви орасида Арслон аканинг қулоғига юқоридаги одамларнинг овози узук-юлуқ эшитилади („Қизил Ўзбекистон“).

Тасвирий сўзлар туб сўз ҳолатида ўзгармайдиган сўзлар қаторига киради. Шунинг учун улар соғ формада қарат-қич ёки тўлдирувчи функциясида қўлланмайди. Улар келишик қўшимчаларини олиш учун ҳам аввало отлашади. Субстантивлашган тасвирий сўз отлар каби ҳамма келишик қўшимчаларини олади. Аммо тушум, жўналиш, чиқиш келишик қўшимчалари отлашган тасвирий сўзларга кўпроқ қўшилади: *Алитажсанг ўқларнинг виз-визини, тошларнинг чақнашини эшитди* (Ойбек, К. қораймас). Кутмаган *шапир-шупурдан* қўрқан шу ерли қурбақалар сувга яшириниб олдилар (Ўқишик китоби, III, 1947, 43-бет). Юз *ҳап-ҳандан* бир *шап-шап* („Муштум“).

Ишлайдилар оқшомгача,

Безор эдик ғув-ғувлардан (Ойбек, Бобом).

Чанг бурқуратиб, бутун кирни ваҳимали қий-чувга тўлдирганча баҳорги тошқиндай тошиб келётган сурукнинг олдини түсди ва иккала тепкини бирданига босди (С. Анорбоев, О. ш.) Агар соёбон аравада кетаётган икки хотиннинг висир-висирига қулоқ солинса, балки Тешабойнинг сирини билиб олиш мумкин бўлар (М. Исмоилий, Ф. т. о.). Латифа латифага, қаҳқаҳа қаҳқаҳага уланди (Ойбек, Навоий).

Тасвирий сўзлар кўплик қўшимчасини олганда, гоҳ товшининг бирдан ортиқ эканлигини билдирса, гоҳ товуш чиқарувчи предметнинг ёки образли ҳаракатнинг бирдан ортиқлигини билдиради. Бундай тасвирий сўзларда, кўпинча, маъно метафорик ҳарактерда бўлади:

*Рақслар, сиймолар,
Кўз ёшлар, зикрлар,
Жаҳлдан, уйқудан
Бўғилган фикрлар
Икирлар-чикирлар*

*қоқилди,
тутдек
тўқилди* (Ҳамза, Т. а.).

Қисқаси, хаёлимга нукул шунақа-қариларнинг миясига келадиган ҳар хил икир-чикирлар келадиган бўлиб қолди (М. Исмоилий, Ф. т. о.) Ҳар ерда синик-миник идишлар, *тақир-туқурлар*, ҳар хил жиҳозлар айқаш-уйқаш бўлиб ётарди (Ойбек, К. қораймас).

Тасвирий сўзлардан ясалган сифатлар

Тасвирий сўзлардан сифатлар асосан аффиксация йўли билан ҳосил қилинади. Тасвирий сўзлардан ясалган сифатлар нарса ва ҳодисаларнинг белгисини улар чиқарган товушлари, ҳаракат ва ҳолат образи билан бοғлиқ равишда кўрсатади.

Ҳозирги ўзбек тилида тасвирий сўзлар ўзагидан сифат ясовчи аффикслар сони учча кўп эмас. Бу аффикслар қуийдагича:

-и аффикси. Бу аффикс кўпроқ товушга тақлид-сўз ўзагидан сифат ясади: шанғи, хирқи, пўкки ва б.: *Кундошим шанғи, баджаҳл хотин экан. Уч кун ўтмай бошимда тош чақишига бошлиди* (Ойбек, Навоий). *Шу чоқ лейтемант Стекловнинг шамоллаган хирқи овози гуриллади* (Ойбек, Қ. қораймас).

-им аффикси. Бу тасвирий сўздан сифат ясовчи каммаҳсул аффикси ҳисобланади:

Ис чиқарган ерда ҳозир мисли шайтон ҳам табоқ,

Канча сўкссанг, шунча шилқим турфа суллоҳ бачагар (Муқимий, Ҳажви халифаи Мингтепа).

-лоқи аффикси. Жуда ҳам каммаҳсул аффикс ҳисобланаби, мустақил қўлланмайди: шаллақи.

-ли аффикси. Даранг-дурунгли, ғалдир-гулдурули ва б.

Бу аффикс тасвирий сўздан ясалган отлардан сифат ҳосил қилишда ҳам қатнашади: *Ҳаво туманли, момагурудуракли даҳшат бир кечасидир* (Ҳамза, Яллачилар иши).

Ҳозирги ўзбек адабий тилида жа бир нечта каммаҳсул аффикслар ҳам борки, улар тасвирий сўзлардан битта ёки иккитагина сифат ясайди олади. Масалан: -аки (пўртаки, жифтаки), -ак (жиккак) каби.

Бу аффикслар қаторига ўзбек тилига тожик тилидан кириб келган баъзи бир аффиксларни ҳам киритиш мумкин. Масалан: -хуш префикс (сўз аффикс). Бу префикс тожик тилидаги каби ўзбек тилида ҳам яхши, дуруст каби маъноларни англатади ва от, тасвирий сўзлардан сифат ясади: хушчақчақ (чақ-чақ: тақлид сўз, хуш эса тожик тилидан кириб келган, аффикслашган сўз); -сер: бу аффикс тожик тилида ҳам, ўзбек тилида ҳам мўл, кўп каби маъноларни англатади.

Баъзан бир тасвирий сўзнинг бошқа категориядаги сўз билан қўшилиши натижасида ҳам сифат ясалиши мумкин: шарткесар киши (шарт-тасвирий сўз, кесар — феълнинг сифатдоши формаси).

Ҳозирги ўзбек тилида кўпгина ясама сифатлар ўзагини тасвирий сўзлар ташкил этади. Аммо бу сифатлардан авва-

ло отлар (қандай усул билан бўлишидан қатъи назар) ва феъллар (асосан -илла, -ла, -ра аффикслари билан) ясалаб, сўнгра ана шу от ва феъллардан сифатлар ясалади.

„Хозирги замон ўзбек тили“ асарининг 350-бетида бижилдоқ, қақилдоқ каби сифатларнинг тасвирий феълдан ясалганлиги инкор қилинади. Асарда айтилган фикрни бу сифатларнинг ўзагига нисбатан тўғри дейиш мумкин. Аммо, бизнингча, бижилдоқ, қақилдоқ сўзлари ҳам аслида биж, қаҳ каби тасвирий ўзаклардан -илда аффикси орқали ясалган феъллар бўлиб, шу феълларга -қ аффикси қўшилиши натижасида сифат ясалган.

Бу асада сифат ясовчи -ил+доқ аффикси ҳам кўрсатилади. Биз ишимизнинг юкорисида ўзбек адабий тилида -ил билан тутаган мустақил тасвирий сўз йўқлиги, сўнгра эса -илда (феъл ясовчи (+ қ) сифат ясовчи) аффикслари ҳақида гапирган эдик. Шулардан хulosа қилиб, ҳозирги ўзбек адабий тилида -ил+доқ эмас, балки -илда (хозир асосан-илла) феъл ясовчи аффикси ва плюс -қ сифат ясовчи аффикси = -иллоқ (илдоқ) каби қўшма аффикс сифатида қараймиз.

А. Гуломов ҳам қақилдоқ сўзидағи -доқ морфемасини -ла // -да ва -қ аффиксларининг қўшилишидан келиб чиқканлигини кўрсатади¹⁹⁹.

-ма, -қ, -дай аффикслари воситасида ясалган қуйидаги сифатларни ҳам фикримиз далили учун келтиришимиз мумкин.

С. Муталибов ярқирама, шарқирама, данғиллама, жаранглама, диркиллама, йилтиллама типидаги сифатларда -ама ни аффикс деб кўрсатади²⁰⁰. Бизнингча, тасвирий негиз „шалдир“га -а аффикси қўшилиши билан ундан буйруқ феъли ясалган (шалдира), буйруқ феълидан эса -ма аффикси қўшилиши натижасида сифат ҳосил бўлган:

... Энг муҳим минералларнинг намуналари солинган қути ва маҳаллий ярқирама тошлардан ясалган буюмлар („Қизил Ўзбекистон“). Шоир бир тахта шалдирاما қоғоз олиб, очиқ, қалин китоб устига қўйди (Ойбек, Навоий). Акрам. Э-Э, мен сизга шунақа дедимми, отахон? Колхозга келар-келмас данғиллама уй солиб олди... . („Шарқ юлдузи“).

Йилтиллама ҳамирни Кўш таво аро солиб,

¹⁹⁹ А. Г. Гуламов. Проблемы исторического словообразования узбекского языка, автореферат докторской диссертации, Ташкент, 1955, стр. 44.

²⁰⁰ С. Муталибов, Морфология ва лексика тарихидан қисқача очерк, Тошкент, 1959, 213-бет.

Кўмма қилади дарров,

Шувоқ илдизин ёқиб (Қ. Мұхаммадий, Т. а.).

...**Жаранглама** сўзлар билан карахт қилиш, диккатни масаланинг моҳиятидан четлаштириб, арзимаган пуч нарсаларга жалб қилиш лозим бўлибди (В. И. Ленин, Материализм ва эмпириокритицизм).

-қ аффикси. Бу аффикс орқали тасвирий сўзлардан ясалган феълларнинг ўзаклари унли билан тугаганда ундан бирор иш-ҳаракатнинг товуш ёки ҳолатга боғлиқ бўлган белгисини билдирувчи сифат ясалади. Бундай феъллардан сифат ясалганини охиридаги а унлиси о га ўтади ($a \rightarrow o$): хирилдоқ, ялтироқ, сўлқилдоқ, милтироқ, бижйлдоқ, қақилдоқ кабилар:

„Улганнинг устига тепган“ дегандай **хирилдоқ** радио карнайи учун колхозчилардан ойига 8 сўмдан пул санаб олишилари ортиқча („Муштум“).

Момақалдириқ

Танга ялтироқ,

Ким қўрқоқ бўлса,

Баргдек қалтироқ („Ғунча“).

Аҳмад Хусайн ҳам унинг **йилтироқ** туфлисидан то сочигача кўз югуртуриб, киноя билан жилмайиб қўйди (Ойбек, Н. қ.).

Кўкрак очиқ одамлар тинмасдан бир зум,

Чайнашгани чайнашган сўлқилдоқ равоч

(Ш. Саъдулла, Ш. ва э.).

Бош букиб қўнғизгина,

Милтироқ юлдузгина,

Сичқонга алданибди,

Бошлири айланивиди (Қ. Мұхаммадий, Т. а.).

Бу аффикс ундош билан тугаган тасвирий феълларга -оқ формасида қўшилади: бақироқ, чинқироқ, ғулдириқ каби: *Ана шундан бери чинқироқ сўфи хотинсиз* („Муштум“).

-дай аффикси. Бу аффикс орқали предметнинг белгисини чоғишириш йўли билан аниқлайдиган сифатлар ясалади: *Ўлик сукунатда соатнинг „чиқ-чиқи“, ёғирли қоронги тунда бошига томчилаган чаккадай юракка совуқ ва ноҳуш эди* (Ойбек, Қ. қораймас).

Бу ўринда тасвирий сўздан аввал от, сўнгра ундан сифат ясалган.

Тасвирий сўзлардан ясалган феъллар

Ўзбек тилида тасвирий сўзлардан феъллар морфологик (аффиксация) ва синтактик (композиция) усуллар билан ясалади.

Тасвирий сўзлардан ясалган феъллар бошқа соф феъллар каби замони кўрсата олади: тақирлади—ўтган замон, тақирляпти — ҳозирги замон, тақирлайди — кимаси замон. Шахса, сонда туслана олади: чинқирдим (1 шахс), чинқирдинг (2-шахс), чинқирди (3-шахс); чинқирдим — бирлик, чинқирдилар ёки чинқирдик — кўпллик. Даражани кўрсата олади: чинқирдим — аниқ даража, чинқиртиридим — ортирма дараҷа. Майлни кўрсата олади: чинқирди — аниқлик майли, чинқир буйруқ майли, чинқирсам — шарт майли. Вид категориясини ифодалай олади: тақ этди, милт этди (моменталлилик, бир марта), тақирлади (бунда ўша маъно йўқ). Лекин семантик жиҳатдан бошқа соф феъллар билан тасвирий сўздан ясалган феъллар ўтасида фарқлар ҳам мавжуд.

Товушга тақлид сўзлардан ясалган феъллар асосан феъл-аспектида фикр қилинувчи товуш ҳодисаларинигина кўрсатади, холос²⁰¹. Образли сўзлардан ясалган феъллар билан соф ҳаракат ва ҳолатни кўрсатувчи феъллар ўтасидаги фарқ ҳақида Л. Н. Харитонов шундай ёзади:

„Отличительную семантическую особенность этих глаголов составляет переносный, сравнительный характер их значения. В отличие от обычных глаголов действия — состояния в них мы находим прямого, непосредственного названия глагольных понятий“.

Ҳозирги ўзбек адабий тилида тасвирий сўзлардан феъллар қўйидаги аффикслар воситасида ясалади:

-ла аффикси²⁰², Бу аффикс, умуман, туркий тилларда феъл ясовчи энг маҳсулдор аффикслардан ҳисобланади. У ҳамма сўз туркумларидан феъл ясашда иштирок эта олади. Н. Остроумов туркий тилларда кўпгина мустақил сўзлар ўз этимологисини йўқотиб, аффиксларга айлациб кетганлиги ҳақида гапирав әкан, -ла аффикси ҳақида шундай ёзади:

„Из двух названных глаголов (ылмак, айламак) мы обращаем внимание на второй глагол, айламакъ, потому что он, удержав свою полную форму в языке, в то же время дал очень интересную производственную приставку в форме -ля-ла“²⁰³.

-ла аффикси тасвирий сўзлардан товуш ёки ҳаракат, ҳолат шу каби ёруғлик образи билан боғлиқ бўлган хусусиятлар билан характерланадиган ишни бажаришни кўрсатув-

²⁰¹ Қаранг: Л. Н. Харитонов. Типы глагольной основы в якутском языке, М.—Л., 1954, стр. 16.

²⁰² -ла аффикси ҳақида қаранг: А. Фуломов, -ла аффиксининг маънолари ҳақида, ЎзССР ФА бюллетени, 1944, 4—5-сонлар.

²⁰³ Н. Остроумов. Этимология сартовского языка, Ташкент, 1910, стр. 30.

чи феъллар ясайди. Бу аффикс асосан ундош билан тугаган тасвирий сўзларга қўшилади ва одатда улардан ўтимсиз феъллар ҳосил қиласиди²⁰⁴, питирла, ғивирла, пичирла, жин-фирла, шивирла, ғижирла, шопирла, пўнгирла, гумбурла, увла, жарангла, чарақла, вақирла, шитирла,чувла, лапангла, гандиракла кабилар.

Ўзбек тилида айрим вақтлардагина -ла аффикси тасвирий сўзларга қўшилиб, ўтимли феъллар ҳосил қила олади: пуфла, хўпла каби.

-ла аффиксининг батъзан унли билан тугаган тасвирий сўзларга ҳам қўшилиш ҳолларини кўрамиз. Аммо бундай вақтларда бу аффикснинг функциясида ҳеч қандай ўзгариш юз бермайди. Яъни бунда ҳам худди юқорида кўрсатгандек феъллар ясалади: ... *Томларнинг бўғотларида чирқиллаётган чумчукларга қараб тумгачадай кўзларини ўйнатиб, қоп-қора совуқ тумшуғини ... „Кўрдингларми мени! дегандай ғагалади* (С. Анербоев, О. ш.) *Тухум қўймаган товуқ кўп қоқолайди* (мақол).

-а аффикси. Бу аффикс юқоридаги -ла аффиксининг қисқаришидан туғилган бўлиб (сўз тасвирий сўзлардан ясаш ҳақида боради) р товуши билан тугаган тасвирий сўзларга қўшилиб, феъллар ясайди: пир-пир + а, пилдир + а, гулдир + а, валдир + а, ялтир + а, жовдир + а, ҳилпир + а, ярқир + а, мўлтирипир + а: *Қилгиликни қилиб қўйиб яна кўзини мўлтиратади-я!* („Муштум“). — *Аҳдимиз инни қилич ҳам кеса олмайди. Давлатнинг равнақи бизнинг қиличимиизга боғлиқ, — ўзича валдиради* бир бек (Ойбек, Навоий). У „ўзбекбирлашув“га яна кириб чиққач, папиросни иргитиб, нималарнидир *гулдиради* („Қизил Ўзбекистон“) Булоқлар ва сойларнинг тубларида зилол сувлар ялтиради (Ш. Рашидов, К. қ.). Унинг чакка томирлари бўртди, бурнининг учи *йилтиради* (А. Қахҳор, Қ. ч.).

Ҳозирги ўзбек адабий тилида учрайдиган ҳўнгра, ингра типидаги тасвирий феълларнинг ўзагини ҳўнг, инг каби мустақил қўлланишини ҳисобга олиб, уларни шу ўзаклардан -ра аффикси воситасида ясалган феъллар дейиш мумкин. Аммо бу сўзларнинг морфологик анализи асосида бошқача хуносага келиш ҳам мумкин. Яъни бу сўзларнинг ўзаги ҳўнг, инг аввало -ир структура элементини олиб кенгайтган (ҳўнг + ир + а, инг + ир + а). Сўнгра -а аффиксини қабул қилган. Бундай вақтда -ир структура элементидаги и унлиси тўлиқ редукцияга учраган ва структура элементидаги ундош билан -а аффикси қўшилиб -ра формасини олган. Шу-

²⁰⁴ Н. К. Дмитриев. Грамматика башкирского языка, М.—Л., 1948, стр. 178.

нинг учун бу ўринда ҳўнгра ва ингра феълларини -ра аффикси ёрдамида эмас, балки -а аффикси воситасида ясалган феъллар деб қарашга тўғри келади: У Ойқиз билан бўлган учрашувни олдинига *ғамгинлик* билан ҳикоя қилдида, охирига етгандан сўнг *ҳўнграб* йиглади (Ш. Рашидов, Б. к.).

Ёнгинамда ингради бирор,

Бир сесканиб очдим кўзимни (Д. Файзий, Т. к.).

Бундай феъллар фольклорда ҳам учрайди:

От чопса гумбурлар тоғнинг дараси,

Ботирни ингратар найда яраси („Маликаи айёр“).

Баъзан -ра аффикси билан ҳам тасвирий сўзлардан феъллар ясалиши мумкин: Аллақаерда бузоқ *маграши*, анқиб кетган пиёз доғи ҳиди, чумчуқларнинг инга кириб кетар олдида чирқиллаши—ҳаммаси унга ўтган ҳаётни эслаетгандай бўлар эди (А. Қаҳҳор, Қ. ч.).

-илла аффикси. Бу аффикс фақат тасвирий сўзлардан гина феъллар ясади. Ўзбек тилида содда тасвирий сўзлар -ир ва -анг структура элементлари билан кенгаяди. Тасвирий сўзнинг шу кенгайган формасига ясовчи -ла аффикси қўшилганда қўшимчадаги л товуши таъсирида тасвирий сўз охиридаги (аниқроғи структура элементидаги) р товуши регрессив ассимиляцияга учрайди. Натижада улар қўшилиб кетиб илла (аниқроғи -ир + ла-илла) аффиксини вужудга келтиради: тақилла, минғилла, тўнғилла, шувилла, тапилла, чувилла, чиқилла, қақилла, дўнғилла, кабилар: „Туёқларинги шақиллат, касал бўлсан мени даволамай қўяқолларинг! —деб кабинетдан қувиб чиқарди („Муштум“). Кўрпани ёпниб бориб эшикни *тақиллатди* (А. Қаҳҳор, Сароб).

Дўқиллайди чўнг ҳассаси,

Юрап эди эгиб бўйин (Ойбек, Бобом).

Фольклордан:

Букун қадр кечалари,

Боғда очилар ғунчалари,

Кўнғирот элнинг баччалари

Чувулла, Алпомиш келди („Алпомиш“ достонидан).

Айрим ҳолларда -ир структура элементи билан тугаган тасвирий сўзларга -ла аффикси қўшилганда у -илла каби талафуз қилинса ҳам ёзувда -ирла каби, яъни ассимиляцияга учрамаган ҳолда ёзилади. Бизнингча, бундай вақтларда уларни бир -ирла аффикси сифатида эмас, балки -ир структура элементи ва -ла феъл ясовчи сифатида қаралиши керак: *Тўғонбек гўё эшишмагандай, бир қанча вақт отнинг*

у ён, бу ёнига ўтиб, пардозлаб сўнг **пўнғирлади** (Ойбек Навоий). Чумчуқларнинг **чурлаши**, дераза остида оқаётган ариқчанинг шовуллаши эшишилди (А. Каҳдор, Синчалак).

Фольклорда: **Шамол турса шопирлайди шотерак.**

Бир иликман гўштинг адo бўларми („Ал помиш“ достонидан.)

Келтирилган мисоллардаги шитирляяпти, фивирлашиб, пўнғирлади, чиғирлаши, шопирлайди каби феълларни шитилляяпти, фивиллашиб, пўнғиллади, шопиллади каби шаклларда ҳам бериш мумкин. Бундай ҳолатда маънога ҳеч қандай таъсир қилмайди.

Биз юқорида **-илла** аффиксини **-ир ва -ла** элементларининг қўшилишидан пайдо бўлиши ҳақида гапирдик. „Хозирги замон ўзбек тилинг“²⁰⁵ да содда ўзакнинг составида **р ёки з** товуши бўлганда (баъзан бошқа—айрим ҳолларда ҳам—*P. K.*) феъл ясовчи қўшма **-илла** аффикси бир бутун деб қаралади²⁰⁵, деб кўрсатилади. Бу тўғри. Ҳақиқатда ҳам бундай тасвирий сўзларга физиллади, пурсиллади, гуриллади, пўкиллади, лўкиллади, ликиллади, лопиллади, ғуриллади, хириллади, гувиллади, акиллади, гақиллади, пириллади, қилпиллади, чириллади, дўриллади, чуриллади, вовиллади, ғўриллади, ҳўриллади, қирсиллади, тариллади каби феълларнинг физир, гурир, пўсир, ирир, бобир, гурсир, вовир, лопир, акир каби негизлардан келиб чиқсан деб талқин қилиш мумкин эмас. Бундай вақтларда юқоридаги феълларни қўшма аффикслар (-ир + ла —илла) орқали эмас, балки соф **-илла** ясовчи аффикси воситасида ясалган деб ҳисоблашга тўғри келади: **—Мунча чийиллайсан? Илон ҷақдими?** (Ш. Рашидов). **Нега қочган беданадай пусиб чирқиллайсан?** (А. Каҳдор, К. ч.). Ерга тушган чироқ бир-иккя **лопиллади-ю**, аввал кўк кейин қизғиши аланга кўтарилди (А. Каҳдор, К. ч.).

Ўзбек тилида, умуман тасвирий сўзлар **-ил** структура элементини олиб, мустақил лексик бирлик сифатида қўлланмайди: юзаки қарагандага физил, чирқил, тарсил, чўпил, филтил каби тасвирий негизлар борга ўхшаб кўринади. Лекин булар асли физ, чирқ, тирс, чўп, филт каби ўзак ёки негизлардан ташкил топган бўлиб, уларга соф **-илла** аффикси қўшилиши билан феъл ясалган.

-илла аффикси ўзакдаги унлининг характеристига қараб **-ур + ла**, **-улла** формасида ҳам қўлланиши мумкин. Яъни

²⁰⁵ „Хозирги замон ўзбек тили“, Тошкент, 1947, 443-бет.

ўзакда лаблашган унлар бўлса, аффиксдаги унли ҳам унга мослашади: гумбурла, шувулла, ғумбурла, ғовулла каби.

-қира аффикси. Бу аффикс баъзан **-қира**, баъзан **-кира** формасида ишлатилади: гуркира, фирқира мисолларини чоғиштирайлик: ҳар икки тасвирий сўз ҳам рундоши билан тугаган, аммо биринчи сўз (гуркира) ўзагида юмшоқ ундош бўлганлиги учун аффиксда ҳам **-кир** формасида ишлатилади. Уларнинг ҳар иккаласи ҳам саёз тил орқа товушлардир. Шунинг учун ҳам Г нинг к билан мослашиши фонетик томондан қонуний ҳисобланади. Иккинчи сўз эса, аксинча: тасвирий сўз чуқур тил орқа товуши билан бошланганлиги учун аффиксдаги ундош товуш ҳам унга мослашган. Бу аффиксга ҳам **-кир** ва **-а** аффиксларининг қўшилишидан ҳосил бўлган қўшма (мураккаб) аффикс деб қараш мумкин. (Ҳақиқатда тарихий шундай). Аммо ҳозирги ўзбек тилида **-қира**, **-кира** аффикслари билан ясалган тасвирий феъллардан аффиксдаги а элементини олиб ташлаб, гуркир, шарқир, чирқир, ярқир типида қўлланган ҳолларни учратмаймиз: уларни шу тарзда қўллаш мумкин эмас: ... *Боласи айрилса чумчук чирқиллади-ю* (А. Қаҳҳор, Қ. ч.). Тагидаги толларнинг **ярқираши** зилол сувнинг тиниқлигини яна ҳам орттириб, кўзларни қамаштиради (С. Айний, Дорхунда). Кампир чархнинг **“ғув-ғув”** и ва сувнинг **шарқирашидан** унинг овозини эшиштмади (Ойбек, Навойй).

-қир, **-кир** аффикси. Бу аффикс форма томонидан юқоридаги аффиксга ўхшайди. Лекин функция жиҳатдан улардан фарқ қиласди. **-қира** -**кира** аффикслари тасвирий сўзларнинг иккала семантик группасидан ҳам феъл ясай олади. **-қир**, **-кир** аффикси эса фақат товушга тақлид сўзларга қўшилиб, шу билан характерланадиган ишни бажариш маъносини англатадиган феъллар ясади²⁰⁸. Бу аффикс кўпгина туркий (ва монгол) тиллари учун ҳам хос бўлиб, асосан, товуш органлари билан боғлиқ бўлган бир бўғинли тасвирий сўзларга қўшилади.

4- жадвагал

Ўзбек тили	Қозоқ тили	Қирғиз тили	Туркман тили	Монгол тили
какир ишиқир қақир	— “ — ысықир қақыр	кеқир ышықир қақыр	чегир сығир — “ —	хэуэрэ ишихирэ — “ —

²⁰⁸ А. Фуломов. Феъл, Тошкент, Ўз ФА нашриёти, 72-бет.

А. Н. Кононовнинг кўрсатишичá, -қир, -кир аффикси ўзбек тилида каммаҳсул аффикс ҳисобланади: ҳайқир, пишқир; ўкир, бўкир, ишқир ва б.

-ай аффикси: Бу каммаҳсул аффикс кўпинча образли сўзларга қўшилиб, киши, нарса ва ҳодисаларнинг ҳолатини, ташки қўриниши образини англатадиган феъллар ясади. Чипор болаларини ёнига чақириб, ерга ётди, товуқка ўхшаб ҳурпайди. (Г. Скребицкий, Ў. я.). Иван Петрович шумшайди, бир нималар деб дўнгиллади (А. Қаҳҳор, Қ. ч.).

Кўпинча бу феълларни ўзак-негиз ва ясовчига ажратиш мумкин эмас.

Тасвирий сўзлардан ясалган феълларга яна бошқа қўшимчалар қўшилиши натижасида қўшма ясовчи аффикслар пайдо бўла олади. Бундай қайта ясалган феъллар илгаригисидан майл ва даражада фарқ қиласиди. Масалан: чувиллаши, ингран, тақиллат, боқиришди, ялтираши каби. Бу сўзлар аввало -илла, -ла, -а аффикслари орқали ясалган бўлиб, уларга яна -т, -ш, -н каби аффикслар қўшилиши билан -ран, -лаш, -лат каби аффикслар пайдо бўлган. Феълнинг функционал формалари—тасвирий сўздан ясалган феълларга -ш, -иш, -моқ, -р, -ар, -б, -иб, -(а) жак каби аффиксларнинг қўшилиши натижасида ясалади.

Тасвирий сўзлардан аналитик йўл билан феълларнинг ясалиши. Тасвирий сўзлар ўзбек тилида ёрдамчи феъллар билан бирекиб бир умумий маънони англатувчи ўтимсиз қўшма феълларни ҳосил қиласиди. Тасвирий сўзлар билан кўпинча эт (этмок) феъли бирекиб, от+феъл типидаги қўшма феъллар ясалади. Этмок ёрдамчи феъли тасвирий сўзларнинг барча семантик группалари билан бирика олади ва ҳаракатнинг бир марта юз берганлигини, ундаги тезликни ифодалайди: чурқ этди, гурр этди, парр этди, лоп этди, жиз этди, тап этди, ярқ этди, тиқ этди, пўк этди каби.

Қўшма феъллар составида тасвирий сўзлар асосий маънони ташувчи роль ўйнайди, ёрдамчи феъл эса умумий бирекмага феъллик тусини беради. Бундай қўшма феълларда лексик маъно тасвирий сўзда бўлиб, ёрдамчи феъл грамматик вазифани бажаради²⁰⁷. Уларнинг функциялари феъл ясовчи -ла аффиксининг функциясига тўғри келади. Ўзбек тилида қўшма феъллар икки хил йўл билан тузилади:

а) от+феъл=қўшма феъл; б) феъл+феъл=қўшма феъл.

²⁰⁷ М. Худайкулиев. Подразделительные слова в системе словообразования туркменского языка, „Труды инст. языка и литературы”, вып. II Ашхабад, 1957, стр. 101.

Составида тасвирий сўзлар бўлган қўшма феълларни от+феъл типидаги қўшма феъллар типига киритиш мумкин. Содда тасвирий сўзлар билан асосан *этмоқ* феъли бири-киб, қўшма феъл ҳосил қиласди, тасвирий сўз такрорланганда эса *этмоқ* феъли ўрнида қилмоқ феъли қўлланиши ҳам мумкин. Масалан: *бошимда бир нарса лўқ-лўқ этди* ёки *бошимда бир нарса лўқ-лўқ қилди*.

Айрим ҳолларда эса такрорий тасвирий сўзларда *этмоқ* феълига нисбатан қилмоқ феъли билан қўшилиб, қўшма феъл ҳосил қилишга мойиллик кўпроқ сезилади: *Хожар. Мен айтдим бу мунча бегона хотинлар билан висир-висир қилаверди* (Ҳ. Ҳ. Ниёзий, Я. и.). У бошини *сарак-сарак қилиб*, индамай олдинга интилади („Қизил Ўзбекистон“). Болаларнинг рўпарасига келганда қўлларни соябон қилиб, қошини *ожувоз-ожувоз қилди* (А. Қаҳҳор, Қ. ч.). Мулладўст. „*Эгамдан кимки кўркмас, ул сазоворий жаҳаннамдор*“ деб амри *маъруфни наврузнинг ёмғиридек шилт-шилт қилворади* (Ҳ. Ҳ. Ниёзий, М. м.).

Ўзбек тилида тасвирий сўзлар билан *этмоқ* феълидан ташқари яна бир ёнча бошқа феъл формалари ҳам бирикиб, қўшма феъл ясалиши мумкин. Бундай вақтларда, кўпинча, қўшма феъл составидаги тасвирий сўздан равишдош ҳосил бўлиб, у етакчи роль ўйнайди. Бу феълларни қўйидагича кўрсатиш мумкин:

-кет феъли. Тасвирий сўздан фақат -б, -иб орқали ясалган равишдош билан бирикиб, қўшма феъл ясалади ва то-вуш ҳамда образ билан боғланган ҳаракатдаги тўсатдан бўлиш, давом, тасодиф ва тезликни кўрсатади: *нижирлаб кетди, бобиллаб кетди, зириллаб кетди кабилар: Холмат. Мунча қочасиз ... Мундай жамолингизни кўрсатинг ... занг босган диллар ялтираб кетсин, аяжон!* (Ҳ. Ҳ. Ниёзий, Б. х.). *Мұхаммад Исломил ҳаяжон билан столни шундай урдики, дудли лампанинг ёлқини лопаллаб кетди* (Ойбек, Н. к.). *Шунинг сингари эса шунақа, чақмоққа ўшаб, гоҳи-гоҳи ярқираб кетади* (М. Шолохов, И. т.).

Бошли феъли. Бу ёрдамчи феъл тасвирий сўзлардан -а, -й аффикслари орқали ясалган равишдошларга қўшилиб, ҳаракатнинг бошланишини кўрсатувчи қўшма феъллар ҳосил қиласди:

У бизни бошига тушган бу савдо билан анча кулдирди-ю, лекин оқибати кўп ёмон бўлди: „*Ташқарига чиқаринглар*“ деб эшигни *тақиллата бошлади* (М. Шолохов, И. т.) Бўрон бўлса, бу жимликдан бойўғлидай ёлғиз қолиб, оч бўридай *увиллай бошлади* (Ш. Рашидов,

К. қ.). Чунки мен сизни тушунадй деб ўйлаган эдам!—
Унинг лаблари яна пирпирай бошлади (О. Ёкубов, И. м.),
Сувонжоннинг тиши-тишига тегмай такирлай бошлади (С. Анорбоев, О. ш.).

Тур феъли. Бу феъл -б воситасида ясалган равишдошга
қўшилиб, иккинчи тип қўшма феъл ҳосил қиласди: Талай
вақтгача бутун сахро гуруллаб турди (А. Қаҳҳор,
Қ. ч.). Акрам. Гапнинг очиги, укаларини куришига кўзим
учиб тургани йўқ. Отажон . . Шу топда кўприкнинг
устида қилтиллаб турибмиз (О. Ёкубов, И. м.). Тонг
юлдузи каби ҷарақлаб турган кўзларида фикр ва ан-
диша, ёшига қарамай, кенг манглайини ажин босган, қи-
зил олмадай юзларида ғам-ғусса кўринади (С. Айний,
Дохунда). Эрта билан тонг отди: „Ҳайдаб кетмаса“ деб
девлар ҳам қилтиллаб турди („Маликаи айёр“ достонидан),
Ҳусайн узумлар, қора узумлар пишиб, шалвираб
турибди („Маликаи айёр“ достонидан).

Шакаман тогига ҷарчаб қўнибди,
Энди қўниб бу гақиллаб турибди („Алпомиш“
достонидан).

Бермоқ феъли. Тасвирий сўздан -б аффикси воситасида
ясалган равишдошга қўшилиб, иккинчи тип қўшма феъл
ясади. У ишдаги тезликни билдиради ва тасвирий сўздан
ясалган равишдошдан англашилган маънодаги кучайишини
билдириш учун хизмат қиласди: Кизлар гарчи товушсиз
айглассаларда, у бобиллаб берди (Ойбек, Навоий).

Қолмоқ феъли. Бу феъл ёрдамида ҳосил бўлган қўшма
феъллар тўсатдан бўлганлик, ҳолат, давомлилик маънола-
рини билдиради: Қафас яшириб қўйилган арча тагида бир
каклик патиллаб қолди (С. А. Анорбоев, О. ш.).

Уфқлар бир карра—

Лопиллаб қолар (Ғ. Гулом, Т. й.).
Фитначилар яна ғувиллаб қолди („Қизил Ўзбекистон“).

Хусусан, яқин ўртоғингиз кетса уй ҳувуллаб қолади
(А. Қаҳҳор, Сароб).

Қўй феъли. Бу феъл тасвирий сўздан ясалган равиш-
дошларнинг ҳар иккала тури билан ҳам бирикиб, қўшма
феъл ҳосил қила олади: Яхши ўйлаш керак, шоҳзодам,
дўйғиллаб қўйди Тўғонбек (Ойбек, Навоий). У ҳар жу-
ма намозидан кейин шаҳардаги ҳовлисига бир хуржин,
ярим хуржин дон-дун ташлаб турган бўлса ҳам, ҳар
ҳолда унча гуркирамай қўйди (Ҳ. Ғулом, Машъал).

Юбормоқ феъли. Тасвирий сўздан ясалган равишдош
билин бирикиб, етакчи сўздаги ишнинг тўсатдан бўлганли-

гина күрсатиш, уни кучайтириш учун хизмат қиласы: *Шу биргина сұз буронни ҳам, Хорудни ҳам саросимага солиб, титратиб, қалтиратиб юборди* (Ш. Рашидов, К. қ.).

Чиқ феъли. Бу ёрдамчи феъл құшма феъл составида ҳаракат тугалланғанлиги, бориб етганлиги каби маъноларни англатади: Зимзиә бўлиб кетиб, бирдан шаҳардаги чайков бозор ўртасидан шўнғиб чиқди (С. Аноरбоев, О. ш.).

Бўлмоқ феъли. Бу феъл тасвирий сўздан ясалган феъл билан бирикиб, бирор хусусиятга эга бўлганликни билдириш учун хизмат қиласы ва феъл+феъл типидаги құшма феъл ясалишига ёрдам беради: ... *Калин лаби икки ёққа керилиб, сарғайиб кетган тишлари „ҳозир кемираф ташлайман“ дегандек ғижирлайдиган бўлди* („Муштум“).

Тасвирий сўзлардан равишининг ясалиши

Такрорланган ва жуфт тасвирий сўзлар ҳеч қандай ясовчи ва турловчи қўшимчалар олмасдан феъллар олдида келганида равиши функциясини ўтайди. Бундай ҳолат эса айрим тилшунос олимларни тасвирий сўзларни равишилар категорияси ичida қараш керак, деган хуносага олиб келди²⁰⁸.

Бир категориядаги сўз иккинчи бир хил категория функциясини бажарганда у бошқа туркумга тўлиқ ўтиб кетмаслиги ҳақидаги умумий қоидани тасвирий сўзларга ҳам татбиқ қилинса, тасвирий сўзларни равишиларга бирлаштириб қарашнинг унчалик тўғри әмаслиги очиқ-ойдин кўриниб қолди.

Демак, бундай тасвирий сўзларга соғ равишилар эмас, балки тасвирий сўзларнинг равиши ўринида қўлланиши деб қараш керак. Масалан: лапанг-лапанг юриш, чирт-чирт узиш, чак-чак томиш ва б.

Тасвирий сўзлардан равишилар асосан -а аффикси билан ясалади. Бу аффикс кўпинча содда тасвирий сўзларга қўшилиб, моменталлилик, бирлаҳзалилик, қатъийлик маънисини англатувчи равишилар ясади: *Бу ердан поезд ўтиб колса борми, темир из қирқиб турган асфальт йўлни уч метрлик олатаёқ шартта тўсади қўяди* („Муштум“).

*Боз гурра кўтариб қолса билакни,
Топширдик кунларнинг измини,
Кунларки йиллардан салмоқли,
Бўшамас суръатлар тизгини.*

²⁰⁸ А. Искаков. Наречие в казахском языке, Алма-Ата, 1950, стр. 93.

Айрим ҳолларда -а аффикси тақрорланган тасвирий сўзларга ҳам қўшилади. Бунда у кучайтириш маъносини бериш учун хизмат қиласди: таппа-таппа, гурсса-гурсса, гуппа-гуппа, физза-физза, чиппа-чиппа ва б.

Биз болалар қайроғочдан ўзимизни таппа-таппа ташладик (Ойбек, Бобом).

Р. Р. Сайфуллаев ва Ф. С. Убаевалар тасвирий сўзлардан -лаб аффикси орқали равишлар ясалишини кўрсатадилар: „Бунда асосан, -лаб“ аффикси ясовчилик ролини бажаради: тақирлаб, шигирлаб, ғувуллаб, ғуруллаб...²⁰⁹

Биринчидан, бу сўзлардаги -лаб аффиксини -ла ва -б қисмларига ажратиш керак ва иккинчидан, уларни равишлар эмас, балки равишдошлар деб қараш тўғрироқ бўлар эди.

ТАСВИРИЙ СУЗЛАРНИНГ СИНТАКТИК ФУНКЦИЯЛАРИ

Тасвирий сўзлар ўз синтактик функциялари билан ҳам ундовлардан кескин фарқ қиласди. Маълумки, ундовлар гапнинг бошқа бўлаклари билан грамматик муносабатга кириша олмайди. Лекин улар субстантивлашиб, баъзи грамматик формаларни олади ва бошқа сўзлар билан муносабатга кириша олади (сенинг оҳ -уҳларинг, оҳ -воҳларингни қўй каби). Тасвирий сўзлар эса (туб сўз ҳам, ундан ясалган бошқа сўз туркумлари ҳам) гапнинг бош ва иккичи даражали бўлаклари вазифасида кела олади ҳамда мустақил бир бўлак сифатида бошқа бўлаклар билан муносабатга кириша олади (бу кўпинча ёрдамчи феъллар воситасида бўлади).

Тасвирий сўзлар бошқа сўз туркумлари, масалан, от, сифат, феъл кабиларнинг ўринида келганида, тасвирий сўзлардан шў сўз туркумлари ясалганида, гапда ўша сўз туркумлари бажарган вазифаларни бажаради.

Масалан: а) тасвирий сўздан ясалган от, ҳаракат номи—эга. Узоқдан эшитилаётган гулдурос ҳаммани безовта қиласди... Туяларнинг аллақандай қайсарлиги ва зарда билан бақириши „оғир карвон“ филларнинг ҳайбатли лапанглаши, иш бошйларнинг кескин қичқиришлари ва ҳоказолар Арслонқуна анча эсанкиратди (Ойбек, Навоий).

б) тасвирий сўздан ясалган сифат, феъл—кесим: Парраклари чирпирак, Генератор пирпирак (К. Муҳаммадий, Т. а.). Қум кўзларга санчиларди, тишларга кириб ғижир-

²⁰⁹ И. Р. Сайфуллаев, Ф. С. Убаева. Сўз ясаш йўлари ҳақида қўлланма, Бухоро, 1958, 14-бет.

ларди, руль ушлаган кўлларига тикондек қадаларди (Ш. Рашидов, Б. к.).

в) тасвирий сўздан ясалган равиш ёки равишлош—ҳол: *Ит ириллаганча дарвозадан беридағи эшикка кириб келди* (А. Қаҳҳор, Сароб). Погодин катта этигини дўқиллатиб айвонга ҳаммадан кейин чиқди (Ш. Рашидов, Б. к.).

Бундай ҳолатлар тасвирий сўзларнинг гапдаги функцияси эмас, балки ундан ясалган бошқа сўз тўркумларининг синтактик функциясидир: бу ҳодиса тасвирий сўзларнинг ўзи учун типик бўлмаган функциясидир.

Хозирги ўзбек адабий тилида тасвирий сўзлар гапнинг қуидаги бўлаклари вазифасини бажара олади:

Тасвирий сўз—эга. Н. А. Баскаковнинг айтишича, тасвирий сўзлар туб сўз ҳолида от сифатида қаралади.²¹⁰ Бош қелишик формасидаги отлар гапда эга бўлиб келади. Худди шунга ўхшаш тасвирий сўзлар ҳеч қандай қўшимчалар олмасдан, ўзак ҳолида ҳам гапда эга функциясини бажариши мумкин. Аммо тасвирий сўз—эга от—эгадан предмет англатищдаги айrim хусусият, бошқалик билан фарқ қиласди: *Бўлмаса шу иш туфайли бўлган қанчадан-қанча шов-шув одам боласининг эс-месидан чиқадиган гап эмас эди* („Муштум“).

Карс икки қўлдан чиқади (мақол). *Шов-шув кўтарила бошлаган эди*: „121 гектар экишнинг ичидаги иккита гектар посира қилиб олсан, ота гўри қозихонами“, деб бешолти кун тумшайиб юрди („Қизил Ўзбекистон“). Уйда ёлғиз қолган Қумрига девор орқасидаги „дўй-дўй“ энди яна ҳам даҳшатлироқ эшишила бошлади (Ҳ. Ғулом, Машъал).

Хозирги ўзбек адабий тилида баъзи тасвирий сўзлар тўла субстантив характерга эга бўлиб, нарсаларнинг номини билдиради. Бундай тасвирий сўзларни от категориясидаги, номинативлик хусусиятига эга бўлган сўзлар деб қаралиши керак. Масалан: чак-чак (овқатнинг номи), лўк-лўк (болалар ўйинининг бир тури), жиқ-тоқ (қушнинг номи) ва б. Бу ўринда биз такрор орқали тасвирий сўзлардан от ясалишини кўрамиз.

М. Фозилов тасвирий сўзлар субстантивациялашганида ҳам предметлик хусусиятини кўрсата олмайди. Улар бари

²¹⁰ Н. А. Баскаков. Каракалпакский язык. т. II, часть первая, 1952, стр. 256.

²¹¹ М. Фазилов. Изобразительные слова в современном таджикском литературном языке, қўлъезма (В. И. Ленин номидаги СССР Давлат библиотекасида сақланади), М., 1952, стр. 44.

бир тушунча доирасидан чеккага чиқа олмайди деган чад-
камы фикрни илгари суради.

Тасвирий сўз—эгаларнинг гапдаги ўрни умуман эгалар-
даги каби, турли ҳолатларда бўла олади. Улар стилистик
мақсадларда гапнинг охирида ҳам келиши мумкин:

Даҳшат, қуюндан иборат бу ғув,

Улуғ Россияга қадрдан бу қиши (F. Улом, Қиши).

*Ҳатто итлар ҳам ақиллайди . . . Лабларда маҳорка
чуги айтиллайди, чекка-чеккада маъноси англашилмаган
қандайдир гурунг* (Ойбек, Қ. қораймас).

Тасвирий сўз—кесим. Бундай кесимлар ўзининг гапдаги
функцияси жиҳатидан соғ кесимлардан (феъллардан бўлган
кесимлардан) анча фарқ қиласди. Яъни соғ кесимлар ўзи-
нинг табииати билан иш-ҳаракатни кўрсатади. Тасвирий сўз—
кесимлар эса, асосан, „Иван инсондир, жучка итдир²¹² гап-
ларидағи инсондир, итдир типидаги кесимлар характерида
бўлади. Яъни улар гапда от кесим функциясини ўтайди.

Тасвирий сўз ўзакларининг туб ҳолда, якка ҳолда кесим
булиб келиши ҳозирги ўзбек тили учун типик ҳодиса эмас.
Тасвирий ўзаклар гапда кесим функциясида келиши учун,
асосан, жуфт ёки тақрорий формага ўтади:

Тарвузлар ҳам сой тошидек ғуж-ғуж (Б. Кербобоев,
Д. Қ.).

Шамол эсарди ғир-ғир,

Япроқлар шилдир-шилдир (Қ. Мухаммадий,
Т. а.).

О, шогирдолар, сўккан, урган,

Домла келар, ўқув ҷув-ҷув!

Тахта қўлда „алифб“ дан,

Ура кетдим каллам ғув-ғув (Ойбек, Бобом).

Чилдирмамизнинг овози ғиж-банг (А. Қаҳҳор).

Бошим кал кўнглим нозик,

Қаерда кўрсанг, лик-лик (Қ. Мухаммадий,
Т. а.).

Олат йўли ўнқир-чунқир.

Машйналар дўқир-дўқир („Муштум“).

Пастда станок, машина ўрнатиладиган плиталарга бе-
тон ётқизилмоқда. Одам жисмир-жисмир (А. Мухтор,
О. с.).

Тасвирий сўзлар гапда равишдош формасида қўлланган-
да ёндош келган кесимнинг маъносини характерлаш учун
хизмат қиласди: *Унинг юраги гурсиллаб* урад эди* (А. Қаҳ-

²¹² В. И. Ленин. Философские тетради, М., 1934, стр. 326.

ҳор, К. ч.). *Навоийни кўриб лапанглаб** югурдай (Ойбек, Навоий).

Тасвирий сўзлар қўшма кесим составида эса етакчи маънени англатади: *Ташқарига чиқаринглар деб эшикни тақиллата бошлади* (М. Шолохов, И. т.). *Талай вақтгача бутун сахро гуриллаб турди* (А. Каҳхор, К. ч.).

Ҳозирги ўзбек адабий тилида ана шундай составли кесимлар икки йўл билан ҳосил бўлади:

1. Тасвирий сўз мустақил феъллар билан бирликда келади ва конструкциянинг асосий маъносини тасвирий сўз англатади. Яъни тасвирий сўз составли кесимнинг етакчи қисми вазифасини бажаради. Бундай ҳолларда тасвирий сўзлар -б, -й каби аффикслар орқали ясалган равишдош формасида бўлади. Қўшма кесим составидаги феъл эса кўпинча ўтган замон формасини кўрсатади: *Муҳаммад Жамол ҳаяжон билан столни шуноай урдики, дудли лампанинг ёлқини лапиллаб кетди* (Ойбек, Н. қ.). *Шу пайт қўшни қўнишдаги итлар зўр бериб ақиллай бошлади.* (С. А норбоев, О. ш.). Бир оздан кейин бир-бirimiz билан *шивирлаша* бошладик, ким қаердан, қайси областдан, асирга қандай тушган—шуларни сўраша кетдик (М. Шолохов, И. т.). — Коғир бўлдинг жувонмарг! Калима келтири! *Ойша кампир собиқ қаролига вағиллаб берди* (Х. Фулом, Машъял).

2. Тасвирий сўзлар *этмоқ, демоқ* феъллари билан биринкиб, составли кесим ҳосил қиласди. Ҳозирги ўзбек адабий тилида тасвирий сўзларнинг бу ёрдамчи феъллар билан бирга келиб составли кесим ҳосил қилиши тез-тез учрайдиган грамматик ҳодисалардандир. Тасвирий сўзлар *этмоқ, демоқ* ёрдамчи феъллари билан бирикканида, асосан, қўшимчалар олмасдан туб сўз ҳолатида бўлади: *Ҳозир кириб тур, деб қичқираман, „ғиқ“ этмайди* (Ойбек, Навоий). *Фақат ариқ бўйидаги толлар безовта бўлиб чайқалар, катта ариқдаги сув қирғоққа урилиб, аста чилип-чилип этарди* (С. А норбоев, О. ш.). *Боқажонга ёрдамлашса ёрдамлашадики, аммо суюнчигининг соясига „ғинг“ демайди* („Муштум“). *Махсумнинг бу дўқи қаттиқ ботса ҳам, у ғинг демади* (С. А норбоев, О. ш.).

Бу мисолларда ҳам асосий маъно тасвирий сўзлардан англашилади. *Этмоқ, демоқ* ёрдамчи феъллари эса унинг маъносини янада тўлдириш, грамматик маънони ифодалаш учун хизмат қиласди. Чунки, масалан, ғиқ өтмади, чилп-чилп этарди, ғинг демади конструкцияларни ғиқилламади, чилпилларди, ғингилламади феъллари билан алмаштириш мумкин. *Ғиқ өтмади билан ғиқилламади* феъллари бир-бирларига анча-

яқин. Аммо уларнинг маъносида бир-биридан фарқ қиласди-
ган оттенкалар мавжуд.

Тирс этди, чилл этди, тарс этди, ғинг демади, тўп этди,
фақ деди каби составли кесимлар иш-ҳаракатнинг бир марта
бўлганлигини билдиради, тарсиллади, чилпиллади, тирсил-
лади, тўпиллади, фақиллади, тақирлади каби феълларнинг
хусусияти бундан бошқачароқдир.

Ҳатто баъзан бундай конструкцияларни биргина содда
феъл билан алмаштириш фарқланмайдиган, бир хил ҳодиса
бўлмай қолади: *Масалан, ват-ват этар карнайчи, балога*
қолар сурнайчи („Муштум“). гапидаги ват-ват этар конс-
трукциясини ватиллайди феъли билан алмаштириш стилис-
тик жиҳатидан ҳам фарқсиз эмас.

Тасвирий сўзлар ўтган замон аниқ феъли формасида бўл-
гандагапда составли феълнинг бир қисми ҳисобланади, ёр-
дамчи феъл (этмоқ, демоқ) равишдош формасида келса, гап-
да иккови бирликда қўшма ҳол бўлади.

Баъзан қўшма кесимнинг асосий қисми бўлган тасвирий
сўзнинг маъносини тўлдириш учун *этмоқ* ва *демоқ* ёрдам-
чи феъли билан бирликда бошқа феъллар ҳам кела олади.
Бундай вақтларда одатда составли феъллар пайдо бўлади:
Бамбур тепадан учиб ўтди-ю ҳанг-манг бўлиб қолди
(Ш. Рашидов, К. қ.).

Тасвирий сўз—аниқловчи. Тасвирий сўзлар отлардан ол-
дин келиб, уларнинг белги-хусусиятларини кўрсатганида гап-
да аниқловчи вазифасини бажаради. Нарсаларнинг „белги-
хусусиятлари“ терминини бу ўринда тор маънода ишлати-
миз. Чунки тасвирий сўзлар нарсаларнинг, умуман, хусу-
сиятини эмас, балки конкрет, унинг товуш томонидан бўл-
ган белгисини характерлайди. Ёки унинг ҳолат, ташқи кў-
риниши ва ҳаракатнинг белгисини изоҳлайди. Тасвирий сўз
—аниқловчилар, умуман, бошқа хил аниқловчилардан фарқ
қиласди:

Гарчанд машҳур, номдор, там-там чеварлар,
Рекордлар қўйди чегара билмай

(Зулфия, Ю. я. к.).

Ташқари гиз-гиз совуқ,
Чирқирайди бай-байлаб,
Чидолмай юм-юм ийғлаб

(К. Муҳаммадий, Т. а.).

Эски ўзбек тилида:

Эътибор ўлди жаҳонга сурат оролар бари,
Бу замона гарч кавуш кийган, силлиқ салланини.

(Завқий, З. к.).

Юқоридаги мисоллардаги тасвирий сўзлар аниқланмиш— отларга нисбатан сифатловчи аниқловчилар вазифасида келган. („Гарч ковуш“ даги гарч сўзи икки хил изоҳланиши мумкин: Тасвирий сўзниң аниқловчиллик функцияси ёки: отнинг аниқловчиллик функцияси: гарч ковуш-гарчли ковуш).

Тасвирий сўзлар қаратқичли аниқловчилар (асосан отлашган сўзлар билан ифодаланганида) функциясини бажариши ҳам мумкин: *Терим бошланди-ю, бу шов-шувнинг лўттиси чиқиб қолди* („Муштум“)

Тасвирий сўзлар белгисиз қаратқич функциясини ўтайди: *Арслонқул бу чуввос (нинг) ишида тасодиған йўлиқиб қолган Соҳиб Дорони яна йўқотиб қўймаслик учун, унинг яқинига бориб турди* (Ойбек, Навоий).

Тасвирий сўзлар аниқловчи сифатида бошқа аниқловчилардан олдин келиб; аниқловчи-аниқланмиш бирикмасини аниқлади... *Илгари бир ёпроқ ўрнида ғужум-ғужум барра ёпроқлар пайдо бўлди* (Ш. Рашидов, К. қ.).

Поэтик асарларда стилистик талабга кўра, тасвирий аниқловчилар аниқланмишдан кейин ҳам кела олади:

*Шу сабаб мевам ҳам тош каби пишиқ,
Кобигим ёрсангиз, ишим мой женик-женик.*

(Қ. Мұхаммадий, Т. а.)

Ўрагиб тухумдек семирган йилт-йилт.

Юнгидан мой томар ушласам йилт-йилт.

(Қ. Мұхаммадий, Т. а.).

Бундай конструкцияларда тасвирий сўз билан ифодаланган аниқловчининг ажратилиш ҳолларини кўрамиз.

Тасвирий сўзлардан -ган аффикси воситасида ясалган сифатдошлар отлардан олдин келиб, нарса ва ҳодисаларнинг хусусиятларини ҳаракат билан боғлиқ равишда ифодалайди:

Бундай пайтларда овоз, товуш каби сўзлар кўпроқ аниқланмиш вазифасида келади²¹³: *Гулнор бир неча қадам наридаги чуқурга бориб тушди ва чириллаган овоз чиқариб жим бўлди* (С. Айний, Дохунда). *Гулдираган, шарқираган товуш бирдан тинди, ҳатто бўроннинг гувиллаши ҳам бир лаҳза эшишимай қолди* (А. Қаҳҳор, Сароб).

А. З. Розенфельд М. Фозиловнинг „овоз, товуш (садо) каби сўзлар юқоридаги каби ҳолатларда аниқланмиш бўлади“ деб ҳисоблашига қарши тожик тилидаги садои гумбургумбур, овози чарс-чарс сингари мисоллардаги садо (товуш),

²¹³ Бу хусусиятлар бошқа туркий тилларда ҳам учрайди. Қаранг: М. Ҳудайкулиев. Синтаксические функции подразделительных слов в предложениях. „Известия ТССР“, Ашхабад, 1958, № 6.

овоз сўзлари мўстақил маънога эга эмас, улар аниқланмиш бўлмасдан, балки тасвирий сўзларни ушлаб турувчи (держатели изобразительных слов) дир дейди²¹⁴.

Лекин турк тиллари фактларини анализ қилиб қаралгандага А. З. Розенфельднинг тожик тилига доир бу фикрининг туркий тилларига тўғри келмаслиги кўринади.

Хозирги ўзбек адабий тилида тасвирий сўзлар феъллар билан (сифатдош формаси билан) ажралмас бирикма ҳолида ҳам гапда аниқловчи функциясини бажариши мумкин:

Сайдийнинг қулоғига чип этган овоз эшитилиб кетди (А. Қаҳҳор, Сароб). *Аллақаерда мов бўлган мушиклар вағиллаб, бутун қишлоқни бошига кўтармоқда* (А. Қаҳҳор, Қ. ч.).

Тасвирий сўз—изоҳловчи. Тасвирий сўзлар предметларнинг белги-хусусиятларини изоҳлаш йўли билан ҳам аниқлади. Ўзбек тилида кишилар ёки бошқа предметларнинг фарқли товуши ва бошқа шу каби хусусиятларига қараб ўша киши ёки нарсага ном—лақаб қўйилганлик, уни худди шу ажралиб турувчи хусусиятлари билан аташ каби ҳодисалар учраб туради. Лекин бу ҳодиса тилнинг келиб чиқиши тўғрисидаги „товушга тақлид назарияси“ билан алоқаси йўқ.

Бу кишиларда тақлид қилиш қобилияти тараққий этган даврдаги шахсларнинг маълум хусусиятига қараб қилинган онгли равишдаги тақлиддир. Масалан, Қамбар чий-чий, Турсун тақ-тақ каби.

А. Гуломов таъкидлашича, тасвирий сўзларнинг бу хусусияти жуда узоқ тарихга эгадир²¹⁵.

Бундай хусусият тасвирий сўзларнинг кўпроқ кишиларга нисбатан ишлатилганида аниқроқ кўзга ташланади: *Вақвақа тўра, Мұҳаммад гулдор, Маҳмуд хир-хир, Щулат пақпақ, Гани лик-лик ва б.*

Мисол: ... *Ғул булжорида Мұҳаммад Али жанг-данг ва иниси Назрўз ҳар қайсиси шотуга чиқиб, найза ва қилич тегурдиллар* ("Бобирнома").

Тасвирий сўзларнинг киши отларига изоҳловчи сифатида қўлланишини бошқа туркий тилларда (халқларда) ҳам учратамиз. Бунга эса уйғур тилидан: Турсун тақ-тақ, Дон-дон Патам, Ҳашим кас-кас²¹⁶, яқут тилидан: Қыпсырык Иван,

²¹⁴ Қаранг: „Вопросы языкоznания“, М. 1960, № 3.

²¹⁵ А. Гулъамов. Проблемы исторического словообразования узбекского языка, Ташкент, 1955, стр. 213.

²¹⁶ А. Кайдаров. Парные слова в современном уйгурском языке, Алма-Ата, 1958, стр. 61.

Алчарис Василий, **Қакек, Чохоруу²¹⁷**, қирғиз тилидан: шалдирак Муратали, **Чакылдак** Османали²¹⁸ кабиларни күреа-тиш мумкин.

Лекин ўзбек тилида образли сўзлар изоҳловчи бўлиб келган ҳойларни учратмадик²¹⁹. Асосан товушга тақлид сўзларгина изоҳловчи вазифасида кела олади.

Тасвирий сўз—тўлдирувчи. Тасвирий сўзлар субстантивлашибу қаратқич келишигидан бошқа келишик қўшимчаларини олганда, гапда отлар каби тўлдирувчи вазифасида келади:

а) **тасвирий сўз—воситасиз тўлдирувчи.** Тасвирий сўзлар тушум келишиги қўшимчасини олганда ҳаракатни ўз устига олган предметни—воситасиз обьектни ифода этади: *Хўжасини кутуб ўтирган содик мулоzим Шайх Баҳлул от дукурини эшитиш билан шам ёқди* (Ойбек, Навоий). Иссикда қуруқшаб гарчиллаётган этигининг *ғарчини пасайтириш учун оёқ учида юриб, ҳарсангга яқинлашиди* (С. Анонбоев, О. ш.).

*Парво қалмай қилтансондан ютиб бир йўла,
Яна қўшиқ, ғоқ-ғоқларин* куйга солади.

(F. Fулом, Ў ва Т.)

У энди ичидан отилмоққа тайёр қаҳ-қаҳани қайтаришга интилиб, дўстига „бас“ жоним, бас энди дер ва нафасини ростлар экан. Мавлонон Туробий кирди (Ойбек, Навоий). Умаржон. Чумчуқларнинг *ҷуғур-ҷуғурини эшитиб, балиқ тут ёхуд чўмил* (О. Ёкубов, И. м.).

б) **тасвирий сўз—воситали тўлдирувчи.** Тасвирий сўзлар жўналиш, чиқиш келишиклари қўшимчаларини олганда бошқа отлар каби гапда воситали тўлдирувчи вазифасини ўтайди: *Товуши бўғиқ қаттиқ миёвга ўхшаб эшитилади*

(„Ўзбекистон маданияти“).

Ку-қу-қу! Баҳоржон, хуш келибсан, хуш!
Ку-қу-қу ғув-ғувга кетар туташиб (Ш. Садула, Ш ва э.).

Ишлайдилар оқшомгача,

Безор эдик ғув-ғувларидан (Ойбек, Бобом).

Тасвирий сўзлар ўрин-пайт келишиги қўшимчасини олиб, нимада? сўроғига жавоб бўлган ҳолларда воситали тўлдирувчи вазифасини бажаради:

²¹⁷ Л. Н. Харитонов. Современный якутский язык, Якутск, 1947, стр. 268.

²¹⁸ С. Кудайберганов. Подражательные слова в киргизском языке, Фрунзе, Киргизучпедгиз, 1957, стр. 77.

²¹⁹ Биз жонли нутқда шундай факти учратдик: Галлаорол районида бир кампирга Булкуллак момо деб лақаб қўйилган. Бу сўз кампирнинг семиз бўлиб булк-булк этиб юришига истиора бўлса керак.

Фовур шувурда қулогйыл эшиштмади (օғзаки нутқдан).

Тасвирий сүз—хол. Бу категория сүзлар айрим ҳолда ҳам, мустақил ёки ёрдамчи феъллар билан биргаликда қўлланганида (ёрдамчи феъл одатда равишдош формасида булиши керак) ҳам феъллар билан бирикиб, ҳол вазифасини бажаради. Мустақил феъллар билан тақрорий ва жуфт тасвирий сүзлар қўлланади. Бундай вақтда тақрорий ёки жуфт тасвирий сүз мустақил феъл билан ифодаланган бўлакка нисбатан ҳол вазифасида келади. Ёрдамчи феъллар билан асосан содда тасвирий сүзлар қўлланади ва улар бириккан ҳолда гапда ҳол вазифасини бажаради.

Тасвирий сүз феълларнинг олдида келиб, ҳол функциясини ўтаганида ҳаракатнинг қай равишда бажарилганини ва асосий маънога қўшимча аниқлик маъно оттенкаси киритади. Тасвирий сүзлар ана шу хусусиятлари билан равишларга анча яқин туради. Л. Н. Харитонов тақрорланган тасвирий сүзлар ёрдамчи феълларсиз қўлланганида ҳатто уларни (acosan тақлид сүзларни—Р. К.) тақлидий равишлар деб қараш ҳам мумкинлиги тўғрисида гапиради²²⁰: *Пик-пик йиглайсиз, ҳайитда кийимсиз қолган қиздай ўқинасиз, қўлингизни чеккангизга тираб уҳ тортасиз* (Ойбек, Навоий). Булбули гўё тез-тез чой ҳўплар, қилтқилт ютар ва ҳар бир қилт этган товуш Сайдийнинг юрагига эритган чўян бўлиб томар эди (А. Қаҳҳор, Сароб). Бир мајслисда Алишернинг менга қаратган мутонийбасига шул онда жавоб берган эдим, бағоят хафа бўлибдила.—*Қиҳ-қиҳ* кулиб гапиреди Шаҳобиддин (Ойбек, Навоий). Мен белкуракни ташладим-у, шилт этиб ўзимни чангл орасига олдим (М. Шолохов, И. т.). Қўлидаги молни шикоят дафтиари устига тап этиб ташлади-ю, *тарс-тарс* юриб магазиндан чиқиб кетди („Муштум“).

Тасвирий сүзлар чиқиши келишик қўшимчасини олиб, баъзан сабабни ҳам англата олади: *Бепоён дала отларнинг пишқиришидан, туёқларнинг дукур-дукуридан гўё ларзага келди* (О. Ёқубов, И. м.). Бир вақт дўипир-дўипирдан уйғониб кетди. *Қараса ҳамма перронга интиляяти* (С. Аюробоев, О. ш.).

Тасвирий сүзлар кўмакчилар билан бирикиб (кўмакчили конструкция), иш-ҳаракатнинг бажарилиш хусусиятини билдирганида ҳам ҳол функциясида бўлади: *Канизаклар, меҳмонлар қий-чув билан хобгоҳга қадар узатишиб тар-*

²²⁰ Л. Н. Харитонов. Неизменяемые слова в якутском языке, Якутск, 1943, стр. 59.

Қалашди (Ойбек, Навоий). Бир томонда **чарс-чурс билан гулхан ёнади** (Ойбек, Қ. қон). Қўшини хонанинг тўридаги эшик енгил „**ғирчи билан**“ очилгач, шуурсиз развишда қаламини курсига қўйди-да, хира, мулоийм кўзларига эски маъмурлик, вазифашунослигини тўплаб, бошлиқка тикилди (Ойбек, Навоий).

Тасвирий сўзлар гапнинг уюшиқ бўлаклари тарзида келиши ҳам мумкин. Уюшиб қелган тасвирий сўзлар ҳам товуш ёки ҳаракатнинг бирдан ортиқ, кўп эканлигини таъкидлаш учун хизмат қиласди. Демак, такрорланган тасвирий сўзлар ҳам товуш ёки ҳаракатнинг такрорланганлигини билдиради. Аммо улар уюшиб қелганида воқеа яна ҳам ойдинлашади. Ҳозирги ўзбек адабий тилида тасвирий сўзларнинг туб сўз ҳолида уюшиб келиш ҳолатлари жуда ҳам кам: **Министрликда автомобилларнинг 667 таси „шакира-шукур, ғиж-ғиж, ғийт-ғийт“ қилиб, аранг судралиб юрибди** („Муштум“).

Ҳалигидака чакана „**ғиз-ғиз, виз-виз**“лар ҳам шу ерда кучлироқ („Муштум“). У кичкина темир куражаси билан машинасига қум тўлатар, кейин „**ду-дут, ғиф-ғ**“ деб, уни бир қадам нарига олиб бориб ағдаради („Ғунча“). Шу вақт уй орқасидан „**тақ-тақ, тук-тук**“ садо эшишилди. Қамчи „**бе**“ деб қўл силтаган эди, „**тақ-тақ, дук-дук**“ яна эшишилди. Унга шундай туюлдими, ёки чиндан ҳам шундай бўлдими, ҳар ҳолда „**тақ-тақ-тақ, дук-дук-дук**“ энди эшишилмай қолди (Х. Фулом, Машъал). Бир қанча шов-шув, тарақа-турук билан ревизия натижалари Самарқанд шаҳар прокурорига ўтказилди („Муштум“).

ХУЛОСА

1. Тасвирий сўзлар ҳозирги ўзбек тилида катта лексик-грамматик группани ташкил қилувчи категориядир. Аммо тасвирий сўзлар категорияси ўзбек тилшунослиги соҳасида ҳали маҳсус кузатиш обьекти сифатида ишланган эмас.

2. Ўзбек тили грамматик адабиётларида ва шу каби айрим тилшунос олимларнинг илмий асарларида тасвирий сўзлар шу вақтгача ундовларнинг бир кўриниши сифатида талқин қилинди. Бу эса тамоман бошқа-бошқа икки мустақил ҳодисасини бир-бирига аралаштириш билан баравардир. Тасвирий сўзлар мустақил сўз туркуми сифатида ўзига хос фонетик, лексик, грамматик, шунингдек, стилистик хусусиятларга эга.

3. Тасвирий сўзлар ўзбек тилида бошқа сўз туркумлари учун хос бўлмаган фонетик хусусиятларга эга. Бу эса улар-

нинг товуш состави ва бўғин тузилишида очиқ кўринади. Тасвирий сўзлар составидаги товушларнинг улар ифодалаган ҳодисалар билан бевосита алоқаси мавжуд. Бу хусусиятлари билан улар ундовлардангина эмас, балки ҳамма сўз туркумларидан ҳам фарқ қиласи. Ўзбек тилида тасвирий сўзлар асосан бир бўғиндан ташкил топади. Шунинг учун уларни қатъий равишда **C + V + C** ёки **C + V + C + C** формуласига солиш мумкин.

4. Тасвирий сўзлар тарихий категория сифатида тил тараққиётининг маълум даврида майдонга кела бошлаган, тилнинг умумий тараққиёти билан биргаликда бойиб борган ҳодиса, лекин тилнинг келиб чиқишини тақлид сўзларга боғлаш, шунингдек, тасвирий сўзларни тараққиётдаги ҳодиса эмас, балки догма сифатида талқин қилиш тил ҳодисаларининг тараққиёт процессига, фактларга мос келмайди.

5. Тасвирий сўзларнинг семантикаси жуда ранг-бараңг, шу билан бирга уларни текшириш жуда қийин ҳамдир. Тилшуносликда тасвирий сўзлар товушга тақлид сўзлар ва образга тақлид сўзлар деб икки катта груплага ажратилиб, турли хил терминлар билан атаб келинди. Биз ҳам тасвирий сўзларни семантик томондан икки груплага бўламиз: а) товушга тақлид сўзлар, б) образли сўзлар.

6. Тасвирий сўзлар грамматик структураси томонидан ҳам бошқа сўз туркумларидан фарқ қиласи. Тасвирий сўзлар ҳозирги замон ўзбек адабий тилида асосан тақрорий ва жуфт формада қўлланади. Содда тасвирий сўзлар бир лаҳзалилик, кескинликни билдириб, асосан ёрдамчи феъллар билан бирикраб келади. Тақрорий тасвирий сўзлар ҳаракат ёки товушнинг табиатини, турли хусусиятини билдиришда содда тасвирий сўзлардан фарқланади: жуфт тасвирий сўзлар товуш ёки ҳаракатнинг турли хил ўзгаришларга юз тутган ҳолда тақрорланганлигини, давомлиликни кўрсатади. Содда сўзларга **-ир**, **-анг** каби структура элементларининг қўшилиши билан уларнинг кенгайган формаси ҳосил бўлади.

7. Бошқа сўз туркумларидан аффикслар орқали тасвирий сўзлар ясалмайди. Улар учун асосан ичкӣ ясалиш характерлидир. Тасвирий сўзлардан ҳар хил грамматик усуллар билан бошқа сўз туркумларининг (айниқса, от ва феъллар) ясалиши жуда кўп учрайди. Тасвирий сўзлардан отлар аффиксация, композиция ва синтактико-морфологик йўллар билан ясалади. Аффиксация булар ичida асосий ўринни эгаллайди. Тасвирий сўзларда субстантивация ҳодисаси ҳам жуда тараққий қиласи.

Тасвирий сўзлардан феъллар синтатик (аффиксация) ва аналитик йўллар билан ясалади. Тасвирий сўзлардан феъл

ясашда -ла, -ра, -илла аффиксларй актив йштирок этади. Тасвирий сўзлар кўмакчи феъллар билан бириниб, қўшма феъл ҳосил қиласди. Бундай қўшма феълларда тасвирий сўз асосий лексик маъно ташийди ва етакчи роль ўйнайди. Кўмакчи феъл эса бирининг феъллик тусини беради ва боғлама вазифасини бажаради. Демак, кўмакчи феъл грамматик роль бажаради.

Тасвирий сўздан ясалган феъллар—тасвирий феъллар бошқа соғ феъллардан товуш ва образ билан боғлиқ бўлган ҳаракатни ҳамда у ҳаракатнинг бевосита аталишини кўрсатиши билан фарқ қиласди.

Сифатлар тасвирий сўзлардан асосан аффиксация усули билан ясалади. Тасвирий сўзлардан сифатлар ясашда -к, -ок, -ма каби аффикслар маҳсулдор ҳисобланади.

Тасвирий сўзлар гапда феъллардан олдин келганида, асосан, равиш вазифасини бажаради. Уларнинг бу хусусиятларига асослануб, равишлар категориясига киритиш мумкин эмас.

Умуман, тасвирий сўзлар ҳозирги ўзбек тили сўз ясаш системасида актив қатнашади. Улар бу хусусият билан ундовлардан кескин фарқ қиласди. Чунки ундовлар сўз ясаш системасида деярли қатнашмайди.

8. Тасвирий сўзлар гапнинг ҳамма бўлаклари вазифасида кела олади. Ундовлар эса гап бўлаклари вазифасида кела олмайди. Тасвирий сўзларнинг гапда аниқловчи функциясида келиши алоҳида диққатга сазовор. Улар отлардан олдин келиб, предметнинг белгисини билдирганда турли хил аниқловчилар вазифасини бажаради. Феъллар олдида келиб, иш-ҳаракактнинг қандай равишда бажарилганлигини билдирганида, ўринга, вақтга муносабатни кўрсатганда, ҳол функциясини бажаради. Тасвирий сўзлар субстантивлашиб, гапда ёга, қаратқич ва тўлдирувчи функциясида ҳам келади.

9. Тасвирий сўзлар жуда муҳим стилистик роль ўйнайди. Бадий асарларда маънони кучли, таъсирли ифодалаш, экспрессивликни билдириш каби ҳолларда тасвирий сўзларнинг роли каттадир.

**ЎЗВЕК АДАБИЙ ТИЛИДА ҚҰЛЛАНДИГАН ТАСВИРИЙ
СҮЗЛАР ҲАМДА УЛАРДАН ЯСАЛГАН АЙРИМ
ОТ, СИФАТ ВА ФЕЪЛЛАР**

А

ади-бади
ажувоз-ажувоз
ак-ак
аланг-аланг
алпанг-талпанг
алғов-далғов
анг-анг
анграймоқ
апил-тапил
апир-шапир
ар-ар

В

ба...
ба-ба
ба-бу
бадар-бадар
бадир-бадир
бадосламоқ
bam-бум
бақир-буқур
бақирмоқ
бақраймоқ
безәнгламоқ
без-без
бидир-бидир
бидилламоқ
биз-биз
биж-биж
билинг-билинг
билт-билт
битбильдиқ
биқ-биқ
биқир-биқир
биғ-биғ
бобилламоқ
боңг
бужмаймоқ
бул-бул
буллур-буллур

булқ-булқ
бүрқ-бүрқ
бұзраймоқ
бўкирмоқ
бўм-бўм
бу-у

В

вадаванг
важир-важир
вайсақи
валаки-саланг
валақламоқ
валдир
валдир-валдир
валдирвосар
валдирвоқе
валдир-вуллур
валфажри
ванг
ванг-ванг
ванг
ванир-вунгур
варақ-варақ
варанг-варанг
варвар
варварақ
варрак
варқирамоқ
вақ-вуқ
вақур-вуқур
вағир-шагир
виж
виж-виж
вижир-вижир
виз-виз
віт
виш-виш
виқ-виқ
виқир-виқир

вов-вов
вот-вот
вот-вут
воях-ҳо-ҳо

Г

галдираб
гангиракламоқ
гунгур-гунгур
гаңдиракламоқ
гиж-банг
гижданг-гижданг
гижингламоқ
гир-гир
гув-гув
гуврана-гуврана
гувур
гувур-гувур
гуллур
гуллур-гуллур
гум
гүмбур
гүмбур-гүмбур
гум-гум
гүп
гүп-гүп
гурас-гурас
гур-гур
гуріллаб-варіллаб
гуркирамоқ
гурс
гурс-гурс
гурунг

Д

данг-данг
данг-дунг
данғир-данғир
данғир-дунгур
даранг-даранг
дар-дар

дақири-дуқур
дағ-дағ
дағдаға
дик
диканг-диканг
дик-дик
диккаймоқ
динг-динг
дингир-дингир
динғ-динғ
дир-дир
диринг-диринг
дирк-дирк
дирка-дирка
довдир
довдирамоқ
довдир-жөвдир
дұв-дұв
дұвур-дұвур
ду-дұт
дудук
дүк-дүк
дұкура-дұкур
дұкур-дұкур
дүк-дүк
дүлдироқ
дұм-дұм
дүң-дүң
дүп-дүп
дүпір-дүпір
дүр-дүр
дүріллаб
дүқ-дүқ
дүқір-дүқір

Ж

жаврамоқ
жаз
жаз-жаз
жалдир-жулдур
жанг-жанг

жангр-жунгур	и	м	п
жаранг-журинг	йилт-йинат	ма-а-а	пуд
жарақ-жарақ		мавв	пудф
жар-жур		май	пүнгилламоқ
жағ-жағ	кақир-кақир	маграмоқ	пүриллаб
живир-живир	какку	миёв-миёв	пүрт
жиз-жиз	каккү-каккү	мил	пүрт-пүрт
жик-жик	кақри-кақри	милдир-милдир	с
жиктоқ	каппа-каппа	милл-мил	саланг-саланг
жилвирамоқ	карс-карс	милтиқ	сақар-сақар
жилдир-жилдир	карс-курс	милт-милт	сель-сель
жилмаймоқ	кеқирдак	мингаймоқ	серраймоқ
жилинг	кеқирик	минир-мингир	силкиллаб
жилинг-жилпанг	кирт-кирт	мов	сирқиратмоқ
жимжима	ку-ку	мо-о-о	сўлжамоқ
жимир-жимир	курс-курс	му	сўлқ-сўлқ
жинграк	курт-курт	мў-му	сўппаймоқ
жинг-жинг	кусир-кусир	муллахириң	
жингир-жингир	ку-у-ух	мункилламоқ	
жиртак	куф-суф	мўлтаймоқ	
жиқ-жиқ		мўнгаймоқ	
жиққа-жиқ			
жуз			
жуллур	лакалов	п	
жуллур-жуллур	лак-лак	пал-пал	
жуңжимоқ	лалаймоқ	пар-пар	
жур-жур	ланг (очик)	парр	
	лангилламоқ	парт	
з	ланг-ланг	парт-парт	
заб-заб	лапашанг	парт-пурт	
зинг-зинг	лап-лап	пат-пат	
зир-зир	лаппа-лаппа	пақ	
зирқ-зирқ	лақ-лақ	пақ-пақ	
зув-зув	лақ-луқ	пақ-пук	
	лақиљамоқ	пақир-пуқур	
и	лиқанг-ликанг	пилдир-пилдир	
ибир-ибир	ликилдоқ	пилч-пилч	
ибир-чибир	лик-лик	пинқир	
ибир-шивир	лим	пир-пир	
из-из	лим-лим	пингилламоқ	
икир-чикир	лимма-лим	пирр	
иланг-билинг	лип-лип	пирра	
илжаймоқ	лиқирламоқ	пирс-пирс	
имилламоқ	лиқ-лиқ	пиртинг-чиртинг	
иммм...	лиққа-лиққа	пирқ-пирқ	
инг	лов	пис-пис	
инга-инга	лов-лов	нитбидиқ	
инга	лоловлашмоқ	питет-питет	
ипир-ипир	лоп-лоп	пих-пих	
иржаймоқ	лорс-лорс	пичир-пичир	
иркілламоқ	лук-лук	пиш-пиш	
иршаймоқ	лўмбилилаган	пишқирмоқ	
ишшаймоқ	лўнна-лўнна	пиқ-пиқ	
ишқирмоқ	лўнни	пиқ-ғиқ	
	лўнни-лўнни	поп	
	лўк-лўк	порт-порт	
		порт-пурт	

тўп	чирс-чирс	шингилламоқ	қиқир-қиқир
тўп-тўп	чирт	шипир-шипир	қиғ
тўс-тўс	чиртинг-ширтинг	шил-шил	қув-кув
тўқилламоқ	чирт-пирт	ширр	қуллар-қуллар
тўқ-тўқ	чир-чир	ширк-ширқ	құлт-құлт
У	чирп	шитир-шитир	қулқ-қулқ
убур	чирқ-чирқ	шит-шит	қурилламоқ
ув	читир-читир	шов	қур-кур
увв	чит-чит	шов-шов	қу-ку
уввос	чиқир-чиқир	шов-шув	қу-ку-ку
укки	чик-чик	шовур-шувур	қук-қук
улимоқ	чиғир-чиғир	шовқин-сурон	құнқайғай
уру-ру-ру-ру	чиғ-чиғ	шув-шув	құлдираға
X	чувир-чувир	шулл	құлдираға
ха-ха-ха	чулдур-чулдур	шулл-шулл	ғадир-будир
ха-ха-хов	чурвақа	шулдир-шулдир	ғажир-ғужур
хах-хах-ха	чуррр	шуп	ғала-ғовир
хир	чүлл-чүлл	шуп-шуп	ғаллар-ғуллар
хиринг-хиринг	чүнқайди	шүнгилламоқ	ғап
хир-хир	чүл-чүп	шүппаймоқ	ғарс-ғурс
хирқи	чу-фиши	Ю	ғарт-ғурт
хи-хи-хи	чуғур-чугур	юм-юм	ғарч-ғурғ
хих-хих	чүққайди	Я	ғаргара
хиқилдоқ	Ш		ғарқ
хур-хур	шалдир-шулдир		ғат-ғат-ғат
хұр-хұр	шалоп		ғағ-ғағ
хұммім	шалл		ға-ғу
хұмрайди	шалл-шали		ғивир-шивир
хұр-хұр	шалл-шулл		ғивир-ғивир
Ч	шалтоқ		ғиди-ғиди
чак-чак	шанғи		ғижжак
чалп-чалп	шап-шап		ғижи-ғижи
чап-чап	шапир-шупир		ғижир-ғижир
чарилламоқ	шарақ		ғиж-ғиж
чарс-чарс	шарақ-шурүқ		ғиззә-ғизза
чатир-чутур	шар-шар		ғиз-ғиз
чакчаймоқ	шарпа		ғийт-ғийт
чақ-чақ	шарт		ғийқ-ғийқ
чағ-чұғ	шарт-шарт		ғилт-ғилт
чағир-чұғур	шарт-шурт		ғилқ-ғилқ
чаҳ-чаҳ	шартта-шурт		ғимир-ғимир
чев-чев	шарқ		ғингшимиқ
чив-чив	шатир-шутур		ғинг-ғинг
чиё-чиёв	шақа-шудир		ғинггир-ғингир
чий-чий	шақира-шукур		ғирра-ғирра
чик-чик	шақир-шукур		ғирт
чиш-чиш	шақ		ғирич-ғирич
чиширмоқ	шағ-шүғ		ғирч-ғирч
чинқирмоқ	шивир-шивир		ғит-ғит
чинилламоқ	шилдир-шилдир		ғиқ-ғиқ
чиппа-чиппа	шилтинг		ғир
чиш-чиш	шилт-шилт		ғовур-шувур
чириқ-чириқ	шилқ-шилқ		ғувур-ғувур

ғудунгламоқ	ғүнгир-ғүнгир	ҳилл-ҳилл	ҳўнгир-ҳўнгир
ғудурамоқ	X	ҳил-ҳил	ҳўнг-ҳўнг
ғужи-ғужи		ҳингир-ҳингир	ҳўмраймоқ
ғужур-ғужур		ҳиринг-ҳиринг	
ғуж-ғуж	ҳаллослаб	ҳих-ҳа-ҳов	Y
ғулдур-ғулдур	ҳанг-манг	ҳиқ-ҳиқ	
ғулт-ғулт	ҳанг-ҳанг	ҳи-ҳи	
ғум-ғум	ҳапиллатиб	хув-хув	ӯшшаймоқ
ғұдаймоқ	ҳарс-ҳарс	ҳур-хур	ӯшқирмоқ
ғұдирламоқ	ҳарс-ҳурс	ҳуштак	ӯ-ӯ-ӯ
ғұлдир-ғұлдир	ҳилпир-ҳилпир	ху-ку	ӯқраймоқ

Э с л а т м а: Бу лугатнинг асосий қисми тасвирий сўзлардир. Баъзан тасвирий сўзлар туб сўз ҳолида қўлланмайди. Бундай вақтда улардан ясалган от, феъллар келтирилди. Баъзан эса тасвирий сўзлардан ясалган бошқа сўзларнинг маъноси унинг асл маъносидан узоқлашиб кетади. Лугатда бундай ҳолатларга ҳам аҳамият берилди.

А Д А Б И Е Т

- К. Маркс, Ф. Энгельс. Немецкая идеология, Партиздат, 1937.
К. Маркс. Капитал, I том, 1-китоб, Тошкент, Ўздавнашр, 1955.
Ф. Энгельс. Оила, хусусий мулк ва давлатнинг келиб чиқиши, Тошкент, Ўздавнашр, 1956.
Ф. Энгельс. Маймуннинг одамга айланиш процессида меҳнатнинг роли, Тошкент, Ўздавнашр, 1953.
В. И. Ленин. Материализм ва эмпириокритицизм, Тошкент, Ўздавнашр, 1950.
В. И. Ленин. К вопросу о диалектике, Ленинский сборник, XII, 1934.

* * *

- „Грамматика алтайского языка, составленная членами алтайской миссии“, Казань, 1869.
„Грамматика русского языка“, Изд-во АН СССР, т. I, М., 1952.
„Грамматика русского языка“, т. I, Фонетика и морфология, под ред. академика В. В. Виноградова, М., 1952.
„Современный русский язык“ (морфология), Изд-во МГУ, 1952
„Хозирги замон ўзбек тили“, Тошкент, ЎзФА нашри, 1957.

* * *

- Абаев В. И. Мимео-изобразительные слова в осетинском языке, „Труды института языкоznания АН СССР“, т. VI, 1956.
Абаев В. И. О подаче омонимов в словаре, „Вопросы языкоznания“, № 3, 1957.
Абдуллаев Ф. Ўзбек тилининг қипчоқ шеваси, Тошкент, 1956.
Аганин Р. А. Повторы и однородные парные сочетания в современном турецком языке, М., ИВЛ, 1959.
Аганин Р. А. О принципах подачи подражательных слов в турецких словарях, „Тюрко-монгольское языкоznание и фольклористика“, М., ИВЛ, 1960.
Алатыров В. И. Проблема междометий, сб. „Ученые записки Карело-финского университета“, т. II, III, 1948.
Алатыров В. И. Междометно-наречные повторы в удмуртском языке, „Ученые записки ЛГУ“, серия востоковедческих наук, вып. II, Л., 1948.
Алатыров В. И. Повторы в пермских языках, „Ученые записки Карело-финского университета“, т. 2, Л., 1948.
Аристов Н. А. Заметки об этническом составе тюркских племен и народностей и сведения об их численности, „Живая старина“,

- отделение этнографии императорского русского географического общества, вып. III и IV, год шестой, СПб., 1896.
- Афзалов Ш. Узбек тилининг Паркент шеваси, к. д. а., Тошкент, 1952.
- Ашмарин Н. И. Материалы для исследования чувашского языка, ч. I—II, 1893.
- Ашмарин Н. И. Основы чувашской мимологии (о подражательных словах в чувашском языке), Казань, 1918.
- Ашмарин Н. И. Подражание в языках Среднего Поволжья, "Изв. Азерб. госуниверситета", общ. науки, II—III, IV—V, Баку, 1925.
- Ашмарин Н. И. О морфологических категориях подражаний в чувашском языке, Казань, 1928.
- Ашмарин Н. И. К вопросу о происхождении латинского названия свинца (мимологический этюд), Восточный педагогический институт в Казани, "Научно-педагогический сборник", V, Казань, 1930.
- Ашмарин Н. И. Немецкое Schlange в свете урало-алтайских подражательных образований, "Восточный педагогический сборник", IV, Казань, 1928.
- Ашмарин Н. И. Кое-что о прошлом тюркологии и её настоящем состоянии, Первый тюркологический съезд, стенографический отчет, Баку, 1926.
- Баранников А. П. Синонимические повторы в новоиндийских языках, Зап. коллегии востоковедов при азиатском музее АН СССР", т. II, вып. 2, Л., 1928.
- Баскаков Н. А. Каракалпакский язык, т. II, М., 1952.
- Богородицкий В. А. Введение в татарское языкознание в связи с другими тюркскими языками, Казань, 1934.
- Богородицкий В. А. Введение в тюрко-татарское языкознание, Госиздат ТАССР, Казань, 1922.
- Бубрых Д. В. К проблеме изобразительной речи, "Ученые записки Карабело-Финского госуниверситета, исторические и филологические науки", т. III, вып. I, 1948.
- Бубрых Д. В. Происхождение мышления и речи, "Научный бюллетень ЛГУ", Л., № 7, 1946.
- Будагов Л. Сравнительный словарь турецко-татарских наречий, СПб., 1869.
- Вамбери Х. (H. Vambery). Etymologiscens Wörterbuch der turko-tatar Sprache, 1878, S. 920.
- Виноградов В. В. Русский язык (Грамматическое учение о слове), М.—Л., 1947.
- Виноградов В. В. Основные типы лексических значений слова, "Вопросы языкоznания", № 3, 1953.
- Виноградов В. В. О формах слова, Изв. АН СССР, ОЛЯ, 1947.
- Германович А. И. Звукоподражания и звукоподражательные слова русского языка, "Изв. Крымского пединститута им. В. В. Фрунзе", т. XII, С., 1947.
- Германович А. И. Междометие как часть речи, "Русский язык в школе", 1941, № 2.
- Германович А. И. Глаголы типа „толк”, „шаст”, Изв. Крымского пединститута им. В. В. Фрунзе", т. XIV, С., 1948.
- Германович А. И. Слова клича и отгона животных в русском языке, Изв. Крымского пединститута им. В. В. Фрунзе", т. XIX, С., 1954.
- Германович А. И. Междометие и звуконадражательные слова русского языка, А. д. д., С., 1961.
- Гордлевский В. Л. Что такое „босый волк”, Изв. АН СССР, т. IV, вып. IV, 1947.

- Гордлевский В. Л. Грамматика турецкого языка, морфология и синтаксис, М., 1952.
- Грэнбах. (Gronbach). Der Turkisch Sprache, Kopenhagen, 1936.
- Гулямов А. Г. Об аффиксе -дош („Бюллетень АН УзССР“, 1947, № 1).
- Гулямов А. Г. Проблемы исторического словообразования узбекского языка, I, аффиксация, часть первая, А. д. д., Ташкент, 1955.
- Гулямов А. Г. Об аффиксе -ла в узбекском языке. („Ученые записки ТашГПИ“, Серия общественных наук, Т. 1947).
- Гулямов А. Г. К некоторым вопросам аффиксации в узбекском языке (сб. статей, „Академику В. А. Гордлевскому к его семидесятилетию“), М., 1953.
- Дмитриев Н. К. О парных словосочетаниях в башкирском языке, „Изв. АН СССР, отд. гуманитарных наук“, 1930, № 7.
- Дмитриев Н. К. Beitrage zur Osmanischen Mimologie, Wiener Zeitschrift f. d. Kunde des Morgenlandes, Bd. XXXIV, 1927, Heft 1—2, 105—123 betlar, Heft 3—4, 271—285—betlar.
- Дмитриев Н. К. Skizze der sudturkischen Mimologie, Wiener Zeitschrift f. d. Kunde des Morgenlandes, Bd. XXXVI, 1929, Heft 1—2, 18—47—betlar.
- Дмитриев Н. К. Этимология слова „лакырды“ (لۇرىدۇ). ДАН СССР, 1926-В.
- Дмитриев Н. К. Двойные согласные в тюркских языках, „Исследования по сравнительной грамматике тюркских языков“, ч. I, фонетика, Изд-во АН СССР, М., 1955.
- Дмитриев Н. К. Грамматика кумыкского языка, Изд-во АН СССР, М.—Л., 1940.
- Дмитриев Н. К. Грамматика башкирского языка. Изд-во АН СССР, М.—Л., 1948.
- Дену Ж. (Deny J.). Gramair de la Langgue turque (Dialekte Osmanli), Paris, MCCCCXXXI.
- Добровольский В. Н. Звукоподражание в народном языке и в народной поэзии, „Этнографическое обозрение“, изд. этнографического отдела императорского общества любителей естествознания, антропологии и этнографии, М., 1894.
- Догуров Г. В. О междометиях бурятского языка, „Труды Бурятского комплексного научно-исследовательского института“, вып. 3, серия востоковедения, Улан-Удэ, 1960.
- Данияров Х. Бахмальский говор узбекского языка, автореферат, М. 1955.
- Егоров В. Г. Н. И. Ашмарин как исследователь чувашского языка (к 75-летию со дня рождения), Чебоксары, 1948.
- Зохидов Т. Зоология энциклопедияси, Уз ФА нашри, Тошкент, 1961.
- Ильминский Н. И. Материалы к изучению киргизского языка, „Ученые записки Казанского Университета“, Казань, III—IV, 1860.
- Искаков А. И. О подражательных словах в казахском языке, „Тюркологический сборник“, I, М.—Л., 1951.
- Искаков А. И. Електеу сөздер туралы, Халық мұғалимі, 1948, № 6.
- Искаков А. И. Грамматиканинг кейбыр мәселелері, Халық мұғалимі, 1949, № 2.
- Искаков А. И. Наречие в современном казахском языке, Алма-Ата, 1950.
- Искаков А. И. О классификации частей речи в казахском языке, сб. „Вопросы изучения языков народов Средней Азии и Казахстана“, Ташкент, 1952.
- Казимбек А. Общая грамматика турецко-татарского языка, Казань, 1868.

- Кайдаров А. Парные слова в современном уйгурском языке, Алма-Ата, 1958.
- Касаткин Н. В. Смысл междометий, „Ученые записки Томского госпед-института“, том XI, Томск, 1954.
- Касим Ю. Ф. Междометия украинского языка, А. к. д., Одесса, 1954.
- Катанов Н. О. Этнографический обзор турецко-татарских племен, Казань, 1894.
- Кононов А. Н. Грамматика современного турецкого языка, М.—Л., 1956.
- Кононов А. Н. Грамматика современного узбекского литературного языка, М.—Л., 1960.
- Корди Е. Е. К вопросу об образовании междометий, „Ученые записки ЛГПИ им. А. Герцена“, Л., 1959.
- Кошгари М. Девону луготит турк, Тошкент, Ўз ФД нашри, 1960.
- Кротевич Е. Ф. Слово, части речи, член предложения, Изд-во Львовского университета, 1958.
- Кудайберганов С. Подражательные слова в киргизском языке, Фрунзе, 1957.
- Кудайберганов С. Туранды жана сырдық создор жонундо, Мугалдым-ларга жардам, 1954, № 5.
- Кудайберганов С. Фонетические особенности образных и звукоподражательных слов, Киргизгосуниверситет, „Ученые записки филологического факультета“, Фрунзе, 1957, вып. 3.
- Лурье С. Я. Неизменяемые слова в функции сказемого в индоевропейских языках, изд-во Львовского госуниверситета, 1955.
- Малов С. Е. Ибн Мухамна о турецком языке, „Записки коллегии восстоковедов при азиатском музее АН СССР“, т. III, вып. 2, Л., 1928.
- Малов С. Е. Памяти Н. И. Ашмарина, Чувашский научно-исследовательский Институт языка, литературы и истории, „Записки“, вып. I, Чувашгосиздат, Чебоксары, 1941.
- Мелиоранский П. М. Араб-филолог о турецком языке, СПб., 1900.
- Мелиоранский П. М. Краткая грамматика казах-киргизского языка, ч. I, СПб., 1900.
- Мещанинов И. И. Члены предложения и части речи, М.—Л., 1945.
- Муратов С. Н. Устойчивые словосочетания в тюркских языках, ИВЛ, М., 1961.
- Муталлибов С. Морфология ва лексика тарихидан қисқача очерк, Тошкент, 1959.
- Муталлибов С. Ўзбек тилида товушга тақлид сўзлар, „Ўқитувчилар газетаси“ 1956, 10 июнь.
- Мухтаров А. Словообразование в узбекском языке с аффиксами таджикского языка, „ЎзДУ асарлари“, янги серия, № 77, Самарқанд, 1958.
- Насылов В. М. Грамматика уйгурского языка, М., 1940.
- Немет И. (Nemeth I.). Türkische grammatic, Berlin и Leipzig, 1916.
- Орудбаева Б. Некоторые заметки о парных словах, „Труды Института языка и литературы АН Кирг. ССР“, вып. VIII, Фрунзе, 1957.
- Остроумов Н. Этимология сартовского языка, Ташкент, 1910.
- Пак Г. А. Изобразительные слова в корейском языке, К. д. а. д., 1958.
- Петрова Т. И. Образные слова в нахайском языке, „Изв. АН СССР. ОЛЯ“. VII, вып. VI, М., 1948.
- Пекарский Э. К. Словарь якутского языка, т. I, Якутск, 1959.
- Пешковский А. И. Русский синтаксис в научном освещении, Изд-е седьмое, М., Учпедгиз, 1956.
- Поливанов Е. Д. По поводу „звуковых жестов“ японского языка, Сб. „Теория поэтического языка“, Петроград, 1916.

- Потебня А. А. Мысль и язык, Изд-е II, Харьков, 1892.
- Поцелуевский А. П. К вопросу о древнейшем типе звуковой речи, Ашхабад, Изд-е АН ТуркССР, 1947.
- „Птицы СССР“. Изд-во „Советская наука“, М., 1951, тт. I—IV.
- Радлов В. В. Опыт словаря турецких наречий, СПб., 1905, тт. I—IV.
- Радлов В. В. К вопросу об уйгурах, „Записки имп. АН“, т. 72, кн. XII, СПб., 1893.
- Рамстедт Г. И. Введение в алтайское языкознание, перевод с немецкого Л. С. Слоним, М., 1957.
- Рамстедт Г. И. Über onomatopoetische Wörter in den altaischen Sprachen, Journal de societe finno—ougrienne, vol 55, Helsinki, 1951.
- Сайфуллаев Р. Р., Убаева Ф. С. Сүз ясаш йўллари хақида, Бухоро, 1958.
- Сарыбаев Ш. Ш. Подражательные слова и их отношение к междометиям, „Изв. АН КазССР“, № 135, сер. филология и искусство-ведения, вып. I—II, 1954.
- Сарыбаев Ш. Ш. Междометия в казахском языке, Алма-Ата 1959.
- Сарыбаев Ш. Ш. Казақ тіліндегі елкітеш сөздер, Алматы, 1960.
- Сарыбаев Ш. Ш. О подражательных слов в толковом словаре, „Изв. АН КазССР“, серия филологии и искусствоведения, Алма-Ата, вып 11.
- Сахаров М. Изобразительные слова в коми языке, Советское финно-угроведение, т. IV, Ижевск, 1949.
- Севортиян Э. В. Языкознание в Узбекистане, „Вопросы языкознания“, № 5, 1952,
- Севортиян Э. В. Материалы по сравнительной фонетике турецкого, азербайджанского и узбекского литературных языков, „Исследование по сравнительной грамматике тюркских языков“, I, М., 1955.
- Спиркин А. Г. Происхождение языка и его роль в формировании мышления, Сб. „Мышление и язык“, М., 1957.
- Стрелков П. Г. Звукоподражательные междометия в языке А. П. Чехова, Сб. „Творчество А. П. Чехова“, М., 1956.
- Туна Осман Недим. (Tuna Osman Nedim). Turkecede tekrarlar, Istanbul Universitesi Edebiyat Dergisi, Istanbul, cilt III, № 3—4, 1949, cilt IV, № 1—2, 1950.
- Убрятова Е. И. Парные слова в якутском языке, Сб. „Язык и мышление“, т. XI, М.—Л., 1948.
- „Узбекско-русский словарь“, Госиздат иностранных и национальных словарей, М., 1960.
- Усманов А., Азизов В. Узбек тили грамматикаси, Тошкент, 1939.
- Усманов С. Междометие в современном узбекском языке, Ташкент, 1957.
- Успенский Л. У. Слово о словах, М., 1957.
- Фазылов М. С. Изобразительные слова в современном таджикском языке, „Изв. АН ТадССР“, отд. общ. наук, № 1, 1952.
- Фортунатов Ф. Ф. Сравнительное языкознание (Извлечение в хрестоматии по языкознанию XIX—XX в. в.), М., Учпедгиз, 1956.
- Харитонов Л. Н. Современный якутский язык, Якутск, Якгиз, 1947.
- Харитонов Л. Н. Типы глагольной основы в якутском языке, М.—Л., 1954.
- Харитонов Л. Н. Неизменяемые слова в якутском языке, Якутск, Госиздат ЯАССР, 1943.
- Харитонов Л. Н. О корнях звукоподражательных слов в якутском языке, „Доклады АН СССР“ Якутск, Якутский филиал, 1954.
- Худайкулиев М. Подражательные слова в туркменском языке, Л., 1958.

- Худайкулиев М. Подражательные слова в системе словообразования туркменского языка. „Труды института языка и литературы АН ТССР”, вып. II, Ашхабад, 1957.
- Худайкулиев М. Семантические группы подражательных слов в туркменском языке. „Изв. АН ТССР”, Ашхабад, № 4, 1958.
- Цыдендамбаев Ц. Б. Изобразительные слова в монгольских языках. Шарқшунослар XXV халқаро конгрессида қылған докладининг тезислари, Изд-во восточной литературы, М., 1960.
- Шагдаров Л. Ш. Изобразительные слова в бурят-монгольском языке, Л., 1956.
- Шагдаров Л. Ш. Изобразительные слова в бурят-монгольском языке, Сб. „Труды по филологии”, вып. 3, Улан-Удэ, 1958.
- Шахматов А. А. Синтаксис русского языка, Изд-е второе, Л., Учпедгиз, 1941.
- Юдахин К. К. Узбекско-русский словарь, Ташкент, 1927.
- Юнусалиев Б. М. Киргизская лексикология, часть I, (развитие корневых слов), Киргизучпедгиз, Фрунзе, 1959.
- Якоб Гримм. О происхождении языка, Берлин, 1864.
- Ястребский С. В. Грамматика якутского языка, Иркутск, 1900.
- Куришжанов Э. Қос создердин жазылуы, „Қазақ тили мен әдебиеті”, Алматы, 1959, № 3.
- Гуломов А. Ф. Ўзбек тилида сўз ясаш йўллари ҳақида, „Ўз ФА Тил адабиёт институти асарлари”, Тошкент, 1949.
- Гуломов А. Ф. Феъл, Тошкент, Ўз ФА нашиёти, 1954.
- Хасан Эрен (Hasan Eren). Onomatopeelere ait notlar, Turkyat masnusasi, Istanbul, Osman yalcin matbaasi, 1953, Cilt X, sahifa 55—58.
- Ҳожиев А. Ўзбек тилида қўшма, жуфт ва такрорий сўзлар, Т., 1963.
- Хоффман К (Hoffmann K). Wjederholende Onomatopoetica im Alttai-sche forschen, Zeitschrift fur indogermanistik und allgemeine sprachwissenschaft, 60, Heft 3, S. Berlin, 1952.

МУНДАРИЖА

Сўз баши ўрнида	1
Шартли қисқартмалар	4
Тасвирий сўзларнинг ўрганилиш тирихидан	5
Тасвирий сўзларнинг умумий характеристикаси	10
Тасвирий сўзларнинг баъзи бир лексик ва фонетик хусусиятлари .	36
Тасвирий сўзларнинг семантик классификацияси	64
Тасвирий сўзларнинг структураси	73
Тасвирий сўзларнинг ўзбек тили сўз ясаш системасидаги роли .	98
Тасвирий сўзларнинг синтактик функциялари	133
ХУЛССА	143
Ўзбек адабий тилида учрайдиган тасвирий сўзларнинг қичқача лу- гати	145
Адабиёт	149

Құнғуров Р.

Ўзбек тилида тасвирий сўзлар. Маеъул мұхар-

рир филол. фан. док. А. Ф. Гуломов, Т., „Фан“, 1966.

154 бет. ЎзССР Олий ва ўрта маҳсус таълим ми-

нистрлиги. А. Навоий намидаги Самарқаед Давлат

ун-ти).

Кунгурев Р. Изобразительные слова в современ-

ном узбекском языке.

4 Ўз

Издательство „Фан“ УзССР
Ташкент—1966

Мұхарир Р. Құчқортсөев
Техмұхарир З. П. Горьковая
Корректор Н. Рахимова

Теришгә берилди 8/IV-1965 й. Босишига рухсат этилди 16./XII-1966 й.
Көғози 60×90^{1/4} лі. 4,87 Қофоз л. 9,75. Босма л. Ҳисоб-наширёт л. 9,6
Наширёт № 22 65. Тиражи 1500. Баҳоси 73 т.

Область матбуот бошқармасининг Морозов номидаги босмахонаси.
Самарқанд. типография кўчаси, 4. 1966 й. РЧ 42179 Заказ 2748.
Наширёт адреси: Гоголь кўчаси, 70.